


IV 17/166 n

214

165



*De usu et fulgenti Maraspeide Laminis
et Conuscatu eius*

THEATRVM

PRINCIPVM

SANCTORVM

VETERIS ET NOVI

TESTAMENTI


Duobus libris distinctum.

finis? AVCTORE *Manassino*

CONSTANTIO PEREGRINO.



BRVXELLIS, 5
Apud IOANNEM MEEBECIVM 1627.



SERENISSIMÆ PRINCIPI

ISABELLÆ

CLARÆ EVGENIÆ

HISPANIARVM INFANTI

ARCHIDVCI AVSTRIÆ

CAROLI QVINTI CÆSARIS

TER OPT. TER MAX.

NEPTI

PHILIPPI SAPIENTIS

FILIÆ

PACIFICI

SORORI

VICTORIS

AMITÆ

BELGARVM PARENTI

PRVDENTIA ET CONSILIO

INCOMPARABILI HEROINÆ

TERRA ET MARI

Semper VICTRICI

Quia semper PIÆ

PRINCIPVM SANCTORVM
LEGIS ET GRATIÆ
THEATRVM
QVO IPSA
SPECTARI DIGNISSIMA
QVIA MAXIMA
QVIA OPTIMA
PERENNATVRÆ SVBMISSIONIS
CVLTV
QVO VULT ET DEBET

DICAT

Æternam cliens

IOANNES A MEERBEECK,
Bibliopola Bruxell.

AD
Lectorem

Neminem fugit, quam difficile sit in maxima licentia moderari, & cupiditatibus quasi frenos imponere, ubi enim licentia est, quisque sibi propriam vitam formam constituit, prout voluerit, sequiturque ut plurimum, quod maximè indolis & naturæ propensione conuenire putat. Hinc in Regibus & Principibus viris virtus quo rarior, eo gratior & pulchrior, quod horum plerique quicquid libet, sibi licere putant, ut dicebat Caracalla no-uerca. Quibus ergo non laudibus efferendus in Regibus & Principibus animus voluptatum & deliciarum contemptor. Cum enim à contrarijs ad contraria difficilior sit via: non potest non summa laude affici Princeps, qui voluptatibus & delitijs à prima ætate innutritus, eisdem valedicit, & ad summæ perfectionis apicem adspirat. Felices ergo Principes, qui laxiore vita abiecta, quàm maior pars amplectitur, & tetrico, ut plerisque videtur, Christiana philosophia tramite electo

electo difficilius vita genus amplectuntur, terrenisq; habentis vilipensis caelestes meditantur, Deoque servire, quod regnare est, satagunt. Producentur in hoc theatrum aliquot sancti Principes, tam veteris, quam nouae legis, qui reliquos virtute & ad eius normam vita instituta praecluserunt, qui alios exemplo & facto doceant, & sceptris Christianas virtutes conuenire, licet aliud docere nitantur huius aui homines impij & athei, qui solius imperij ratione habita Deum & religionem Principi postponendam dicitant. Quos vel ethnicis deteriores bono iure dixerim, nam teste Valerio Maximo tantum studium antiquis Romanis non solum seruanda sed etiam amplificanda religionis fuit, ut è florentissima & opulentissima ciuitate decem Principum filij senatusconsulto singulis Etruriae populis percipienda sacrorum disciplina gratia traderentur. Nam ubi religio & pietas est, locum habent bonae leges ac bona disciplina, ex quibus fortunati & felices rerum euentus, in expeditionibus praesertim bellicis, nascuntur. Sicut econtra etiam sublata religione, corrumpere remp. oportet, quoniam
sub-

sublato Dei timore sequitur impietas & imperio-
rum ruina. Huc accedit, quod Princeps lex viva
sit populi, ad cuius exemplum totus orbis compo-
nitur. Vnde certum omnem bene institutarum
ciuitatum laudem & omnem scelerum repre-
hensionem nemini magis, quam Principibus de-
beri. Vulgus enim & subdita gentes plerumque
Principum virtutes ac vitia imitantur, praefer-
tim si illa publica sint, cum illud, quod publicè fit,
à Principibus iure fieri putent.

Ne plures productos querere Lector, solum
hic specimen sanctorum Principum exhibere
propositum fuit, ut discas quid boni sanctitas
reip. adferat. Theatrum enim est, in quo actiones
imitanda proponuntur, non omnes recensentur.
Vale & fruiere.

INDEX PRINCIPVM SANCTORVM VETERIS TESTAMENTI

Vita Sancti Ioseph. Patriarchæ Principis Egypti. fol.	1.
Vita Sancti Moylis, primi Ducis Hebræorum.	17.
Vita Sancti Iotue Secundi Ducis Hebræorum.	35.
Vita Sancti David Regis Hebræorum.	47.
Vita Sancti Ezechie Regis Hebræorum.	73.
Vita Sancti Iosiaz Regis Hebræorum.	81.
Vita Sancti Iosaphat Regis Hebræorum.	85.
Vita Sancti Iudæ Machabæi Summi Sacerdotis & Principis Hebræorum.	91.

APPROBATIO CENSORIS

Theatrum hoc Principum Sanctorum Veteris Testamenti ex ipso sacro textu pro maiore sui parte desumptum, Speculum est in quo virtutum variarum exempla Principes Christiani videant & imitari discant. Quocirca, prælo dignum censio. Aëlium Bruxellis 16. Septemb. 1626.

IOANNES BAPTISTA STRATIUS,

• Librorum Censor.

V I T A

E T

V I R T V T E S

S A N C T I

I O S E P H, P A T R I A R C H Æ.

RIMVS omnium, qui inter cultores veri ^{Ioseph;}
Dei, Principatum temporalem adeptus est, ^{Patriar-}
^{cha.} Ioseph, Iacobi, Patriarchæ, filius fuit.
Priores enim patres ab Adamo vsque ad
Iosephum, vel agrorum cultores fuerunt; vt Cain: ^{Gen. 4.} *¶*
Cain agricola. Factum est autem post multos dies, vt offerret
Cain de fructibus terræ munera Domino. Et Noë: ^{Gen. 9.} *¶*
Noë, vir agricola, exercere terram, *¶* plantauit vineam.

Vel ouium pastores; vt Abel: fuit autem Abel pastor ^{Gen. 4.}
ouium. & Abraham: fide demoratus est in terra repromi- ^{Heb. 11.}
ssionis, tanquam in aliena, in casulis habitando, cum Isaac, ^{Gen. 15.}
¶ Iacob, coheredibus repromissionis eiusdem. Et cæteri
Patriarchæ, qui sine dubio artem regendi populos non
attigerunt. S. Gregorius, lib. 24. Moral. cap. 10. inquit,

A

quod

quod antiqui patres nostri, non tam Reges hominum, quam pastores pecorum fuisse memorantur.

Ioseph autem, regnum Ægypti, ipso Pharaone Rege potestatem suam illi tradente, administravit: Dixit rur-
Gen. 41. sus Pharaō ad Ioseph: Ecce constitui te super uniuersam ter-
ram Ægypti. Tulitq; annulum de manu sua, & dedit eum in
manu eius: Vestiuitq; eum stola byssina, & collo torquem
auream circumposuit. Fecitq; eum ascendere super currum
suum secundum, clamante pracone, ut omnes coram eo ge-
nu flecterent, & prepositum esse scirent uniuerse terra
Ægypti.

Et quoniam Pharaō potestatem suam omnem cum
Iosepho communicauerat non ad tempus, ut cum Præ-
fectis fieri solet, sed per omnem vitam, idcō Dauid de
Psal. 104 eo cecinit: Constituit eum dominum domus sue: & princi-
pem omnis possessionis sue. Et Philo, Hebræorum docti-
ssimus, lib. de vita Ioseph, scribit, Iosephum à Pharaone
creatum fuisse proregem, vel potius Regem totius
Ægypti: quia videlicet potestatem absolutam, & planè
regiam, cum Ioseph Pharaō communicauerat.

Huius igitur primi Principis vitam, magnis virtutibus plenam & planè dignissimam, velut in exemplar mo-
rum, Principes omnes intueantur. Descriptam eam ha-
bemus, primò à Moyse, in libro Genesis, deinde à Phi-
lone, Hebræo, postremo à S. Ambrosio. Itaque virtu-
tes solum huius præclarissimæ viri Principibus inspecien-
das; & imitandas proponam.

Innocen
tiæ VIII,

Prima, ac penè singularis Iosephi nostri virtus,

Innocen-

Innocentia vitæ, & morum fuit. Vixit annos centum & decem: Mortuus est, expletis centum decem vitæ sue annis. Gen. 30.
 Ex quibus primos sexdecim in domo paterna consumpsit: Israel autem diligebat Ioseph super omnes filios suos, eò Gen. 37
 quod in senectute genuisset eum: fecitq; ei tunicam polymitam.

Quatuordecim sequentes in summis angustijs, ærumnis, & carceribus duxit.

His auditis dominus, & nimium credulus verbis coniu- Gen. 39
gis, iratus est valdè: tradiditq; Ioseph in carcerem, ubi
vincti regis custodiebantur, & erat ibi clausus.

Reliquos octoginta in summa potestate, & affluentia bonorum omnium, ac prosperitate tranlegit: *Nunciate, inquit, patri meo uniuersam gloriam meam, &* Gen. 45
cuncta, que vidistis in Ægypto: festinate, & adducite eum ad me.

In tam longo tempore, & tanta rerum varietate, neque ærumnæ illum ad impatientiam, neque felicitas ad dissolutionem, vel superbiam adducere potuit. Id quod ex eo manifestè potest intelligi, quod *Scriptura diuina* nullum omninò crimen *S. Iosephi* vsquam indicat; virtutes plurimas, & maximas vbique prædicat.

Neque responderi rectè potest, non idèò *Iosephum* expertem omnis criminis vixisse, quia *Scriptura sancta* nullum eius crimen detexit. Spiritus enim sanctus in *Scripturis* suis, neque adulatur improbis, neque iustis peccantibus parcit; & vbique tam bona, quam mala opera detegit; vt *S. Gregorius*, in principio lib. 2. *Moral.* docet. Hinc non solum *Davidis*, Prophetæ sancti,

adulterium, & homicidium apertè describit: *Hec dicit
 1. Reg. Dominus Deus Israel: Vriam Hethæum percussisti gladio,
 12. & uxorem illius accepisti in uxorem tibi, & interfecisti
 eum gladio filiorum Ammon; sed etiam Saulis reprobi
 7. Reg. virtutes, quibus initio regni sui floruit, non minùs di-
 13. lucidè enarrauit: Filius unius anni erat Saul, cum regnare
 cœpisset, duobus annis regnavit super Israel.*

Et quemadmodum S. Petri fidem, & charitatem in
 Christum eximiam prædicauit.

*Math. Respondens autem Petrus, ait illi: Et si omnes scandali-
 26. zati fuerint in te, ego numquam scandalizabor. Ait illi Iesus:
 Amen dico tibi, quia in hac nocte, antequam gallus cantet,
 ter me negabis. Ait illi Petrus: Etiam si oportuerit me mori
 tecum, non te negabo. Sic etiam negationem trinam cum
 1. Ibid. iuramento minimè tacuit: Petrus verò sedebat foris in
 atrio: & accessit ad eum una ancilla dicens: Et tu cum
 Iesu Galileo eras. At ille negauit coram omnibus, dicens:
 Nescio, quid dicis. Exeunte autem illo iuratum, vidit eum
 alia ancilla, & ait his, qui erant ibi: Et hic erat cum Iesu
 Nazareno. Et iterum negauit cum iuramento: Quia non
 noui hominem. Et post puillum accesserunt, qui stabant, &
 dixerunt Petro: Verè & tu ex illis es: nam & loquela tua
 manifestum te facit. Tunc cepit detestari, & iurare, quia
 non nouisset hominem.*

Igitur cùm veridica, & liberrima Spiritus sancti vox,
 peccata filiorum Iacob in medium protulerit, vt ince-
 1. Gen. 34. stum Ruben: Cùm s. habitaret in illa regione, abiit Ruben,
 & dormiuit cū Bala, concubina patris sui: quod illum minimè
 latuit.

latuit. Crudelitatem Simeonis & Leui : Et ecce die tertio, Gen. 34.
 quando grauissimus vulnerum dolor est : arreptis, duo filij
 Iacob, Simeon & Leui, fratres Dinæ, gladijs, ingressi sunt
 urbem confidenter : interfectisq; omnibus masculis, Hemor, &
 Sichem pariter necauerunt, tollentes Dinam de domo Sichem,
 sororem suam.

Fornicationem Iudæ : Ecce autem post tres menses : Gen. 38.
 nunciauerunt Iudæ, dicentes : Fornicata est Thamar, ni-
 rius tua, & videtur uterus illius intumescere. Dixitq;
 Iudæ : Producite eam, ut comburatur. Quæ cum ducere-
 tur ad pœnam, misit ad socerum suum, dicens : De viro,
 cuius hæc sunt, concepî, cognosce, cuius sit annulus, & armilla,
 & baculus.

Odium filiorum Iacob in ipsum innocentem fra-
 trem eorum Iosèph : Videntes autem fratres eius, quid à Gen. 37.
 patre plus cunctis filijs amaretur, oderant eum, nec poterant
 ei quidquam pacificè loqui. Certè si Iosèph ipse in aliquo
 deliquisset, Spiritus sanctus in sua Scriptura id minimè
 tacuisset.

Neque sola Innocentia, quæ declinat à malo, in
 Iosèpho fuit, sed etiam reliquæ virtutes, quæ faciunt bona.
 Porrò virtutes primariæ sunt Prudentia, Iustitia, Tem-
 perantia, Fortitudo.

Prudentia, non humana solùm, sed etiam diuina, Pruden-
tia Iosèph.
 in Iosèpho apertè refulsit; atque eam ob causam poti-
 ssimam à Pharaone super omnes homines iudicatus
 est dignus, qui regnum administraret : Placuit Pha- Gen. 41.
 raron consilium, & cunctis ministris eius : locutusq;

est ad eos : Num inuenire poterimus talem virum , qui spiritu Dei plenus sit ? Dixit ergo ad Ioseph : Quia ostendit tibi Deus omnia , quæ locutus es , numquid sapientio rem , & con- similem tui inuenire potero ? Tu eris super domum meam , & ad tui oris imperium cunctus populus obediet : Uno tantum regni folio te precedam.

Nam cum ex diuina illustratione , somnia Regis , diuinitus immissa de septem spicis plenis & septem tenuibus ; & septem vaccis pinguibus & septem macilentis , interpretatus fuisset , illis significari septem annos fertilitatis eximiae , & septem annos inauditæ sterilitatis , adiecit etiam prudentissimum consilium , quo fieret ut sterilitas futura non solum regis Ægypti ærarium non minueret , sed incredibiliter augetet ; rectissimè rex iudicauit , neminem esse in toto regno suo , qui prudentia , & sapientia Iosephum anteciret. Neque regem fefellit opinio , de prudentia Iosephi concepta. Nam regnum illud , Iosepho viuente , per annos circiter octoginta , maximè floruit.

Ibid.

Respondit Ioseph . Somnium regis unum est : quæ factururus est Deus , ostendit Pharaoni. Septem boues pulchræ , & septem spicæ plenæ , septem ubertatis anni sunt : eandemq; vim somnij comprehendunt. Septem quoque boues tenues , atque macilentæ , quæ ascenderunt post eas ; & septem spicæ tenues , & vento vrente percussæ ; septem anni venturæ sunt famis. Qui hoc ordine complebuntur. Ecce septem anni venient fertilitatis magnæ in vniuersa terra Ægypti : quos sequentur septem anni alij tantæ sterilitatis , ut obliti quæ tradatur cuncta retro abundantia : consumptura est enim fames

fames omnem terram, & ubertatis magnitudinem perditura est inopia magnitudo. Et nox, Nunc ergo provideat rex virum sapientem, & industrium, & præficiat eum terræ Aegypti: Qui constituat præpositos per cunctas regiones: & quantam partem fructuum per septem annos fertilitatis, qui iam nunc futuri sunt, congreget in horrea: & omne frumentum sub Pharaonis potestate condatur, serueturq; in urbibus. Et præparetur futura septem annorum fami, quæ oppressura est Aegyptum, & non consumetur terra inopia.

Secunda virtus principalis, Iustitia est, quæ Fidelitas dicitur in Scripturis: eaque cum Prudentia copulata, efficit absolutum, perfectumque Præfectum, siue domus, siue civitatis, siue regni.

Iustitia
Ioseph.

Quis, putas, est fidelis servus, & prudens, quem constituit dominus super familiam suam?

Matth.
24.

Hec Fidelitas, cum Prudentia coniuncta, sic in Ioseph nostro eminuit, ut ubicumque esset, mox in Præfectum eligeretur.

Igitur Ioseph ductus est in Aegyptum, emitq; eum Putiphar, eunuchus Pharaonis, Princeps exercitus, vir Aegyptius, de manu Ismaelitarum, à quibus perductus erat. Invenitq; Ioseph gratiam coram domino suo, & ministrabat ei, à quo præpositus omnibus, gubernabat creditam sibi domum, & universa, quæ ei tradita fuerant.

Gen. 39.

Missus postea fuit in carcerem, ubi vincti regis custodiebantur, & erat ibi clausus. Fuit autem Dominus cum Ioseph, & misertus illius, dedit ei gratiam in conspectu principis carceris. Qui tradidit in manu illius universos vinctos, qui in

qui in custodia tenebantur : & quidquid fiebat , sub ipso erat.

Denique , in ipsa veri regni administratione ita prudenter , & fideliter se gessit , ut usque ad mortem , cum laude magna , toti regno præsuerit. *Fidelitas* enim , siue *Iustitia* in eo potissimum apparuit , ut obseruauit etiam Philo , in eius *vita* , quod , cum ex *venditione frumenti* , cumulum immensum pecuniarum collegisset , nihil omnino sibi retinuit , sed intulit *omnem* illam pecuniam in *erarium Regis*. In toto enim orbe panis deerat , & oppresserat fames terram , maximè *Ægypti* , & *Chanaan*. E quibus omnem pecuniam congregauit pro *venditione frumenti* , & intulit eam in *erarium regis*.

Rursum cum patrem suum , & filios , ac nepotes eius usque ad numerum septuaginta hominum , in *Ægyptum* vocasset ; non eos ditauit ex bonis regis , quæ in manu eius erant omnia ; sed fecit eos *pastores armentorum* , ut ex labore proprio , non ex alienis bonis ditescerent. At ille locutus est ad fratres suos , & ad omnem domum patris sui : *Ascendam* , & *nunciabo Pharaoni* , dicamq̃ ei : *Fratres mei* , & *domus patris mei* , qui erant in terra *Chanaan* , *venerunt ad me* : & *sunt viri pastores ouium* , curamq̃ habent alendorum gregum : *pecora sua* , & *armenta* , & *omnia* , que habere potuerunt , adduxerunt secum. Cumq̃ *vocauerit vos* , & *dixerit* : *Quod est opus vestrum ? Respondebitis* : *Viri pastores sumus serui tui* , ab *infantia nostra usque in præsens* , & *nos* , & *patres nostri*. *Hec autem dicetis* , ut *habitare possitis in terræ Gessen* : quia detestantur *Ægyptij omnes pastores ouium*.

Tertia virtus, *Temperantia* non minùs in *Ioseph* ^{Tempe-}
fulsit. Testari id potuisset *Uxor Putipharis*, si splendo-^{rantia}
rem continentiae impudica mulier adamare potuisset. *Ioseph*.

Erat autem *Ioseph* pulchra facie, & decorus aspectu. ^{Gen, 39}
Post multos itaque dies iniecit domina sua oculos suos in ⁴¹
Ioseph, & ait: Dormi mecum. Qui nequaquam acquiescens
operi nefario, dixit ad eam: Ecce dominus meus, omnibus
mihi traditis, ignorat, quid habeat in domo sua: nec quid-
quam est, quod non in mea sit potestate vel non tradiderit
mihi, præter te, quæ *Uxor* eius es: quo modo ergo possum
hoc malum facere, & peccare in Deum meum? Huiusmodi
verbis per singulos dies, & mulier molesta erat adolescenti,
& ille recusabat stuprum. Accidit autem quadam die, ut
intraret *Ioseph* domum, & operis quippiam absque arbitris
faceret: & illa apprehensa lacinia vestimenti eius, diceret:
Dormi mecum. Qui relicto in manu eius pallio fugit, & egre-
ssus est foras. Cumq; videret mulier vestem in manibus suis,
& se esse contemptam, vocavit ad se homines domus suæ, &
ait ad eos: En introduxit virum Hebræum, ut illuderet
nobis: ingressus est ad me, ut coiret mecum: cumq; ego suc-
clamasset, & audisset vocem meam, reliquit pallium, quod
tenebam, & fugit foras.

Scribit enim *Iosephus*, lib. 2. *Antiquit.* procacem
illam feminam adolescenti prædixisse, se apud mari-
tum, illum accusaturam, quod ipsi vim adferre volui-
set & pallium eius, in signum fugæ, demonstraturam:
proinde aut amoris eius cum voluptate obsequeretur;
aut odium & pœnas gravissimas expectaret. Sed vicit in

castissimo pectore innocentiae amor, vicit Dei timor, vicit *Iustitia*, & fides omnia blandimenta, & omnia tormenta, & ipsum etiam crudelissimae mortis impendens discrimen.

Ibid. His auditis dominus, & nimium credulus verbis coniugis; iratus est valdè: tradiditq; Ioseph in carcerem, ubi vincti regis custodiebantur; & erat ibi clausus.

O quantum distant mores huius castissimi iuvenis à moribus multorum Principum, qui nullam speciosam feminam vident, quam non concupiscant, & ad eam rapiendam potestate imperij abutantur. Testis sit *Gen. 12.* Abraham: Cum itaq; ingressus est Abram Aegyptum, viderunt Aegyptij mulierem, quod esset pulchra nimis. Et nunciaverunt Principes Pharaoni, & laudaverunt eam apud illum: & sublata est mulier in domum Pharaonis.

Testis quoque Maxentius Imp. qui Matronas, etiam nobilissimas, vi rapiebat à maritis, easque vi oppressas, & violatas, maritis remittebat; ut auctor est Eusebius, lib. 1. cap. 27. *Vit. Constantin.*

Iosephus autem noster, sicut in flore iuuentutis, seniles mores induit, & procacis dominae blandos contempsit amplexus, etiam cum vitae periculo; sic in omni vita, unica vxore, quam ei rex ipse dedit, omninò contentus, exemplum pudicitiae omnibus populis, quos regebat, fuit; nec solum praesentibus, sed etiam futuris.

Gen. 41. Dedit illi uxorem, *Aseneth*, filiam *Putiphare*, sacerdotis *Heliopoleos*.

Porro *fortitudo*, & *Patientia*, quæ est quarta virtus Cardinalis, in *Iosepho* nostro sic fuit, ut prorsus sit admirabile. Primum sine vlla causa, nisi quod à patre plus cunctis filiis amaretur, ob suam innocentiam, à proprijs fratribus in cisternam proiectus est, ut fame necaretur. Qui cum vidissent eum procul, antequam accederet ad eos, cogitauerunt illum occidere: & mutuo loquebantur: Ecce somniator venit: Venite, occidamus eum, & mittamus in cisternam veterem: dicemusque: fera pessima denorauit eum: & tunc apparebit, quid illi prosint somnia sua. Audiens autem hoc *Ruben*, nitebatur liberare eum de manibus eorum, & dicebat: Non interficiatis animam eius, nec effundatis sanguinem: sed projicite eum in cisternam hanc, quæ est in solitudine, manusque vestras seruate innoxias: hoc autem dicebat, volens eripere eum de manibus eorum, & reddere patri suo. Confestim igitur, ut peruenit ad fratres suos, nudauerunt eum tunica talari, & polymita: miseruntque eum in cisternam veterem, quæ non habebat aquam.

Fortitudo
do Ioseph.
Gen. 37;

Deinde venditus *Madianitis*, & in *Ægyptum* delatus est: Et prætereuntibus *Madianitis* negotiatoribus, extrahentes eum de cisterna, vendiderunt eum *Ismaelitis* viginti argenteis: qui duxerunt eum in *Ægyptum*. *Madianitæ* vendiderunt *Ioseph* in *Ægypto* *Putiphari*, eunucho *Pharaonis*, magistro militum. Vbi iniustissimè in carcerem detrusus est.

Omnes illas calamitates tam forti animo tulit, ut neque de fratribus quereretur, neque *Madianitas* obiurgaret, neque mulieri, qui vinculorum eius causa fuerat,

malediceret. Sed quod omnem admirationem superat, illud est, quod *fratribus*, qui in eum crudelissimi, & quasi latrones, & homicidæ fuerant, reddidit bona pro malis, excusauit peccatum eorum, ad complexum, & osculum eos admisit, conuiuio illos excepit, aluit eos in fame tam diuturna, in *Ægypto* optimum terræ locum illis attribuit; deniq; bonis omnibus locupletauit:

Gen. 45. *Et dixit fratribus suis: Ego sum Ioseph: adhuc pater meus uiuit? Non poterant respondere fratres, nimio terrore perterriti. Ad quos ille clementer: Accedite, inquit, ad me. Et cum accessissent propè, Ego sum, ait: Ioseph, frater vester, quem vendidistis in Ægyptum. Nolite pauere, neque vobis durum esse videatur, quod vendidistis me in his regionibus: pro salute enim vestra misit me Deus ante vos in Ægyptum. Biennium enim est, quod cœpit fames esse in terra: & adhuc quinque anni restant, quibus nec arari poterit, nec meti. Præmisit, inquit, me Deus, ut reseruemini super terram, & escas ad viuendum habere possitis. Non vestro consilio, sed Dei voluntate huc missus sum: qui fecit me, quasi patrem Pharaonis, & dominum vniuersæ domus eius, & principem in omni terra Ægypti. Festinate, & ascendite ad patrem meum, & dicetis ei: Hæc mandat filius tuus Ioseph. Deus fecit me dominum vniuersæ terræ Ægypti: descende ad me, ne moreris, & habitabis in terra Gessen: erisq; iuxta me tu, & filij tui, & filij filiorum tuorum, oves tue, & armenta tua, & vniuersa, quæ possides. Ibiq; teipascam, (adhuc enim quinque anni residui sunt famis) ne & tu pereas, & domus tua, & omnia, quæ possides. En oculi vestri, & oculi fratris*

fratris mei, Benjamin, vident: quod os meum loquatur ad vos. Nunciate patri meo universam gloriam meam, & cuncta, quæ vidistis in Ægypto: festinate; & adducite eum ad me. Cumq; amplexatus recidisset in collum Benjamin fratris sui, fleuit: illo quoque similiter flente super collum eius. Oscularusq; est Ioseph omnes fratres suos, & ploravit super singulos: post quæ ausi sunt loqui ad eum.

Quid, quæto, sanctissimus ille Princeps fecisset, si Christum, Dei filium, in terris concionantem, & signis, ac prodigijs coruscantem vidisset? Et conuersus ad Luc. 10. discipulos suos, dixit: Beati oculi, qui vident, quæ vos videtis. Dico enim vobis, quod multi Prophetæ, & Reges voluerunt videre, quæ vos videtis, & non viderunt; & audire, quæ auditis, & non audierunt.

Vtinam Spiritui sancto placuisset, per Moysen, sanctum Prophetam, huius sapientissimi, atque optimi Principis res omnes gestas, in illa tam longa octoginta annorum gubernatione describi! Plura enim in eius vita Principes Christiani de ratione regni benè administrandi didicissent, quàm ex omnibus Platonis, vel Aristotelis, aut Plutarchi, & Senecæ libris discere possent. Sed quod per partes Scriptura diuina non tradidit, compendio dixit, cum perfectam Charitatem, quæ vsque ad inimicos extenditur, in Iosepho fuisse non tantum.

Charitas patiens est, benigna est: Charitas non annullatur, non agit perperam, non inflatur, non est ambitiosa, 1. Cor. 13 non querit, quæ sua sunt, non irritatur, non cogitat malum,

non gaudet super iniquitate, congaudet autem veritati: omnia suffert, omnia credit, omnia sperat, omnia sustinet.

Rom. 13. *Alibi: Nemini quidquam debeatis, nisi ut invicem diligatis: qui enim diligit proximum, legem implevit. Nam:*

Exod. 10. *Non adulterabis: Non occides: Non furaberis: Non*

Deut. 5. *falsum testimonium dices: Non concupisces: & si quod est*

Levit. 19. *aliud mandatum, in hoc verbo insinuat: Diliges proximum tuum, sicut teipsum. Dilectio proximi malum non operatur. Plenitudo ergo legis est dilectio.*

Quàm ardentem autem sanctus Ioseph inimicos suos dilexerit, verba eius prædicta testantur, cum primum Fratribus suis aperuit, se esse, quem vendiderant.

Gen 45. *Sed postquam mortuus est Iacob, parens omnium il-*

Gen 50. *lorum, timentes fratres eius, & mutuo colloquentes:*

Ne fortè memor sit iniurie, quam passus est, & reddat nobis omne malum, quod fecimus, mandauerunt, ei dicentes: Pater tuus præcepit nobis, antequam moreretur, ut hæc tibi verbis illius diceremus: Obsecro, ut obliuiscaris sceleris fratrum tuorum, & peccati, atque malitiæ, quam exercuerunt in te: nos quoque oramus, ut seruis Dei patris tui dimittas iniquitatem hanc.

Quibus auditis, fleuit Ioseph. Veneruntq; ad eum fratres sui: & proni adorantes in terram, dixerunt: Serui tui sumus. Quibus ille respondit: Nolite timere: num Dei possumus resistere voluntati? Vos cogitastis de me malum: sed Deus vertit illud in bonum, ut exaltaret me, sicut in præsentiarum cernitis, & saluos faceret multos

multos populos. Nolite timere : ego pascam vos , & paruulos vestros , consolatus est eos , & blandè , ac leniter locutus est.

Demum cum ad finem vitæ peruenisset , vidit ^{ibid.}
 Ephraim filios usque ad tertiam generationem. Filij quo- ^{Num. 32}
 que Machir , filij Manasse , nati sunt in genibus Ioseph.
 Quibus transactis , locutus est fratribus suis : Post mor- ^{Heb. 11}
 tem meam Deus visitabit vos , & ascendere vos faciet de
 terra ista ad terram , quam iuravit Abraham , Isaac ,
 & Iacob. Cumque adiurasset eos , atque dixisset :
 Deus visitabit vos : asportate ossa mea vobi- ^{Exod. 13}
 scum de loco isto : mortuus est , expletis cen-
 tum decem vitæ sue annis. Et con- ^{Iosu. 24}
 ditus aromatibus , repositus est
 in loculo in Ægypto.

V I T A

1791
1792
1793
1794
1795
1796
1797
1798
1799
1800

1801
1802
1803
1804
1805
1806
1807
1808
1809
1810

1811
1812
1813
1814
1815
1816
1817
1818
1819
1820

1821
1822
1823
1824
1825
1826
1827
1828
1829
1830

1831
1832
1833
1834
1835
1836
1837
1838
1839
1840

1841
1842
1843
1844
1845
1846
1847
1848
1849
1850

1851
1852
1853
1854
1855
1856
1857
1858
1859
1860

1861
1862
1863
1864
1865
1866
1867
1868
1869
1870

1871
1872
1873
1874
1875
1876
1877
1878
1879
1880

V I T A

E T

V I R T V T E S

S A N C T I

M O Y S I S,

P R I M I

H E B R Æ O R V M

D V C I S.



MOYSES, primus fuit Hebræorum Princeps, quem Philo Iudæus, in *extremo libro, de vita Moyfis*, iure vocat *Regem, legiflatorem, Pontificem, & Prophetam*. Res eius geste in quatuor sacris libris, Exodo, Leuitico, Numeris, & Deuteronomio continentur. Ex quibus Philo Iudæus accepit, quæ scripsit in *tribus libris, de vita Moyfis*, & Gregorius Nyssenus, quæ item *libris* mandauit *de vita Moyfis, ac vita perfecta*. Nos breuitati studentes, virtutes *Moyfis*, quas Principes Christiani imitari possint, ac debeant, si Deo placere velint, breuiter percurramus.

C

Igitur

Igitur Moyses ex nepotibus *Leui*, quintus à Patriarcha *Iacob*, natus est in *Aegypto*, quo tempore, iussu *Pharaonis*, regis, masculi Hebræorum vix nati suffocabantur: Dixit autem rex *Aegypti* obstetricibus Hebræorum: quarum una vocabatur *Sephora*, altera *Phua*, præcipiens eis: Quando obstetricabitis Hebræis, & partus tempus aduenerit: si masculus fuerit, interficite eum: si femina, reseruate.

Adoptatur in Regem. Exod. 2.

Sed providentia Dei factum est, ut mater *Moyfis*, videns eum elegantem, absconderit tribus mensibus. Cumque in cellare non posset, sumpsit fiscellam scirpeam, & liniuit eam bitumine ac pice: posuitque intus infantulum, & exposuit eum in cærecto ripæ fluminis, stante procul sorore eius, & considerante euentum rei. Ecce autem descendebat filia *Pharaonis*, ut lauaretur in flumine: & puellæ eius gradiebantur per crepidinem aluei. Quæ cum vidisset fiscellam in papyrione, misit unam è famulabus suis: & ablatam aperiens, cernensque in ea paruulum vagientem, misertæ eius, ait: De infantibus Hebræorum est hic. Cui soror pueri: Vis, inquit, ut vadam, & vocem tibi matrem Hebræam, quæ nutrire possit infantulum? Respondit: Vade. Porrexit puella, & vocauit matrem suam. Ad quam locuta filia *Pharaonis*: Accipe, ait, puerum istum, & nutri mihi: ego dabo tibi mercedem tuam. Suscepit mulier, & nutriuit puerum: adultumque tradidit filie *Pharaonis*. Quem illa adoptauit in locum filij, vocauitque nomen eius, *Moyfes*, dicens: Quia de aqua tuli eum.

Heb. 11.

At fide *Moyfes*, grandis factus, negauit se esse filium filie

filiae Pharaonis, magis eligens affligi cum populo Dei, quam temporalis peccati habere iucunditatem, maiores diuitias aestimans thesauro Aegyptiorum, improprium Christi: aspiciebat enim in remunerationem. Exod. 1.

Atque hic iam incipit prima, eaque nobilissima Fides eius.
Moyſis, virtus, nempe fides. Nam, vt tradit Philo, in vita Moyſis, filia Pharaonis, quæ Moyſem adoptauit in filium, vnica erat regni heres: & Moyſes in ſpem regni educabatur: atque ea de cauſa, eruditus eſt Moyſes omni ſapientia Aegyptiorum; neque modico tempore in aula Regis manſit, vt heres regni futurus: Cum autem impleretur ei quadraginta annorum tempus, aſcendit in cor eius, vt viſitaret fratres ſuos, filios Iſrael. Nam cognoſcens, ſe verè Iſraelitam eſſe, & vnum ex populo Dei, quamuis eo tempore in magnis angultijs poſito, apertè negauit, ſe eſſe filium filiae Pharaonis; & ex palatio regis abſcedens, maluit in vera religione manens, affligi cum populo Dei, quam temporalis peccati habere iucunditatem. id eſt, cum idola colentibus, & ſanctos perſequentibus, frui omni temporali iucunditate: neq; inſipienter egit, maiores diuitias æſtimans theſauro Aegyptiorum, impropriū Chriſti, id eſt, impropriū illi ſimile, quod poſtea pettulit Chriſtus, aſpiciebat enim in remunerationem, id eſt, ſapienter cogitabat Moyſes, iam tunc Spiritu ſancto cor eius illuſtrante, tribulationes, pro vera religione ſulceptas, adſetre fidelibus patientibus gloriam, diuitias, & gaudia ſempiterna. Exiſtimo enim, quòd non ſunt condignæ paſſiones huius temporis ad futuram gloriam, quæ reuelabitur in nobis. Aa. 7.
Ioan. 1.
Hcb. 11.
Rom. 8.

Adde, quòd *Moyſes*, contemnens theſaurum *Aegyptiorum*, & gloriam regni *Pharaonis*; non ſolùm adeptus eſt gloriam regni cælorum in ſæculo futuro: ſed hic etiam in terris factus eſt Princeps populi Dei, & ipſo Deo opem ſerente, de ipſo *Pharaone*, & omni exercitu eius glorioſiſſimè triumphauit. Cumq; extendiſſet *Moyſes* manum contra mare, reuerſum eſt primo deluculo ad priorem locum: Fugientibuſq; *Aegyptijs* occurrerunt aque, & inuoluit eos Dominus in medijs fluctibus. Reuerſe q; ſunt aque, & operuerunt currus, & equites cuncti exercitus *Pharaonis*, qui ſequentes ingreſſi fuerant mare: nec unus quidem ſuperſuit ex eis. Et viderunt *Aegyptios* mortuos ſuper littus maris, & manum magnam, quam exercuerat Dominus contra eos: timuit q; populus Dominum, & crediderunt Domino, & *Moyſi* ſeruo eius.

Humili-
tas *Moy-
ſis*.

Secunda virtus *Moyſis* fuit humilitas eximia, ob quam non ſolùm non affectauit regnum, aut præſecturam ullam; ſed à Deo vocatus ad regimen, & principatum populi, multis, variſq; rationibus, conatus eſt effugere onus imperij: Dixit *Moyſes* ad Deum: Quis ſum ego, ut vadam ad *Pharaonem*, & educam filios *Iſrael* de *Aegypto*? Qui dixit ei: Ego ero tecum: & hoc habebis ſignum, quod miſerim te: Cum eduixeris populum meum de *Aegypto*, immolabis Deo ſuper montem *ſilum*.

Exod. 4. Reſpondens *Moyſes* ait: Non credent mihi, neque audient vocem meam, ſed dicent: Non apparuit tibi Dominus. Dixit ergo ad eum: Quid eſt, quod tenes in manu tua? Reſpondit: Virga. Dixit q; Dominus: Projice eam in terram. Projecit

Proiecit, & versa est in colubrum, ita ut fugeres Moyses, &c.

Ait Moyses: Obsecro, Domine, non sum eloquens ab heri, & nudius tertius: & ex quo locutus es ad seruum tuum, impeditoris, & tardioris lingue sum. Dixit Dominus ad eum: Quis fecit os hominis? aut quis fabricatus est mutum, & surdum, videntem, & cæcum: nonne ego? Perge igitur, & ego ero in ore tuo: doceboq; te, quid loquaris. At ille: Obsecro, inquit Domine, mitte, quem missurus es. Iratus Dominus in Moysen, ait: Aaron, frater tuus Levites, scio, quid eloquens sit: Ecce ipse egredietur in occursum tuum, videntisq; te, letabitur corde. Loquere ad eum, & pone verba mea in ore illius, & ostendam vobis, quid agere debeatis.

Et certè non poterat excusare ætatem: erat enim annorum plus quadraginta: Neque imperitiam, cum aa. 71 esset eruditus omni sapientia Egyptiorum, & in regno educatus. Neque debilitatem virium: nam paulò ante defenderat solus puellas soceri sui aduersus pastorum multitudinem: Erant autem sacerdoti Madian septem filie, Exo 1. 2. que venerunt ad bauriendam aquam: & impletis canalibus adaquare cupiebant greges patris sui. Superuenere pastores, & eiecerunt eas: surrexitq; Moyses, & defensus puellas, adaquavit oves earum.

Neque ignorance[m] vocationis: perspicuè enim Exo 3. intelligebat, se vocari à Deo. Quid igitur impediēbat, quò minùs audacter susciperet principatum, nisi virtus humilitatis, per quam ita sese posuerat in nouissimo

loco, ut omnibus cederet & omnes se aptiores ad illud officium arbitraretur. Id ita esse, manifestum ex eo fieri potest, quod Deo non fuit ingrata Moysis quasi recalcitratio: quin potius, ut Philo scribit, *lib. 1.* delectatus est Deus pudore, ac verecundia Moysis, quippe quæ non ex contumacia, sed ex humilitate proficisciebatur. Non enim potest non placere Deo virtus illa, quæ Doctorem, & professorem habuit ipsius altissimi filium, dicentem: *Discite à me, quia mitis sum, & humilis corde.* Et alibi: *Qui se humiliat, exaltabitur.* Hæc si homines cogitarent, non tam ardentem ambirent imperia, neque tam multa prælia, & strages hominum fierent. Sed est etiam alia ratio, cur Deus Principem, à se electum, humilem esse voluit: quia videlicet facturus erat per eum miracula plurima, & maxima, ut *Virga* conuerteretur in draconem; ut *aque fluminum verterentur in sanguinem*; ut ad verbum Moysis fierent *tenebræ horribiles in omni terra Ægypti*; ut una nocte *primogeniti omnium hominum* illius regionis interirent; ac denique, ut *mare* siccatetur, ut Hebræi per *maris* medium sicco pede transirent; & rursus ad nutum Moysis, *aque* ad locum suum subito redirent, & *Ægyptios* insequentes obruerent. Et periculum erat, ne tantorum mirabilium patratorem superbiam eleuaretur; idcirco elegit hominem, summa humilitate præditum, qui gloriam Deo daret, & nihil sibi tribueret.

Atque hoc ipsum omnibus Principibus valdè necessarium esse videtur, ut infirmitatem suam agnoscant, & non

non furentur gloriam; quæ soli Deo debetur: & cum eis paretur ad nutum; & ab alijs de geniculis adorantur, & vitæ, ac mortis arbitri esse videntur; intelligant, ista omnia sibi tribui, quia personam Dei gerunt, non quia ob propriam excellentiam sibi debeantur.

Omnis anima potestatibus sublimioribus subdita sit: Non enim est enim potestas nisi à Deo: quæ autem sunt, à Deo ordinatæ sunt. Itaque qui resistit potestati, Dei ordinationi resistit. Rom. 13

Habemus enim exemplum terribile in Nabuchodonosor, qui superbè locutus, sibi tribuebat potestatem, quàm à Deo acceperat, dicens: *Nonne hæc est Babylon magna, quam ego ædificaui in domum regni, in robore fortitudinis meæ, & in gloria decoris mei? Cumq; sermo adhuc esset in ore regis, vox de celo ruit: Tibi dicitur, Nabuchodonosor rex: Regnum tuum transibit à te, & ab hominibus ejicient te, & cum bestiis, & feris erit habitatio tua: fœnum, quasi bos, comedes, & septem tempora mutabuntur super te, donec scias, quòd dominetur Excelsus in regno hominum, & cuicumque voluerit, det illud. Eadem hora sermo completus est super Nabuchodonosor.* Dan. 4

Itaque iusto Dei iudicio, qui per superbiam supra hominem, se exaltauerat, infra hominem deiectus, ad humilitatem bestiarum deuenit. Et quamvis non sæpe ista videamus, per mutationem naturæ; tamen non rarò videmus per tam ingentem morum mutationem, ut nonnulli, non tam homines, quàm bestie, humana facie induti esse videantur. Itaque audiant Principes omnes consilium sapientis.

Quanto

Ecdi. 3. *Quanto magnus es, humilia te in omnibus, & coram Deo inuenies gratiam quoniam magna potentia Dei solus, & ab humilibus bonoratur.*

Manfue-
rudo
Moy. 11.
Match.
11.
Tertia Moyses virtus, & quidem valdè singularis, fuit *Manfuetudo*, siue lenitas, quæ virtus filia est *Humilitatis*, iuxta illud: *Discite à me, quia mitis sum, & humilis corde.* Nam ex *Humilitate* cordis nascitur *mansuetudo*, in opere, & sermone.

Fuisse autem Moysen excellenti *Manfuetudine* præditum, testatur Spiritus sanctus: *Erat Moyses vir mitissimus super omnes homines, qui morabantur in terra.* Et quamuis hoc testimonium satis esse possit, ac debeat, cum impossibile sit mentiri Spiritum sanctum, tamen etiam res ipsæ, & facta id ipsum clamant. Fuit enim frequenter Moyses ab ingrato populo, quem infinitis beneficijs affecerat, obiurgatus, reprehensus, ac tantum non lapidibus obrutus: Et murmurauit omnis congregatio filiorum Israel contra Moysen, & Aaron insolitudine. Dixeruntque filij Israel ad eos: *Vtinam mortui essemus per manum Domini in terra Ægypti, quando sedebamus super ollas carniū, & comedebamus panem in saturitate! cur eduxistis nos in desertum istud, ut occideretis omnem multitudinem fame?* Alibi: *Igitur profecta omnis multitudo filiorum Israel de deserto Sin per mansiones suas, iuxta sermonem Domini, castra metati sunt in Raphidim, ubi non erat aqua ad bibendum populo. Qui iurgatus contra Moysen, ait: da nobis aquam ut bibamus.* Quibus respondit Moyses: *Quid iurgamini contra me? cur tentatis Dominum?*

Sitiuit

Sitiuit ergo ibi populus pro aquae penuria, & murmurauit contra Moysen, dicens: Cur fecisti nos exire de Ægypto, ut occideres nos, & liberos nostros, ac iumenta firi? Clamauit autem Moyses ad Dominum, dicens: Quid faciam populo huic? adhuc paululum, & lapidabunt me.

Nec solus populus, sed ipse etiam Aaron, & Maria: Locutaq; est Maria, & Aaron contra Moysen, propter Num. 12 uxorem eius Æthiopiſſam, & dixerunt: Num per ſolum Moysen locutus est Dominus? Nonne & nobis ſimiliter est locutus? Sed quia vir mitiſſimus diſſimulabat ſe audire, Deus ipſe patrociniū eius ſuſcipiebat.

Quod cū audiſſet Dominus, ſtatim locutus eſt ad eum, & ad Aaron, & Mariam: Egredimini vos tantum tres ad tabernaculum fœderis. Cūq; fuiſſent egreſſi, deſcendit Dominus in columna nubis, & ſtetit in introitu tabernaculi, vocans Aaron, & Mariam. Qui cū iſſent, dixit ad eos: Audite ſermones meos: Si quis fuerit inter vos propheta Domini, in viſione apparebo ei, vel per ſomnium loquar ad illū. At non talis ſeruus meus Moyses, qui in omni domo mea fidelisſimus eſt: ore enim ad os loquor ei: & palam, & non per enigmata, & figuras Dominum videt. Quare ergo non timuiſtis detrabere ſeruo meo Moyſi? Iratusq; contra eos, abiit. Nubes quoque receſſit, que erat ſuper tabernaculum: & ecce Maria apparuit candens lepra, quaſi nix.

Sola autem Maria punita eſt, quia maius peccatum eius erat, cū eſſet mulier. Sed mitiſſimus Propheta, iniuriæ oblitus, mox ad Deū conuerſus, clamauit ad Dominū,

D

dicens:

malediceret. Sed quod omnem admirationem superat, illud est, quod *fratribus*, qui in eum crudelissimi, & quasi latrones, & homicidæ fuerant, reddidit bona pro malis, excusauit peccatum eorum, ad complexum, & osculum eos admisit, conuiuio illos excepit, aluit eos in fame tam diuturna, in *Ægypto* optimum terræ locum illis attribuit; deniq; bonis omnibus locupletauit:

Gen. 45. *Et dixit fratribus suis: Ego sum Ioseph: adhuc pater meus uiuit? Non poterant respondere fratres, nimio terrore perterriti. Ad quos ille clementer: Accedite, inquit, ad me. Et cum accessissent propè, Ego sum, ait: Ioseph, frater vester, quem vendidistis in Ægyptum. Nolite pauere, neque vobis durum esse videatur, quod vendidistis me in his regionibus: pro salute enim vestra misit me Deus ante vos in Ægyptum. Biennium enim est, quod cœpit fames esse in terra: & adhuc quinque anni restant, quibus nec arari poterit, nec meti. Premisit q̃, me Deus, ut reseruemini super terram, & escas ad viuendum habere possitis. Non vestro consilio, sed Dei voluntate huc missus sum: qui fecit me, quasi patrem Pharaonis, & dominum vniuersæ domus eius, & principem in omni terra Ægypti. Festinate, & ascendite ad patrem meum, & dicetis ei: Hæc mandat filius tuus Ioseph: Deus fecit me dominum vniuersæ terræ Ægypti: descende ad me, ne moreris, & habitabis in terra Gessen: erisq̃, iuxta me tu, & filij tui, & filij filiorum tuorum, oves tue, & armenta tua, & vniuersa, quæ possides. Ibiq̃, reipascam, (adhuc enim quinque anni residui sunt famis) ne & tu pereas, & domus tua, & omnia, quæ possides. En oculi vestri, & oculi fratris*

fratris mei, Benjamin, vident quod os meum loquatur ad vos. Nunciate patri meo uniuersam gloriam meam, & cuncta, quae vidistis in Aegypto: festinate; & adducite eum ad me. Cumq; amplexatus recidisset in collum Benjamin fratris sui, fleuit: illo quoque similiter flente super collum eius. Osculatusq; est Ioseph omnes fratres suos, & plorauit super singulos: post quae ausi sunt loqui ad eum.

Quid, quæto, factissimus ille Princeps fecisset, si Christum, Dei filium, in terris concionantem, & signis, ac prodigijs coruscantem vidisset? Et conuersus ad Luc. 10. discipulos suos, dixit: Beati oculi, qui vident, quae vos videtis. Dico enim vobis, quod multi Prophetæ, & Reges voluerunt videre, quae vos videtis, & non viderunt; & audire, quae auditis, & non audierunt.

Vtinam Spiritui sancto placuisset, per Moysen, sanctum Prophetam, huius sapientissimi, atque optimi Principis res omnes gestas, in illa tam longa octoginta annorum gubernatione describi! Plura enim in eius vita Principes Christiani de ratione regni benè administrandi didicissent, quàm ex omnibus Platonis, vel Aristotelis, aut Plutarchi, & Senecæ libris discere possent. Sed quod per partes Scriptura diuina non tradidit, compendio dixit, cum perfectam Charitatem, quæ vsque ad inimicos extenditur, in Iosepho fuisse non tant.

Charitas patiens est, benigna est: Charitas non emulatur, non agit perperam, non inflatur, non est ambitiosa, 1. Cor. 13 non querit, quae suae sunt, non irritatur, non cogitat malum,

non gaudet super iniquitate, congaudet autem veritati: omnia suffert, omnia credit, omnia sperat, omnia sustinet.

Rom. 12. *Alibi: Nemini quidquam debeat, nisi ut inuicem diligatis: qui enim diligit proximum, legem impleuit. Nam:*

Exod. 20. *Non adulterabis: Non occides: Non furaberis: Non*

Deut. 5. *falsum testimonium dices: Non concupisces: Et si quod est*

Leuit. 19. *aliud mandatum, in hoc verbo insinuat: Diliges proximum tuum, sicut teipsum. Dilectio proximi malum non operatur. Plenitudo ergo legis est dilectio.*

Quàm ardentem autem sanctus Ioseph inimicos suos dilexerit, verba eius prædicta testantur, cum pri-
 Gen 45. mum Fratribus suis aperuit, se esse, quem vendiderant.
 Sed postquam mortuus est Iacob, parens omnium il-
 Gen 50. lorum, timentes fratres eius, Et mutuò colloquentes:
Ne forte memor sit iniurie, quam passus est, Et reddat nobis omne malum, quod fecimus, mandauerunt, ei dicentes: Pater tuus præcepit nobis, antequam moreretur, ut hæc tibi verbis illius diceremus: Obsecro, ut obliuiscaris sceleris fratrum tuorum, Et peccati, atque malitiæ, quam exercuerunt in te: nos quoque oramus, ut seruis Dei patris tui dimittas iniquitatem hanc. Quibus auditis, fleuit Ioseph. Veneruntq; ad eum fratres sui: Et proni adorantes in terram, dixerunt: Serui tui sumus. Quibus ille respondit: Nolite timere: num Dei possumus resistere voluntati? Vos cogitastis de me malum: sed Deus vertit illud in bonum, ut exaltaret me, sicut in præsentiarum cernitis, Et saluos faceret multos

multos populos. Nolite timere : ego pascam vos , & paruulos vestros , consolatus est eos , & blandè , ac leniter locutus est.

Demum cum ad finem vitæ peruenisset , *Vidit* ^{ibid.} Ephraim filios usque ad tertiam generationem. Filij quo- ^{Num. 32} que Machir , filij Manasse , nati sunt in genibus Ioseph. Quibus transactis , locutus est fratribus suis : Post mortem meam Deus visitabit vos , & ascendere vos faciet de ^{Heb. 11} terra ista ad terram , quam iurauit Abraham , Isaac , & Iacob. Cumq; adiurasset eos , atque dixisset : Deus visitabit vos : asportate ossa mea vobiscum de loco isto : mortuus est , expletis centum decem vitæ suæ annis. Et conditus aromatibus , repositus est in loculo in Ægypto. ^{Exod. 13} ^{Iolu. 24}

V I T A

V I T A
ET

17

V I R T V T E S

S A N C T I

M O Y S I S,

P R I M I

H E B R Æ O R V M

D V C I S.



MOYSES, primus fuit Hebræorum Prin-
ceps, quem Philo Iudæus, in *extremo libro,* Moyſes;
de vita Moyſis, iure vocat *Regem, legiſſato-*
rem, Pontificem, & Prophetam. Res eius geſte
in quatuor ſacris libris, *Exodo, Leuitico, Numeris, &*
Deuteronomio continentur. Ex quibus Philo Iudæus
accepit, quæ ſcripſit in *tribus libris, de vita Moyſis, &*
Gregorius Nyſſenus, quæ item libris mandauit de vita
Moyſis, ac vita perfectæ. Nos breuitati ſtudentes, vir-
tutes Moyſis, quas Principes Chriſtiani imitari poſſint,
ac debeant, ſi Deo placere velint, breuiter percurramus.

C

Igitur

filiae Pharaonis, magis eligens affligi cum populo Dei, quàm temporalis peccati habere iucunditatem, maiores diuitias æstimans thesauro Aegyptiorum, improperium Christi: aspiciebat enim in remunerationem. Exod. 2.

Atque hic iam incipit prima, eaque nobilissima *Moyſis*, virtus, nempe *fides*. Nam, vt tradit Philo, in *vita Moyſis*, filia Pharaonis, quæ *Moyſem* adoptauit in *filium*, vnica erat regni heres: & *Moyſes* in ſpem regni educabatur: atque ea de cauſa, *erulitus eſt Moyſes omni ſapientia Aegyptiorum*; neque modico tempore in aula Regis manſit, vt heres regni futurus: *Cum autem impleretur ei quadraginta annorum tempus, aſcendit in cor eius, vt viſitaret fratres ſuos, filios Iſrael*. Nam cognoscens, ſe *verè Iſraelitam eſſe*, & vnum ex populo Dei, quamuis eo tempore in magnis angultijs poſito, apertè *negauit, ſe eſſe filium filiae Pharaonis*; & ex palatio regis abſcedens, maluit in vera religione manens, *aſſligi cum populo Dei, quàm temporalis peccati habere iucunditatem*. id eſt, cum idola colentibus, & ſanctos perſequentibus, frui omni *temporali iucunditate*: neq; inſipienter egit, *maiores diuitias æſtimans theſauro Aegyptiorum, improperiuſ Chriſti*, id eſt, *improperium illi ſimile, quod poſtea pertulit Chriſtus, aſpiciebat enim in remunerationem*, id eſt, ſapienter cogitabat *Moyſes*, iam tunc Spiritu ſancto cor eius illuſtrante, tribulationes, pro vera religione ſulceptas, adſetre fidelibus patientibus gloriam, diuitias, & gaudia ſempiterna. *Exiſtimo enim, quòd non ſunt condignæ paſſiones huius temporis ad futuram gloriam, quæ reuelabitur in nobis.* Iſa. 73.
Ioan. 2.
Heb. 12.
Rom. 8.

Adde, quòd Moyses, contemnens thesaurum Ægyptiorum, & gloriam regni Pharaonis; non solum adeptus est gloriam regni cælorum in sæculo futuro: sed hic etiam in terris factus est Princeps populi Dei, & ipso Deo opem ferente, de ipso Pharaone, & omni exercitu eius gloriosissimè triumphauit. Cumq; extendisset Moyses manum contra mare, reuersum est primo deluulo ad priorem locum: Fugientibusq; Ægyptijs occurrerunt aque, & inuoluit eos Dominus in medijs fluctibus. Reuersèq; sunt aque, & operuerunt currus, & equites cuncti exercitus Pharaonis, qui sequentes ingressi fuerant mare: nec unus quidem superfuit ex eis. Et viderunt Ægyptios mortuos super litus maris, & manum magnam, quam exercuerat Dominus contra eos: timuitq; populus Dominum, & crediderunt Domino, & Moyse seruo eius.

Humili-
ris Moy-
si.

Secunda virtus Moysis fuit humilitas eximia, ob quam non solum non affectauit regnum, aut præfecturam vllam; sed à Deo vocatus ad regimen, & principatum populi, multis, varijsq; rationibus, conatus est effugere onus imperij: Dixit Moyses ad Deum: Quis sum ego, ut vadam ad Pharaonem, & educam filios Israël de Ægypto? Qui dixit ei: Ego ero tecum: & hoc habebis signum, quod miserim te: Cum eduxeris populum meum de Ægypto, immolabis Deo super montem istum.

Exod. 4.

Respondens Moyses ait: Non credent mihi, neque audient vocem meam, sed dicent: Non apparuit tibi Dominus. Dixit ergo ad eum: Quid est, quod tenes in manu tua? Respondit: Virga. Dixitq; Dominus: Projice eam in terram.

Projecit

Proiecit, & versa est in colubrum, ita ut fugeret Moyses, &c.

*Ait Moyses: Obsecro, Domine, non sum eloquens ab heri, & nudius tertius: & ex quo locutus es ad seruum tuum, im-
peditioris, & tardioris lingue sum. Dixit Dominus ad eum:
Quis fecit os hominis? aut quis fabricatus est mutum, &
surdum, videntem, & cecum? nonne ego? Perge igitur,
& ego ero in ore tuo: doceboq; te, quid loquaris. At ille:
Obsecro, inquit Domine, mitte, quem missurus es. Iratus
Dominus in Moysen, ait: Aaron, frater tuus Leuites, scio,
quod eloquens sit: Ecce ipse egredietur in occursum tuum,
vidensq; te, letabitur corde. Loquere ad eum, & pone
verba mea in ore illius, & ostendam vobis, quid agere
debeat.*

*Et certè non poterat excusare aetatem: erat enim
annorum plus quadraginta: Neque imperitiam, cum aa. 74
esset eruditus omni sapientia Egyptiorum, & in regno
educatus. Neque debilitatem virium: nam paulò ante
defenderat solus puellas soceri sui aduersus pastorum mul-
titudinem: Erant autem sacerdoti Madian septem filie, Exo 1. 2.
que venerunt ad bauriendam aquam: & impletis canalibus
adaquare cupiebant greges patris sui. Superuenere pastores,
& eiecerunt eas: surrexitq; Moyses, & defensis puellis,
adaquauit oues earum.*

*Neque ignorance vocacionis: perspicuè enim Exo 1. 3.
intelligebat, se vocari à Deo. Quid igitur impedi-
ebat, quò minùs audacter susciperet principatum, nisi virtus
humilitatis, per quam ita sese posuerat in nouissimo*

loco, ut omnibus cederet & omnes se aptiores ad illud officium arbitraretur. Id ita esse, manifestum ex eo fieri potest, quod Deo non fuit ingrata Moysis quasi recalcitratio: quin potius, ut Philo scribit, *lib. 1.* delectatus est Deus pudore, ac verecundia Moysis, quippe quæ non ex contumacia, sed ex humilitate proficisciebatur. Non enim potest non placere Deo virtus illa, quæ Doctorem, & professorem habuit ipsius altissimi filium, dicentem: *Discite à me, quia mitis sum, & humilis corde.* Et alibi: *Qui se humiliat, exaltabitur.* Hæc si homines cogitarent, non tam ardentem ambirent imperia, neque tam multa prælia, & strages hominum fierent. Sed est etiani alia ratio, cur Deus Principem, à se electum, humilem esse voluit: quia videlicet facturus erat per eum miracula plurima, & maxima, ut *Virga* conuerteretur in draconem, ut *aque fluminum verterentur in sanguinem*; ut ad verbum Moysis fierent *tenebræ horribiles in omni terra Ægypti*; ut vna nocte *primogeniti omnium hominum* illius regionis interirent; ac denique, ut *mare* siccaretur, ut Hebræi per *maris* medium sicco pede transirent; & rursus ad nutum Moysis, *aque* ad locum suum subito redirent, & *Ægyptios* insequentes obruerent. Et periculum erat, ne tantorum mirabilium patratoris superbiam eleuaretur; idcirco elegit hominem, summa humilitate præditum, qui gloriam Deo daret, & nihil sibi tribueret.

Atque hoc ipsum omnibus Principibus valdè necessarium esse videtur, ut infirmitatem suam agnoscant, & non

non furentur gloriam; quæ soli Deo debetur: & cum eis paretur ad nutum; & ab alijs de geniculis adorantur, & vitæ, ac mortis arbitri esse videntur; intelligant, ista omnia sibi tribui, quia personam Dei gerunt, non quia ob propriam excellentiam sibi debeantur.

Omnis anima potestatibus sublimioribus subdita sit: Non Rom. 13
est enim potestas nisi à Deo: quæ autem sunt, à Deo ordinate
sunt. Itaque qui resistit potestati, Dei ordinationi resistit.

Habemus enim exemplum terribile in Nabuchodonosor, qui superbè locutus, sibi tribuebat potestatem, quàm à Deo acceperat, dicens: *Nonne hæc est Babylon* Dan. 4
magna, quam ego ædificavi in domum regni, in robore fortitudinis meæ, & in gloria decoris mei? Cùmq; sermo adhuc esset in ore regis, vox de celo ruit: Tibi dicitur, Nabuchodonosor rex: Regnum tuum transibit à te, & ab hominibus ejicient te, & cum bestiis, & feris erit habitatio tua: fœnum, quasi bos, comedes, & septem tempora mutabuntur super te, donec scias, quòd dominetur Excelsus in regno hominum, & cuicumque voluerit, det illud. Eadem hora sermo completus est super Nabuchodonosor.

Itaque iusto Dei iudicio, qui per superbiam supra hominem, se exaltauerat, infra hominem deiectus, ad humilitatem *bestiarum* deuenit. Et quamuis non sæpe ista videamus, per mutationem naturæ; tamen non rarò videmus per tam ingentem morum mutationem, ut nonnulli, non tam homines, quàm *bestiæ*, humana facie induti esse videantur. Itaque audiant Principes omnes consilium sapientis.

Quanto

Eccli. 3. Quanto magnus es, humilia te in omnibus, & coram Deo inuenies gratiam quoniam magna potentia Dei solius, & ab humilibus honoratur.

Manfuetudo Tertia Moyses virtus, & quidem valdè singularis, fuit
Moyses *Manfuetudo*, siue lenitas, quæ virtus filia est *Humilitatis*,
Matth. 11. iuxta illud: *Discite à me, quia mitis sum, & humilis corde.*
 Nam ex *Humilitate* cordis nascitur *manfuetudo*, in opere, & sermone.

Num. 12. Fuisse autem Moysen excellenti *Manfuetudine* prædictum, testatur Spiritus sanctus: *Erat Moyses vir mitissimus super omnes homines, qui morabantur in terra.* Et quamuis hoc testimonium satis esse possit, ac debeat, cum impossibile sit mentiri Spiritum sanctum, tamen etiam res ipsæ, & facta id ipsum clamant. Fuit enim frequenter Moyses ab ingrato populo, quem infinitis beneficijs affecerat, obiurgatus, reprehensus, ac tantum non lapidibus obrutus: Et murmurauit omnis congregatio filiorum Israel contra Moysen, & Aaron in solitudine. Dixeruntque filij Israel ad eos: *Vtinam mortui essemus per manum Domini in terra Aegypti, quando sedebamus super ollas carniū, & comedebamus panem in saturitate! cur eduxistis nos in desertum istud, ut occideretis*

Exod. 17. *omnem multitudinem fame?* Alibi: *Igitur profecta omnis multitudo filiorum Israel de deserto Sin per mansiones suas, iuxta sermonem Domini, castra metati sunt in Raphidim, ubi non erat aqua ad bibendum populo. Qui iurgatus contra Moysen, ait: da nobis aquam ut bibamus. Quibus respondit Moyses: Quid iurgamini contra me? cur tentatis Dominum?*

Sitiunt

Sititit ergo ibi populus pro aquae penuria, & murmuravit contra Moysen, dicens: Cur fecisti nos exire de Ægypto, ut occideres nos, & liberos nostros, ac iumenta siti? Clamavit autem Moyses ad Dominum, dicens: Quid faciam populo huic? adhuc paululum, & lapidabunt me.

Nec solus populus, sed ipse etiam Aaron, & Maria: Locutaq; est Maria, & Aaron contra Moysen, propter Num. 12 uxorem eius Æthiopiissam, & dixerunt: Num per solum Moysen locutus est Dominus? Nonne & nobis similiter est locutus? Sed quia vir mitissimus dissimulabat se audire, Deus ipse patrocinium eius suscipiebat.

Quod cum audisset Dominus, statim locutus est ad eum, & ad Aaron, & Mariam: Egredimini vos tantum tres ad tabernaculum fœderis. Cumq; fuissent egressi, descendit Dominus in columna nubis, & stetit in introitu tabernaculi, vocans Aaron, & Mariam. Qui cum iissent, dixit ad eos: Audite sermones meos: Si quis fuerit inter vos propheta Domini, in visione apparebo ei, vel per somnium loquar ad illum. At non talis servus meus Moyses, qui in omni domo mea fidelissimus est: ore enim ad os loquor ei: & palam, & non per ænigmata, & figuras Dominum videt. Quare ergo non timuistis detrahere seruo meo Moyse? Iratusq; contra eos, abiit. Nubes quoque recessit, que erat super tabernaculum: & ecce Maria apparuit candens lepra, quasi nix.

Sola autem Maria punita est, quia maius peccatum eius erat, cum esset mulier. Sed mitissimus Propheta, iniuriæ oblitus, mox ad Deum conuersus, clamavit ad Dominum,

D

dicens;

dicens: Deus, obsecro, sana eam. Dominus autem exaudivit orationem serui sui fidelis: sed iussit, ad exemplum aliorum, eijci Mariam extra castra: Cui respondit Dominus: Si pater eius spuisset in faciem illius, nonne debuerat saltem septem diebus rubore suffundi? Separetur septem diebus extra castra, & postea reuocabitur. Exclusa est itaque Maria extra castra septem diebus: & populus non est motus de loco illo, donec reuocata est Maria.

Sed non ideo sanctus ille Princeps, quia tam mitis erat erga eos, à quibus accipiebat iniuriam, negligebat quoque iniuriam Dei; quin potius zelo incredibili puniebat offensas Deo factas: Cum enim adorallent *Exod. 32* vitulum aureum, videns Moyses populum, quod esset nudatus, & stans in porta castrorum, ait: Si quis est Domini, iungatur mihi. Congregatiq; sunt ad eum omnes filij Levi: quibus ait: Hec dicit Dominus Deus Israel: Ponat vir gladium super femur suum: ite, & redite de porta usque ad portam per medium castrorum, & occidat unusquisq; fratrem, & amicum, & proximum suum. Feceruntq; filij Levi iuxta sermonem Moysi, cecideruntq; in die illa quasi viginti tria milia hominum.

Et cum iterum peccassent adorantes idolum Beelphegor, iratus Dominus, ait ad Moysen: Tolle cunctos principes populi, & suspende eos contra solem in patibulis: ut avertatur furor meus ab Israel. Dixitq; Moyses ad iudices Israel: Occidat unusquisque proximos suos, qui iniuriam sunt Beelphegor. Cessavitque plaga à filiis Israel: & occisi sunt viginti quatuor milia.

Vtinam

Vtinam Christiani Principes, hoc tam insigni exemplo edocti, proprias iniurias faciliè contemnerent; iniurias Dei, præcipuè blasphemias, & hæreses ardentissimo zelo persequerentur!

Quarta virtus *Moyfis*, inusitata prorsus in Principe politico, est contemptus diuitiarum. De quo Philo Contem-
ptus di-
uitiarū. Hebræus, in *lib. de præmijs, & pœnis*: *Moysem*, inquit, solum proditum est, sine auro, argento, & ac reliquis opibus, regnum administrasse, consisum perspicaci, non ceca opulencia: & ut nihil dissimulem, pro suo censu habentem, quidquid Deus possidet.

Sed quamvis videatur Philo diuitem paupertatem *Moyfis* laudare, quòd esset verissimus Dei amicus, & Dei ope potuerit panem de cælo, & aquam de petra, & coturnices ex acere procurare, quæ multis millibus ho- Exod.
16. & 17 minum in cibum, & potum abundè sufficerent; tamen verè etiam, & propriè *S. Moyses* argentum, & aurum contempsit, & aulæ regię ministeria non desiderauit: vnoque contentus administro, vitam pauperem duxit. Nam quemadmodum tributa, & vectigalia à populis non exigebat: sic etiam stipendia militibus, & famulis non dabat: sicquæ liber à familiaribus curis, & à cupiditate acquirendi, paucissimis contentus, totus erat in officio consulendi Deum, & regendæ multitudinis occupatus.

Dixit autem Dominus ad *Moysem*: *Ascende ad me in* Exod.
24. *montem, & esto ibi: daboq; tibi tabulas lapideas, ac legem, ac mandata, quæ scripserunt: ut doceas eos. Surrexerunt*

Moyſes, & Iſuſue, miniſter eius: aſcendenſq; Moyſes in montem Dei ſenioribus ait: Expeſtate hic, donec reuertamur ad vos.

Hanc eximiam virtutem non ignoro Principibus noſtri temporis reiſſa non conuenire; ſed conuenire tamen in animi præparatione, & exuenda cupiditate inmenſarum opum; atque vt neceſſarijs theſauris contenti, ſuperuacanea reſecare diſcant.

Deut. 17 Cum fuerit (Rex) conſtitutus, non multiplicabit ſibi equos, nec reducet populum in Ægyptum, equitatus numero ſubleuatus, præſertim cum Dominus præceperit vobis, vt nequaquam amplius per eandem viam reuertamini. Non habebit uxores plurimas, quæ alliciant animam eius, neque argenti, & auri immenſa pondera. Nec eleuetur cor eius in ſuperbiam ſuper fratres ſuos, neque declinet in partem dexteram, vel ſiniſtram, vt longo tempore regnet ipſe, & filij eius ſuper Iſrael.

Charitas
Dei, &
proximi

Quinta virtus Moyſis, ſed verè magna, & regina virtutum, eſt Charitas Dei, & proximi, quæ Moyſis animam ſic totam repleuit, vt Deum in patrem, homines ſibi ſubiectos in filios habere videretur. Quid enim fecit, vt Moyſes per totos annos quadraginta, cum ſummo, & perpetuo labore, & dolore, populum duriffimæ ceruicis ita regeret, vt quaſi in humeris proprijs illum portare cogeretur, niſi Charitas Dei, & proximi propter Deum? Quàm enim graue fuerit Moyſi pondus regiminis gentis illius indomite, teſtantur illa verba: Audiuit ergo Moyſes ſlentem populum per familias, ſingulos per oſia tentorii ſui.

Nam, 11

Iratuſq;

Gratusq; est furor Domini valde: sed & Moyfi intoleranda res visa est, & ait ad Dominum: Cur afflixisti seruum tuum? quare non inuenio gratiam coram te? & cur imposuisti pondus. Uniuerſi populi huius super me? Numquid ego concepi omnem hanc multitudinem; vel genui eam, ut dicas mihi: Porta eos in sinu tuo, sicut portare solet nutrix infantulum, & defer in terram, pro qua iuravi patribus eorum? Vnde mihi carnes, ut dem tanta multitudini? flect contra me, dicentes: Da nobis carnes, ut comedamus. Non possum solus sustinere omnem hunc populum, quia grauis est mihi. Sin aliter tibi uidetur, obsecro, ut interficias me, & inueniam gratiam in oculis tuis, ne tantis afficiar malis.

Hæc sunt verba Moyſis, qui tamen ex vera *Charitate* propter Deum, sic populum illum diligebat, ut cum per excessum quemdam, propriæ salutis antepondere videretur: Reuersusq; ad Dominum, ait: Obsecro, peccauit Exod. 3 populus iste peccatum maximum, feceruntq; sibi deos aureos: aut dimitte eis hanc noxam, aut si non facis, dele me de libro, quem scripsisti.

Quamvis autem hunc locum non pauci expositores intelligant de libro vite temporalis, ita ut optauerit *Moyſes* mori potius, quam ut videret populum illū extra Dei gratiam; ut S. Hieronymus, *epist. ad Algasium* q. 9. S. Ioannes Chrysostomus, *hom. 3. de Lazaro*, & *hom. 79. ad pop. Antiochen.* S. Gregorius, *lib. 10. Moral. cap. 7.* & alij: tamen non pauciores docent, *Moyſen* locutum esse de libro vite æternæ, non quoad culpam, sed

quoad pœnam ; idquē , vt diximus , per quemdam excessum , vt Origenes , in cap. 9. ad Rom. S. Augustinus , in Psal. 105. & in Exod. 9. 147. S. Bernardus , serm. 12. in Cant. Rupertus , lib. 4. in Exod. & alij : tamen maxima Charitas est ponere vitam temporalem pro fratribus : Maiorem hac dilectionem nemo habet , vt animam suam ponat quis pro amicis suis. Et plulquam maxima esse videtur , ponere vitam æternam , saltem quoad pœnam. Itaque negari non potest , quin Moyses tumma Charitate propter Deum , populum illum dilexerit , à quo multas iniurias ; & offensiones acceperat.

Ex quo facillè potest intelligi , si tanta fuerit Charitas Moysis in ingratos , & malos , multò maiorem fuisse Charitatem erga Deum. Et quia in Charitate consistit perfectio : Super omnia autem hæc , charitatem habete , quod est vinculum perfectionis : sequitur vt sanctus Moyses , vir fuerit vndeque perfectus.

Atque hæc est causa , cur Deus in hunc hominem plurima , & maxima dona contulerit : fuit enim singulari privilegio primus Rex , primus Sacerdos magnus , primus Propheta , & primus legislator in populo Dei ,

Nec solum fuit primus Rex , sed à Deo , non à populo electus : Cui ait Dominus : Clamor filiorum Israel , venit ad me : vidiq̃ afflictionem eorum , qua ab Ægyptijs opprimuntur. Sed Veni , & mittam te ad Pharaonem , vt educaſ populum meum , filios Israel , de Ægypto.

Deinde , fuit etiam summus Sacerdos , non ab hominibus electus , vel consecratus , sed ab iplo Deo propriè

proprie constitutus, & cum tam insigni potestate, ut non solum Aaron, Sacerdotem, & Pontificem consecraret; sed etiam ritu perpetuo statueret, ut ex sola eius familia Sacerdotes consecrarentur. *Applica quoque ad te Aaron, fratrem tuum, cum filiis suis, de medio filiorum Israel, ut sacerdotio fungantur mihi: Aaron, Nadab, & Abiu, Eleazar, & Ithamar. Faciesque vestem sanctam Aaron, fratri tuo, in gloriam, & decorem. Postea: legitimum sempiternum erit Aaron, & semini eius post eum.* Exod. 28.

Propheta autem fuit primus inter eos, qui Prophetica oracula litteris mandarunt. Et incipiens à Moysè, Luc. vii. & omnibus Prophetis, interpretabatur illis in omnibus Scripturis, quæ de ipso erant.

Denique, legislator eximius fuit, ut idem Spiritu S. inspirante dicat: *Quæ est enim alia gens sic insulyta, ut habeat ceremonias, iustasque indicia, & uniuersam legem, quam ego proponam hodie ante oculos vestros?* Deut. 4.

Sed quæret aliquis, an Moysès inter tot, & tam magnas virtutes, & dona, ac privilegia Dei, nullum admiserit peccatum, ob quod à Deo puniri potuerit, vel debuerit: ac per hoc, vitæ innocentia, cum Patriarcha, Iosepho, comparari non potuerit. Quæstio.

Duo leguntur in Scriptura, quæ peccata videri potuerunt: homicidium patratum: & titubatio quadam, cum aquam de petra educere à Domino iussus esset. Respons.

Sed homicidium Scriptura non reprehendit. fortasse Homicidium eius quia

Exo. 1. a. quia factum erat in defensionem Hebræi innocentis, ab Ægyptio violenter oppreſſi. In diebus illis, poſtquam creuerat Moyses, egreſſus eſt ad fratres ſuos: vidit q̄, aſſiſſionem eorum, & virum Ægyptium, percutientem quendam de Hebræis fratribus ſuis. Cum q̄, circumſpexiſſet huc atque illuc, & nullum aſſeſſe vidiffet, percuſſum Ægyptium abſcondit ſabulo. S. Auguſtinus, lib. 22. cont. Fauſt. c. 70. exiſtimauit, homicidium illud fuiſſe culpabile: tamen poſtea ſcribens quaſtiones in Exodum, retractauit ſententiam illam ſuperiorem, & Moysen à criminis culpa defendit.

Titubatio in fi-
de.

Titubatio verò, peccatum omninò fuiſſe legitur: ſed crimen, id eſt, lethale peccatum fuiſſe, credibile non eſt.

Num 10

Tulit igitur Moyses virgam, quæ erat in conſpectu Domini, ſicut præceperat ei, congregata multitudine ante petram, dixitq̄, eis: Audite, rebelles, & increduli: Num de petra hac vobis aquam poterimus eiſcere? Cumq̄, eleuaſſet Moyses manum, percutiens virga buſ ſilicem, egreſſæ ſunt aquæ largiſſimæ, ita vt populus biberet, & iumenta. Dixit q̄, Dominus ad Moysen, & Aaron: Quia non creditiſtis mihi, vt ſanctificaretis me coram filiis Iſrael, non introducetis hos populos in terram, quam dabo eis. Poſtea: Cumq̄, caſtra mouiſſent de Cades, venerunt in montem Hor, qui eſt in finibus terra Edom: Vbi locutus eſt Dominus ad Moysen: Pergat, inquit, Aaron ad populos ſuos: non enim intrabit terram, quam dedi filiis Iſrael, eò quòd incredulus fuerit ori meo, ad aquas contradictionis.

In eodem

In eodem libro, dixit Dominus ad Moysen : *Ascende in montem istum Abarim, & contemplare inde terram quam daturus sum filiis Israel. Cumq; videris eam, ibis & tu ad populum tuum, sicut iuit frater tuus Aaron : quia offendistis me in deserto Sin in contradictione multitudinis, nec sanctificare me voluistis coram ea super aquas.* Postea : *Locutus est Dominus ad Moysen in eadem die, dicens : Ascende in montem istum Abarim, id est, transituum, in montem Nebo, qui est in terra Moab contra Iericho: & vide terram Chanaan, quam ego tradam filiis Israel obtinendam, & morere in monte. Quem conscendens, iungeris populis tuis, sicut mortuus est Aaron, frater tuus, in monte Hor, & appositus populis suis : quia prauaricati estis contra me, in medio filiorum Israel, ad aquas Contradictionis in Cades deserti Sin: & non sanctificastis me inter filios Israel.*

Neque tamen existimandum est, peccatum hoc fuisse lethale : nam pœna eius non fuit propriè mors, sed solum, vt non ingrederetur terram promissionis; Naturalis enim mortis eius tempus aduenerat; vt etiam antea Aaronis : neque violenter, sed naturaliter mortui sunt : sed potuisset Deus illis vel prolongare vitam, vel anticipare tempus ingressus eorum in terram promissionis. *Nec miranda indignatio in populum, ait Moyses, cum mihi quoque iratus Dominus propter vos, dixerit : Nec tu ingredieris illuc : sed Iosue, filius Nun, minister tuus, ipse intrabit pro te.*

Ex his apertè colligitur, peccata Moyses, in tam longa ætate centum viginti annorum, fuisse paucissima,

E

atque

arque leuissima; & opera bona plurima, & maxima: & tamen noluisse Deum, iudicem iustissimum, vt illa peccata leuissima impunita manerent.

Num. 10. Quod si Deus in *Moyse*, amico suo intimo, & fidelissimo, titubationem illam modicam tam seuerè puniuit; iure timere debent Reges, & Principes terræ, Dei omnipotentis iram, nisi summo studio *in lege Domini meditentur die ac nocte.*

Isal. 1. Sapiens: *Horrendè, & citò apparebit vobis: quoniam iudicium durissimum his, qui præsunt, fiet. Exiguo enim conceâitur misericordia: potentes autem potenter tormenta patientur.*

Deut.
vlt.

Igitur mortuus est ibi *Moyfes*, seruus Domini, in terra *Moab*, iubente Domino: & sepeliuit eum in Valle terræ *Moab*, contra *Phegor*: & non cognouit homo sepulchrum eius vsque in præsentem diem. *Moyfes* centum, & viginti annorum erat, quando mortuus est: non caligauit oculus eius, nec dentes illius moti sunt.

V I T A
E TV I R T V T E S
S A N C T II O S V E,
S E C V N D I
H E B R Æ O R V M
D V C I S.

IOSVE, Dux secundus Hebræorum, à Iosue,
S. Iosepho, vno ex duodecim filiis Israel,
descendit: fuitque de tribu Ephraim septi-
mus à Iosepho: de tribu Ephraim, Osee, filium Num. 13
Ioseph. Vocavitq; (Moyſes) Osee, filium Nun, Iosue

Minister fuit Moyſis longo tempore. Dixit autem Exod. 24
Dominus ad Moyſen: Ascende ad me in montem, & esto ibi:
daboq; tibi tabulas lapideas, & legem, ac mandata, que
scripsi, ut doceas eos. Surrexerunt Moyſes, & Iosue, mi-
nister eius: ascendensq; Moyſes in montem Dei senioribus

E 2

ait:

- Exo. 1. ait : *Expectate hic , donec reuertamur ad vos. Alibi :*
 32. *Et reuersus est Moyses de monte , portans duas tabulas testimonij in manus sua , scriptas ex utraque parte , & factas opere Dei. Audiens autem Iosue tumultum populi vociferantis , dixit ad Moysen : Ululatus pugne auditur in castris. Qui respondit . Non est clamor adhortantium ad pugnam , neque vociferatio compellentium ad fugam : sed vocem cantantium ego audio. Ascendit enim Iosue cum*
 Exod. 24. *Moysen in montem , ubi quadraginta diebus fuit : Ingressusque Moyses medium nebulae , ascendit in montem : & fuit ibi quadraginta diebus , & quadraginta noctibus.*

Postea Moyses , praeuidens , Iosue fore sibi successorem , non sine magno mysterio , mutauit illi nomen : vocabatur enim antea *Osea* : Vocauitque (Moyses) *Osee* , filium *Nun* , Iosue , quod est idem nomen cum *Iesus*. Graeci enim *Iesum* , illum vocant : & ipse etiam Ecclesiasticus , scriptor sacer : *fortis in bello Iesus Naue , successor Moysis in Prophetia* , Et quidem S. Hieronymus , in *Commentar. ad cap. 1. Osee. Prophetae* scribit , *Oseam* significare *Saluatorem* ; *Iosue* significare *Saluatorem Domini* , addita nimirum prima littera nominis *Domini* , quae est *Iod* apud Hebraeos.

Non reijcio sententiam Hieronymi , sed existimo , posse etiam dici , additam fuisse litteram *Iod* , ut fieret nomen veri *Saluatoris*. Nomen enim *Osee* significat *Saluatorem* , accipiendolitteram , *He* , pro littera , *Iod* ; sed nomen *Iosue* , siue *Iesus* , propriissimè *Saluatorem* designat. Quoniam igitur *Iosue* futurus erat figura manifestissima Domini nostri *Iesu Christi* , qui introducit nos in veram

in veram terram promissionis, ad quam Moyses nos introducere non potuit: *Ego veni, ut vitam habeant, & abundantiùs habeant*: ideo cùm mitteretur Iosue ad explorandam terram promissionis, & quodammodo inchoaret officium tuum introducendi populum in terrā illā, tunc primùm cœpit appellari Iosue, id est, Saluator: Ioan. 10

Cùm enim Deus prædixisset Moysi, quòd breui ellet moriturus, respondit Moyses: *Prouideat Dominus Deus spiritum omnis carnis, hominem, qui sit super multitudinē hanc: & possit exire, & intrare ante eos, & educere eos, vel introducere, ne sit populus Domini, sicut oves absq; pastore.* Dixitq; Dominus ad eum: *Tolle Iosue, filium Nun, virum, in quo est Spiritus, & pone manum tuam super eum. Qui stabit coram Eleazaro, sacerdote, & omni multitudine: & dabis ei præcepta cunctis videntibus, & partem gloriæ tuæ, ut audiat eum omnis synagoga filiorum Israel.* Pro hoc, si quid agendū erit, Eleazar sacerdos consulet Dominum. Ad verbum eius egredietur, & ingredietur ipse, & omnes filij Israel cum eo, & cætera multitudo. Fecit Moyses, ut præceperat Dominus. Cumq; tulisset Iosue, statuit eum coram Eleazaro sacerdote, & omni frequentia populi. Et impositis capiti eius manibus cuncta replicauit, quæ mandauerat Dominus. Non successit igitur Iosue Moysi in regimine politico per electionem Moysis, sed ipsius Dei. Ex hac autem Scripturæ narratione non pauca discimus. Primùm, in hac electione Iosue, diuisam fuisse in populo Dei potestatem spirituales à temporali, siue Ecclesiasticā à politica. Moyses enim utramq; potestatem à Deo ipso acceperat: sed ab hoc tempore,

spiritualis data est Eleazaro, Pontifici; & temporalis data est Iosue, Duci: atque idcò Deus Moyfi dicit: *Dabis ei partem gloriæ tuæ*, id est, vnam potestatem, non vtramque.

Secundò, discimus, benedictiorem, & quasi consecrationem Principum temporalium, per manus Sacerdotum, esse antiquissimam: *Pone manum tuam super eum*. Addo etiam, vtilissimam: *Iosue verò, filius Nun, repletus est spiritu sapientiæ, quia Moyfes posuit super eum manus suas. Et obedierunt ei filij Israel, feceruntq; sicut præcepit Dominus Moyfi.*

Tertiò, discimus, potestatem spiritualemente præstantiorem temporali: siquidem vbique videmus Eleazarum Sacerdotem anteponi Iosue, Duci: *Præcepit ergo Moyfes Eleazaro sacerdoti, & Iosue, filio Nun, & principibus familiarum per tribus Israel, & dixit ad eos: Si transferint filij Gad, & filij Ruben vobiscum Iordanem, omnes armati ad bellum coram Domino, & vobis fuerit terra subiecta, date eis Galaad in possessionem. Sin autem noluerint transire armati vobiscum in terram Chanaan, inter vos habitandi accipiant loca. Alibi. Hæc sunt nomina virorum, qui terram vobis diuident, Eleazar, sacerdos, & Iosue, filius Nun, & singuli principes de singulis tribubus. Alibi: Hoc est, quod possederunt filij Israel in terra Chanaan, quam dederunt eis Eleazar sacerdos, & Iosue, filius Nun & principes familiarum per tribus Israel. Denique, superius dicitur: Ad verbum eius (Eleazari) egredietur, & ingredietur ipse (Iosue) & omnes filij Israel.*

Venio

Venio nunc ad virtutes, & privilegia *Iosue*. Primum *Innocentia Iosue*, Duci, innocentia communis cum Patriarcha *Ioseph*, à quo ipse descendit: & in hac parte superavit etiam *Moysem* ipsum, *Moyſes* enim reprehensus fuit à Domino: *Dixit Dominus ad Moyſen, & Aaron: Quia non credidistis mihi, ut sanctificaretis me coram filiis Israel, non introducetis hos populos in terram, quam dabo eis.* *Num. 20.* At de *Iosue* nihil tale legitur, quòd fuerit reprehensus in *Scripturis sacris*: Et tamen *Scripturae* non solent omittere lapsus eorum, quorum res gestas narrant. Ea igitur innocentia decebat eum, qui *Iesu Christi* typum gerebat: *qui peccatum non fecit, nec inuentus est dolus in ore eius.* *1. Pet. 2.*

Secunda virtus, eaquæ ferè singularis, fuit in nostro *Iosue*, *Castitas Virginalis*, in qua superavit *Castitatem* Patriarchæ, *Ioseph*, & domini sui, *Moyſis*. Iſti enim, quamvis alioqui viri castissimi, uxorem unam duxerunt, & filios procrearunt. Fuisse autem nostrum *Iosue*, ut verum typum *Iesu Christi*, virginem castissimum, ex eo potest intelligi, quòd in *Scripturis* nulla fiat mentio filiorum eius: cum tamen in *Scriptura veteris Testamenti* accuratissimè describantur generationes omnium tribuum filiorum *Israel*. *Castitas virginis.*

Itaque S. Ignatius, *epist. ad Philadelphenses*, dum hortatur virgines, ponit exempla eorum, qui in *utroque testamento* virginitatem coluerunt, dicens: *Virgines, solum Christum præ oculis habete, & eius patrem, in animabus vestris illuminatæ à Spiritu sancto. Memor sum sanctitatis*

sanctitatis vestra, sicut Elia, sicut Iesu Naue, sicut Melchisedech, sicut Elisei, sicut Ieremie, sicut Ioannis Baptiste, sicut dilectissimi discipuli, sicut Timothei, sicut Titi, sicut Euodij, sicut Clementis, & aliorum, qui in castitate de vita exierunt. Itaque ex sententia S. Ignatij, primus, qui ex filijs Abrahæ, trophæum sanctæ virginitatis erexit, fuit sanctus Iosue. Nam Melchisedech non fuit ex filijs
Gen. 14 Abrahæ: At verò Melchisedech, rex Salem, proferens panem, & vinum, (erat enim Sacerdos Dei altissimi) benedixit ei, & ait: Benedictus Abram Deo excelsio, qui creauit caelum, & terram: & benedictus Deus excelsus, quo protegente, hostes in manibus tuis sunt.

S. Ignatium secutus est S. Hieronymus, lib. 1. aduers. Iovinian. ubi, posteaquam multis verbis probauerat, Iosue fuisse virginem, concludit dicens: Moyses moriens
Deut. vlt. Iosue fuisse virginem, concludit dicens: Moyses moriens
Iosu. vlt. plangitur à filijs Israel: Iesus autem, quasi victurus, non plangitur. Nuptiæ enim finiuntur in morte: Virginitas post mortem incipit coronari.

Matth. 18. Addamus & tertium testem, ut in ore duorum, vel trium testium stet omne verbum. S. Ioannes Chrysostomus, in sermon. de Martyrib. proprias veteribus Sanctis laudes assignans, nostro Iosue laudem castitatis attribuit, dicens: Ab origine mundi, innocens Abel occiditur:
Gen. 5. Henoch, Deo placens, transfertur: iustus Noë inuenitur:
Gen. 6. Abraham fidelis probatur: Moyses mansuetus dignoscitur:
Num. 12. Iesus castus, Dauid lenis, Elias acceptus, Daniel sanctus,
Iosu. vlt. tres pueri victores redduntur.
Psal. 131. Dan. 1. Dan. 3.

Iam verò, ut ad virtutes Theologicas veniamus,

Fides

Fides in Deum, nescio, an in vlllo maior vnquam eni-
tuerit. *Fides* in miraculorum patratiōe maximè cerni-
tur, dicente Apostolo: *Et si habuero omnem fidem, ita vt* 1. Cor. 12
montes transferā: Charitatem autem non habuero, nihil sum.

Porro in miraculorum patratiōe, præter ceteros
Sanctos Testamenti Veteris, Moyses maximè claruit:
quippe mare diuisit: Cum extendisset Moyses manum super Exod. 14
mare, abstulit illud Dominus flante vento vehementi, &
vrente tota nocte, & vertit in siccum: diuisa ē aqua. Man-
na è celo descendere fecit: Cum ē operuisset superficiem Exod. 16
terre, apparuit in solitudine minutum, & quasi pilo rufum in
similitudinem pruinæ super terram. Aquas ex petra eduxit:
Percuties ē, petram, & exibat ex ea aqua, vt bibat populus. Exod. 17
Et alia id genus multa patravit.

Iosue noster diuisit Iordanem: Ingressis eis Iordanem, Iosu. 3
& pedibus eorum in parte aque tinctis, steterunt aque de-
scendentes in loco vno, & ad instar montis intumescētes
apparebant procul, ab vrbe quæ vocatur Adom vsque ad
locum Sarthan: quæ autem inferiores erant, in mare soli-
tudinis (quod nunc vocatur mortuum) descenderunt vsque,
quo omnino deficerent.

De celo lapides super hostes populi sui descendere fecit:
Cum fugerent (Amorrhæi) filios Israel, & essent in descensu Iosu. 10
Bethhoron, Dominus misit super eos lapides magnos de celo
vsque ad Azeca: & mortui sunt multo plures lapidibus,
grandinis, quàm quos gladio percusserant filij Israel.

Sed quod est omnium maximu, Solem, & lunam in celo,
imperio suo à cursu cohibuit: Tunc locutus est Iosue Dño, Ibi.

in die qua tradidit Amorrhæum in conspectu filiorum Israel, dixitq; coram eis: Sol contra Gabaon ne mouearis; & luna contra Vallem Aialon. Steteruntq; Sol, & luna, donec ulcisceretur se gens de inimicis suis. Stetit itaque Sol in medio celi, & non festinauit occumbere spatio unius diei. Non fuit antea, nec postea tam longa dies, obediēte Domino voci hominis, & pugnante pro Israel.

Hic planè enituit *Fides* maxima, & eminentissima. *S. Iosue*, qui sine hæsitacione credidit, sibi Deum adfuturum, & effecturum, vt *Solem*, & *lunam* silectet: nam idcò non timidè, & submissa voce; sed audacter, & altissimè clamauit. Præuenit igitur *Iesus Naue* promissionem illam *Iesu Christi*, cuius ille figuram gerebat: *Amen dico vobis, si habueritis fidem, & non hesita- ueritis, non solum de ficulnea facietis, sed & si monti huic dixeritis, tolle, & iacta te in mare, fiet. Et omnia quæcum- que petieritis in oratione credentes, accipietis.*

Spes Iosue,

Nec minor fuit *Iosue Spes* in Deum: siquidem Deus ipse non semel, sed secundo, ac tertio dixit ad *Iosue*: *Iosu. 1. Confortare igitur, & esto robustus valdè. Noli metuerè, noli timere: quoniam tecum est Dominus Deus tuus in omnibus, ad quæcumque perrexeris.*

Hæc enim verba Dei, non solum significantia, sed etiam efficientia sine dubio fuerunt. Itaque abstulerunt ab eo omnem pauorem, & timorem; & induerunt eum fiducia incredibili, & fortitudine admirabili, vt facilè victor euaderet aduersus reges plurimos, & expugnauerit omnes vrbes eorum.

Quid

Quid iam de *Charitate* eius erga Deum, & proximum dicam? Iussit Iosue, ut cum caperetur prima ciuitas: *Iericho*: Sit ciuitas hæc anathema: & omnia, quæ in ea sunt. Vos autem cauete, ne de his, quæ præcepta sunt, quippiam contingatis, & sitis præuaricationis rei, & omnia castra Israel sub peccato sint, atque turbentur. Quidquid autem auri, & argenti fuerit, & vasorum æneorum, ac ferri, Domino consecratur, repositum in thesauris eius. Sed cum Achan clam abstulisset aliquid auri, & argenti; & nescio quæ alia, Deo dicata; hic Iosue exarsit in zelum honoris Dei, quamvis alioqui mitissimus esset: Tollens itaque Iosue Achan, filium Zare, argentumq;, & pallium, & auream regulam, filios quoque, & filias eius, boues, & asinos, & oues, ipsumq; tabernaculum, & cunctam suppellectilem, (& omnis Israel cum eo) duxerunt eos ad vallem Achor: ubi dixit Iosue: Quia turbasti nos, exturbet te Dominus in die hac. Lapidauitq; eum omnis Israel: & cuncta, quæ illius erant igne consumpta sunt.

Apparuit quoque zelus religionis, & Charitatis in Deum in fine vitæ eius, ubi incredibili ardore hortatus est populum ad persistendum in vera religione vnus Dei veri: Ego senui, inquit, & progressioris ætatis sum: Vos cernitis omnia, quæ fecerit Dominus Deus vester cunctis per circuitum nationibus, quo modo pro vobis ipse pugnauerit: & nunc quia vobis sorte diuisit omnem terram, ab Orientali parte Iordanis vsque ad mare magnum, multaq;, adhuc supersunt nationes: Dominus Deus vester disperdet eas, & auferet à facie vestra, & possidebitis terram,

sicut vobis pollicitus est. Tantum confortamini, & estote solliciti, ut custodiatis cuncta, quæ scripta sunt in volumine legis Moysi: & non declinetis ab eis neque ad dexteram, neque ad sinistram: ne posteaquam intraueritis ad gentes, quæ inter vos futuræ sunt, iuretis in nomine deorum earum, & seruatis eis, & adoretis illos: sed adhereatis Domino Deo vestro: quod fecistis usque in diem hanc. Et quæ sequuntur. Quibus ita fixit in cordibus audientium zelum religionis, ut

Iosu. 24. Scriptura dicat: Seruauit Israel Domino cunctis diebus Iosue, & seniorum, qui longo vixerunt tempore post Iosue, & nouerunt omnia opera Domini, quæ fecerat in Israel.

**Charitas
in pro-
ximum.**

De amore eius, & Charitate in proximum, duæ res. in testimonium adduci possunt. Vna, quod nulla vnquam ei contentio fuit cum Eleazaro, summo Pontifice, neque cum vilo ex principibus populi; sed incredibili concordia cum illis omnibus vixit semper. Si fieri potest, quod ex vobis est, cum omnibus hominibus pacem habentes.

Rom. 12

Altera, quod cum ventum est ad diuisionem agrorum, & opidorum, ac vinearum, atque adeo rerum omnium, vi, & armis acquisitarum; ille non elegit primus, ut par erat, optima quæque; sed posteaquam omnibus tribus Israel regiones assignatæ fuerant; tunc ipse petijt à populo locum aliquem, vbi habitare posset.

Iosu. 19.

Cum compleisset sorte diuidere terram singulis per tribus suas, dederunt filij Israel possessionem Iosue, filio Nun, in medio sui, iuxta preceptum Domini. urbem, quam postulauit, Thamnath Saran in monte Ephraim: & edificauit ciuitatem, habitauitque in ea,

Fuisse autem locum illum horridum, & asperum, restatur.


statut. S. Hieronymus, in *Vita S. Paulæ*, Marronæ Romanæ, quam dicit admiratam fuisse, quando circuiuit terram promissionis, quod *Iosue*, distributor possessionum, sibi montana, atque aspera delegisset. Sed non est hoc admirandum cum *Iosue non esset de hoc mundo*, sed Ioan 19 vir sanctissimus, & æmulator virtutum *Moyſis*, magistri fui; qui *non querebat, quæ suæ erant*, sed quæ aliorum: nec Philip. 2 solum *Moyſen* imitari volebat, sed multò magis *Iesum Christum*, quem spiritu venturum nouerat: & se illius figuram gerere, Deo reuelante, non ignorabat. Itaque, quod postea Philosophus scripsit, hoc esse discrimē inter Regem, & tyrannum: quod Rex non suam, sed populi utilitatē quærat: Tyrannus contrā, suā, non populi: multò antea noster *Iosue* reipsa, & factis demonstrauit, exemplo suo, Reges informans, & tyrannos detestans.

Omitto, quæ dici poterāt de *Prudentia*, & *fortitudine* in Virtutes. al. x. Io. luc. bellis gerendis, quemadmodum videlicet exercitus suos semper in officio continuerit, à sceleribus compescuerit, in timore Dñi erudierit: & quibus artibus hostes auerterit, vel prostrauerit: ac deniq; tam multas prouincias breui domuerit, & habitatoribus interemptis, vel fugatis, filiis Israel habitandas, possidendasq; tradiderit: vt patet ex libro *Iosue*. Et post hæc mortuus est *Iosue*, filius Iosu. v. 14. Nun, seruus Dñi. centum, & decem annorum: Et genti Hebræorum cum imperio felicissimè præfuit annis viginti:

sex. Sepelieruntq; eum in finibus possessionis suæ in *Thamathsure*, quæ est sita in monte Ephraim, à Septentrionali parte montis Gais.

The first part of the history of the
 world is the history of the
 world from the beginning of
 the world to the beginning of
 the Christian era. The second
 part is the history of the
 world from the beginning of
 the Christian era to the
 present time. The third
 part is the history of the
 world from the present time
 to the end of the world.

V I T A
E T
V I R T V T E S
S A N C T I
D A V I D.
P R O P H E T Æ.
E T
R E G I S.

 A N C T V S *David*, speculum lucidissi-^{s. David} mum esse poterit Christianis Regibus omnibus. Nam diuitijs non caruit, vt *Moyse*, & *Iosue*: neque vitijs etiam caruit, vt *Ioseph*, & *Iosue*. Sed cum auri, & argenti copia abundaret, vsum legitimum diuitiarum ostendit: & cum ex humana fragilitate, peccata non leuia perpetrasset, sic tamen emendare culpas illas studuit, vt non minus post lapsum, quam ante lapsum, amicus Dei singularis dici, atque haberi potuerit.

Primum itaque, enarrabimus secundas res, quæ illi ^{Cap. 13.} acciderunt in pueritia, & adolescentia. Igitur primum.

Davidis

Davidis privilegium illud fuit, quod adhuc puerulus, iussu Dei, à Samuele, Propheta, fuerit inunctus in regem. Nam cum Saul, rex primus Hebræorum, non rectè fungeretur munere suo, neque mandata Dei, sibi per Samuelem, Prophetam, indicata, fideliter adimpleret; iussit Deus Samueli, ut unum ex filiis Isai oleo sancto inungeret, qua vñctione significaretur, illum fore Saulis successorem. Adduxit itaque Isai septem filios suos coram Samuele: & ait Samuel ad Isai: Non elegit Dominus ex istis. Dixitq; Samuel ad Isai: Numquid iam completi sunt filij? Qui respondit: Adhuc reliquus est paruulus, & pascit oves. Et ait Samuel ad Isai: Mitte, & adduc eum: nec enim discumbemus prius, quàm hic ille veniat: Misit ergo, & adduxit eum. Erat autem rufus, & pulcher aspectu, decoraq; facie. Et ait Dominus: Surge, & unge eum: ipse est enim. Tulit ergo Samuel cornu olei, & unxit eum in medio fratrum eius: & directus est Spiritus Domini à die illa in David, & deinceps.

Qua vñctione repletus est David Spiritu sancto, & indutus robur corporis, & animi prorsus admirabile: nam adolescens, & penè puer, oves patris sui custodiens, leonem & ursum inermis interfecit; & paulò post singulari certamine, cum gigante Goliath armato ipse puer inermis depugnauit, ut vicit. Cum fuisset adductus ad Saul, locutus est ei, Non concidat cor cuiusquam in eo: ego seruus tuus vadam, & pugnabo aduersus Philistæum. Et ait Saul ad David: Non vales resistere Philistæo isti, nec pugnare aduersus eum: quia puer es: hic au-

tem vir bellator est ab adolescentia sua. Dixitq; David ad Saul : Pascebat seruus tuus patris sui gregem , & veniebat leo , vel ursus , & tollebat arietem de medio gregis : & persequabar eos , & percutiebam , eruebamq; de ore eorum : & illi consurgebant aduersum me , & apprehendebam mentum eorum , & suffocabam , interficiebamq; eos. Nam & leonem , & ursum interfeci ego seruus tuus : erit igitur & Philisthæus hic incircumcissus , quasi vnus ex eis.

Ac ne sanctus puer videretur de suo robore gloriari , & non de auxilio Dei , in quo præcipuè sperabat , adiunxit :

Nunc vadam , & auferam opprobrium populi , quoniam Ibid.
quis est iste Philisthæus incircumcissus , qui ausus est maledicere exercitui Dei viuentis ? Et ait David : Dominus , qui eripuit me de manu leonis , & de manu ursi , ipse me liberabit de manu Philisthæi huius. Postea :

Cum ergo surrexisset Philisthæus , ut veniret , & appropinquaret contra David , festinauit David , & cucurrit ad pugnam ex aduerso Philisthæi. Et misit manum suam in peram , tulitq; vnum lapidem , & funda iecit , et circumducens , percussit Philisthæum in fronte : et infixus est lapis in fronte eius , et cecidit in faciem suam super terram. Cumq; gladium non haberet in manu David , cucurrit , et stetit super Philisthæum , et tulit gladium eius , et eduxit eum de vagina sua : & interfecit eum , præciditq; caput eius. Videntes autem Philisthim , quod mortuus esset fortissimus eorum , fugerunt. Et consurgentes viri Israel , & Iuda , vociferati sunt , & persecuti sunt Philisthæos , usque dum

venirent in vallem, & usque ad portas Accaron, cecideruntq; vulnerati de Philisthijm in via Saraim, & usque ad Geb,
& usque ad Accaron. Hoc fuit initium operum Heroi-
 corum *Davidis*: quod totum debetur magnæ fidei, &
 fiduciæ innocentis, & religiosi adolescentis in Deum.

Cap. 2. Secundo, dicemus persecutiones, & angustias, quas
 passus est, usque ad annum ætatis trigessimum: Nam hoc
 tam egregium facinus occasionem dedit grauissimæ
 persecutioni, quam Deus permisit, ut virtus patientiæ
 ipsius *Davidis*, & pietatis in Deum, & *Charitatis* in pro-
 ximos, etiã inimicos, & ingratos, perspicuè cerneretur.

1. Reg. 18. Porro cum reuerteretur percusso *Philisthao* *David*, egressæ
 sunt mulieres de vniuersis urbibus *Israel*, cantantes, chorosq;
 ducentes in occursum *Saul* regis, in tympanis letitiæ, & in
 fistris. Et præcinebant mulieres ludentes, atque dicentes: Per-
 cussit *Saul* mille, & *David* decem millia. Iratus est autē *Saul*
 nimis, & displicuit in oculis eius sermo iste: dixitq;: Dederunt
David decem millia, & mihi mille dederunt: quid ei superest,
 nisi solum regnū? Non rectis ergo oculis *Saul* aspiciebat *David*
 à die illa, & deinceps. Post diem autem alteram, inuasit spiri-
 tus Dei malus *Saul*, & prophetabat in medio domus sue:
David autem psallebat manu sua, sicut per singulos dies. Te-
 nebatq; *Saul* lanceam, & misit eam putans, quod configere po-
 sset *David* cum pariete: & declinauit *David* à facie eius se-
 cundo. Amouit ergo eum *Saul* à se, & fecit eum tribunū super
 mille viros. Sperans illū in prælio ab hostibus aliquan-
 do interimendum.

Sed quò magis *Dauidem* *Saul* oderat, eò magis Deus
 cum

cum diligebat, & hostibus formidolosum, & toti populo Israelitico gratum, & amabilem reddebat: *Omnis autem Israel, & Iuda diligebat David: ipse enim ingrediebatur, & egrediebatur ante eos.*

Deniq; locutus est Saul ad Jonathan, filium suum, & ad omnes seruos suos, ut occiderent David, non ferens amplius illius præsentia. Nimis autem longum esset hic referre, quàm frequenter, & palam, & per insidias Saul tentauerit occidere David: *Misit ergo Saul satellites suos in domum David, ut custodirent eum, & interficerent manè.*

Demum etiam integrum exercitum militum ad eum capiendum, & interficiendum misit: Et ibat Saul ad latus montis ex parte una: David autem, & viri eius erant in latere montis ex parte altera. Porro David desperabat se posse euadere à facie Saul: itaque Saul, & viri eius, in modum coronæ cingebant David, & viros eius, ut caperent eos. Postea assumens Saul tria millia electorum virorum ex omni Israel, perrexit ad inuestigandum David, & viros eius, etiam super abruptissimas petras, quæ solis ibicibus peruiæ sunt. Ipse quoq; armatis copijs siluas, & montes circûdedit, in quibus latere Dauidem acceperat, ut eum de vita tollere posset,

David autem numquam Sauli insidiatus fuit, aut vllum in eum incitauit; vel de fama, & honore eius detraxit: sed tantum fugit, latuit, & insidias eius declinauit. Sed quod penè fidè superat, illud est, quod cum posset eum sine periculo suo interficere, & regnū eius inuadere, & hoc non semel, sed bis, & amicis cohortantibus, & occasionibus optimis se offerentibus, semper recusauit.

Et dixerunt serui Dauid ad eum: Ecce dies, de qua locutus est Dominus ad te: Ego tradam tibi inimicum tuum, ut facias ei, sicut placuerit in oculis tuis. Surrexit ergo Dauid, & praececidit oram chlamydis Saul filenter. Post hæc percussit cor suum Dauid, eo quod abscidisset oram chlamydis Saul.

Dixitq; ad viros suos: Propitius sit mihi Dominus, ne faciam hanc rem Domino meo, Christo Domini, ut mittam manum meam in eum, quia Christus Domini est. Alibi: Et dixit Dauid: Viuit Dominus, quia nisi Dominus percusserit eum, aut dies eius venerit, ut moriatur, aut in praelium descendens perierit: propitius sit mihi Dominus, ne extendam manum meam in Christum Domini. Nunc igitur tolle hastam, quæ est ad caput eius: & scyphum aque, & abeamus. Tulit igitur Dauid hastam, & scyphum aque, qui erat ad caput Saul, & abierunt: & non erat quisquam qui videret, & intelligeret, & euigilaret; sed omnes dormiebant, quia sopor Domini irruerat super eos.

Quàm paucos reperiemus, etiam Euangelio iam coruscante, qui parcant hosti sæuissimo, si pollent eum sine periculo suo interficere? Sed quid dicam, si possent non solum vitam suam conseruare, sed etiam amplissimum regnum acquirere? Hoc Dauid fecit, ad hoc culmen virtutis peruenit: & ideò de eò canitur.

Memento, Domine; Dauid, & omnis mansuetudinis eius.

Nec sine magna ratione, filius Dei, filius etiam Dauid appellari voluit: Et transunte inde Iesu, secuti sunt eum duo cæci, clamantes, & dicentes: Miserere nostri, fili Dauid. Alibi: Et egredientibus illis ab Iericho, secuta est eum

est cum turba multa: & ecce duo cæci, sedentes secus viam, Mar. 10.
Luc. 18.
audierunt, quia Iesus transiret: & clamauerunt dicentes:
Domine, miserere nostri, fili David: Nimiram mansueti-
patris mitissimus filius, & patientis patris patientissimus
filius: Qui cum malediceretur, non maledicebat: cum pa- 1. Pet. 2.
teretur, non comminabatur.

Tertiò, dicemus res gestas Dauid, dum regnaret Cap. 3.
per annos quadraginta: & videamus, quàm iustè, &
quàm sanctè regnum administrauerit. Saul, primùm
electus ad regnum, optimus erat omnium: Electus, & 1. Reg. 9
bonus: & non erat vir de filiis Israel melior illò. Et tam-
humilis in oculis suis, vt oportuerit eum quasi com-
pellere ad regnum: Quæsierunt ergo eum, & non est in- 1. Reg.
10.
uentus. Et consuluerunt post hac Dominum, verumnam
uenturus esset illuc. Responditq; Dominus: Ecce absconditus
est domi. Cùcurrerunt itaque, & tulerunt eum inde: stetitq;
in medio populi, & altior fuit vniuersò populo ab humero,
& sursum.

Tamen paulò post oblitus mandatorum Dei, &
in sensum reprobum datus, non solum Dauidem, fide- Rom. 1.
lissimum sibi militem, ob inuidiam, persecutus est, tan-
quam hostem: sed etiam Sacerdotes Domini, quòd su-
spicaretur amicos esse Dauidis, planè mites, & inno-
xios, coram se interfici iussit: Et ait rex emissarijs, qui 1. Reg. 22,
circumstabant eum: Conuertimini, & interficite sacerdotes
Domini, nam manus eorum cum Dauid est: scientes, quòd
fugisset, & non indicauerunt mibi. Noluerunt autem serui
regis extendere manus suas in sacerdotes Domini. Et ait rex

ad Doeg : Conuertere tu, & irruere in sacerdotes. Conuersusq; Doeg Idumæus, irruit in sacerdotes, & trucidauit in die illa octogintaquinque viros, vestitos ephod lineo. Nec ea crudelitate contentus, Nobe, ciuitatem sacerdotum percussit in ore gladij, viros, & mulieres, & paruulos, & lactantes, bouemq;, & asinum, & ouem in ore gladij.

1. Reg.
28.

En ad quantam barbariem, & feritatem perduxit inuidia, & carentia timoris Domini eum regem, qui priuatus, cum esset, erat omnium optimus ! Sed neq; his contentus, religione diuina contempta, consuluit phytonissam: Mutauit ergo habitum suum & abiit ipse, & duo viri cum eo, veneruntq; ad mulierem nocte, & ait illi: diuina mihi in pythone, & suscita mihi, quem dixero tibi. Dixitq; ei mulier: Quem suscitabo tibi? Qui ait: Samuelem mihi suscita. Cum autem vidisset mulier Samuelem, exclamauit voce magna, & dixit ad Saul: Quare imposuisti mihi? Tu es enim Saul. Dixitq; ei rex: Noli timere: quid vidisti? Et ait mulier ad Saul: Deos vidi ascendentes de terra. Dixitq; ei: Qualis est forma eius? Quæ ait: Vir senex ascendit, & ipse amictus est pallio. Et intellexit Saul, quod Samuel esset, & inclinauit se super faciem suam in terra, & adorauit.

1. Reg.
31.

His igitur omnibus sceleribus prouocatus Dominus, tradidit Saulem cum exercitu suo, in potestate Philistinorum: Irrueruntq; Philistini in Saul, & in filios eius, & percusserunt Ionatham, & Abinadab, & Melchisua, filios Saul, totumq; pondus prelij versum est in Saul: & consecuti sunt eum viri sagittarij, & vulneratus est vehementer à sagittarijs. Dixitq; Saul ad armigerum suum: Euagina gladii tuum,

tuum, & percutite me, ne fortè veniant incircumcisi isti, & interficiant me, illudentes mihi. Et noluit armiger eius, fuerat enim nimio terrore perterritus. Arripuit itaque Saul gladium, & irruit super eum. Quod cum vidisset armiger eius, videlicet quòd mortuus esset Saul, irruit etiam ipse super gladium suum & mortuus est cum eo. Mortuus est ergo Saul, & tres filij eius, & armiger illius, & vniuersi viri eius in die illa pariter.

Defuncto igitur impio rege, translatum est regnum ad pium, & amicum Dei, Dauidem: qui initiù regnandi duxit à lacrymis, ieiunio, & planctu magno, ob mortem Saulis, inimici sui: & animaduertit gladio in eum, qui dixerat, interfectum à se fuisse Saulem. Dixitq; Dauid ad iuuenem, qui nunciauerat ei: Vnde es tu? Qui respondit: Filius hominis adueniens Amalecitarum ego sum. Et ait ad eum Dauid: Quare non timuisti mittere manum tuam, ut occideres Christum Dñi? Vocansq; Dauid vnum de pueris suis, ait. Accedens irruo in eum. Qui percussio illum, & mortuus est. Et ait ad eum Dauid: Sanguis tuus super caput tuum: os enim tuum locutum est aduersum te, dicens: Ego interfeci Christum Domini. Planxit autem Dauid planctum huiusmodi super Saul, & super Ionathan, filium eius. Et ait: Considera Israel pro his, qui mortui sunt super excelsa tua vulnerati. Inclyti, Israel, super montes tuos interfecti sunt: quo modo ceciderunt fortes?

Quid igitur mirum est, quòd Dauid diceretur vir secundum cor Dei, qui inimicum suum sequissimū, viuentem mortuumque ita dilexit, ac si amicissimus illi fuisset?

Sic enim

Luc. 6. Sic enim & Deus ipse benignus est super ingratos, & malos.
 Rom. 9. Alibi : Commendat autem charitatem suam Deus in nobis :
 quoniam , cum adhuc peccatores essemus , secundum tempus
 Christus pro nobis mortuus est.

Porro quàm iustè David , misericorditer , & pru-
 denter regnauerit, explicat ipse, dicens : Misericordiam,
 & iudicium cantabo tibi , Domine : Psallam , & intelligam
 in via immaculata , quando venies ad me. Perambulabam
 in innocentia cordis mei in medio domus mee. Non propone-
 bam ante oculos meos rem iniustam : facientes prævarica-
 tiones odiui. Non adhaesi mihi cor prauum : declinantem à
 me malignum non cognoscebam. Detrahentem secretò proxi-
 mo suo, persequabar. Superbo oculo , & insatiabili corde, cum
 hoc non edebam. Oculi mei ad fideles terræ ut sedent mecum :
 ambulans in via immaculata , hic mihi ministrabat. Non
 habitabit in medio domus mee , qui facit superbiam : qui lo-
 quitur iniqua , non direxit in conspectu oculorum meorum.
 In matutino interficiebam omnes peccatores terræ : ut di-
 sperderem de ciuitate Domini omnes operantes iniquitatem.

Cap. 4. Neque solæ virtutes regis , Misericordia , & Iustitia ,
 in Dauide nostro mirificè refulserunt : sed etiam Pietas ,
 & Charitas in Deum tanta , quanta vix in probatissimis
 Sacerdotibus , & perfectis Monachis , Euangelio coru-
 scante , inueniri poterit. Et tamen hic magnus vir non
 i. Reg. 1 in templo Domini , ut Samuel , neque in desertis locis ,
 Math. 3 ut S. Ioannes Baptista ; & nostri Paulus , & Antonius ;
 sed aulam Regiam tenebat , opibus abundabat , vxores ,
 & filios multos habebat , exercitum armatum ducebat ,
 vrbes

urbes oppugnabat, ut caperet, & captas euertebat: & tamen sic erat addictus colloquijs diuinis, & orationi, ut diceret: *Media nocte surgebam ad confitendum tibi, super iudicia iustificationis tue.* Et: *Septies in die laudem dixi tibi, super iudicia iustitiæ tue.* Et Cantica illa spiritualia, tam multa, & tam pia scriberet, quæ fontes lacrymarum producunt: quæque iam per omnes Ecclesias suauissimè concinuntur, ut factus sit Dauid magister omnium Ecclesiarum, & Monasteriorum.

Quid dicam de amore eius in Deum, & contemptu mundi huius? Ita prorsus amor diuinus cor eius occupauerat, ut diceret: *Tibi dixit cor meum, exquisiuit te facies mea. faciem tuam, Domine, requiram.* Item: *Quàm magna multitudo dulcedinis tuæ, Domine, quam abscondisti timentibus te!* Item: *Gustate, & videte: quoniam suavis est Dominus: beatus vir, qui sperat in eo.* Item: *Sitiuit anima mea ad Deum fontem vinum quando veniam, & apparebo ante faciem Dei!* Item: *Renuit consolari anima mea, memor fui Dei, & delectatus sum, & exercitatus sum: & defecit spiritus meus.* Item: *Quid enim mihi est in calo? & à te quid volui super terram? Defecit caro mea, & cor meum: Deus cordis mei, & pars mea Deus in æternum.* Item: *Latifica animam serui tui, quoniam ad te Domine animam meam leuauit. Quoniam tu Domine, suavis, & mitis, & multa misericordie omnibus inuocantibus te.*

H

Addidit

1. Paral. 22. Addit quoque *Dauid* ad amorem erga Deum, *Pietatem*, & *Religionem* erga ea, quæ Dei sunt; & *preparauit*, quæ ad templum magnificentissimum ædificandum necessaria esse videbantur: *Ecce ego in paupertate mea*, ait, *preparauimus impensas domus Domini, auri talenta centum millia, & argenti mille millia talentorum: æris uerò, & ferri non est pondus, vincitur enim numerus magnitudine: ligna, & lapides preparauimus ad uniuersa impendia. Ecce in quos usus Dauid thesauros congeffit suos: non in voluptates suas, vel gloriam suam, sed in obsequium Domini Dei sui.*

2. Paral. 30. Nec uerò amabat solum *Dauid* Dominum ex toto corde suo; sed etiam despiciebat omnia, quæ extra Deum sunt; ut planè inania, nihil solidi, & veri boni in se habentia: *Ecce mensurabiles posuisti dies meos*, id est, breuissimos, qui quasi palmo uno mensurari possint; & *substantia mea, tanquam nihilum ante te. Verumtamen uniuersa Vanitas, omnis homo uiuens. Verumtamen in imagine pertransit homo: sed & frustra conturbatur. Thesaurizat, & ignorat, cui congregabit ea. Et tabescere fecisti, sicut araneam, animam meam. Aranea enim laborat in texenda tela, ut capiat muscas; & ipsa interim exsiccat, & consumitur.*

• Ne fileas: quoniam aduena ego sum, & peregrinus, sicut omnes patres mei. Remitte mihi, ut refrigerer prius, quam abeam, & amplius non ero.

Neque solum Deum, sed etiam proximum sic ardenter diligebat *Dauid*, ut pro eo vitam suam exponere parati-

paratissimus esset. Cùm enim grauiissima pestis grassaretur in populum, clamauit *Dauid* ad Deum: *Ego sum*, ^{1. Reg. 16.} *qui peccavi, ego iniquè egi: isti, qui oues sunt, quid fecerunt?* *vertatur, obsecro, manus tua contra me, & contra domum patris mei.* Hæc nimirum est illa perfecta charitas, de qua *S. Ioannes*: *In hoc cognouimus charitatem Dei, quoniam ille animam suam pro nobis posuit: & nos debemus pro fratribus animas ponere.* ^{1. Ioan. 3.}

Insignis quoque fuit *patientia*, & *humilitas* *Dauidis*. Cùm enim fugeret *Absalonem* filium, qui, vt regnum patri eriperet, cum ingenti exercitu aduersus eum veniebat, accidit, vt *vir* quidam, nomine *Semei*, malediceret ^{1. Reg. 16.} regi, dicens: *Egredere, egredere, vir sanguinum, & vir Belial: mittebatq; lapides contra Dauid, & contra vniuersos seruos eius.* Cùmque vnus ex Ducibus *Dauid* mortem illi comminaretur, compescuit *Dauid* militem suum, dicens: *Dimittite eum, vt maledicat: Dominus enim præcepit ei, vt malediceret Dauid: & quis est, qui audeat dicere, quare sic fecerit?* Sic *Dauid* humiliter passus est, vt *vir* priuatus pergeret maledicendo, & lapides contra se iaciendo, quamdiu voluit, etiamsi facillimè posset, per vnum ex militibus suis, eum de medio tollere.

Et cùm idem *Semei* postea *Dauidi*, ex prælio victori redeunti, occurrisset, & veniam petisset, facillimè ^{1. Reg. 19.} impetrauit. Et ait rex *Semei*: *Non morieris.* Iurauitq; ei. Et quid mirum, si veniam impetrauit à Rege mitissimo, & patientissimo, de quo scriptum: *Memento Domine,* ^{Psalm. 131.}

David, & omnis mansuetudinis eius. Porrò *Mansuetudinis*, & *Patientie* soror, vel mater est *Humilitas*, quarum virtutum magistrum, ac doctorem se proficitur Christus, dicens : *Discite à me, quia mitis sum, & humilis corde.*

Atque ea causa esse videtur, cur *David* in *Psalmo* humilitatem suam apertissimè prædicauerit, quasi glorians, ea se virtute præditum ex insigni dono Dei fuisse, quam, vt *Propheta* eximius, prænoscebat, in *Christo*, filio secundum carnem, primarium locum habituram.

Psal. 130 Domine, inquit, non est exaltatum cor meum : neque elati sunt oculi mei. Neque ambulavi in magnis, neque in mirabilibus super me.

Ac ne fortè homines non facilè crederent, in tanto Rege locum tantæ humilitati esse potuisse, addit iuramentum : *Si non humiliter sentiebam : sed exaltaui animam meam : Sicut ablactatus est super matre sua, ita retributio in anima mea.*

Tremendum iuramentum, si intelligatur per experimentum, quàm gravis sit pœna, priuatio lactis diuini. Hæc enim sententia huius loci esse videtur : Sicut infans, recens amotus à lacte manet in sinu, vel super genua matris suæ mœstus, & plorans : qui priuatus est dulcedine lactis, quæ pro illo tempore, summæ deliciæ illius erant : sic anima mea priuetur dulcedine visitationis diuinæ, quæ meæ purissimæ, & solidæ deliciæ sunt, si spiritus superbiæ in anima mea locum ullum

ullum habeat. Quorsum autem hæc declaratio humilitatis regię tendat : intelligi potest ex conclusione *Psalmi* : *Speret Israel in Domino , ex hoc nunc & usque in seculum.* Hæc enim est sententia horum verborum : Si ego , rex , & Propheta , non me efferre audeo propter potentiam , & sapientiam , neque de me ipse præsumo , sed omnem spem meam in Deo collocatam habeo : certè par est , vt populus meus non in viribus suis confidat , sed *speret in Domino* omni tempore , tam præsentis , quam futuro.

Restat ex rebus gestis *Dauidis* peccatum eius , & *pœnitentia*. Quia enim multò plures sunt reges , qui egent exemplis *pœnitentie* , quàm innocentie ; ideò placuit Deo , ad multorum Principum salutem , permittere , vt hic singularis eius amicus , & *vir planè secundum cor eius* , in graue peccatum aliquando laberetur , & per seriam *pœnitentiam* citò resurgeret : & peccatum eius ac *pœnitentia* litteris publicis scriberetur , & per omnes prouincias legeretur , & cantaretur , & ad memoriam sæculorum omnium mandaretur.

Igitur peccauit *Dauid* sanctus peccatum grande , adulterium videlicet cum homicidio coniunctum. In quo peccato multæ deformitates numerari possunt. Vna ex numero personarum , quas offendit , quæ plurimæ sunt. Nam primò offendit *Uriam* , militem suum fidelissimum , cui *uxorem* , & vitam eripuit.

1. Reg.
11.

Factum est ergo manè, & scripsit Dauid epistolam ad Ioab: misitq; per manum Vriæ, scribens in epistola: Ponite Vriam ex aduerso belli, ubi fortissimum est prælium: & dereliquite eum, ut percussus intereat. Igitur cum Ioab obsideret urbem, posuit Vriam in loco, ubi sciebat viros esse fortissimos. Egressiq; viri de ciuitate, bellabant aduersum Ioab, & ceciderunt de populo seruorum Dauid, & mortuus est etiam Vriæ Hethæus. Transacto autem luctu, misit Dauid, & introduxit eam (uxorem Vriæ) in domum suam, et facta est ei uxor.

Ibid.

Deinde offendit Bethsabeam, quam ad peccatum adulterij prouocauit, & spiritualiter interfecit. Accidit, ut surgeret Dauid de strato suo post meridiem, & deambulare in solario domus regie: viditq; mulierem se lauantem ex aduerso super solarium suum: erat autem mulier pulchra valdè. Misit ergo rex, & requisivit, quæ esset mulier. Nunciatumq; est ei, quod ipsa esset Bethsabee, filia Eliam, uxor Vriæ Hethæi. Missis itaque Dauid nuncijs, tulit eam quæ cum ingressa esset ad illum, dormiuit cum ea.

1. Reg. 3

Tum offendit uxores proprias, quibus fidem non seruauit. Cum ergo venissent Dauid, & viri eius, ad ciuitatem, & inuenissent eam succensam igni, & uxores suas, & filios suos, & filias ductas esse captiuas, leuauerunt Dauid, & populus, qui erat cum eo, voces suas, & plauerunt, donec deficerent eis lacrymæ. Siquidem & duæ uxores Dauid captivæ ductæ fuerant, Achinoam Iezrahelites, & Abigail, uxor Nabal Carmeli. Et contristatus est Dauid valdè.

Præterea

Præterea offendit populum vniuersum : Tu, enim *se-*
cisti absconditè, (ait ei Nathan) *ego autem faciam verbum*
istud in conspectu omnis Israël, & in conspectu solis. Imò
 etiam infideles, & impios exemplo pessimo : *Verum-* 2. Reg.
12.
tamen, quoniam blasphemare fecisti inimicos Domini, pro- Ibid.
pter verbum hoc, filius, qui natus est tibi, morte morietur.

Denique, offendit Deum, cuius leges apertè præua-
 ricatus est : *Non occides : Non moechaberis.*

Deinde, grauitas peccati Davidis cognosci potest
 ex circumstantijs personarum. Nam offendit *Dauid*
Vriam, primò innocentem : *Misit autem Dauid ad Ioab,* Exod.
20.
dicens : Mitte ad me Vriam Hethæum. *Misitq; Ioab Vriam* 2. Reg.
11.
ad Dauid. Et venit *Vrias* ad *Dauid*. Secundò, fidelissi-
 mum : *Quæsiuitq; Dauid, quàm rectè ugeret Ioab, & po-*
pulus, & quomodo administraretur bellum. Et dixit *Dauid*
ad Vriam : Vade in domum tuam, & laua pedes tuos. Et
egressus est Vrias de domo regis, secutusq; est eum cibus re-
gius. Dormiuit autem *Vrias* ante portam domus regis
 cum alijs seruis Domini sui & non descendit ad domum
 suam.

Tertiò, qui tum *Dauidi* militabat : Et ait *Dauid* ad
Vriam : Numquid non de via venisti? quare non descendi-
 sti in domum tuam? Et ait *Vrias* ad *Dauid* : Arca Dei, &
Israhel, & Iuda habitant in papilionibus, & dominus meus
Ioab, & serui Domini mei super faciem terre manent : et
ego ingrediar domum meam, ut comedam, et bibam, et
dormiam cum uxore mea? Per salutem tuam, et per salutem
anime tue, non faciam hanc rem.

Quartò,

Quartò, quia vxorem eius polluerat per adulterium, quasi puniendum cenferet, quia iniuriam acceperat.
 Ibid. Ait ergo Dauid ad Vriam: Manè hic etiam hodiè, & cras dimittam te. Mansit Vrias in Ierusalem in die illa, & altera: & vocauit eum Dauid, vt comederet coram se, & biberet, & inebriauit eum.

Quintò, quia ipsum eundem ministrum suæ mortis esse voluit, dans ei litteras, quibus cædes ipsius continebatur: Factum est ergo manè, & scripsit Dauid epistolam ad Ioab: misitq; per manum Vrie, scribens in epistola: Ponite Vriam ex aduerso belli, vbi fortissimum est prælum: & derelinquite eum, vt percussus intereat.

Sextò, quia cùm scripsit ad Ioab, Ducem militiæ, vt Vriam interficiendum curaret, existimari voluit eum magni criminis reum; & eò modò famam eius maculauit. Ibid. Igitur cùm Ioab obsideret urbem, posuit Vriam in loco, vbi sciebat viros esse fortissimos. Egressiq; viri de ciuitate, bellabant aduersum Ioab, & ceciderunt de populo seruorum Dauid, & mortuus est etiam Vrias Hethæus.

Sed & ingratitudo erga Deum, præcipua causâ est magnitudinis peccati Dauidis. Deus enim in Dauidem omnia ferè dona, & privilegia contulit, quæ in hominem conferri posse videntur. Hæc dicit Dominus Deus Israel: Ego unxi te in regem super Israel, & ego erui te de manu Saul, & dedi tibi domum Domini tui, & vxores Domini tui in sinu tuo, dediq; tibi domum Israel, & Iuda: & si parua sunt ista, adijciam tibi multò maiora: Fecit itaque Deus cum, Regem magnum, Prophetam eximium,

Impera-

Imperatorem felicissimum, ex pauperculo pastore ouium: donauit cum prudentia, robore, pulchritudine; cumulauit diuitijs, prolibus, deniq; rebus omnibus, quę in terris desiderari possent. *Ingressus est autem rex, Dauid,* ^{1. Reg. 7}
Et sedit coram Domino, Et dixit: Quis ego sum, Dñe Deus,
Et quę domus mea, quia adduxisti me hucusq;? Sed Et hoc
parum visum est in conspectu tuo, Domine Deus, nisi loque-
reris etiam de domo serui tui in longinquum.

Adiecit ad omnia Dauid, quod non continuò resipuit, sed hæsit in cœno peccati multos menses: iam enim natus erat filius ex adulterio, quando primùm Dauid resipiscere cœpit: *Filius, qui natus est tibi, morte morietur.* ^{1. Reg. ii}
 Et nisi Dominus singulari beneficio gratiæ suæ, *mississet*
ad eum Nathan, Prophetam, diutius fortasse in luto ^{1. Reg. 12.}
 peccati volutatus fuisset. Hęc tanta peccati grauitas, hominis alioqui tam pij, in *Scripturis* tam accuratè exponitur, vt nullus desperet, sed omnes ad pœnitentiam, eamq; seriam, primo quoque tempore reuertantur. *Benedic, anima mea Domino: Et omnia, quę intra* ^{Psall. 103.}
me sunt, nomini sancto eius. Benedic, anima mea, Domino:
Et noli obliuisci omnes retributiones eius. Qui propitiatur
omnibus iniquitatibus tuis, qui sanat omnes infirmitates
tuas.

Alterum peccatum Dauidis in *Scriptura* narratur, quod numerari voluerit homines ad bellum idoneos in vniuerso regno suo. *Et addidit furor Dñi irasci contra Israel,* ^{1. Reg: 11.}
commouitq; Dauid in eis dicentem: Vade, numera Israel, Et
Iudam. Dedit ergo Ioab numerum descriptionis populi regi,

Et inuenta sunt de Israel octingenta millia virorum fortium, qui educerent gladium: Et de Iuda quingenta millia pugnatorum. Percussit autem cor David eum, postquam numeratus est populus: Et dixit David ad Dominum: Peccaui valdè in hoc facto: sed precor, Domine, ut transferas iniquitatem serui tui, quia stultus è egi nimis.

Et mox adfuit Gad, Propheta, Et videns David, dicens: Hæc dicit Dominus: Trium tibi datur optio, elige unum, quod volueris ex his, ut faciam tibi. Aut septem annis veniet tibi fames in terra tua: aut tribus mensibus fugies aduersarios, Et illi te persequentur: aut certè tribus diebus erit pestilentia in terra tua. Dixit autem David ad Gad: Coarctor nimis: sed melius est, ut incidam in manus Domini (multæ enim misericordie eius sunt) quàm in manus hominum.

Ista numeratio potuisset videri sine culpa, cum Deus ipse iusserit numerari omnes tribus Israel: Locutusq; est Dominus ad Moysen in deserto Sinai, in tabernaculo fœderis, prima die mensis secundi, anno altero egressionis eorum ex Ægypto, dicens: Tollite summam uniuersæ congregationis filiorum Israel per cognationes, Et domos suas, Et nomina singulorum, quidquid sexus est masculini à vigesimo anno, Et supra, omnium virorum fortium ex Israel, Et numerabitis eos per turmas suas, tu, Et Aaron.

Sed poenitentia David, & ira Dei, per Gad, Prophetam, manifestata, apertè satis indicat, & Regem, & populum peccasse timore superbiæ, vel saltem inanis gloriæ, ob tam ingentem numerum virorum fortium, in regno

in regno alioqui non amplissimo : sed constat etiam ,
 maius fuisse peccatum *populi* , quàm *regis*. Id quod in-
 telligi potest ex illis verbis : *Et addidit furor Domini irasci* 2. Reg. vlt.
contra Israel , commouitq; David in eis dicentem : Vade ,
numera Israel , & Iudam. Tum ex pœna subsecuta , ex
 peste videlicet , quæ personam Regis non attigit : *Inmi-*
fitq; Dominus pestilentiam in Israel , de manè usque ad tem-
pus constitutum , & mortui sunt ex populo , à Dan usque ad
Bersabee , septuaginta millia virorum.

Nunc Pœnitentiam David audiamus. Primùm igitur Cap. 6.
humilitas , & mansuetudo cognosci potest ex eo , c. 12. 3
 quòd cum *Nathan , Propheta , Davidem* reprehendisset
 nomine Dei , atque dixisset : *Hæc dicit Dominus Deus* 2. Reg. 12.
Israel : Quare contempsisti verbum Domini , ut faceres
malum in conspectu meo ? Vriam Hethæum percussisti gladio ,
& uxorem illius accepisti in uxorem tibi , & interfecisti
eum gladio filiorum Ammon. Quam ob rem non recedet gla-
 dius de domo tua usque in sempiternum , eò quòd despexeris
 me , & tuleris uxorem *Vrie Hethæi* , ut esset uxor tua.
 Itaque hæc dicit Dominus : Ecce , ego suscitabo super te ma-
 lum de domo tua , & tollam uxores tuas in oculis tuis , &
 dabo proximo tuo , & dormiet cum uxoribus tuis , in oculis
 solis huius.

Ad hæc David neque negavit , neque factum excu-
 sauit , neque cum indignatione repulit nuncium illum :
 sed dixit David ad Nathan : *Peccaui Domino.*

Sed quoniam Deus , qui scrutatur corda , vidit , vo- Psal. 7.
 cem illam ex vera , & profunda Contritione prodijisse ,

1. Reg. 13. *Dixit Nathan ad David : Dominus quoque transtulit peccatum tuum : non morieris.*

Sed *David*, non contentus hoc Prophetæ responso, instituit omnes partes veræ *Pœnitentiæ* adimplere, quæ sunt *Contritio cordis*, *Confessio oris*, *Satisfactio per opera Pœnitentiæ*, ac demum *Patientia* in aduersis, quando præsertim satis constat, immitti illa à Deo, ut per illorum tolerantiam, peccata admissa purgentur. In his omnibus exemplar eximium verè pœnitentium videtur fuisse *David*.

2. Sal. 50. De *Contritione cordis* idem testatur : *Sacrificium Deo, spiritus contribulatus : cor contritum, & humiliatum Deus non despicies.* Testantur flumina lacrymarum, quæ ipse Psal. 6. fudit : *Laboraavi in gemitu meo, lauabo per singulas noctes lectum meum : lacrymis meis stratum meum rigabo.* Alibi 2. Sal. 118. apertiùs : *Exitus aquarum deduxerunt oculi mei : quia non custodierunt legem tuam.*

Quamuis enim aliàs exposuerim hunc locum, cum Theodoro, & Euthymio, de fletu pro peccatis aliorum : tamen maiori ratione possum nunc exponere cum sanctis patribus, Ambrosio, Hieronymo, & Augustino, de peccatis proprijs ipsius *Davidis*, & in specie de peccato cum *uxore Uriæ*, de quo nunc agimus : *Exitus aquarum deduxerunt oculi mei, quia non custodierunt legem tuam oculi mei*, quando uxorem alicnam concupierunt.

Notant autem sancti patres, per *exitus aquarum*, non significari guttas aliquas lacrymarum, sed riuos ingentes,

ingentes, siue potius flumina, vel ut loquitur S. Ambrosius, *continuum quoddam, & inge profluxum lacrymarum*. Sic nimirum diluuntur peccata, sic placatur Deus: non ut multi faciunt, qui mortem filiorum, aut coniugum, flumine lacrymarum deslere norunt; mortem animæ propriæ ne vna quidem lacrymula plangere possunt. Et tamen loquitur veritas: *Quid prodest homini, si mundum uniuersum lucretur, animæ vero suæ detrimentum patiatur?* Matthæ. 16.

De Confessione oris, non solum Nathan Propheta 2. Reg. 12. dixit: *Peccaui Domino*: sed palam in oratione clamauit: *Miserere mei, Deus, secundum magnam misericordiam tuam: Et secundum multitudinem miserationum tuarum, dele iniquitatem meam. Amplius laua me ab iniquitate mea: & à peccato meo munda me. Quoniam iniquitatem meam ego cognosco: & peccatum meum contra me est semper.* Psalm. 50.

Neque ignorabat David, hunc Psalmum cum cæteris, in toto orbe terrarum, usque ad mundi consummationem esse legendum, & titulum eius futurum: *Cum venit ad eum Nathan, Propheta, quando intrauit ad Bethsabee.*

De Satisfactione, ieiunio nimirum, & Oratione, nulla dubitatio esse potest, quin crebra ista fuerint apud Davidem post hoc peccatum patratum. Nam si de se ipse dicat: *Ego autem, cum mihi molesti essent, induebar cilicio: Humiliabam in ieiunio animam meam: & oratio mea in sinu meo conuertetur.* Psalm. 39. certè id fecit, cum pro-

.1 Reg.
22.

hoc maximo peccato satisfacere Deo voluit. *Deprecatusq; est David Dominum pro paruulo : & ieiunauit David ieiunio, & ingressus seorsum, iacuit super terram.* Quod S. Ambrósius *serm. in Psal. 118.* non tam tribuit morti propinquæ filij, quàm peccato, contra Deum patrato. Si enim potuisset Deum placare, ob eius peccatum; offensum, non fuisset filius moriturus: proinde non tam filij mortem redimere, quàm Deum placare *David* illo suo ieiunio, & humicubatione quærebat.

Restat postrema *Pœnitentia* pars, quæ in flagellis Dei, æquo animo suscipiendis, & patientissimè ferendis, posita est. Deus enim filios suos peccantes seuerè in hac vita flagellat, non quia odit, sed quia diligit: nam & ipsis filiis longè vtilius est hic flagellis purgari, quàm in alio sæculo hereditate privari.

Heb. 12.

*Quem enim diligit Deus, castigat: flagellat autem omnem filium, quem recipit. In disciplina perseuerate. Tamquam filijs vobis offert se Deus: quis enim filius, quem non corripit pater? Quod si extra disciplinam estis, cuius participes facti sunt omnes: ergo adulteri, (id est, adulterini) & non filij estis. id est, non filij legitimi, ad quos solos pertinet hereditas. Deus igitur, qui Davidem in filijs legitimis numerabat, flagellis grauissimis attriuit, præter ea, quæ ipse sibi sponte assumpserat, lacrymas, ieiunia, humicubationes, & alia id genus. Ac primùm, quod per Nathan, Prophetam, illi comminatus est, quod in ultionem homicidij *Vrie*, gladius non recederet de domo eius*

2. Reg. 12.

eius usque in sempiternum, ad litteram impletum est. Nam continuò accidit die septima, ut moreretur infans, ex adulterio natus.

Deinde, Amnon, filius eiusdem Davidis ab Absalom fratre occisus fuit. Præceperat autem Absalom pueris suis, ^{2. Reg. 13} dicens: Obseruate, cum temulentus fuerit Amnon vino, & dixerit vobis: Percutite eum, & interficite: nolite timere: ego enim sum, qui præcipio vobis: roboramini, & estote viri fortes. Fecerunt ergo pueri Absalom aduersus Amnon, sicut præceperat eis Absalom.

Postea Absalom conspirauit contra patrem, & ciecit eum ex vrbe regia: Venit ergo nuncius ad David, dicens: ^{2. Reg. 15} Toto corde vniversus Israel sequitur Absalom. Et ait David seruis suis; qui erant cum eo in Ierusalem: Surgite, fugiamus, neque enim erit nobis effugium à facie Absalom: festinate egredi, ne fortè veniens occupet nos, & impellat super nos ruinam, & percutiat ciuitatem in ore gladij.

Et vt maiori illum iniuria afficeret, tetenderunt Absalom tabernaculum in solario, ingressusq; est ad concubinas patris sui coram vniuerso Israel. quod Nathan futurum illi prædixerat. ^{2. Reg. 16. 2. Reg. 12.}

Paulò post in prælio occiditur Absalom, cum incredibili dolore patris, qui non tam interitum carnis, quàm mortem æternam animæ considerabat, cum sciret, illum perijsse reum scelerum grauissimorum. Contristatus itaque rex, ascendit coenaculum porte, & fleuit. ^{2. Reg. 18.} Et sic loquebatur, vadens: fili mi, Absalom, Absalom fili mi: quis mihi tribuat, ut ego moriar pro te, Absalom.
fili mi

fili mi , fili mi Absalom ?

His accessit exprobratio Semei , qui fugientem
 3. Reg. 2 *Dauidem maledicebat maledictione pessima*, quasi usurpa-
 2. Reg. torem alieni regni. Ita autem loquebatur Semei , cum ma-
 16. lediceret regi : *Egredere , egredere , vir sanguinum , & vir*
Belial. Reddidit tibi Dominus uniuersum sanguinem domus
Saul : quoniam inuastisti regnum pro eo , & dedit Dominus
regnum in manu Absalom filij tui : & ecce premunt te mala
tua , quoniam vir sanguinum es.

Denique , addita est fuga *Dauidis* ex vrbe sua regia ,
 & fuga adeo repentina , vt coactus sit rex *pedibus nudis* ,
 operto capite , & flens , per montem Oliuarum iter facere.
 2. Reg. Porro *Dauid ascendebat cliuum oliuarum , scandens , &*
 15. *flens , nudis pedibus incedens , & operto capite : sed &*
omnis populus , qui erat cum eo , operto capite ascendebat
plorans.

Hæc sunt flagella , dura quidem , sed paterna , quibus
 Deus *Dauidem* sanctum exercuit. Et quidem mortem
 tot filiorum patientissimè tulit , ita vt intra se lugeret
 quidem , & sensum doloris ostenderet , sed absque
 murmure , absque comminatione , absque signo vlllo
 impatientiæ aut vindictæ. De vxorum , seu concubina-
 rum publica turpitudine , à filio accepta , dicitur :
 2. Reg. Cum venisset rex in domum suam in Ierusalem , tulit decem
 20. mulieres concubinas , quas dereliquerat ad custodiendam do-
 mum , & tradidit eas in custodiam , alimenta eis præ-
 bens : & non est ingressus ad eas , sed erant clausæ usque
 in diem mortis sue , in viduitate viuentes.

Expro-

Exprobationem pessimi Semei tulit *Dauid* summa animi æquitate, dum viveret : sed quia res illa fuerat pessimi exempli, *Salomonem*, qui post eum regnaturus erat, admonuit, ut pro sua sapientia, delictum illud non relinqueret impunitum.

Habes quoque apud te Semei, filium Gera, filij Iemini, de Bahurim, qui maledixit mihi maledictione pessima, quando ibam ad castra : sed quia descendit mihi in occursum, cum transirem Iordanem, & iuraui ei per Dominum, dicens : Non te interficiam gladio : tu noli pati eum esse innoxium. Vir autem sapiens es, ut scias, quæ facies ei, deducesq; canos eius cum sanguine ad inferos.

Quod ergo dixerat *Dauid* : Dominus præcepit ei, ut malediceret *Dauid* : non sic accipiendum est, quasi maledictio Semei fuisset laudabilis, utpote à Deo imperata; sed quòd maledictio illa, quamuis falsa, & iniqua, à Deo permessa fuerit ad patientiam, & humilitatem serui sui *Dauidis* exercendam.

Habemus igitur *Dauidem* sanctum, magnis virtutibus præditum, & à peccatis duobus, in quæ, permissione diuina, ob carnis fragilitatem, lapsus fuerat, per veram poenitentiam, diuina gratia sic liberatum, ut Deus ipse testimonio suo sæpe, ac sæpius repetito, in Sanctorum numerum singulari priuilegio cum retulisse videatur. Sic enim loquitur Deus de *Salomone* : Cum iam esset senex, deprauatum est cor eius per mulieres, ut sequeretur deos alienos : nec erat cor eius perfectum cum Domino Deo suo, sicut cor *Dauid* patris eius.

3. Reg.
14.

Et ad Ieroboam : Quia exaltaui te de medio populi, & dedi te ducem super populum meum Israel : & scidi regnum domus Dauid, & dedi illud tibi, & non fuisti, sicut seruus meus Dauid, qui custodiuit mandata mea, & secutus est me in toto corde suo, faciens, quod placitum est in conspectu meo, idcirco ego inducam mala super domum Ieroboam.

3. Reg.
14.

De Abia rege : Nec erat cor eius perfectum cum Dño Deo suo, sicut cor Dauid patris eius.

4. Reg.
14.

De Amasia, rege : Et fecit rectum coram Domino : verumtamen non ut Dauid, pater eius : adhuc enim populus immolabat, & adolebat incensum in excelsis.

4. Reg.
16.

De Achaz, rege : Non fecit, quod erat placitum in conspectu Domini Dei sui, sicut Dauid, pater eius.

4. Reg.
18.

De Ezechia, rege : Fecit, quod erat bonum coram Dño iuxta omnia, que fecerat Dauid, pater eius.

4. Reg.
20.

De Iosia, rege : Fecit, quod placitum erat coram Dño, & ambulauit per omnes vias Dauid patris sui : non declinauit ad dexteram, neque ad sinistram.

Itaque videmus, Dauidem sic laudari à Spiritu sancto in Scripturis, ac si fuisset Idæa optimi Regis, ut illi essent boni, qui essent illi similes : illi mali, qui essent ei dissimiles.

1. Reg.
13.

3. Reg. 2

Filius triginta annorum erat Dauid, cum regnare cepisset, & quadraginta annis regnauit. Alibi : Dormiuit igitur Dauid cum patribus suis, & sepultus est in ciuitate Dauid. Dies autem, quibus regnauit Dauid super Israel, quadraginta anni sunt : in Hebron regnauit septem annus, in Ierusalem triginta tribus. Vixit ergo annis septuaginta,

V I T A
E T

V I R T V T E S

S A N C T I

EZECHIAE,

R E G I S

I V D A.

EX regibus Hebræorum, tres tantum inuenio à Iesu Sidrac, in libro sacro, qui Ecclesiasticus appellatur, absolutè laudari, & quasi in Sanctorum numerum referri, *Davidem, Ezechiam, & Iosiam*. Et sine dubio, isti fuerunt omnium optimi, ita ut *Sancti Reges* optimo iure dici possint. Quare operæ pretium existimaui, *Ezechiae, & Iosie* res gestas, & virtutes, breuiter explicare.

Ezechias, Rex Iuda, filius fuit Achaz, & pater Manasse: id est, filius optimus patris pessimi, & pater optimus filij pessimi. Fuisse autem *Ezechiam* virum optimum testatur ita primum Spiritus sanctus: *Præter David, & Ezechiam, & Iosiam, omnes peccatum commiserunt*:

Ezechi-
us, Re
Iuda.

Ecclesi. 49

4. Reg. 18

4. Reg. 10

Ecclesi. 49

scrunt : nam reliquerunt legem Altissimi reges Iuda, & contempserunt timorem Dei. Non significant autem ista verba, nullum omninò peccatum commississe hos tres Reges ; sed non commississe peccatum in materia religionis, & fidei. Reliqui enim omnes, aut idolis seruierunt, aut idololatriam populo permiserunt. Isti tres in veri Dei cultu, & idololatriæ execratione diligentissimi, & ardentissimi fuerunt. Præterea, tres isti, si qua in re, dereliquerunt ex humana fragilitate, pænitentiam sine dubio seriam egerunt, & à Deo veniam obtinuerunt. De Regibus cæteris ista non certè constant.

4. Reg. 18. Secundum testimonium præbet Spiritus sanctus his verbis : *Fecit, quod erat bonum coram Domino, iuxta omnia, quæ fecerat Dauid, pater eius. In Dño Deo Israel sperauit : itaque post eum non fuit similis ei de cunctis regibus Iuda, sed neque in his, qui ante eum fuerunt : & adhesit Domino, & non recessit à vestigijs eius, fecitq; mandata eius, quæ præceperat Dominus Moyse. Vnde & erat Dominus cum eo. Præclara sanè laudatio, in eo libro scripta, in quo falsitas inueniri non potest. Et in cunctis, ad quæ procedebat, sapienter se agebat.*

4. Reg. 20. Tertium testimonium sanctitatis Ezechiae reddidit Spiritus sanctus per ipsummet Ezechiam : *In diebus illis ægotauit Ezechias usque ad mortem : & venit ad eum Isaias, filius Amos, propheta, dixitq; ei : Hæc dicit Dominus Deus : Præcipe domui tuæ : morieris enim tu, & non uiues. Qui conuertit faciem suam ad parietem, & orauit Dominum, dicens : Obsecro, Domine, memento, quæso, quomodo*

quomodo ambulauerim coram te in veritate, & in corde perfecto, & quod placitum est coram te, fecerim. Fleuit itaque Ezechias fletu magno.

Hanc laudationem fuisse veram, testatur Isaias Propheta, qui scribit eam orationem, ut veram, & Deo gratam, continuo a Domino fuisse exauditam: *Et antequam egrederetur Isaias mediam partem atrij, factus est sermo Domini ad eum, dicens: Reuertere, & dic Ezechie, duci populi mei: Hec dicit Dominus Deus Dauid patris tui: Audiui orationem tuam, & vidi lacrymas tuas: & ecce sanavi te, die tertio ascendes templum Domini. Et addam diebus tuis quindecim annos.* 4. Reg. 20.

Et quia cupiebat Ezechias aliquod signum huius tam lætæ promissionis, ait Isaias: *Hoc erit signum à Domino, quod factururus sit Dominus sermonem, quem locutus est: Vis ut ascendat umbra decem lineis, an ut reuertatur totidem gradibus? Et ait Ezechias: Facile est, umbram crescere decem lineis: nec hoc volo, ut fiat, sed ut reuertatur retrorsum decem gradibus. Inuocauit itaque Isaias Propheta Dominum, & reduxit umbram per lineas, quibus iam ascenderat in horologio Achaz, retrorsum decem gradibus.*

Mirabile prorsus signum, non absimile illi, quod fecit Iosue, dicens: *Sol contra Gabaon ne mouearis, & luna contra vallem Aalon. Steteruntq; Sol, & luna, donec uisceretur se gens de inimicis suis.* Itaque ut crederet Ezechias, se verè sanandum à morbo illo lethifero, & superuietuum multos annos, fecit Deus, ut crescerent horæ illius diei, & pro duodecim horis 4. Reg. 20.

diutius ficient viginti duæ. Hæc sunt argumenta manifestissima, quod *Ezechias* non superbe, & falso dixerit: *Memento, quæso, quomodo ambulauerim coram te in veritate, & in corde perfecto*: sed humiliter, & veraciter, non iactans propriam virtutem, sed Dei dona commemorans.

Quantum testimonium sanctitatis eiusdem dari possunt opera eius: siquidem incredibili zelo purgavit *Ierusalem* ab omni illa sceditate idololatriæ, quam in eam inuexerant Reges, qui eum præcesserant, & præsertim parens eius *Achaz*: Ipse dissipauit excelsa, & contriuit statuas, & succidit lucos, confregitq; serpentem æneum, quem fecerat *Moyſes*: siquidem usque ad illud tempus filij *Israel* adolebant ei incensum: vocauitq; nomen eius *Nobestan*.

Nec solùm purgavit ciuitatem ab omni cultu falsorum deorum; sed incredibili labore, & sumptu restituit altare Domini, & omnes sacros ritus, & caeremonias, ac denique renouauit totam faciem veræ Religionis; non parcens labori, nec sumptibus: Ipse anno, & mense primo regni sui, aperuit valuas domus Domini, & instaurauit eas. Adduxitq; Sacerdotes, atque Leuitas, & congregauit eos in plateam Orientalem. Neque contentus fuit propria religione, & pietate, sed excitauit primùm Sacerdotes, & Leuitas ad seruendum Domino cum omni alacritate, & puritate.

Ibid. Dixitq; ad eos: Audite me, *Leuitæ*, & sanctificamini, mundate domum Domini Dei patrum vestrorum, & auferte omnem

omnem immunditiam de sanctuario. Peccauerunt patres nostri, & fecerunt malum in conspectu Domini Dei nostri, dereliquentes eum: auerterunt facies suas à tabernaculo Dñi, & præbuerunt dorsum. Clauserunt ostia, quæ erant in porticu, & extinxerunt lucernas, incensumq; non adoluerunt, & holocausta non obtulerunt in sanctuario Deo Israel. Concitatus est itaque furor Domini super Iudam, & Ierusalem, tradiditq; eos in commotionem, & in interitum, & in fribulum, sicut ipsi cernitis oculis vestris. En, corruerunt patres nostri gladijs, filij nostri, & filie nostræ, & coniuges captivæ ductæ sunt, propter hoc scelus. Nunc ergo placet mihi, ut ineamus fœdus cum Domino Deo Israel, & auertat à nobis furorem iræ suæ. Filij mei, nolite negligere: vos elegit Dominus, ut stetis coram eo, & ministretis illi, colatisq; eum, & cremetis ei incensum.

Deinde, scripsit etiam epistolas ad omnes filios Israel, dispersos in varijs ciuitatibus, cohortans omnes ad resipiscentiam, & ad seruiendum soli Deo viuo, & vero: & cohortationibus suis profecit plurimum: *Misit quoq;* 2. Paralip. 30. Ezechias ad omnem Israel, & Iudam: scripsitq; epistolas ad Ephraim, & Manassæ, ut venirent ad domum Domini in Ierusalem, & facerent Phasæ Domino Deo Israel. Itaque non tantum Regis pij munus impleuit, sed etiam Sacerdotis, & Concionatoris, prout ea tempora postulabant.

Neque minus fuit Ezechias fortis in rebus aduersis, quàm diligens, & accuratus in prosperis. Erat verò fortitudinis huius causa, quòd multum omnino sperabat in Dño,

in Dño, non hæsitabat in fide, non diffidebat de auxilio Domini, sed cum parente suo David dicere poterat: Dominus protector vitæ mee, à quo trepidabo? Si consistant aduersum me castra, non timebit cor meum. Si exurget aduersum me prælum, in hoc ego sperabo.

Cum enim Sennacherib, rex Assyriorum, cum ingentibus copijs varias prouincias deuastasset, & iam Ierosolymæ immineret, præ multis victorijs tumidus, misit nuncios, & litteras ad Ezechiam, dicens: Hæc dicite Ezechie, regi Iuda: Non te seducat Deus tuus, in quo habes fiduciam: neque dicas: Non tradetur Ierusalem in manus regis Assyriorum. Tu enim ipse audisti, quæ fecerunt reges Assyriorum vniuersis terris: quo modo vastauerunt eas: num ergo solus poteris liberari?

Itaque cum accepisset Ezechias litteras de manu nunciorum, & legisset eas, ascendit in domum Domini, & expandit eas coram Domino, & orauit in conspectu eius, dicens: Dñe Deus Israel, qui sedes super Cherubim, tu es Deus solus regum omnium terræ: tu fecisti calum, & terram. Inclina aurem tuam, & audi: aperi, Domine, oculos tuos, & vide: audi omnia verba Sennacherib, qui misit, ut exprobraret nobis Deum viuentem. Verè Domine, dissipauerunt reges Assyriorum gentes & terras omnium. Et miserunt deos earum in ignem: non enim erant dii, sed opera manuum hominum ex ligno, & lapide, & perdiderunt eos. Nunc igitur, Domine Deus noster, saluos nos fac de manu eius, ut sciant omnia regna terræ, quia tu es Dominus Deus solus.

Hanc orationem, plenam fide, & fiducia, Dominus audiuit:

audierit : Misit autem Isaias, filios Amos, ad Ezechiam ;
 dicens : Hec dicit Dominus Deus Israel : Quæ deprecatus es
 me super Sennacherib, rege Assyriorum, audiui. Nec di-
 stulit Dominus : Factum est igitur in nocte illa, venit
 Angelus Domini, & percussit in castris Assyriorum centum
 octoginta quinque millia. Cumq; diluculo surrexisset, vidit
 omnia corpora mortuorum : & recedens abiit, & reuersus
 est Sennacherib, rex Assyriorum, & mansit in Ninive.
 Cumq; ad ra et in templo Nesroch, Deum suum, Adramelech,
 & Sarasar, filij eius, percusserunt eum gladio, fugeruntq;
 in terram Armeniorum.

Ex his apparuit, Deum Ezechie esse verè Deum so-
 lum ; & ipsum Ezechiam, verum servum, & amicū Dei.

Neque verò Ezechias omisit etiam partes suas in præ-
 paratione belli, quamvis fiducia eius potissimùm esset
 in Deo : Quod cum vidisset Ezechias, venisse scilicet
 Sennacherib, & totum belli impetum verti contra Ierusalem,
 inito cum principibus consilio, virisq; fortissimis, ut obtura-
 rent capita fontium, qui erant extra urbem : & hoc omniū
 decernente sententia, congregavit plurimam multitudinem,
 & obturauerunt cunctos fontes, & riuum, qui fluebat in me-
 dio terre, dicentes : Ne veniant reges Assyriorum, & inue-
 niant aquarum abundantiam. Edificauit quoque agens in-
 dustriè, omnem murū, qui fuerat dissipatus, & extruxit tur-
 res desuper, & forinsecus alterum murum : instaurauitq;
 Mello in ciuitate Dauid, & fecit vniuersi generis armatu-
 ram, & clypeos : constituitq; principes bellatorum in ex-
 exercitu : & conuocauit vniuersos in platea portæ ciuitatis,

Et locutus est ad cor eorum, dicens: Viriliter agite, Et confortamini, nolite timere, nec paueatis regem Assyriorum, Et uniuersam multitudinem, quæ est cum eo: multo enim plures nobiscum sunt, quàm cum illo. Cum illo enim est brachium carneum: nobiscum Dominus Deus noster, qui auxiliator est noster, pugnatq; pro nobis.

Significat, Deum esse *Dominum Saboth*, id est, exercituum; ac per hoc semper habere secum multa millia Angelorum. Significat etiam, tam ipsum Deum, quàm eius ministros, plus posse, etiam solos, quàm innumera- biles homines armatos: quod vel ex eo potest intel-
 4. Reg. 19. ligi, quòd vnus *Angelus* statim percussit centum octogintaquinque millia.

Habemus igitur, *Regem Ezechiam*, virum fuisse omni ex parte perfectum, prudentem, eloquentem, pium, religiosum, fortem, amantem populi, & super omnia cultorem Dei.

4. Reg. 18. *Viginti quinque annorum erat, cùm regnare cœpisset: Et viginti nouem annis regnavit in Ierusalem. Vixit annos quinquaginta quattuor.*

V I T A

E T

V I R T V T E S

S A N C T I

I O S I Æ,

R E G I S

I V D A.



S *Iofias*, Rex Iuda, simillimus fuit *Ezechia*:
 nam & ipse patrem habuit valdè malum, &
 filium reliquit etiam malum. Fuisse autem
Iosiam, Regem optimum, & sanctissimum,
 iisdem testimonijs docere possumus, quibus probauimus,
Ezechiam sanctitate floruisse.

S Iofias
Rex Iu-
da.

Primum enim sanctitatem *Iosie*, Regis, prædicat
 Spiritus sanctus: *Fecit quod placitum est coram Domino*, 4. Reg.
 & *ambulauit per omnes vias Dauid, patris sui: non decli-* 12.
navit ad dexteram suæ ad sinistram. Magna laus, similem
 fuisse *Dauidi*, viro laudatissimo,

Deinde, testatur sanctitatem eius Ecclesiasticus, non

Eccli. 49 solùm quia iungit *Iosiam*¹, cum *Ezechia*, & *Dauid* : *Præter Dauid, & Ezechiam, & Iosiam, omnes peccatum commiserunt.* sed etiam quia speciali præconio illum ornauit, dicens : *Memoria Iosie in compositionem odoris facta opus pigmentarij. In omni ore quasi mel indulcabitur eius memoria & ut musica in conuiuio vini.*

Quibus verbis declaratur bonus odor, id est, optima fama, quam post se reliquit *Iosias* : & quàm dulce fuerit posteris, vel cantare, vel audire res eius gestas.

2. Para- li. 35. Præterea, testis fide dignissimus pietatis *Iosie* fuit *Jeremias*, Prophetæ, qui *lamentationes* scripsit de morte *Iosie* : Et *Uniuersus Iuda, & Ierusalem luxerunt eum* : *Jeremias maximè : cuius omnes cantores, atque cantatrices, usque in præsentem diem, lamentationes super Iosiam replicant : & quasi lex obtinuit in Israel : Ecce scriptum fertur in lamentationibus.*

4. Reg. 23. Denique, bona opera *Iosie* testimonium perhibent amplissimum de fide, & vera pietate ipsius. Nam *Iosias*, imitatus *Ezechiam*, purgauit civitatem, & regnum ab omni idololatria, euerit altaria, combussit, & abstulit omnia idola, & vasa, atque instrumenta, pro cultu idolorum excogitata, abstulit pithones, & ariolos : & reduxit omnia, quæ ad veram religionem pertinebant, incredibili labore, & studio, ut Scriptura testetur : *Similis illi non fuit ante eum Rex, qui reuerteretur ad Dominum in omni corde suo, & in tota anima sua, & in uniuersa virtute sua ; iuxta omnem legem Moyfi : neque post eum surrexit similis illi.*

Denique

Denique, quia peccata priorum Regum furorem Domini ita prouocauerant, ut statuerit omnino tradere omnem terram illam in potestatem Regum Babyloniae, & gentem illam Iudaicam in captiuitatem mittere, iussit dici seruo suo Iosue: *Hec dicit Dominus Deus Israel: Pro eo, quod audisti verba voluminis, & perterritum est cor tuum, & humiliatus es coram Domino, auditis sermonibus contra locum istum, & habitatores eius, quod videlicet fierent in stuporem, & in maledictum: & scidisti vestimenta tua, & fleuisti coram me, & ego audiui, ait Dominus: idcirco colligam te ad patres tuos, & colligeris ad sepulchrum tuum in pace, ut non videant oculi tui omnia mala, quae inducturus sum super locum istum.*

4. Reg.
22.

Itaque anno trigesimo primo regni sui, aetatis vero trigesimo nono, occisus in bello, ex hac vita migravit.

In diebus eius ascendit Pharaon Nechao, rex Aegypti,

4. Reg.
23.

contra regem Assyriorum, ad flumen Euphra-

tem: & abiit Iosias rex in occursum eius:

*& occisus est in Mageddo, cum
vidisset eum.*

[The text on this page is extremely faint and illegible due to fading or bleed-through from the reverse side. It appears to be a continuous block of text, possibly a letter or a chapter section.]

V I T A

E T

V I R T V T E S

S A N C T I

IOSAPHAT.

R E G I S

I V D A.



O S T tres reges , *Dauidem* , *Ezechiam* , & *Iofiam* , qui soli ex regibus Hebræorum absolute laudantur , vt viri sancti ab Ecclesiastico ; sex sunt alij , qui laudantur in *libris* *Regum* , & *Paralipomenon* , quod fecerint rectum in conspectu Domini , *Asa* , *Iosaphat* , *Ioas* , *Amasias* , *Azarias* , & *Iotam* . Sed iidem etiam reprehenduntur , quod excelsa non abstulerint , in quibus sacrificabant idolis filij Israel : præterea solus *Iosaphat* laudatur , vt verè pius , & amicus Dei : in reliquis multa alia reprehenduntur . Quare solius *Iosaphat* , quinque alijs prætermisissis , vitam , & virtutes , vt verè sancti Regis , adiiciam .

Eccli. 49

Igitur

4. Reg. 19. Igitur Iosaphat triginta quinque annorum erat, cum regnare cœpisset, & viginti quinque annis regnavit in Ierusalē.

2. Paralip. 17. Prima eius virtus fuit *Fides* in Deum, & odium in idola. Et fuit Dominus cum Iosaphat, quia ambulavit in vijs David patris sui primis: & non speravit in Baalim, sed in Deo patris sui, & perrexit in præceptis illius, & non iuxta peccata Israel.

Ibid. Secunda virtus est, quòd curaverit, ut multi viri docti mitterentur in omnes partes regni, qui erudirent populos circa legem, & præcepta Dei; qui circuibant cunctas urbes Iuda. Quæ res adeo placuit Deo, ut factus sit pauper Domini super omnia regna terrarum, quæ erant per gyrum Iuda, nec audebant bellare contra Iosaphat. Sed & Philisthei Iosaphat munera describebant, & vectigal argenti. Arabes quoque adducebant pecora, arictum septem millia septingenta, & hircorum totidem.

2. Paralip. 19. Sed quod multò gratius fuit Deo, illud est, quòd rursus egressus est ad populum de Bersabee, usque ad montem Ephaim, & reuocavit eos ad Dominum Deum patrum suorum. Itaque concionatoris officio functus est, cum tanta efficacia, & fructu, ut integros populos ab infidelitate, ad cultum Dei veri converterit.

Ibid. Tertia virtus, & quidem maximè propria regum, est *Iustitia*, quam administrari iubebat cum summa integritate, & timore Dei. Constituit iudices terre in cunctis ciuitatibus Iuda munitis, per singula loca, & præcipiens iudicibus: Videte, ait, quid faciatis: non enim hominis exercetis iudicium sed Domini: & quodcumque indicaueritis, in

Vos re-

vos redundabit. Sit timor Dñi vobiscum, & cum diligentia cuncta facite: non est enim apud Dominum Deum nostrum iniquitas, nec personarum acceptio, nec cupido munerum.

*Illud quoque dignissimum memoria est, quòd no-
lebat Iuāces regni miscere se ijs, quæ ad Sacerdotes per-
tinent. Amarias autem, sacerdos, & Pontifex vester, in his, Ibid.
quæ ad Deum pertinent, præsidebit: porro Zabadias, filius
Ismael, qui est dux in domo Iuda, super ea opera erit, quæ ad
regis officium pertinent.*

*Quarta virtus est Fiducia maxima in Deum, præ-
sertim tempore belli. Nam, cùm congregati essent filij 2. para-
lip. 20.
Moab, & filij Ammon, & cum eis de Ammonitis, ad Iosaphat,
ut pugnarent contra eum, adiunctis etiam sibi Syris, ac
res eius in summo essent periculo; Iosaphat, timore per-
territus, totum se contulit ad rogandum Dominum: & præ-
dicauit ieiunium vniuerso Iuda. Congregatusq; est Iudas
ad deprecandum Dominum: sed & omnes de Urbibus suis
venerunt ad obsecrandum eum. Atque orans, inter alia,
dicebat: In nobis quidem non est tanta fortitudo, ut possi-
mus huic multitudini resistere, quæ irruit super nos. Sed
cùm ignoremus, quid agere debeamus, hoc solum habemus re-
fidui, ut oculos nostros dirigamus ad te.*

*Et ecce post orationem regis Iosaphat, continuò sur-
rexit Propheta, nomine Iahazaiel, super quem factus est
Spiritus Domini in medio turbe, & ait: Nolite timere, nec
pauceatis hanc multitudinem: non est enim vestra pugna,
sed Dei. Cras descendetis contra eos: ascensuri enim sunt per
cliuum, nomine Sis, & inuenietis illos in summitate*

M

torrentis,

torrentis, qui est contra solitudinem Ieruel. Non eritis vos, qui dimicabitis, sed tantummodo confidenter state, & videbitis auxilium Domini super vos, d. Iuda, & Ierusalem: nolite timere, nec paueatis: cras egrediemini contra eos, & Dominus erit vobiscum.

Tunc Iosaphat, auditis verbis Prophetæ, stans in medio eorum, dixit: Audite me; viri Iuda, & omnes habitatores Ierusalem: credite in Dño Deo vestro, & securi eritis: credite prophetis eius, & cuncta euenient prospera. Dedit, & consilium populo, & statuit cantores Domini, ut laudarent eum in turmis suis, & antecederent exercitum, ac voce consona dicerent: Confitemini Domino, quoniam in eternum misericordia eius. Cum, &, cœpissent laudes canere, vertit Dominus insidias eorum in semetipsos, filiorum scilicet Ammon, & Moab, & montis Seir, qui egressi fuerant, ut pugnarent contra Iudam, & percussi sunt. Nam, &, filij Ammon, & Moab consurrexerunt aduersum habitatores montis Seir, ut interficerent, & delerent eos: cum, &, hoc opere perpetrassent, etiam in semetipsos versi, mutuis concidere vulneribus. Porro Iuda, cum venisset ad speculam, quæ respicit solitudinem, vidit procul omnem latè regionem, plenam cadaueribus, nec superesse quemquam, qui necem potuisset euadere. Venit ergo Iosaphat, & omnis populus cum eo, ad detrahenda spolia mortuorum: inuenerunt, &, inter cadauera variam supellectilem, vestes quoque, & vasa pretiosissima, & diripuerunt, ita ut omnia portare non possent, nec per tres dies spolia auferre præ prædæ magnitudine.

Hinc apparet, quàm facilè sit Deo, fideles suos protegere,

tegere, & locupletare. Atque hæc est causa, cur Deo valdè displiceat, cum ij, qui experti sunt beneficia Dei, fiduciam suam, vel partem fiduciæ collocant in hominibus, ac præsertim inimicis ipsius Dei: præsertim si propterea amicitiam cum illis contrahant, vel fœdus percutiant: *Reuersus est autem Iosaphat, rex Iuda, in domum suam pacificè in Ierusalem; Cui occurrit Iehu, filius Hanani, videns, & ait ad eum: Impio præbes auxilium, & his, qui oderunt Dominum, amicitia iungeris, & idcirco iram quidem Domini merebaris: sed bona opera inuenta sunt in te, eò quoddã abstuleris lucos de terra Iuda, & præparaueris cor tuum, ut requireres Dominum Deum patrum tuorum.* Alius: *Prophetauit autem Eliezer, filius Dodau, de Maresa, ad Iosaphat, dicens: Quia habuisti fœdus cum Ochozia, percussit Dominus opera tua, contritæq; sunt naues, nec potuerunt ire in Tharsis.*

Sed grauior fuit reprehensio diuina contra Regem Asa, partem regis Iosaphat. In tempore illo, venit Hanani propheta ad Asa, regem Iuda, & dixit ei: *Quia habuisti fiduciam in rege Syria, & non in Domino Deo tuo, idcirco euasit Syrie regis exercitus de manu tua. Nonne Ethiopes, & Libyes multo plures erant quadrigis, & equitibus, & multitudinem nimia: quos, cum Domino credidisses, tradidit in manu tua: Oculi enim Domini contemplantur vniuersam terram, & præbent fortitudinem his, qui corde perfecto credunt in eum. Stultè igitur egisti, & propter hoc ex presenti tempore aduersum te bella consurgent.*

Hanc admonitionem Asa non æquo animo accepit:

Iratuſq; Aſa aduerſus videntem, iuſſit eum mitti in neriam: valde quippe ſuper hoc fuerat indignatus: & interfecit de populo in tempore illo plurimos. Vnde non tardauit flagellum Domini: nam egrotauit Aſa anno trigeſimo nono regni ſui, dolore pedum vehementiſſimo, & nec in infirmitate ſua queſiuit Dominum, ſed magis in medicorum arte conſiſus eſt.

Hoc ſanè exemplo admoneri poſſunt Principes Chriſtiani, vt non faciles ſint ad amicitiam, & ſœdera cum paganis, & hæreticis, etiamſi ad tempus vtilia videantur. Hinc enim *Iudas Machabæus*, & fratres eius, *Ionathas*, & *Simon*, viri fortiſſimi, dum in ſolo Deo fiduciam poſuerunt, victorias penè incredibiles de hoſtibus omnibus reportarunt: ſed vbi cum Romanis amicitiam contraxerunt, & in auxilio eorum ſpem ponere cœperunt, breui omnes tres necati ſunt.

Et Chriſtianis temporibus, *Fridericus II. Imp.* cùm auxilia Saracenorum, Chriſti hoſtium, magni facere, & in illis confidere cœpit, breui, Deo illum puniente, & Imperium, & regnum Neapolitanum, & filios, & vitam ipſam amiſit. Sed noſter *Iofaphat*, quamvis in hac re lapſus ſit, vt homo, tamen multis bonis operibus plenus, & multis virtutibus ornatus, id à Domino obtinuit, vt ſolùm iactura temporali, eaque non magna, puniretur.

V I T A

E T

V I R T V T E S

I V D Æ,
M A C H A B Æ I.

P O S T Reges Hebræorum, non alios inuenimus in Testamento Veteri Principes, pietatis nomine insignes, quàm Zorobabelem cum Nehemia; & Iudam Machabæum cum fratribus, Ionathâ, & Simone. Sed de Zorobabele, quem mirificè laudat Ecclesiasticus: *Quomodo amplifimus Zorobabel? Nam & ipse quasi signum in dextera manu:* Ezod. 49 cum Nehemia, nihil habemus, præter nomen, in libris duobus Esdræ, & in Prophetis, Aggeo, & Zacharia: de Agg. 1. & Zach. 3. Nehemia nihil ferè habemus, nisi ingens desiderium reedificandæ Ierosolymæ in toto libro 2. Esdræ.

His igitur prætermisiss, ad Iudam Machabæum veniamus, quem non solum Scriptura in duobus libris Machabæorum; sed etiam sancti patres, Ambrosius, lib. 1. Offic. 41. Augustinus, lib. 18. de ciuitat. c. 45. & Chrysostomus in Psal. 43. mirificè laudant. Iudas igitur Machabæus, Princeps Iudæorum, incidit in ea miserrima tempora, in quibus Antiochus Epiphanes, Rex Syriæ, nō solum bonis

M 3

tempo-

2. Ma-
chab. 6.
& 7.

temporalibus Iudæos spoliabat; sed etiam diuinam religionem, illis à maioribus traditam, extinguere, & ad idolorū cultum eos omnes traducere conabatur. Cuius rei testimonium reddere possunt egregia Martyria *Eleazar*, & septem puerorum cum matre ipsorum: de quorum laude Gregorius Nazianzenus *Orationem* habuit *ad populum*.

Itaque Iudas Machabæus, de cuius rebus gestis præcipuè scribitur in *duobus libris*, qui dicuntur *Machabæorum*, quia de hoc eminentissimo viro potissimum tractant, filius fuit *Mathathie*, Sacerdotis optimi, qui primus zelo Dei ardere cœpit, cū vidisset in ciuitate sua compelli Iudæos ad veram religionem deferendam. Fuit autem Iudas Machabæus post patrē Sacerdos, & Princeps populi sui, pius, ac religiosus valdè in Deum: sicut etiam misericors, & benignus in fratres, præcipuè pauperes.

2. Ma-
chab. 16

De Pietate in Deum, testantur illa verba: Erat enim pro *uxoribus, & filiis, itemq̃, pro fratribus, & cognatis, minor sollicitudo: maximus vero, & primus pro sanctitate timor erat templi*. Et cū essent pugnaturi aduersus hostes, magis in oratione ad Deum, quàm in viribus suis, & armis confidebant: Et ieiunauerunt illa die, & induerunt se cili-
cijs, & cinerem imposuerunt capiti suo, & disciderunt vestimenta sua. Et clamauerunt voce magna in calum, dicentes: *Quid faciemus istis, & quò eos ducemus? & sancta tua conculcata sunt, & contaminata sunt, & sacerdotes tui facti sunt in iudicium, & in humilitatem*. Et ecce nationes conuenerunt aduersum nos, ut nos disperdant: tu scis, que cogitant in

2. Ma-
chab. 3.

nos. Quomodo poterimus subsistere ante faciem eorum, nisi tu Deus adiuues nos?

Alibi: Considerans Machabæus aduentum multitudinis <sup>2. M¹-
chab. vii</sup> & apparatum varium armorum; & ferocitatem bestiarum, extendens manus in celum, prodigia facientem Dominum inuocauit, qui non secundum armorum potentiam, sed prout ipsi placet, dat dignis victoriam. Dixit autem inuocans hoc modo: Tu, Domine, qui misisti angelum tuum sub Ezechia, rege Iuda, & interfecisti de castris Sennacherib centum octoginta quinque millia: & nunc dominator celorum, mitte Angelum tuum bonum ante nos, in timore, & tremore <sup>4. Reg.
10.</sup> magnitudinis brachij tui, ut metuant, qui cum blasphemia veniunt aduersus sanctum populum tuum. Et hic quidem ita perorauit. Nicanor autem, & qui cum ipso erant, cum tubis, & canticis admouebant. Iudas vero, & qui cum eo erant, inuocato Deo, per orationes congressi sunt: manu quidem pugnantes, sed Dominum cordibus orantes prostrauerunt non minus triginta quinque millia, presentia Dei magnifice delectati.

Rursum in alio bello, ait Iudas viris, qui secum erant: <sup>2. M¹-
chab. xiv</sup> Ne timueritis multitudinem eorum, & impetum eorum ne formidetur. Memento, qualiter salui facti sunt patres nostri in mari rubro, cum sequeretur eos Pharao cum exercitu multo. Et nunc clamemus in celum, & miserebitur nostri ^{Exod. 14.} Dominus, & memor erit testamenti patrum nostrorum, & conteret exercitum istum ante faciem nostram hodie: & scient omnes gentes, quia est, qui redimat, & liberet Israel. Et congressi sunt, & contrite sunt gentes, & fugerunt in campum. Nouissimi autem omnes ceciderunt in gladio, & ceciderunt.

Et locutus est ad cor eorum, dicens: Viriliter agite, Et confortamini, nolite timere, nec paueatis regem Assyriorum, Et universam multitudinem, quæ est cum eo: multo enim plures nobiscum sunt, quàm cum illo. Cum illo enim est brachium carneum: nobiscum Dominus Deus noster, qui auxiliator est noster, pugnatq; pro nobis.

Significat, Deum esse *Dominum Saboth*, id est, exercituum; ac per hoc semper habere secum multa millia Angelorum. Significat etiam, tam ipsum Deum, quàm eius ministros, plus posse, etiam solos, quàm innumera-
 4. Reg. 19. ligi, quòd vnus *Angelus* statim percussit centum octogintaquinque millia.

Habemus igitur, *Regem Ezechiam*, virum fuisse omni ex parte perfectum, prudentem, eloquentem, pi-
 4. Reg. 18. um, religiosum, fortem, amantem populi, & super omnia cultorem Dei.

Viginti quinque annorum erat, cum regnare cœpisset: Et viginti nouem annis regnavit in Ierusalem. Vixit annos quinquaginta quattuor.

V I T A

E T

V I R T V T E S

S A N C T I

I O S I Æ,

R E G I S

I V D A.



Iofias, Rex Iuda, simillimus fuit *Ezechia*:
nam & ipse patrem habuit valdè malum, &
filium reliquit etiam malum. Fuisse autem
Iofiam, Regem optimum, & sanctissimum,
ijsdem testimonijs docere possumus, quibus probauimus,
Ezechiam sanctitate floruisse.

S Iofias
Rex Iu-
da.

Primùm enim sanctitatem *Iofia*, Regis, prædicat
Spiritus sanctus: *Fecit quod placitum est coram Domino*, 4. Reg.
& *ambulauit per omnes vias Dauid, patris sui: non decli-* 22.
navit ad dexteram siue ad sinistram. Magna laus, similem
fuisse *Dauidi*, viro laudatissimo,

Deinde, testatur sanctitatem eius *Ecclesiasticus*, non

Ecceli. 49 solùm quia iungit *Iosiam*¹, cum *Ezechia*, & *Dauide*: *Præter David, & Ezechiam, & Iosiam, omnes peccatum commiserunt.* sed etiam quia speciali præconio illum ornauit, dicens: *Memoria Iosie in compositionem odoris facta opus pigmentarij. In omni ore quasi mel indulcabitur eius memoria & ut musica in conuiuio vini.*

Quibus verbis declaratur bonus odor, id est, optima fama, quam post se reliquit *Iosias*: & quàm dulce fuerit posteris, vel cantare, vel audire res eius gestas.

2. Para. li. 35. Præterea, testis fide dignissimus pietatis *Iosie* fuit *Jeremias*, Prophetæ, qui *lamentationes* scripsit de morte *Iosie*: Et *uniuersus Iuda, & Ierusalem luxerunt eum*: *Jeremias maximè: cuius omnes cantores, atque cantatrices, usque in præsentem diem, lamentationes super Iosiam replicant: & quasi lex obtinuit in Israel: Ecce scriptum fertur in lamentationibus.*

4. Reg. 23. Denique, bona opera *Iosie* testimonium perhibent amplissimum de fide, & vera pietate ipsius. Nam *Iosias*, imitatus *Ezechiam*; purgauit civitatem, & regnum ab omni idololatria, euerit altaria, combussit, & abstulit omnia idola, & vasa, atque instrumenta, pro cultu idolorum excogitata, abstulit pithones, & ariolos: & reduxit omnia, quæ ad veram religionem pertinebant, incredibili labore, & studio, vt Scriptura testetur: *Similis illi non fuit ante eum Rex, qui reuerteretur ad Dominum in omni corde suo, & in tota anima sua, & in uniuersa virtute sua, iuxta omnem legem Moyfi: neque post eum surrexit similis illi.*

Denique

Denique, quia peccata priorum Regum furorem Domini ita prouocauerant, ut statuerit omnino tradere omnem terram illam in potestatem Regum Babyloniarum, & gentem illam Iudaicam in captiuitatem mittere, iussit dici seruo suo Iosue: *Hec dicit Dominus Deus Israel:* Pro eo, quod audisti verba voluminis, & perterritum est cor tuum, & humiliatus es coram Domino, auditis sermonibus contra locum istum, & habitatores eius, quod videlicet fierent in stuporem, & in maledictum: & scidisti vestimenta tua, & fleuisti coram me, & ego audiui, ait Dominus: idcirco colligam te ad patres tuos, & colligeris ad sepulchrum tuum in pace, ut non videant oculi tui omnia mala, quae inducturus sum super locum istum.

4. Reg.

22.

Itaque anno trigesimo primo regni sui, ætatis verò trigesimo nono, occisus in bello, ex hac vita migravit.

In diebus eius ascendit Pharaon Nechao, rex Ægypti,

4. Reg.

23.

contra regem Assyriorum, ad flumen Euphra-

tem: & abiit Iosias rex in occursum eius:

*& occisus est in Mageddo, cum
vidisset eum.*

Handwritten text in a cursive script, likely from a 17th or 18th-century manuscript. The text is arranged in approximately 25 lines, though many are illegible due to fading and the quality of the reproduction. The script is dense and flowing, characteristic of the period. The paper appears aged and slightly discolored.

V I T A

E T

V I R T V T E S

S A N C T I

IOSAPHAT.

R E G I S

I V D A.



O S T tres reges , *Dauidem* , *Ezechiam* , & *Iosiam* , qui soli ex regibus Hebræorum absolute laudantur , vt viri sancti ab Ecclesiastico ; sex sunt alij , qui laudantur in *libris Regum* , & *Paralipomenon* , quòd fecerint rectum in conspectu Domini , *Asa* , *Iosaphat* , *Ioas* , *Amasias* , *Azarias* , & *Ioatham* . Sed iidem etiam reprehenduntur , quòd excelsa non abstulerint , in quibus sacrificabant idolis filij Israel : præterea solus *Iosaphat* laudatur , vt verè pius , & amicus Dei : in reliquis multa alia reprehenduntur . Quare solius *Iosaphat* , quinque alijs prætermisissis , vitam , & virtutes , vt verè sancti Regis , adiiciam .

Eccli. 49

Igitur

vos redundabit. Sit timor Dñi vobiscum, & cum diligentia cuncta facite: non est enim apud Dominum Deum nostrum iniquitas, nec personarum acceptio, nec cupido munerum.

*Illud quoque dignissimum memoria est, quòd no-
lebat Iuâices regni miscere se ijs, quæ ad Sacerdotes per-
tinent. Amarias autem, sacerdos, & Pontifex vester, in his, Ibid.
quæ ad Deum pertinent, præsidebit: porrò Zabadias, filius
Ismael, qui est dux in domo Iuda, super ea opera erit, quæ ad
regis officium pertinent.*

*Quarta virtus est Fiducia maxima in Deum, præ-
sertim tempore belli. Nam, cùm congregati essent filij 2. para-
lip. 20.
Moab, & filij Ammon, & cum eis de Ammonitis, ad Iosaphat,
ut pugnarent contra eum, adiunctis etiam sibi Syris, ac
res eius in summo essent periculo; Iosaphat, timore per-
territus, totum se contulit ad rogandum Dominum: & præ-
dicauit ieiunium vniuerso Iuda. Congregatusq; est Iudas
ad deprecandum Dominum: sed & omnes de Urbibus suis
venerunt ad obsecrandum eum. Atque orans, inter alia,
dicebat: In nobis quidem non est tanta fortitudo, ut possi-
mus huic multitudini resistere, quæ irruit super nos. Sed
cùm ignoremus, quid agere debeamus, hoc solum habemus re-
fidui, ut oculos nostros dirigamus ad te.*

*Et ecce post orationem regis Iosaphat, continuò sur-
rexit Propheta, nomine Iabazael, super quem factus est
Spiritus Domini in medio turbe, & ait: Nolite timere, nec
pauere hanc multitudinem: non est enim vestra pugna,
sed Dei. Cras descendetis contra eos: ascensuri enim sunt per
cliuum, nonine Sis, & inuenietis illos in summitate
M
torrentis,*

torrentis, qui est contra solitudinem Ieruel. Non eritis vos, qui dimicabitis, sed tantummodo confidenter state, & videbitis auxilium Domini super vos, ò Iuda, & Ierusalem: nolite timere, nec pauceatis: cras egrediemini contra eos, & Dominus erit vobiscum.

Tunc Iosaphat, auditis verbis Prophetæ, stans in medio eorum, dixit: Audite me; viri Iuda, & omnes habitatores Ierusalem: credite in Dño Deo vestro, & securi eritis: credite prophetis eius, & cuncta euenient prospera. Deditq; consilium populo, & statuit cantores Domini, ut laudarent eum in turmis suis, & antecederent exercitum, ac voce confona dicerent: Confitemini Domino, quoniam in æternum misericordia eius. Cumq; cœpissent laudes canere, vertit Dominus insidias eorum in semetipsos, filiorum scilicet Ammon, & Moab, & montis Seir; qui egressi fuerant, ut pugnarent contra Iudam, & percussi sunt. Namq; filij Ammon, & Moab consurrexerunt aduersum habitatores montis Seir, ut interficerent, & delerent eos: cumq; hoc opere perpetrassent, etiam in semetipsos versi, mutuis concidere vulneribus. Porro Iuda, cum venisset ad speculam, quæ respicit solitudinem, vidit procul omnem latè regionem, plenam cadaueribus, nec superesse quemquam, qui necem potuisset euadere. Venit ergo Iosaphat, & omnis populus cum eo, ad detrahenda spolia mortuorum. inueneruntq; inter cadauera. Variam supellectilem, vestes quoque, & vasa pretiosissima, & diripuerunt, ita ut omnia portare non possent, nec per tres dies spolia auferre præ prædæ magnitudine.

Hinc apparet, quàm facile sit Deo, fideles suos protegere,

regere, & locupletare. Atque hæc est causa, cur Deo valdè displiceat, cum ij, qui experti sunt beneficia Dei, fiduciam suam, vel partem fiducie collocant in hominibus, ac præsertim inimicis ipsius Dei: præsertim si propterea amicitiam cum illis contrahant, vel fœdus percutiant: Reuersus est autem Iosaphat, rex Iuda, in domum suam pacificè in Ierusalem; Cui occurrit Iehu, filius Hanani, videns, & ait ad eum: Impio præbes auxilium, & his, qui oderunt Dominum, amicitia iungeris, & idcirco iram quidem Domini merebaris: sed bona opera inuenta sunt in te, eò quòd abstuleris lucos de terra Iuda, & præparaueris cor tuum, ut requireres Dominum Deum patrum tuorum. Alius: Prophetauit autem Eliezer, filius Dodau, de Maresa, ad Iosaphat, dicens: Quia habuisti fœdus cum Ochozia, percussit Dominus opera tua, contritæq; sunt naues, nec poterunt ire in Tharsis.

Sed grauior fuit reprehensio diuina contra Regem Asa, partem regis Iosaphat. In tempore illo, venit Hanani propheta ad Asa, regem Iuda, & dixit ei: Quia habuisti fiduciam in rege Syriæ, & non in Domino Deo tuo, idcirco euasit Syriæ regis exercitus de manu tua. Nonne Æthiopes, & Libyes multo plures erant quadrigis, & equitibus, & multitudo nimia: quos, cum Domino credidisses, tradidit in manu tua? Oculi enim Domini contemplantur vniuersam terram, & præbent fortitudinem his, qui corde perfecto credunt in eum. Stultè igitur egisti, & propter hoc ex præsentī tempore aduersum te bella consurgent.

Hanc admonitionem Asa non æquo animo accepit:

Iratuſq; Aſa aduerſus Videntem, inſit eum mitti in neruam: valde quippe ſuper hoc fuerat indignatus: & interfecit de populo in tempore illo plurimos. Vnde non tardauit flagellum Domini: nam egrotauit Aſa anno trigeſimo nono regni ſui, dolore pedum vehementiſſimo, & nec in infirmitate ſua queſiuit Dominum, ſed magis in medicorum arte conſiſus eſt.

Hoc linè exemplo admoneri poſſunt Principes Chriſtiani, vt non faciles ſint ad amicitiam, & ſœdera cum paganis, & hæreticis, etiamſi ad tempus vtilia videantur. Hinc enim *Iudas Machabæus*, & fratres eius, *Ionathas*, & *Simon*, viri fortiſſimi, dum in ſolo Deo fiduciam poſuerunt, victorias penè incredibiles de hoſtibus omnibus reportarunt: ſed vbi cum Romanis amicitiam contraxerunt, & in auxilio eorum ſpem ponere cœperunt, breui omnes tres necati ſunt.

Et Chriſtianis temporibus, *Fridericus II. Imp.* cùm auxilia Saracenorum, Chriſti hoſtium, magni facere, & in illis confidere cœpit, breui, Deo illum puniente, & Imperium, & regnum Neapolitanum, & filios, & vitam ipſam amiſit. Sed noſter *Iofaphat*, quamvis in hac re lapſus ſit, vt homo, tamen multis bonis operibus plenus, & multis virtutibus ornatus, id à Domino obtinuit, vt ſolùm iactura temporali, eaque non magna, puniretur.

V I T A

E T

V I R T V T E S

I V D Æ,

M A C H A B Æ I.



P O S T Reges Hebræorum, non alios invenimus in Testamento Veteri Principes, pietatis nomine insignes, quàm Zorobabelem cum Nehemia; & Iudam Machabæum cum fratribus, Jonatha, & Simone. Sed de Zorobabele, quem mirificè laudat Ecclesiasticus: *Quomodo amplifimus Zorobabel? Nam & ipse quasi signum in dextera manu:* Ezod. 49 cum Nehemia, nihil habemus, præter nomen, in libris duobus Esdræ, & in Prophetis, Aggeo, & Zacharia: de Agg. 1 & Zach. 3 Nehemia nihil ferè habemus, nisi ingens desiderium reedificandæ Ierosolymæ in toto libro 2. Esdræ.

His igitur prætermiſſis, ad Iudam Machabæum veniamus, quem non solum Scriptura in duobus libris Machabæorum; sed etiam sancti patres, Ambrosius, lib. 1. *Offic.* 41. Augustinus, lib. 18. *de ciuitat. c. 45.* & Chrysostomus, in *Psal. 43.* mirificè laudant. Iudas igitur Machabæus, Princeps Iudæorum, incidit in ea miserrima tempora, in quibus Antiochus Epiphanes, Rex Syriæ, nō solum bonus

temporalibus Iudæos spoliabat; sed etiam diuinam religionem, illis à maioribus traditam, extinguere, & ad idolorū cultum eos omnes traducere conabatur. Cuius rei testimonium reddere possunt egregia Martyria *Eleazar*, & septem puerorum cum matre ipsorum: de quorum laude Gregorius Nazianzenus *Orationem* habuit *ad populum*.

2. Machab. 6.
& 7.

Itaque Iudas Machabæus, de cuius rebus gestis præcipuè scribitur in *duobus libris*, qui dicuntur *Machabæorum*, quia de hoc eminentissimo viro potissimum tractant, filius fuit *Mathatie*, Sacerdotis optimi, qui primus zelo Dei ardere cœpit, cum vidisset in ciuitate sua compelli Iudæos ad veram religionem deferendam. Fuit autem Iudas Machabæus post patrē Sacerdos, & Princeps populi sui, pius, ac religiosus valdè in Deum: sicut etiam misericors, & benignus in fratres, præcipuè pauperes.

2. Machab. 16

De Pietate in Deum, testantur illa verba: *Erat enim pro uxoribus, & filiis, itemq; pro fratribus, & cognatis, minor sollicitudo: maximus vero, & primus pro sanctitate timor erat templi.* Et cum essent pugnaturi aduersus hostes, magis in oratione ad Deum, quàm in viribus suis, & armis confidebant: *Et ieiunauerunt illa die, & induerunt se cilicis, & cinerem imposuerunt capiti suo, & disciderunt vestimenta sua.* Et clamauerunt voce magna in calum, dicentes: *Quid faciemus istis, & quò eos ducemus? & sancta tua conculcata sunt, & contaminata sunt, & sacerdotes tui facti sunt in luctum, & in humilitatem.* Et ecce nationes conuenerunt aduersum nos, ut nos disperdant: tu scis, quæ cogitant in

2. Machab. 3.

nos. Quomodo poterimus subsistere ante faciem eorum, nisi tu Deus adiuues nos?

Alibi: Considerans Machabeus aduentum multitudinis, ^{2. Machab. vi} & apparatus varium armorum, & ferocitatem bestiarum, extendens manus in celum, prodigia facientem Dominum invocavit, qui non secundum armorum potentiam, sed prout ipsi placet, dat dignis victoriam. Dixit autem invocans hoc modo: Tu, Domine, qui misisti angelum tuum sub Ezechia, rege Iuda, & interfecisti de castris Sennacherib centum octoginta quinque millia: & nunc dominator celorum, mitte Angelum tuum bonum ante nos, in timore, & tremore ^{4. Reg. 10.} magnitudinis brachij tui, ut metuant, qui cum blasphemia veniunt aduersus sanctum populum tuum. Et hic quidem ita peroravit. Nicanor autem, & qui cum ipso erant, cum tubis, & canticis admouebant. Iudas vero, & qui cum eo erant, invocato Deo, per orationes congressi sunt: manu quidem pugnantes, sed Dominum cordibus orantes, prostrauerunt non minus triginta quinque millia, presentia Dei magnifice delectati.

Rursum in alio bello, ait Iudas viris, qui secum erant: ^{2. Machab. 14.} Ne timueritis multitudinem eorum, & impetum eorum neformidetis. Memento, qualiter salui facti sunt patres nostri in mari rubro, cum sequeretur eos Pharaon cum exercitu multo. Et nunc clamemus in celum, & miserebitur nostri ^{Exod. 14.} Dominus, & memor erit testamenti patrum nostrorum, & conteret exercitum istum ante faciem nostram hodie: & scient omnes gentes, quia est, qui redimat, & liberet Israel. Et congressi sunt, & conterritae sunt gentes, & fugerunt in campum. Nouissimi autem omnes ceciderunt in gladio, & ceciderunt.

ceciderunt ex illis usque ad tria millia virorum.

Et sequenti anno congregauit Lyfias virorum electorum sexaginta millia, & equitum quinque millia, vt debellaret eos. Et venerunt in Iudeam, & castra posuerunt in Bethboron, & occurrit illis Iudas cum decem millibus viris. Et viderunt exercitum fortem, & orauit, & dixit: Benedictus es, saluator Israel, qui contriuiisti impetum potentis in manu serui tui Dauid; & tradidisti castra alienigenarum in manu Ionathæ, filij Saul, & armigeri eius. Conclude exercitum istum in manu populi tui Israel, & confundantur in exercitu suo, & equitibus. Da illis formidineus, & tabefac audaciam virtutis eorum, & commoueantur contritione sua. Deijce illos gladio diligentium te: & collaudent te omnes, qui nouerunt nomen tuum, in hymnis. Et commiserunt prælium: & ceciderunt de exercitu Lyfiæ quinque millia virorum.

Nec minùs opere, quàm verbis, Machabæus pietatem suam in Deum demonstrauit. Nam victoria potitus, non cogitauit de domo sua priuata restituenda; sed dixit: Ecce contriti sunt inimici nostri: ascendamus nunc mundare sancta, & renouare. Et congregatus est omnis exercitus, & ascenderunt in montem Sion. Et viderunt sanctificationem desertam, & altare profanatum, & portas exustas, & in atrijs virgulta nata, sicut in saltu, vel in montibus, & pastophoria diruta. Et sciderunt vestimenta sua, & planxerunt planctu magno, & imposuerunt cinerem super caput suum: & ceciderunt in faciem super terram, & exclamauerunt tubis signorum, & clamauerunt in celum.

Itaque summa diligentia, & celeritate purgauit templum

plum ab omni contaminatione, qua polluerant illud idololatræ; & restituit omnia, quæ secundum legem Domini, ad cultum Dei viui, & veri necessaria erant.

Pietas, siue Charitas fraterna Machabæi erga proximos, ex eo cognosci potest, quod cum spolia de hostibus reportabat, non ea cum solis militibus diuidebat: sed memor erat pauperum, senum, agrorum, viduarum, & aliarum miserabilium personarum: Post sabbatum verò debilibus, 2. Machab. 8. Orphanis, & viduis diuiserunt spolia: & residua ipsi cum suis habuere. Iterum: Et plures prædas diuiserunt, equam portionem debilibus, pupillis, & viduis, sed & senioribus facientes.

Nec solum pii, & misericordes erant Machabæi in pauperes viuentes, sed etiam in animas defunctorum, præsertim eorum, qui in bello ceciderant. At verò fortissimus Iudas hortabatur populum conseruare se sine peccato, sub oculis videntes, que facta sunt pro peccatis eorum, qui prostrati sunt. Et facta collatione, duodecim millia drachmas argenti misit Ierosolymam offerri pro peccatis mortuorum sacrificium, bene, & religiosè de resurrectione cogitans.

Quod autem gratissima fuerint Deo prælia Iudæ Machabæi, Scriptura duobus in locis manifestè declarat. Vnus est: Sed, cum vehemens pugna esset, apparuerunt aduersarijs de cælo viri quinque in equis, frenis aureis decori, ducatum Iudæis præstantes: ex quibus duo Machabæum medium habentes, armis suis circumseptum incolumem conseruabant: in aduersarios autem tela, & fulmina iaciebant, ex quo & cecitate confusi, & repleti perturbatione cadebant. Interfecti sunt autem viginti millia quingenti, & equites sexcenti.

N

Alter

7. Ma-
chab. ult.

Alter locus est: Erat autem huiusmodi visus: Oniam, qui fuerat summus sacerdos, virum bonum, & benignum, & recundum visu, modestum moribus, & eloquio decorum, & qui à puero in virtutibus exercitatus sit, manus protendentem, orare pro omni populo Iudeorum. Post hoc apparuisse & alium virum, etate, & gloria mirabilem, & magni decoris habitudine circa illum. Respondentem verò Oniam dixisse: Hic est fratrum amator, & populi Israel. Hic est, qui multum orat pro populo, & vniuersa sancta ciuitate, Ieremias, Propheta Dei. Extendisse autem Ieremiam dexteram, & dedisse Iudæ gladium aureum, dicentem: Accipe sanctum gladium, munus à Deo, in quo deicies aduersarios populi mei Israel.

Istæ sanè visiones admirabiles ostendunt, Iudam Machabæum gratiosissimum fuisse Deo; & non sua virtute, sed Dei omnipotentis peculiari auxilio victorias tam multas, & tam præclaras de suis hostibus reportasse. Pugnavit enim cum parua manu militum, primò cum quatuor Ducibus Antiochi Epiphanis, Regis Syriæ, cum quatuor eorum magnis exercitibus; & de omnibus victoriam reportauit.

1. Ma-
chab. 3.

Primus Dux Antiochi, fuit Apollonius: Et congregauit Apollonius gentes, & à Samaria virtutem multam, & magnam ad bellandum contra Israel. Et cognouit Iudas, & exiit obviam illi: & percussit, & occidit illum. & ceciderunt vulnerati multi, & reliqui fugerunt. Et accepit spolia eorum: & gladium Appollonij abstulit Iudas, & erat pugnans in eo omnibus diebus.

Secundus Dux Antiochi fuit Seron: Et audiuit Seron,
Princeps

Princeps exercitus Syriæ, quod congregauit Iudas congrega-
tionem fidelium, & ecclesiam secum, & ait. Faciam & mihi
nomen, & glorificabor in regno, & debellabo Iudam, & eos,
qui cum ipso sunt, qui spernebant verbum regis. Et præpa-
rauit se, & ascenderunt cum eo castra impiorum, fortes au-
xiliarij, ut facerent vindictam in filios Israel. Et appro-
pinquauerunt usque Bethoron: & exiuit Iudas obuiam illi
cum paucis. Ut autem viderunt exercitum venientem sibi
obuiam, dixerunt Iudæ. Quomodo poterimus pauci pugnare
contra multitudinem tantam, & tam fortem: & nos fatigati
sumus ieiunio hodiè? Et ait Iudas: Facile est concludi mul-
tos in manus paucorum: & non est differentia in conspectu
Dei celi liberare in multis, & in paucis: quoniam non in
multitudine exercitus victoria belli, sed de celo fortitudo
est. Ipsi veniunt ad nos in multitudine contumaci, & super-
bia, ut disperdant nos, & uxores nostras, & filios nostros,
& ut spolient nos: nos verò pugnabimus pro animabus no-
stris, & legibus nostris: & ipse Dominus conteret eos ante
faciem nostram: vos autem ne timueritis eos. Ut cessauit au-
tem loqui, insiluit in eos subito: & contritus est Seron, &
exercitus eius in conspectu ipsius: & persecutus est eum de
descensu Bethoron usque in campum, & ceciderunt ex eis
octingenti viri, reliqui autem fugerunt in terram Phi-
listhim.

Tertius Dux fuit Nicanor cum Ptolomeo, & Gorgia,
qui cum quadraginta millibus peditum, & septem mil-
libus equitum, venerant ex mandato regis Antiochi, ut
deleterent omnem gentem Iudeorum. Sed contra accidit.

1. Ma-
chab. 4.
2. Ma-
chab. 9.
Ezod. 14. Et ait Iudas *Viris qui secum erant* : *Ne timueritis multitudinem eorum, & impetum eorum ne formidatis. Mementote, qualiter salui facti sunt patres nostri in mari rubro, cum sequeretur eos Pharaon cum exercitu multo. Et exierunt de castris in praelium, & tuba cecinerunt hi, qui erant cum Iuda. Et congressi sunt, & contrite sunt gentes, & fugerunt in campum. Nouissimi autem omnes ceciderunt in gladio. Et Iudas reuersus est ad spolia castrorum, & acceperunt aurum multum, & argentum, & Hyacinthum, & purpuram marinam, & opes magnas. Et conuersi, hymnum canebant, & benedicebant Deum in calum, quoniam bonus est, quoniam in seculum misericordia eius.*

1. Ma-
chab. 4. Quartus Dux fuit *Lysias*, qui anno sequenti congregauit *virorum electorum sexaginta millia*, & *equitum quinque millia*, ut debellaret eos. Et *uenerunt in Iudeam*, & *castra posuerunt in Bethoron*, & *occurrit illis Iudas cum decem milibus uiris. Et commiserunt praelium: & ceciderunt de exercitu Lysie quinque millia uirorum. Reliqui fugerunt, & Lysias inglorius abiit Antiochiam.*

1. Ma-
chab. 5. Deinde, pugnant *Iudas* cum finitimis gentibus, ac praecipue cum quatuor. Primum, cum *Idumaeis*: Et debellabat *Iudas* *filios Esau in Idumaea*, eos, qui erant in *Acra-bathane*, quia circumfedeabant *Israelitas*, & percussit eos *plaga magna*. Secundò, cum *Ammonitis*: Et transiit ad *filios Ammon*, & inuenit *manum fortem*, & *populum copiosum*, & *Timotheum*, *ducentum ipsorum*: & commisit cum eis *praelia multa*, & *contriti sunt in conspectu eorum*, & *percussit eos*: & cepit *Gazer ciuitatem*, & *filiis eius*, & reuersus est

sus est in Iudeam. Terriò, cum *Galaaditis* multa praelia *Iudas* commisit, vbique victor euadens. Quartò, cum *Galileis* *Simon frater Iudæ*, & ex ipsius *Iudæ* mandato multa quoque praelia felicissimè fecit.

Post hæc, *Antiocho Epiphane* defuncto *Antiochus Eupator*, eius successor, venit in *Iudæam*. Et erat numerus exercitus eius, centum millia peditum, & viginti millia equitum, & elephanti triginta duo docti ad prælum. Vicit autem tam ingentem exercitum *Iudas* primùm oratione, & ieiunio triduo armatus: deinde gladio cum suis paucis aduersus multitudinem hostium fortiter pugnans. Sic enim & plurimos occidit, & reliquos in fugâ egit: & tandem ad pacē, & amicitiam Regem compulit.

Denique, cum *Demetrio*, *Antiochi Eupatoris* successore, postrema duo bella gessit. Sed tamen non ipse rex per se ad bellum venit: sed misit duces suos *Alcimum*, & *Bacchidem*: qui tamen nihil profecerunt.

Deinde, misit *Nicanorem* cū exercitu magno, sed *Iudas* cū solis tribus millibus militū exercitū illum contriuit: & primus omnium periit *Nicanor*, qui superbè nimis locutus fuerat, dicens: *Nisi traditus fuerit Iudas, & exercitus eius in manus meas, continuo cū regressus fuero in pace, succendam domum istam.* templum Dei videlicet.

Postremò, addidit *Demetrius* audita morte *Nicanoris*, mittere in *Iudæam* *Bacchidem*, & *Alcimum*, cū ingenti exercitu: in quo ultimo prælio cū per totā noctē pugnatum esset ab octingentis militibus *Iudæ*, aduersus viginti millia virorū et duomillia equitū: is fuit exitus prælij, vt Dux

1. Ma-
chab. 3.

Regis *Demetrii* amiserit exercitum copiosum : & exercitus Dñi amiserit Ducem fortissimum , *Iudam*. Hinc *Scriptura sacra* encomium illud de *Iuda* contexit : Et dilatauit gloriam suam populo suo, & induit se lorica, sicut gigas, & succinxit se arma bellica in praelijs, & protegebat castra gladio suo. Similis factus est leoni in operibus suis, & sicut catulus leonis, rugiens in venatione. Et persecutus est iniquos, perscrutans eos. & qui conturbabant populum suum, eos succendit flammis : & repulsi sunt inimici eius præ timore eius & omnes operarii iniquitatis conturbati sunt : & directa est salus in manu eius. Et exacerbabat reges multos, & letificabat *Iacob* in operibus suis, & in seculum memoria eius in benedictione. Et perambulauit ciuitates *Iuda*, & perdidit impios ex eis, & auertit iram ab *Israel*. Et nominatus est usque ad nouissimum terræ, & congregauit pereuntes.

1. Ma-
chab. 8.

Sed vnum est, in quo videtur *Iudas* aliquid humani passus, Deo hoc permittente, ad instructionem Principum cæterorum. Siquidem audita gloria *Romanorum*, misit ad eos legatos, ac petijt amicitiam eorum : qua fretus, deinceps liber esset ab infestationibus Regum Græcorum. Atque exemplum illud *Iudæ* secuti sunt postea fratres eius, *Ionathas*, & *Simon*, qui post illum, Principatum obtinuerunt : vterq; enim amicitiam *Romanorum*, honorifica legatione missa petijt, & obtinuit. Sed vt ostēderet Dominus, non debuisse *Iudam*, qui tot, & tam manifestis signis auxilium Dei præsentissimum semper agnouerat, aliquid de spe sua in Deum concepta remittere, neque vllam eius partem in Romanos, idololatrias, deriuare ;

deriuare: permisit vt primo quoque tempore, post amicitiam cum Romanis contractam, in prælio *Iudas ipse occideretur*. Iam enim non aderant *de celo viri quinque, in equis, frenis aureis decori, ducatum Iudæis præstantes: ex quibus duo Machabæum medium habentes armis suis circumseptum, incolumem conseruabant: in aduersarios autem tela, & fulmina iaciebant, ex quo & cecitate confusi, & repleti perturbatione cadebant.*

2. Machab. 10

Et quod *Iudæ* contigit, id fratribus accidit: vterq, enim, post initam societatem cum Romanis, interfectus fuit.

Neque hæc dico, quòd existimem, *Iudam Machabæum*, ob amicitiam cum Romanis initam, à gratia Dei omnipotentis excidisse: absit enim à me iudicium tam temerarium. Nam si *Iosaphat Rex Iudæ*, qui cum *Achab*, rege impio, & idololatra, affinitatem contraxerat, & fœdus in bello inierat, audiuit à nuncio Dei: *Impio præbes auxilium, & his, qui oderunt Dominum, amicitia iungis: & idcirco iram quidem Dñi merebaris: sed bona opera inuenta sunt in te, eò quòd abstuleris lucos de terra Iudæ, & præparaueris cor tuum, vt requireres Dominum Deum patrum tuorum: quantò magis de Iudæ Machabæo credendum est, cum, ob amicitiam cum Romanis initam, non excidisse à gratia Dei: cum & Romani minus impij fuerint, quàm Achab: & Machabæus opera bona plurima, & fortè gratiora Deo fecerit, quàm Iosaphat.*

2. par. lip. 19.

F I N I S.

THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

THEATRI
PRINCIPVM
SANCTORVM

Liber alter.

QUI HABET
PRINCIPES
SANCTOS

NOVI TESTAMENTI.

BRUXELLÆ

Typis IOANNIS MEERBECIIIS. 1627.

THE
PRINCIPAL

SANCTORY

Index

OVERVIEW

PRINCIPAL

SANCTORY

NOTES

APPENDIX

THE PRINCIPAL

CATALOGVS PRINCIPVM SANCTORVM NOVI TESTAMENTI.

CAP. I.	V ITA, & virtutes Theodosij imp.	Fol. 1
I I.	Vita, & virtutes Tiberij Imp.	33
I I I.	Vita S. Venceslai, Regis Bohemiz.	49
I V.	Vita, & virtutes S. Henrici Imp.	71
V.	Vita S. Stephani, primi Hungarorum Regis qui eos ad Christianam religionem traduxit.	
V I.	Vita S. Eduardi, Angliæ Regis.	99
V I I.	Canonizatio S. Leopoldi, Austriæ Principis.	137
V I I I.	Vita S. Ludouici IX. Franciæ Regis	185
I X.	Vita B. Amadei, Sabaudæ Ducis.	217
X.	Vita S. Casimiri, Poloniæ Regis filij.	231

A P P R O B A T I O C E N S O R I S.

*HOC Religiosum Syntagma, quo piornm Principum sanctitate
illustrum vita & monumenta ex probatorum Authorum disertis scri-
ptis ordine dilucido enarrantur: non una ex causa peccati prouehenda
& vite insule instituenda utile futurum censemus. Premerunt enim illi
& praluxerunt: quisquis eiusdem instituti es: Tu longè sequere, &
vestigia semper adora; Ita voneo: ita donet Deus. Datum Bruxel.
9. Iuly 1626.*

*HENRICVS SMETERS.
S. Th. Licentiatu, Scholasticu Bruxellensis,
librorum Censor.*

CATALOGUE OF THE LIBRARY OF THE MUSEUM OF NATURAL HISTORY

NEW YORK: PUBLISHED BY THE MUSEUM, 1871.

No.	Author.	Title.	Date.	Remarks.
1	Linnaeus, C.	Systema Naturae	1735	
2	Linnaeus, C.	Philosophia Botanica	1755	
3	Linnaeus, C.	Methodus Naturalis	1760	
4	Linnaeus, C.	Opera Postuma	1760	
5	Linnaeus, C.	Opera Postuma	1760	
6	Linnaeus, C.	Opera Postuma	1760	
7	Linnaeus, C.	Opera Postuma	1760	
8	Linnaeus, C.	Opera Postuma	1760	
9	Linnaeus, C.	Opera Postuma	1760	
10	Linnaeus, C.	Opera Postuma	1760	

CONTENTS OF THE LIBRARY

The following is a list of the books in the library, arranged in alphabetical order of the authors' names. The numbers in the first column refer to the numbers in the catalogue. The names in the second column are the names of the authors. The titles in the third column are the titles of the books. The dates in the fourth column are the dates of the publication of the books. The remarks in the fifth column are the remarks on the books.

NEW YORK: PUBLISHED BY THE MUSEUM, 1871.

V I T A

E T

V I R T V T E S

THEODOSII IMPERATORIS.

P R I M V S Christianus Imperator, Constantinus magnus, & planè egregius fuit. Sed quoniam vitam eius scripsit Eusebius, Casariensis, hæreticus Arianus, & ab illo hauserunt, quidquid scriptis de rebus eius gestis mandarunt Socrates, Sozomenus, & alij posteriores: ideo vitam illã prætermittendam mihi esse existimaui: præsertim cum *historias* Eusebij Gelasius Papa inter *scripta apocrypha* retulerit.

Constantinus Magnus.

Post Constantinum, celeberrimus, & religiosissimus Theodosius fuit; quem Sanctus Ambrosius, non dubitat inter eos communerare, qui statim ab obitu in cælum ascendunt. Sic enim loquitur in oratione funebri, *de eius laudibus*, ad populum: *Conuertere, inquit, anima mea, in requiem tuam. in quam festinauit ingredi Theodosius.* Et paulò intra: *Absolutus igitur dubio certamine, fruitor nunc Augustæ memoriæ Theodosius luce perpetua.* Et infra;

Theodosius Imp.

A

Manet

Manet ergo in lumine Theodosius, & Sanctorum cœtibus gloriatur. Et quoniam potuisset illi obijci peccatum cœdis Thessalonicensis; respondet in eodem loco idem Sanctus Ambrosius, dicens: Dilexi virum, qui magis arguentem, quam adulantem probaret. Stravit omne, quo utebatur, insigne regium, defleuit in Ecclesia publicè peccatum suum, quod ei aliorum fraude obrepserat, gemitu, & lacrymis orauit veniam; quod priuati erubescunt, non erubuit Imperator publicè agere pœnitentiam. Neque ullus postea dies fuit, quo non illum doleret errorem. Sancto Ambrosio Sanctum adiungamus Augustinum. Hic in libro quinto de Ciuitate Dei cap. 29. miris laudibus effert fidem, & pietatem Imperatoris Theodosij; quem dicit in bello magis orando, quàm fœciendo pugnasse; & hoc tam manifestum fuisse omnibus, vt etiam Claudianus Poëta gentilis, de eo cecinerit.

O nimium dilecte Deo, tibi militat æther.

Et coniurati veniunt ad classica venti

Et enumeratis bonis operibus eius, concludit: Hæc ille secum, & si quæ similia, quæ enumerare longū esset, bona opera tulit, ex isto temporali vapore cuiuslibet culminis, & sublimitatis humanæ, quorum operum merces est æterna felicitas, cuius dator est Deus, solis veraciter pijs.

Addam & tertium testem pietatis Theodosij Sanctū Paulinum, Nolæ Episcopum. Hic in *epistola nona ad Seuerum*, loquēs de laudatione sua in Theodosium, *Non tam, inquit, Imperatorem, quam Christi seruum, non dominandi superbia, sed famulandi humilitate potentem, nec*
regno,

regno, sed fide Principem prædicau. Denique Ruffinus, qui eodem tempore vixit, in libro *Undecimo Ecclesiasticæ hystorie cap. 35.* sic loquitur: Igitur (Theodosius) præparatur ad bellum, non tam armorum, telorumq, quam ieiuniorum, orationumq, subsidij: nec tam excubiarum vigilijs, quam olsecrationum pernoctatione munitus; circuibat cum Sacerdotibus & populo omnia orationum loca; ante Martyrum, & Apostolorum thecas iacebat cilicio prostratus, & auxilia sibi fida Sanctorum intercessione poscebat, Et paulò infra, Tunc Theodosius, ut conuersas suas acies vidit, prostratus in conspectu Dei: Tu, inquit, omnipotens Deus nosti, quia in nomine Christi Filij tui, ultionis iuste pralia ista suscepi: si secus, vindica in me: si Verò cum caussa probabili, & in te confisus, huc veni; porrige dexteram tuam, ne forrè dicant gentes: Vbi est Deus eorum? Et paullo post: Etenim compertum est, quia post illam Imperatoris precem, quam Deo fuderat, ventus ita Vehemens exortus est, ut tela hostium in eos, qui iecerant, retorqueret: cumq, magna vi persistente vento, omne iaculum missum ab hostibus frustraretur, fracto aduersariorum animo, seu potius diuinitus repulso: Eugenius (Tyrannus) ante Theodosij pedes, vinclis post terga manibus adducitur, ibiq, finis vite eius & certaminis fuit.

Iosue Verò scidit vestimenta sua, & pronus cecidit in terram coram arca Domini vsq, ad vesperam, tam ipse, quàm omnes senes Israel: miseruntq, puluerem super capita sua. Iosue. 7.

Ex his quatuor testibus, omni fide dignissimis, facile

potest intelligi, Theodosium nostrum, non solum
pium fuisse Principem, sed etiam cum Mose & Ioue,
cum Dauide & Ezechia posse conferri, ad quorum
preces Deus cum eorum hostibus manifestè pugnabat.

Ibid.

*Et dixit Iosue: Heu Domine Deus, quid voluisti traducere
populum istum Iordanem fluuium, ut traderes nos in manus
Amorrhæi, & perderes? Utinam, ut cœpimus, mansissemus
trans Iordanem.*

*Dux mi-
litaris cō-
stituitur.*

Sed ut ordine res eius gestæ intelligantur, adferremus
in medium ea omnia, quæ Theodoretus, in *historia sua*
lib. 6. cap. 31. mandauit: quamuis enim res easdem
Socrates, & Sozomenus scripserint: tamen Theodore-
tus maiori fide dignus est: cum Socrates & Sozomenus
labe hæreseos Nouatianæ infecti fuerint: & de Sozome-
no scribat Sanctus Gregorius in *epistola ad Eulogium*,
Episcopum Alexandrinum, Sozomenum in *historia sua*
multa mentiri: quod etiam de Socrate dici potest. Sic
igitur Theodoretus scribit *lib. 5. cap. 5.* Per idem tem-
pus Theodosius, vir cum ob maiorum splendorem,
tum ob suam ipsius fortitudinem percelebris, & propte-
rea in inuidiam non ab illis modò, qui pares erant di-
gnitate, verum etiam à tribulibus suis, vocatus: in
Hispania, ubi & natus erat, & educatus, ætatem degit.
Itaque Imperator, incertus animi, quid ageret, (quippe
barbaros adeò insolentes effecerat victoria, ut difficiles
admodum expugnatum essent, tum viderentur) tan-
dem sibi persuasit, si Theodosium, Ducem belli gerendi
constitueret, Imperium malis, in quibus verlabatur,
penitus

penitus liberatum iri. Quare confestim Theodosium euocat ex Hispania, Ducem creat, & cum exercitu, quem in vnum collegerat, mittit. Qui fide communi-^{Victoria}tus, alacri animo & erecto iter suscipit: & ingressus in^{cus.} Thraciam, barbarosque ex adiuerso venientes conspiciatus: aciem, veluti prælium factururus, instruit: facta autem leui pugna, cum Barbari Romanorum impetum substinere non possent, aciem deferunt; atque terga dantes, fugæ se mandant, quos Romani, quantum poterant, persequuntur, magnaque barbarorum fit cædes. Nam non à Romanis solum, sed abs se mutuò interfecti ceciderunt. Quare cum quamplurimi ad hunc modum essent trucidati, & pauci, qui latere potuerant, Itrum traiecissent; Dux ille longè præstantissimus, Theodosius, copijs suis in vrbes vicinas distributis, ad Imperatorem Gratianum celerimè, quò suæ victoriæ ipse nuntius esset, proficiscitur. Atque cum Imperator, quæ narraret, ne credibilia quidem putaret, & factum supra modum miraretur: illi, quos stimuli pungebant inuidiæ, aiunt eum fugæ se dedisse, & exercitum amisisse. Theodosius igitur, *lib. 5. cap. 6.* postulat ab illis, qui contradicerent, vt nuntios mittant, perque eos multitudinem Barbarorum interfectorum diligenter cognoscant: facile enim esse ex spolijs numerum perdiscere. Cui orationi assensus Imperator, misit nuntios, qui res gestas explorarent, eique postea referrent.

Respicite, filij, nationes hominum: & scitote, quia nullus ^{Eccl. 2.}
sperauit in Domino, & confusus est. Quis enim permansit in

mandatis eius, & derelictus est? aut quis inuocauit eum, & despexit illum?

Duci autem optimo, Theodosio, interim apud Gratianum commoranti, diuina quædam visio ab ipso
 Visio. omnium Rectore, Deo, obiecta est. Videbatur enim videre diuinum Meletium, Ecclesiæ Antiochenæ Præsullem, chlamydem sibi Imperatoriam inijcere, & coronam, illi honori conuenientem, capiti imponere. Quæ cum noctu secundum quietem vidisset, prima luce cuidam ex familiaribus indicauit. Ille somnium
 Gen. 37. manifestum esse dixit. Aliud quoque vidit (Ioseph) somnium, quod narrans fratribus, ait: *Vidi per somnium, quasi solem & lunam, & stellas undecim, adorare me. Quod cum patri suo, & fratribus retulisset, increpauit eum pater suus, & dixit. Quid sibi vult hoc somnium, quod vidiisti? num ego, & mater tua, & fratres tui adorabimus te super terram?* Ac iam perpauci dies intercesserant, cum redeunt nuntij, qui ad res à Theodosio gestas cognoscendas profecti fuissent: retuleruntque permulta barbarorum millia

Imperator Orientis designatur.

et uicidata esse. Itaque Imperator, iam pro certo persuasum habens, se non sine summo Imperij commodo eum delegisse, Imperatorem quoque designauit, & illis Imperij partibus, quas Valens rexerat, ei commissis, ipse in Italiam contendit, Theodosiumque in Imperij partes ei assignatas dimisit. Qui ut primum Imperium obtinuit, Ecclesijs præ cæteris rebus diligenter prospicere cœpit, & ut Episcopi suæ ditionis Constantinopolim ire maturent, admonet. Nam ea sola Imperij pars
 Arianâ

Arianâ labe passim commaculata fuit : pars autem ver-
sus Occidentem ab ea libera permansit : liquidem Con-
stantinus, filius Constantini Magni natu maximus, &
Constans minimus natu, paternam fidem integram ser-
uabant. Quin etiam Valentinianus, Imperator Occi-
dentis, veram pietatem sinceram, & incorruptam cu-
stodiebat. Imperij verò pars, quæ spectat ad Orientem,
ex multorum nequitia Arianam labem contraxit, ob
nimiam Constantij Imperatoris facilitatem : & impro-
bam Valentis item Imperatoris nequitiam.

Tobias filio : Omnibus autem diebus vite tue in mente Tob. 4.
habeto Deum : & caue ne aliquando peccato consentias, &
prætermittas præcepta Domini Dei nostri.

Per idem tempus Iustinae Valentiniani senioris con-
iux, & Valentiniani iunioris mater, Arianæ doctrinæ
semina, quæ viuente marito occultare studuit, cum
filij sui mollem, & flexibilem animum cerneret, pro-
ferre cœpit audaciùs. Adolescens autem matris monita
vsui sibi fore arbitratus, primùm cum Ambrosio com-
municat, ratus si hunc ad suam perduceret sententiam,
se alios facilè superaturum. At Ambrosius reuocat illi in
memoriam paternam pietatem : & simul exponit do-
ctrinarum differentiam, & quo modo hæ, id est,
Catholicæ, cum doctrina Domini, & Apostolorum
prædicatione conueniant : illæ verò, id est, hæreticæ, ab
vtraque dissentiant : & legibus Ecclesiæ, Spiritus Sancti
instinctu sancitis, perspicuè repugnent. Adolescens
verò, utpote adolescens, & à matre errore cæcata inci-

Iustina
Ariana.

Ambro-
sius ten-
tatur à
Valenti-
niano.

tatus:

tatus : tantum aberat, vt Ambrosij orationi assentiretur, vt etiam iracundia inflammatus, Ecclesiæ parietes turmis peditum tum graui, tum leui armatura tectorum, circumfideret. Vbi autem fortissimum illum Bellatorem his rebus minime perterritum videt, (eas enim pro laruis, quæ ad terrendos pueros obijci solent, habebat Ambrosius) tandem bile commotus, palam dat ei mandatum, vt è sacri templi vestibulis egrediatur. Tum Ambrosius, *Non sum istud*, inquit, *facturus, neque ouile ouium proditurus lupis, neque blasphemie autoribus sacrosanctum Dei templum traditurus: sed si libet me interficere hic intus, vel cuspide hasta, vel gladio confodito: sum enim cupidè, ac libenter hanc cædem excepturus.* Longo autem tempore post (cap. 14.) vbi Maximus de facinore contra præclarissimum veritatis præconem, Ambrosium, per Valentinianum admissio, certior factus est: scribit *ad Valentinianum litteras*, hortaturque vti tum à bello contra pietatem faciendo desistat, tum ne paternam pietatem prodere moliatur: postremò minatur bellum, si non obtemperet, se contra eum suscepturum: atque quod litteris significauerat, factis præstitit. Nam collecto exercitu, Mediolanum vbi ætatem agebat Valentinianus, mature contendit: cuius aduentu cognito, Valentinianus fugit in Illyricum, iam edoctus experientia quid commodi maternum attulisset consilium. Theodosius autem, Imperator dignissimus, cognitis rebus, à Valentiniano, item Imperatore, gestis, & Tyranni Maximi litteris: scribit *ad Valentinianum*, non debere

Ambrosij constantia.

Maximus ad Valentinianum.

debere eum mirari, quod sibi Imperatori terror incussus fuerat, & robur Tyranno adiunctum. Nam Imperatorem pietatem armis impugnasse, Tyrannum eandem defendisse. Atque illum, hac prodita inermem in fugam coniectum: hunc, ea veluti armis munitum, eum illa nudatum deuicisse; pietati enim eius legislato-rem fauere. Ista quidem. cum longè à Valentiniano abesset, scripsit Theodosius. Atque simul ut accepit de fuga Valentiniani, venit ei subsidio, illumque iam è proprio Imperio eiectum, & ad suam ditionem accedentem conspiciens, primo animo eius adhibet curationem, impietatis morbum altius insitum euellit, & ad pietatem paternam reducit: deinde iubet bono animo esse; contra Tyrannum bellum gerit, sine sanguinis effusione adolescenti restituit Imperium, & Tyrannum interficit. Nam rem iniustam se facturum putauit, & fœdera cum Gratiano pacta violaturum, si non pœnas de interfecto-ribus suis repeteret.

Subsidium
illi tere.

Quicumq; glorificauerit me, glorificabo eum: qui autem contemnunt me, erunt nobiles. 2. Reg. 2

Post Theodosij illinc reditum, Amphilochius, ille admirabilis, accessit Imperatorem, oraturus, ut ex urbibus Arianorum conuentus eijciat. At Imperator, postulationem illam nimis seueram, & inhumanam arbitratus reiecit. Sapientissimus igitur Amphilochius, re ad tempus tacita, aliam rationem ad id, quod volebat, obtinendum, eamque planè memorabilem excogitauit: nam cum alio tempore fortè intra palatium

Amphi-
lochi)
postula-
tio.

esset, videretque adstanti Imperatori filium suum Archadium, qui nuper Imperator creatus fuerat: ipsum Imperatorem, Theodosium, ut mos est, salutauit ille quidem, sed filium sine honore dimisit. Imperator autem, ratus Amphiloichium oblitum officij, iubet ad filium accedere, eumque salutare. At Amphiloichius respondit, satis esse, quod ei honorem habuerat. Itaque Theodosius, rem acerbè & grauiter ferens, probrum filio obiectum, iniuriæ loco, sibi ipsi illatæ, numerauit. Tum sapientissimus Amphiloichius, declarans Imperatori, quod animo instituebat, contenta voce: *Vides, inquit, ò Imperator, quàm aegrè ignominiam filij tui patiaris, immò verò illis, qui eum insultant, vehementer succenses. Credas igitur mihi velim, huius vniuersitatis rectorem Deum, eos, qui contra filium suum vnigenitum loquuntur blasphemias, itidem detestari, & tanquam ingratos erga seruatorem, & patronum suum odio persequi.* Cuius institutum cum hoc pacto cognouisset Imperator; facta eius, dictaque admiratus, legem protenus conscripsit, quæ verabat conuentus ab hæreticis agi. *Beatus vir: qui non abiit in consilio impiorum, & in via peccatorum non sedit: & in cathedra pestilentie non sedit. Sed in lege Domini voluntas eius: & in lege eius meditabitur die, ac nocte.* Verùm omnes communis humani generis aduersarij tendiculas vitare, non adcoè facilè est. Quapropter admirabilis ipse Imperator, humanæ naturæ particeps, à perturbationibus minimè vacuus fuit: quippe immoderata animi concitatione, cum ista iracundia coniuncta,

Psalm. 1.

cta, facinus crudele commisit. Quod quidem ad legentium vtilitatem hoc loco commemorabo: nam eiusmodi profectò est, vt Imperator iste admirabilis, ob id, tum in crimen meritò vocari, tum contra summa laude, ac prædicatione efferri debeat.

Thessalonica, vrbs est amplissima illa quidem, & multis hominibus frequentata: quæ tamen est subiecta ditioni Macedonum: præ cunctis tamen vrbibus Thessaliæ, Achaïæ, & aliarum gentium plurimarum, quas præfectus Illyriæ moderatur; primas obtinet. In hac ciuitate, cum fortè seditio concitata esset, magistratus aliquot obruti lapidibus fuere, & grauibus contumelijs vexati. Quibus rebus nuntiatis. Imperator bile accensus, flammæ neutiquàm repressit iracundiæ, sed illius arbitrio permisit pronunciandæ sententiæ de supplicio Thessalonicensibus irrogando potestatem. Iracundia igitur, hanc auctoritatem naeta, gladios contra omnes distrinxit, & insontes pariter cum fontibus trucidauit. Nam septem hominum millia, vt ferunt, interfecta fuerunt. In qua occisione non iudicium antecesserat, neque auctores tam horrendi facinoris iusta, & legitima sententia condemnati: sed omnes simul, veluti spicæ in messe defectæ, concisi fuerunt.

Sit omnis homo velox ad audiendum: tardus autem ad loquendum, & tardus ad iram. Ira, enim viri, iustitiam Dei, non operatur.

Hac miseranda & lugubri calamitate cognita, Ambrosius Imperatori Mediolanum aduentum, & in sacrum templum ingredi cupi-

Thessalonica,

Ciues eius trucidantur

Iac. 1:

Ambrosius excommunicauit Theodosium

cupienti : extra sacra vestibula obuiam procedit , vetat-
 que in templum intrare , & his ferè verbis eum affatur :
Est verisimile , ò Imperator , te ignorare , cedis abs te pa-
tratæ magnitudinem , neque post sedatam iracundiam admi-
ssum facinus peruidere : nam imperatorius fortasse principa-
tus peccatum agnoscere non finit , sed potestas offundit rationi
caliginem . Verùm quæ sit natura nostra , & quam fragilis ,
ac fluxa , considerandum est : & in autum puluerem , ex quo
orti sumus , & in quem recasuri , acies mentis intendenda :
neque ipse splendore purpuræ deceptus , corporis illa operti
imbecillitatem ignorare debes . Quin etiam illis imperas , qui
& eiusdem sunt naturæ participes , atque adeo conserui .
Vnus enim Dominus omnium , & Rex , huius Uniuersitatis
fabricator , Deus . Quibus igitur oculis intueberis templum
illius , qui est omnium Dominus ? quibus pedibus sanctum illud
solum calcabis ? qui , quæso , manus , iniusta cade , & sanguine
dispersas , extendere audebis , & iisdem sacrosanctum Domini
corpus accipere ? aut quomodo venerandum eius sanguinem
ori admouebis , qui furore iræ iubente , tantum sanguinem
tam iniquè effudisti ? Recede igitur , & ne conare nouo scelere
scelus antè editum augere : sed capeffe vinculum , quo ut li-
geris , Dominus omnium cælitus sententiam dat . quod quidem
vinculum vim habet , & morbum animi depellendi , & te
ad sanitatem restituendi . Hinc rationi obsecutus Impe-
rator , (nam diuinis educatus eloquijs , accurratè norat ,
tum quæ essent officia Sacerdotis , tum quæ Regum pro-
pria) cum gemitu & lacrymis , ad Palatium reuertitur .
Atque longo temporis spatio dilapso , (octo enim
 mensēs

menses iam præterierant) Seruatoris natalitia fuere cele-
 brata. Imperator autem confidet in Palatio, lamentis se
 dedens, & magnam vim profundens lacrymarum.
 Quod cum animaduertisset Ruffinus, qui tum magister
 aulae fuit, magnaue apud Imperatorem auctoritate,
 utpote familiaritate ei coniunctior; ad illum accedit,
 rogat causam fletus. Tum Imperator lugetis acerbius,
 & maiorem in modum flens: Tu, inquit, *Ruffine, lu-*
dis, nam quantis in malis verser, non sentis. Ego verò gemo,
& meam ipsius deploro calamitatem, dum mente complector,
quam facilis aditus ad sacrum templum seruis, & mendicis
pateat, liberq; illis ad Dominum suum deprecandum detur
introitus: mihi autem non modò ad illum locum, verum
etiam ad cælum ipsum accessus præclusus sit. Nam venit mihi
in mentem sententia à Domino prolata, quæ palam dicit.
Quemcumque ligaueritis super terram, erit ligatus & in Matth.
cælis. Cui Ruffinus: Curram, inquit, si placet, ad Epi- 16.
scopum, ei supplicabo, persuadeboq; ut tua soluat vincula. Ruffinus
At non est, inquit Imperator, tibi morem gesturus: noui interce-
enim adeò iustam Ambrosij sententiam, ut non metu potesta- di.
tis imperatorie sit legem Dei violaturus. Verum cum in-
staret Ruffinus, pollicereturque se Ambrosio persuasu-
rum, Imperator iubet properè abire; ipseque falsa spe
inductus, & Ruffini consilii promissis, paulò post se-
quitur. Ut primùm autem Ruffinum diuus vidit Am-
brosius: Videris mihi, inquit, Ruffine, canum impuden-
tiam mutari: Nam tametsi tuo suasu tam crudelis facta est
cædes: tu tamen ita perfricisti os, ut nec pudeat, nec pigeat,

tanta rabie, contra imaginem Dei insaniuisse. Vbi vero Ruffinus obnixè cum orauerat, dixeratque, Imperatorè breui ad futurum: S. Ambrosii is, diuino zelo accensus, Ego, inquit, Ruffine, prædico, me illum ab introitu sacri vestibuli prohibiturum: quòd si Imperium mutarit in Tyrannidem, cædem lubens equidem accipiam. Quibus auditis, Ruffinus, Imperatori per nuntium significat, hortaturque vt maneat in palatio. Quæ cum Imperator in medio foro accepisset, Eo, inquit, illuc nihileminùs, quò iustas, debitasque contumelias subeam. Vbi verò ad sacros templi parietes aduenit, non ingreditur in templum ille quidem: sed ad Episcopum, qui in ædícula saluatoria sedebat, accedens obsecrat, vt vincula illi soluat. At Ambrosius, eius aduentum dixit esse tyrannicum, eumque ipsum contra Deum insanire, & illius leges proterere. Tum Imperator, Non obstinato animo, inquit, leges sancitas impugno, neque sacra vestibula per nefas introire cupio: sed oro, vt mihi soluas vincula, & proponas tibi ante oculos clementiam illius, qui est Dominus omnium: & ne mihi occludas ianuam, quam ille omnibus, quos peccatorum suorum pœniteat, patefecit. Cui Ambrosius, Quam tu, inquit, pœnitentiam, post tam graue scelus admissum ostendis? quæ medicamenta ad vulnera, tam difficilia curatu, sananda adhibuisti? Tuum est, inquit Imperator, medicamenta ostendere, eaque temperare, & vulnera quæ egrius curantur obligare: meum autem, quæ sunt adhibita accipere. Tum diuus Ambrosius, Quoniam inquit, iracundia permisisti iudicium,

Theodo-
sius ve-
niam de-
precatur.

Pœniten-
tia eius:

& non recte rationi, sed animo irato obsecutus sententiam pronuntiasti: conscribe legem, qua deinceps sententia, per iracundiam pronuntiata, irrita sint, & nullius momenti: cognitionesq; causarum, de cede, & publicatione bonorum, ad triginta dies scriptis prodita maneat, uti recta ratione de illis iudicium des, atque diebus illis confectis, qui decreta illa scripserint, mandata tua tibi ostendant. Ac tum quidem compressa iracundia, ratione sola, causam expendens, inquires in decreta, & ita perspicies, iniqua sint, an aqua. Quod si iniqua deprehenderis, certum est, ea decreta scriptis mandata te dilaceraturum: sin aqua, confirmaturum: sicque manifestè intellecturum, numero dierum interiectionum, nihil de auctoritate decretorum, rectè sancitorum, omnino detractum esse. Istud consilium Imperator, quoniam prudentissimum esse censebat, libenter amplexatus, iubet extemplò legem conscribi, suaque subscriptione confirmat. Quare confecta, divus Ambrosius eius vincula soluit. Itaque Imperator fidelissimus, in sanctum templum ingressus, non stans Dominum precatus est, neque genibus flexis: sed pronus humi abiectus, versum illum Davidis recitavit: *Ad-*
hæsit pavimento anima mea, vivifica me secundum ver-
bum tuum. Atque capillos manu lacerans, frontem ferite, lacrymarum guttis solum rigare, veniamque supplex petere, cœpit. Vbi autem tempus postulavit, ut dona sacræ mensæ offerret, surgit, atque non minorem lacrymarum vim, quam antea, effundens

Soluitur
 excom-
 muni-
 catione.

Psal. 119

Inter lai-
cos ma-
nere iu-
betur.

dens, in sanctuarium ingressus est. Cùm verò, vti solebat, obtulisset, intus prope cancellos mansit. At rursus ille Ambrosius non conticuit quidem, sed locorum differentiam eùm docuit. Ac primùm sciscitatur, ecquare egeret, & cum respondisset Imperator, se expectare diuinorum mysteriorum perceptionem; significat illi per primarium Diaconum, qui ei ministrabat, ad loca interiora solis Sacerdotibus aditum patere; eandemque alijs omnibus inaccessa esse. Iubet igitur vt exeat, & cum reliquis laicis consistat: *nam purpura*, inquit, *Imperatores facit, non Sacerdotes*. Quam admonitionem itidem accepit lubens Imperator fidelissimus, responditque se non animi confidentia inductum mansisse intra cancellos, sed hanc consuetudinem Constantinopoli didicisse: *Quare habeo etiam*, inquit, *pro hac medicina gratiam*.

LUC. 10.

Samaritanus autem quidam, iter faciens, venit secus eum, (qui incidit in latrones:) & videns eum, misericordia motus est. Et appropians, alligauit vulnera eius, infundens oleum, & vinum: & imponens illum in iumentum suum, duxit in stabulum, & curam eius egit. Et altera die protulit duos denarios, & dedit stabulario, & ait: Curam illius habe: & quodcumq; supererogaueris, ego, cùm rediero, reddam tibi.

Theodo-
sij ohe-
dientia.

Tantis, & tam eximijs virtutibus enituit tum Episcopus, tum Imperator, vtrumque enim admiror, alterum propter ingenuam loquendi libertatem, alterum propter facilem obedientiam: & illum propter diuini zeli ardorem; alterum propter sinceram fidem.

Impe-

Imperator autem pietatis præcepta, quæ ab illustri illo Episcopo didicerat, etiam cum reuertisset Constantinopolim, obseruauit. Nam cum diuino quodam festo ad templum veniret, statim ut dona sacræ mensæ obtulerat, exiuit. Atque cum Nectarius, qui id temporis illius Ecclesiæ antistes fuit, rogaret, cur non maneret intus, gemens inquit; *agrè tandem didici, quid inter Imperatorem interfit, & Episcopum: agrè tandem reperi Veritatis magistrum: nisi solum Ambrosium noui Episcopum, dignum eo nomine.* Tantum commodi reprehensio, à viro virtute præstanti adhibita, secum apportare solet.

Testis mendax peribit: Vir obediens loquetur victoriam. Prou. 28
Vir impius procaciter obfirmat vultum suum: qui autem reclusus est, corrigit viam suam.

Alia porro causâ suppetebat huic Imperatori, ex qua similiter vtilitatis percepit non parum: nam coniux eius Placilla, nunquam destitit diuinas leges ei in memoriam redigere, seque primùm eisdem accurate ipsa erudierat. Si quidem ea non Imperatorio principatu se insolenter extulit: sed diuinum, quo flagrabat, desiderium augescere studuit, quippe beneficij magnitudo amorem erga Dominum multò reddidit ardentiorē. Itaque ad eos subleuandos, qui mutila corpora, membraque omnia labefactata haberent; nihil non diligentiae, & curæ adhibuit, atque ad eam rem non seruorum opera vsa est, sed illa ipsa hoc fungi ministerio, adire eorum hospitia, & singulis necessaria suppeditare voluit.

Placillæ
 vxoris
 pietas.

Simili quoque ratione Ecclesiarum hospitia visere, ægrotis in lecto decumbentibus curationem adhibere, tractare ollas, iusculum gustare, patinam illis deferre, frangere panem, offas porrigere, eluere pocula, omnia denique alia munera obire, quæ serui & ancillæ exequi solent. Atque illis, qui eam ab hoc genere ministerij auocare studebant, respondit, *aurum distribuere decere Imperatorem: se autem pro ipso Imperio, ei, qui id ipsum aëderat, illam operam offerre debere.* Quin etiam crebrò solebat marito dicere: *semper te, mi vir, oportet cogitare, qui olim fueris, & qui iam sis. Ista assidue animo complectens, non te ingratum ostendes erga patronum: sed Imperium, quod suscepisti, iuste & legitime gubernabis: atque eo ritè administrando, eum, qui ipsum donauerit, augustè sanctèq; coles.* Eiusmodi sermonibus semper habitis, semina virtutum, animo eius mandata, præclarissimè commodissimèque rigauit. Ista quidem ante virum migravit è vita: post cuius mortem, non ita diu facinus quoddam fortè fortuna commissum accepimus, quod incredibilem amorem Imperatoris, quo eam complexus est perspicuè patefecit.

Iosu. 1. *Non recedat volumen legis huius ab ore tuo: sed medita-
beris in eo diebus, ac noctibus, ut custodias, & facias omnia,
quæ scripta sunt in eo: tunc diriges viam tuam, & cu-
stodies eam.*

Seditio
Antio-
chena,

Imperator crebritate bellorum coactus, novum quoddam, & peregrinum tributum genus ciuitatibus im-
posuit: quod quidem Antiochia non tulit, sed plebs,
cùm

cùm videret eos à quibus exigebatur tributum, propter inficiationem suspendi, tùm alia patrat maleficia, quæ multitudo imperita, occasionem seditionis naçta, patrare solet; tùm statuat æneam Placillæ Imperatricis deturbat, & per magnam vrbis partem trahit. Quibus auditis, Imperator, vt par erat, grauiter commotus, omnia priuilegia vrbi illi adimit, & principatum Laodiceæ, vicinæ ciuitati, tradit: quippe istud Antiochenos grauissimè laturos existimauit: postremo se urbem incensurum penitusque vastaturum minatur; atque adeò in pagum redacturum. Porro magistratus quosdam in illo audaci facinore deprehensos, prius interfecerunt, quam de ipsa tragica clade Imperator certior factus esset. Imperator autem quamuis omnia, quæ fuerat minatus, imperauit fieri; tamen Lex, quæ hortatu magni illius Ambrosij lata erat, obstabat, quò minus fierent. Vbi vero nuntij, qui vrbi Imperatoris minas exponerent, eo adueniunt nempe Elobocus, Dux exercitus, & Cæsarius, Præfectus palatij, omnes minis illis perterriti, in magno metu erant. At virtutis athletæ, qui ad montis radices habitabant, quique multi erant, & viri optimi; hos duos monere, & hortari cœperunt. Ex quorum numero fuit sanctissimus Macedonius. Iste, in montium verticibus vitam agens, noctes, diesque, omnium Seruatori syn-ceras preces offerebat: qui neque Imperatoris violentiam pertimescere, neque de potestate eorum, qui missi erant, laborare vilus est: sed in vrbe media, prehensio alterius pallio, ambos ex equis descendere iubet. Illi

Theo-
do-
sius vin-
dicauit
minatur.

Macedo-
nius in-
tercedit.

verò cùm viderent senem statura exigua, pannis sordidis amictum, primò indignari quidem: sed, vt primùm à quibusdam eorum, qui antecedeabant, viri illius virtutem didicerunt: desiliunt ex equis, illius genua amplecti, veniam denique petere cœperunt. Macedonius diuina imbutus scientia, tali oratione eos compellat: *Dicite, viri charissimi, Imperatori hæc verba, non solum Imperatorem esse, sed etiam hominem. Itaq; ne oculos tantummodo ad Imperium conijciat, sed suam etiam naturam mente contempletur: nam cùm homo sit, illis imperat, qui sunt eiusdem naturæ participes: humanam autem naturam ad imaginem, & similitudinem Dei fabricatam esse. Quare ne tam crudeliter, & inhumanè imaginem Dei à medio tolli iubeat: nam bilem mouet opifici, cùm eius imaginem contumeliosè tractet. Consideret enim quam iniquo tulerit ipse animo, æneam imaginem coniugis contumelia affectam esse: se tamen in imaginem Dei contumeliosum esse non dubitare. Ac quantum intersit inter imaginem inanimatam, & animatam, viuam, & ratione præditam: omnibus qui sunt ratione præditi, perspicuum est. Illud præterea secum cogitet, nobis perfacile esse, pro vna æreâ imagine multas fabricare: sed eum omninò non posse facere vel pilum. Vnum illorum, qui interfecti sunt. Hæc audita oratione, viri admirabiles eam ad Imperatorem retulerunt: qua cum eius iracundia restincta esset, pro minis, quas iactauerat, scripsit litteras, quibus se purgabat, iræque causas in illis exposuit. Non oportebat, inquit, si quid à me peccatum esset, coniugem, summis laudi-*

Theodo-
sij ira se-
data.

laudibus meritò decorandam, post mortem, tantam contumeliam subire: sed si qui mihi succensuissent, in me furentis animi impetus conuertere debuissent. Adiunxit etiam, se acerbè tulisse, & valdè animo discruciatum esse, cùm intellexisset, quosdam è magistratibus trucidatos fuisse. Ista quidem à me sunt propterea commemorata, quod tum iniquum putabam, ut libertas loquendi à Macedonio, monacho longè præstantissimo, usurpata, obliuione deleteretur: tum perutilem illam legem, magni Ambrosij suasu conscriptam, omnium oculis subijcere cupiebam.

Et dixit Dominus ad Ionam: putasne, benè irasceris tu Ion. vii.
super hedera? Et dixit: Benè irascor ego usque ad mortem.
Et dixit Dominus: Tu doles super hederam, in qua non laborasti, neque fecisti, ut cresceret, quæ sub una nocte nata est, & sub una nocte perijt. Et ego non parcam Ninive, ciuitati magnæ, in qua sunt plusquam centum viginti millia hominum, qui nesciunt, quid sit inter dexteram, & sinistram suam: & iumenta multa?

His confectis rebus, Imperator fidelissimus omne suum studium ad errorem gentilium euertendum transtulit; legesque promulgauit, quibus imperatum erat, ut simulachrorum phana diruerentur. Nam Constantinus magnus, omnibus præconijs meritò efferendus, videns adhuc orbem terræ cæco errore furentem, tametsi vetuit omnino dæmonibus hostias immolari: non tamen eorum delubra demolitus est: sed mandatum solum dedit, ne quisquam ad ea acce-

*Idolorū
 tem de-
 moliri
 mandat.*

deret ; quin etiam istius filij sunt paternā diligenter persecuti vestigia, Iulianus autem impietatem renouare, & flammam veteris fraudis, iam pridem extinctam, de integro accendere laborauit. At cū Iouianus Imperio potitus esset, simulachrorum cultum omninò vult. Valentinianus quoque, ille magnus, eisdem legibus Europam præclare gubernauit. Cæterum Valens, sicut alijs omnibus permisit potestatem, eam, quam vellent, religionem amplectendi, & eos colendi Deos, quos ipsi pro dijs haberent, ita aduersus solos doctrinæ Apostolicæ propugnatores bellum continenter gessit. Itaque toto tempore, quo ille regnabat, ignem in aris accendere, libamenta, & hostias simulachris immolare gentiles non destiterunt. Quæ omnia cum fidelissimus Imperator, Theodosius, pro certo comperisset, extirpauit radicitus, & sempiterna obliuione obruenda curauit. Atque ex Episcoporum numero, Marcellus, Apamearum antistes, vir in rebus omnibus longè præstantissimus, lege Imperatoris tanquam machina bellica, omnia delubra vrbs, cuius Episcopus erat, prorsus expugnauit. Theodosius quoque, Alexandrinus Episcopus, urbē suam errore in simulachris colendis liberauit.

Psal. 113. Simulachra gentium, argentum, & aurum, opera manuum hominum. Os habent, & non loquentur: oculos habent, & non videbunt. Aures habent, & non audient: nares habent, & non odorabunt. Manus habent, & non palpabunt: pedes habent, & non ambulabunt: non clamabunt in gutture suo.

Iam

Iam verò Imperator cognita morte Valentiniani iunioris, & Eugenij tyrannide, in Europam exercitum traducit. Eodem tempore, Ioannes quidam, monasticum vitæ genus excolens, vixit in Ægypto, qui gratia Spiritus Sancti imbutus, sciscitantibus multas res futuras prædixit. Ad istum misit Imperator nuntium, quæsitum an bello cum tyrannis decertaret; auebat enim de eo fieri certior. Qui, uti prædixerat, cum in primo bello victoriam sine sanguine habiturum, sic in posterum, post multam hominum cædem, superiores laturum significauit. Qua spe indutus Imperator, complures ex hostibus acie instructa telis confixit, multosque ex barbaris, qui ei auxilio venerant, amisit. Ibi, cum Duces dicerent, nimis paucos ad prælium de integro incundum superesse, hortarenturque, ut bellum aliquamdiu intermitteret, quo, ineunte vere, exercitu collecto, hostes multitudine vincerent: Imperator fidelissimus eorum consilium repudiauit. *Nam non committendum, inquit, est, ut salutaris crux tantæ arguatur imbecillitatis: herculisque statuæ tantum virtutis, nostro testimonio, tribuatur: quippe ut crux nostrum exercitum: ita illa hostium antecedit.* Qua oratione, cum tanta in Deum fiducia habita, cum copiarum relictarum, & paucarum admodum essent, & animo fractæ: sacra æde in vertice montis, ubi castra fecerunt, reperta, totam noctem huius vniuersitatis gubernatorem precibus sollicitauit: sub tempus autem noctis, quo galli cantare solent, somnus eum oppressit. Qui humi stratus, videre sibi visus est duos viros, can-

Ioannis
Mona-
chi, pro-
phetia.

Visto
Theodo-
sij.

dido indutos amiĉtu, equis albis vehi, qui ipſum bono animo eſſe, timorem abiicere, prima luce arma capere, & exercitum in aciem educere iubent: nam ſe auxiliares, & velut antefignanos ad eum miſſos eſſe, & alterum, Ioannem eſſe, Euangeliftam, alterum, Philippum Apoſtolum. Hac oblata viſione Imperator preces fundere non deſtitit: ſed attentiore cogitatione eas Deo adhibet. Eadem quoque viſio militi ſecundum quietem apparuit, qui præfecto ſuo eam narrauit: Ille eum deducit ad Tribunum militum, Tribunus autem ad Ducem. Dux, noui aliquid inde portendi ratus, Imperatori ſignificat. Tum Imperator, *Non mei cauſſa*, inquit, *hæc viſio oblata eſt* (ipſe namque illis, qui victoriam promiſerant, fidem habui;) *ſed ne quiſquam exiſtimaret me, utpote prælii faciendi cupidum, eam conſinxiſſe.* Huic igitur militi Deus, Imperij mei propugnator, hanc obtulit viſionem, vt mihi eandem narranti certum teſtimonium daret. Nam mihi primùm communis omnium Deus oſtenderat. Quare omni metu proſus amoto, antefignanos noſtros, & Principes belli gerendi ſequamur, nemo bellantium multitudine metiatur victoriam: qui ſe Duces nobis præbent, quiſque conſideret. Hac oratione, militum animis valde confirmatis, omnes de monte deducit.

Ex militis.

2. Machab. vii.

Singulos autẽ eorum armauit (Iudas) non clypei, & hæſte munitione, ſed ſermonibus optimis, & exhortationibus expoſito digno fide ſomnio, per quod vniuerſos letificauit. erat autem huiuscemodi viſus, Oniam qui fuerat ſummus ſacerdos, virum bonum,

bonum, & benignum, verecundum visu, modestum moribus, & eloquio decorum, & qui à puero in virtutibus exercitatus sit, manus protendentem, orare pro omni populo Iudeorum. Post hoc apparuisse & alium virum, atate, & gloria mirabilem, & magni decoris habitudine circa illum. Respondentem verò Oniam dixisse: Hic est fratrum amator, & populi Israel: hic est, qui multum orat pro populo, & uniuersa sancta ciuitate, Ieremias, Propheta Dei.

Tyrannus autem, cum videret milites procul à se ad prælium ineundum paratos, ornat exercitum, & aciem instruit. Ipse verò colle quodam occupato, ait militibus suis, *Imperatorem, iam quasi mori cupientem, & desiderio ex hac vita abeundi flagrantem, prælio decertare.* Dat igitur mandatum Ducibus, ut vivum eum ad se, & vinculis cōstrictum, adducerent. Postquam autem phalanges ordine locatæ erant, satis animaduerti potuit, tum quàm ingentes hostiū copiæ essent; tum quàm paucæ cum Imperatore iungerentur in acie. Cum autem tela vtrinque conijci cœpta sunt, tunc antesignani Imperatoris verè promissa præstitere, nam ventus violentus è regione hostibus irruens, illorum sagittas, iacula, spiculaque in ipsos retorquet, adeo ut nullum teli genus eis adiumento fuerit, neque miles grauis armaturæ, neque sagittarius, neque iaculator, Imperatoris exercitum lædere potuerit. Quin etiam tanta pulueris copia in eorum facies impetu ferebatur, ut palpebras occludere, & pupillas oculorum, pulueris vi grauiter oppugnatas, tegere, & tueri eos coëgerit:

D

Imp.

Eugeri
tyranni
superbia

Vincitur

Imperatoris autem exercitus nullo damno ; in-
 commodoue ex illo turbine accepto , fidentibus ani-
 mis hostes trucidauit. Qui quidem , his rebus perspe-
 ctis , & diuino auxilio , quod Imperatoris copijs alla-
 tum erat , cognito , abiectis armis , veniam ab Impera-
 tore supplices petunt. Ille autem flexit animum , & illo-
 rum misericordiam capit. Iubet denique Tyrannum
 celeriter ad se adduci. Illi igitur properè collem ascen-
 dunt , in quo Tyrannus , ignarus rerum iam gestarum ,
 confidebat. Qui cùm eos anhelantes videret , ipsaque
 anhelitus crebritate adueniendi indicantes celeritatem ;
 victoriæ nuntios esse suspicatus est. Rogat , num Theo-
 dosium , vt illis erat imperatum , vinctum adducerent ?
 Cui illi , *Non eum* , inquiunt , *adducimus ad te : sed te*
hunc ad eum abducimus. Hoc namq̃ in mandatis dedit sum-
mus huius vniuersitatis moderator , Deus. Quæ cùm di-
 xissent , ei , è solio erepto , vincula iniiciunt , abducunt
 vinctum , & qui paulò antè insolenter gloriatus fuerat ,
 captivum ad Theodosium deducunt. Imperator autem ,
 primùm iniuriarum in Valentinianum , & impiè occu-
 patæ tyrannidis , ei memoriam refricat : deinde
 bellorum contra Imperium legitimum susceptorum
 causa , cum irrisione reprehendit. Reprehendit statuam
 Herculis , qua fretus , tam audax , temerariumque faci-
 nus admiserat. Postremò iustam , æquamque de suppli-
 cio illi irrogando sententiam pronuntiat. *Irruit itaq̃*
Iosue super eos (Amorrhæos) repentè , tota nocte ascendens de
Galgais. Et conturbauit eos Dominus à facie Israel contri-

Iosue, 10.

uitq̃

uitq; plaga magna in Gabaon, ac persecutus est eos per viam ascensus Beth horon, & percussit usque Azeca, & Maceda, Cumq; fugerent filios Israel, & essent in descensu Beth horon, Dominus misit super eos lapides magnos de calo usque ad Azeca: & mortui sunt multò plures lapidibus grandinis, quam quos gladio percusserant filij Israel.

Talem se Theodosius cum in pace, tum in bello præstitit. Quippe semper diuinum implorauit auxilium. Hac parta victoria, in morbum delapsus, filijs Imperiũ distribuit, ac maiori natu eam partem, quam ipse rexe- rat; minori autem Europæ tradidit gubernacula. Vtrumque veram pietatem colere hortatur: ea enim pacem conseruari, bellum extingui, hostes in fugam verti, trophæa erigi, & victoriam denique constare. Hac hortatione filijs adhibita, obiit mortem, cuius gloria sempiternæ memoriæ commendata est.

Vos ergo, filij, confortamini, & viriliter agite in lege: 1. Ma-
chab, 2, 1 quia in ipsa gloriosi eritis. Et ecce Simon, frater vester, scio, quod vir consilij est: ipsum audite semper, & ipse erit vobis pater. Et Iudas Machabeus, fortis viribus à iuuentute sua, sit vobis princeps militiæ, & ipse aget bellum populi. Et adducetis ad vos omnes factores legis: & vindicate vindictam populi vestri. Retribuite retributionem gentibus, & intendite in præceptum legis. Et benedixit eos, & appositus est ad patres suos.

COLLATIO

THEODOSII

CVM DAVIDE.

Rectissimè Theodosius Imperator cum Dauide Rege conferri posse videtur. Vterque bellator felicissimus fuit: Vterque pietati in Deum addictissimus: vterque mitis, & humilis valdè: vterque peccatum grande commisit: vterque ita seriò peccatum suum lachrymis lauit: vt cor vtriusque *super niuem dealbatum* fuisse videatur. Multa prælia fecit Dauid, & semper victor euasit, quia non *in gladio*, & *arcu* suo confidebat: sed in Deo viuo, & vero, qui est Dominus exercituum. Sic noster Theodosius multa prælia fecit. Sed tria potissimùm. Primum aduersus Barbaros, qui cùm Istrum flumen transiissent, cum ingentibus copijs, vt non solùm Thraciæ, sed toti Orienti terrorem maximum incusserint; occurrit illis Theodosius, nondum Imperator, sed à Gratiano Imperatore Dux militum electus: & primo prælio tanta celeritate illos fudit, vt cum Cæsare dicere posset, *Veni, vidi, vici*, eaque causa fuit, vt Gratianus eum consortem Imperij declarauerit. Alterum fuit committendum potius quàm commissum prælium cum Maximo Tyranno, qui Gratianum Imperatorem occiderat, & Imperium eius inuaserat: sed hoc, vt Abbas Ioannes, vir sanctissimus illi præ-

prædixerat, sine sanguine militum suorum confecit, occiso repente Tyranno, & Occidentali Imperio recuperato. Tertium prælium cum Eugenio, altero Tyranno commisit: sed pugnante Deo de cælo, pauci multos vicerunt, vt paulò antè dictum est: itaque iam Theodosius, quam David, diuina protegente dextra, in omni prælio victor euasit.

Nō enim in arcu meo sperabo: & gladius meus nō saluabit me. Psal. 43.
Saluasti enim nos de affligētibus nos. & odientes nos cōfudisti.

De pietate, & fide Dauidis testimonium habemus ab Ecclef. 49.
Ecclesiastico, qui loquens de Regibus testamenti veteris, scribit, *omnes* Reges illos peccasse, *præter Dauidem, Ezechiam, & Iosiam.* reliqui enim *omnes*, vel Idololatram fuerunt, vel Idololatriam permiserunt. Idem nos de Theodosio dicere possumus, si comparetur ad Imperatores, qui ante illum fuerunt, vno excepto Philippo, qui tamen Idololatriam non sustulit, nec prohibuit. Deinde Constantinus magnus, & eius filij, vt etiam Iouianus, & Valentinianus, cum filijs, Idololatriam prohibuerunt, sed non euerterunt: quin potius Valens Imperator, eam liberam esse voluit, & Iulianus Apostata, eandem exercuit, & fouit. Primus, qui cultum inaniū Deorum seruerè prohibuit, & phana ac templa deorum euertit, & idololatriā funditus extirpauit, Theodosius fuit, vt Theodoretus testatur. Ad hæc *Rex, David* mitis, & humilis fuit, & ar- 2. Reg. 12.
 guentes se patienter audiebat: vt intelligi potest ex increpatione *Nathan*, Prophetæ. Noster quoque Theodosius non solum mitis, & humilis, sed Sacerdotibus Domini

obedientissimus fuit. Iussit illum aliquando Sanctus Ambrosius exire de Sanctuario, & cum reliqua plebe consistere: paruit continuò, & gratias egit, quod ab Ambrosio didicisset differentiam inter Sacerdotes, & laicos, quam differentiam apud Constantinopolim discere non potuerat. Et tamen hic nō erat vnus ex Regibus, sed Imperator Orientis, & Occidentis vniuersi.

Venio ad comparationem peccati, & pœnitentiæ,
 2. Reg. 11 *David* peccauit, adulterans alienam uxorem, & maritum eius occidi procurans: qua occisione non ille solùm, sed permulti alij perierunt: Theodosius, iratus, quod apud Thessalonicam, seditione facta, Magistratus publici lapidibus obruti fuissent: iussit à militibus suis occidi obuios quosque de populo: & cædes ascendit ad numerum septem millium hominum.

Admonitus postea *David* à *Nathan*, Propheta, pœnitentiam egit: admonitus Theodosius ab Ambrosio, Episcopo, simili modo pœnitentiam egit. Comparemus nunc peccatum cum peccato, & pœnitentiam cum pœnitentia. Peccatū Regis *David* ex concupiscentia carnis; peccatum Imperatoris Theodosij ex iracundia originē duxit. Sed peccatum *Davidis* fuit geminatum, adulteriū videlicet cum aliena coniuge, & occisio multorum innocentum sine vlla causā iusta. Peccatum Theodosij, fuit vnum, & ex iusta causā, vltionis videlicet iniuriæ in publicos magistratus. Itaque peccatum Theodosij in eo solùm positum fuit, quod iracundia vehemens effecit, vt vltionis iustæ metas excederet. Addit autem Sanctus

Am-

Ambrosius, in *oratione de obitu Theodosij*, fleuisse illum peccatum, quod ei aliorum fraude obrepserat: quæ certè circumstantia culpam illius extenuat. Huc accedit quod Deus ipse videtur peccatum *Davidis* grauius iudicasse, quam peccatum Theodosij: *Davidi* enim per *Nathan* significari iussit, filium, ex adulterio natum, paulò post moriturum; & gladium ex eius domo non recessurum, & vxores eius publicè violandas; quæ vaticinia breui adimpleta sunt omnia. Theodosio nostro, post peractam pœnitentiam, omnia prosperè euenerunt. Pœnitentia *Davidis*, sine dubitatione vlla, seria, & grauis & diuturna fuit, sed tamen priuata inter domesticos parietes in gemitu & lacrymis: at pœnitentia Theodosij, non solum seria, & grauis & diuturna, sed etiam publica fuit. Primùm per menses octo Sancti Ambrosij iussu, ab ingressu templi, communicatione sacramentorum abstinuit, quod totum tempus in lacrymis, & dolore consumpsit. deinde publicè in templo, coram populo, humi stratus, pauimentum lacrymis lauit, frontem percussit, capillos sibi euulsit. Ita Deo, Sacerdotibus, & toti Ecclesiæ satisfecit. Et quod argumentum est verissimæ & maximæ pœnitentiæ; toto vitæ tempore peccatum illud postea defleuit. Sic enim loquitur Sanctus Ambrosius in oratione, paulò antè commemoratâ: *Neg. Vllus postea dies fuit, quo non illum doleret errorem. quod vtiq; à Sancto Davide didicisse videtur, qui ait in Psalmo, quem propriè scripsit ob peccatum homicidij cum adulterio coniunctum. Peccatum meum contra me est semper.*

Sit igitur Dauid pariter cum Theodosio, & Theodosius cum Dauide, speculum fidei, iustitiæ, humilitatis, religionis, & pœnitentiæ omnibus Regibus, alijsque Principibus: vt cùm Regnum temporale dimiserint, Regnum adipiscantur æternum.

Ibid.

Miserere mei, Deus, secundum magnam misericordiam tuam. Et secundum multitudinem miserationum tuarum, dele iniquitatem meam. Amplius laua me ab iniquitate mea: & à peccato meo munda me. Quoniam iniquitatem meam ego cognosco: & peccatum meum contra me est semper.

Obijt Theodosius Anno Domini 395. cùm vixisset annos quinquaginta, & imperasset cum Gratiano, & Valentiniano, iuniore, annos quatuordecim, & solus in toto orbe Romano annos duos, relictis Imperij hæredibus, filijs suis, Archaadio, & Honorio,

a. Mathab. 2.

Et defunctus est (Mathathias) anno centesimo, & quadragesimo sexto: & sepultus est à filijs suis in sepulchris patrum suorum in Modin, & planxerunt eum omnis Israel planctu magno.

V I T A

V I T A

E T

V I R T V T E S

T I B E R I I

I M P E R A T O R I S

O P T I M I

E T

R E L I G I O S I S S I M I .



TIBERIVS, Imperator, cum Iustino regnavit, ut Cæsar, annis tribus, solus autem, ut Augustus, annis quatuor. Fuit omnibus Dei donis mirificè exornatus, sed potissimum quatuor. Primum enim populos sibi subiectos gubernabat, ut Pater, non ut Dominus; ex quo factum est, ut ab omnibus subditis mirificè diligeretur. Deinde in bello, quod gessit cum Persis, exercitum tam copiosum collegit, & viroꝝ fortissimorum plenum, ut nullus vnquam Imperator eiusmodi castra habuisse legatur: proinde mirum non fuit, si Persas omninò domuerit. Ad hæc, erga pauperes Christi, ob eiusdem

Tiberius
Imp.

E

Christi

Christi amorem vsque adeo liberalis, & munificus fuit, ut metas omnes liberalitatis excessisse videatur: cum eius prædecessor, Iustinus, & eius successor, Mauritius, auarissimi fuisse legantur. Ex quo factum est, ut Iustinus, in pœnam peccati, in delirium inciderit, & coadiutore in Imperio opus habuerit; & Mauritius, exorsus militibus factus, cum vxore, & liberis, occisus fuerit. Denique in fide Catholica asserenda, & defendenda ardentissimus fuit, sic ut amicissimo Antistiti, & de se optimè meritò, Eutychio, Episcopo Constantinopolitano, non pepercerit, cum cum à Sancto Gregorio, Romano, tunc Diacono, post Pontifice, de hæresi conuictum fuisse animaduertit. Hæc, & alià eiusdem generis, ex quatuor scriptoribus, duobus Græcis, Euagrio, & Nicephoro; & duobus Latinis, Gregorio Turonico, & Gregorio Romano cognosci possunt; qui omnes, Nicephoro excepto, ipsius Tiberij Augusti tempore floruerunt: Sed iam Euagrium audiamus, Tiberij laudes enarrare incipientem, *lib. 5. c. 13.*

Tiberius
Cæsar.

Interea temporis Iustinus, de consilio Sophiæ, Tiberium Cæsarem declarat; taliaque verba in eo declarando locutus est, qualia à nulla historia, vel vetere, vel recentiore, sunt omninò commemorata, Deo videlicet propitio ci tempus largiente, tum ad sua ipsius peccata confitenda, tum ad explicanda ea, quæ ex vsu Reipublicæ forent. Nam cum Ioannes, Episcopus, vnà cum suis, cumque Principes, ac Magistratus, cum denique milites Prætoriani in atrio sub dio, ubi eiusmodi nego-

tia

tia de more inueterato agi solent, in vnum cogerentur: Iustinus Tiberium tunicâ induens Imperatoria, & læna circumvestiens, sic clara voce locutus est: *Ne te in errorem inducat vestis splendor, neque illustis ornatus istarum rerum, quæ sub aspectum cadunt, decipiat: quibus ipse in fraudem impulsus, imprudens meipsum grauissimis supplicijs obnoxium reddidi. Itaq; tu in Repub. summa cum mansuetudine, & animi lenitate, regenda, mea vitia præstato: Atque digito Magistratus demonstrans; Non oportet, inquit, horum consilij morem gerere: nam hi me in istas, quas cernis, miseras, deduxerunt. Aliaque eius generis protulit verba, quæ omnes cum in maximam traduxere admirationem, tum ad immensam vim lachrymarum profundendam impulere.*

Audite ergo, reges, & intelligite, discite iudices finium Sap. 6
terræ. Præbete aures vos, qui continetis multitudines, & placetis vobis in turbis nationum: quoniam data est à Domino potestas vobis, & virtus ab altissimo, qui interrogabit opera vestra, & cogitationes scrutabitur.

Erat iste Tiberius corpore maximè procero, & robusto, & pulchritudinis excellentia omnium opinione maiore, adeò vt non Regibus solùm, & Imperatoribus, sed omnibus etiam hominibus facilè præstaret. Ac primum, quod ad corporis formam attinet, ea principatu planè digna fuit: quod autem spectat ad animum, illum mansuetudo & benignitas exornauit. Primò ipso aspectu omnes videbatur ad se diligendum inuitare. Diuitias eas putauit, quæ cuique satis essent ad largien-

Tiberij
dotes.

dum, non solum ad necessitatem, verum etiam ad affluentiam. Nam non istud modò considerabat: quod qui opis indigeant, illis beneficia accipienda sint, sed quod Imperatorem Romanum deceat liberaliter dare. Aurum verò adulterinum existimauit, quod cum subiectorum lachrymis collectum est. Qua re inductus, tributum vnius integri anni vectigalibus condonat. Quin etiam prædia, quæ Ardamanes tributis impositis ferè labefactauerat, quasi in libertatem vindicauit: & non modò damnum præcius magnitudine sed etiam cum fœnore sarciiuit. Atque iniquas largitiones, pro quibus alij Imperatores suos subiectos, Magistratibus pro libidine abutendos exponere, & quodammodo diuendere consueuerant, remisit, cauitque per leges, ne quid eiusmodi in posterum committeretur.

Eral. 111

Iucundus homo, qui miseretur, & commodat, disponet sermones suos in iudicio: quia in aeternum non commouebitur.

Coïroë
vicit.

Idem Tiberius (cap. 14.) cum pecuniam malam, & iniquè partam, ita collocasset, sicut ratio, & æquitas postulabat, res ad bellum faciendum necessarias parare, ingentem cogere exercitum virorum faciliè præstantissimorum, tam ex gentibus transalpinis circiter Rhenum incolentibus, quàm ex cisalpinis, quin etiam ex Massagetis, alijsque ex genere Schytarum, ex Pannonia præterea, Myssia, Illyria, & Isauria collectorum, adeò vt propè centum quinquaginta turmas equitum lectissimorum instructas, haberet: quorum subsidio Coïroem, qui statim post Daras expugnatas, tempore æsti-

uo, Armeniam inuaserat, indeque iter versus Cæsaream, urbem Cappadociæ primariam, susceperat, penitus profligauit. Ille Cosroes tam insolenter se gessit aduersus Imperium Romanorum, uti cum Imperator Legatos ad eum misisset, illis ne se quidem adeundi potestatem facere dignaretur; sed iuberet eos Cæsaream usque sequi. Ibi namque se consilium de eorum legatione initurum dixit. Postquam verò exercitum Romanum ex aduerso sibi occurrentem, & à Iustiniano, fratre Iustini, qui tam miserabiliter interfectus fuit, gubernatum, & armis firmè munitum, & tubas classicum canentes, & signa ad pugnam sublata, & milites acutè vociferantes, & in acie pulchro ordine locatos iram, & furorem anhelantes, & tantum, ac tam egregium equitatum, quantum nemo aliquando ex Imperatorum numero, vel ipsa cogitatione conceperit, animaduertit, vehementer obstupescens, præ re, tam insperata inexpectataque ex intimo pectore ingemuit, & prælium exordiri noluit. Cum igitur, pugnam differentem, cunctantem, terentem tempus, & callidè ludificantem, Curs Schytha, qui dextero cornu exercitus Romani præfuit, adortus est: & cum Persæ impetum eius ferre non possent, sed aciem penitus desererent: Curs magnam cædem hostium fecit. Postremum à tergo agmen inuadit, ubi tum apparatus Cosrois, tum totius exercitus locatus fuit. Capit thesaurum Regis vniuersum, & omnem præterea apparatus bellicum, idque Cosroe inspectante, toleranteque, atque hoc potius

perpetiendum arbitrante, quàm Curs impetu facto in ipsum irrueret. Curs igitur, cum suis, magna pecuniarum vi, & multis potitus est spolijs: iumenta cum sarcinis, inter quas ignis fuit, quem pro Deo coluit Cosroes, abducit: atque Persarum exercitu repulso, latum præanacantes, sub crepusculum redit ad suos, qui iam stationes, in quibus ordine locabantur, reliquerant. Et adhuc neque Cosroes, neque illi præliari cœperant, sed quædam dumtaxat velitares pugnae factæ sunt, sicubi singuli ex utroque exercitu, uti fieri solet, cum singulis congredierentur. Cosroes autem, ingenti rogo noctu accenso, prælium nocturnum instituit. Ac cum Romani duos haberent exercitus, illum, qui versus Septentrionem erat, intempesta nocte adoritur. Quo repente. & de improviso pedem referente, Melitinam urbem, sitam in proximo, præsidijs nudatam, atque prorsus desertam à ciuibus, invadit: qua igne absumpta, parat se ad fluvium Euphratem trajiciendum. Vbi verò copiarum Romanorum in unum coactæ, cum sequi cœperunt, ipse metuens de salute sua, conscenso elephante fluvium transmittit: magna autem pars exercitus sui tranando flumine undis obruta est: Quam submersam cum accepisset, maturè decessit. Itaque Cosroes hoc postremum supplicium, pro insana temeritate contra Romanos admissa luens, unâ cum suis qui supererant, in Orientem reuertit. Ibi autem pactas habuit inducias ne quis eum inuaderet. Iustinianus verò incursione cum toto exercitu in fines ditionis Persarum facta, tota hyeme ibi com-

commoratus est, nemine quicquam ei omninò molestiæ exhibenti. Circiter verò Solstitium æstiuum redit, nulla exercitus parte relicta, amissaue, atque in finibus, quibus Romanorum, & Persarum Imperium terminatur, cum magna vitæ prosperitate, & rerum gestarum gloria, totum æstatis tempus contriuit. Cosroes autem (*cap. 15*) ingenti doloris cumulo oppressus, animo fracto, & ancipiti cura debilitato, languens, crebris denique, & varijs ægritudinis fluctibus demersus, miserandum in modum interiit: ac legem quam scripsit, ne Rex Persarum in posterum contra Romanos arma ferret, velut sempiternum suæ fugæ monumentum post se reliquit. Quo extincto, Ormisdes, eius filius, Regnum cepit.

Tu es ipse rex meus, & Deus meus, qui mandas salutes Psal. 43.
Jacob. In te inimicos nostros ventilabimus cornu, & in nomine tuo spernemus insurgentes in nobis.

Audiuimus Euagrium: audiamus nunc Gregorium Liberalitas in pauperes
Turonicum lib. 5. cap. 19. Cùm autem Iustinus, Imperator, amisso sensu, amens effectus esset, & per solam Sophiam Augustam eius Imperium regeretur, populi, ut superius iam diximus, Tiberium Cæsarem elegerunt utilem, strenuum atque sapientem eleemosynarium, inopumque omnium defensorem. Qui cùm multa de thesauris, quos Iustinus aggregauit, pauperibus erogaret, & Augusta illa eum frequentius increparet, quod Rempublicam redegisset in paupertatem, diceretque: *Quod ego multis annis congregaui, tu infra paucum tempus prodigè*

prodigè dispergis ; Aiebat ille ; *Non deerit fisco nostro : tantum pauperes eleemosynam accipiant , aut captiui redimantur. Hic est enim magnus thesaurus , dicente Domino :*
 Math. 6. *Thesaurizate vobis thesauros in cælo , ubi neque arugo , neque tinea corrumpit , & ubi fures non effodiunt , nec furantur. Ergo , de quo Deus dedit , congregemus per pauperes in cælo , ut Deus nobis augere dignetur in seculo. Et quia , ut diximus , magnus & verus Christianus erat , dum hilari distributione pauperibus opem præstat , magis ac magis ei Dominus subministrat. Nam deambulans per palatium , vidit in pavimento domus , tabulam marmoreâ , in qua crux dominica erat sculpta , & ait , *Cruce tua , Domine , frontem munimus & pectora : & ecce Crucem sub pedibus conculcamus.* Et dicto citiùs iussit eam auferri , defossâque tabula , atque erecta , inveniunt subter & aliam , hoc signum habentem. Nuntiantesque iussit & illam auferri. Qua amota , reperiunt & tertiam , iussuque eius & hæc auferitur. Qua ablata , inveniunt magnum thesaurum , habentem supra mille auri centenaria. Sublatâque aurum , pauperibus adhuc abundantius , ut consueverat , subministrat : nec ei Dominus aliquid deficere permittebat , pro bona voluntate sua.*

Prou. 19 *Fœneratur Domino , qui miseretur pauperis : & vicissitudinem suam retribuet ei.*

Thesaurum auri Quid ei in posterum Dominus transmiserit , non omittam. Narses ille , Dux Italiæ , cum in quadam ciuitate domum magnam haberet , in Italiam cum multis thesauris egressus , ad suprâ memoratam urbem aduenit :
 ibique

ibi que in domo sua occultè cisternam magnam fodit, in qua multa millia centenariorum auri, argenti que repoluit: ibi que interfectis conscijs, vni tantum modò seni, per iuramentum condita commendauit. De functo que Narlete, hæc sub terra latebant. Cùm que supradictus senex huius eleemosynas assiduè cerneret, pergīt ad eum, dicens. *Si, inquit, mihi aliquid prodest, magnam rem tibi, Cæsar, edicam.* Cui ille, *Dic, ait, quod volueris, proderit enim tibi, si quiddam nobis profuturum enarraueris.* *Thesaurum,* inquit, *Narfetis reconditum habeo, quod in extremo vitæ positus, celare non possum.* Tunc Cæsar Tiberius grauius, mittit vsque ad locum pueros suos. Præcedente verò sene, hi sequuntur attoniti. Peruenientes que ad cisternam, deopertam que ingrediuntur: in qua tantum aurum, argentum que reperiunt, vt per multos dies vix euacuaretur à deportantibus. Ex hoc ille amplius hilari erogatione dispensauit egenis.

Bona est oratio cum ieiunio, & eleemosyna magis, quàm Tob. 12. thesauros auri recondere: quoniam eleemosyna à morte liberat, & ipsa est, quæ purgat peccata, & facit inuenire misericordiam, & vitam æternam.

Dum hæc gererentur, Iustinus impleto Imperij octauo decimo anno, amentiam, quam incurerat, cum vita finiuit *lib. 5. capite 30.* Quo sepulto, Tiberius Cæsar arripuit iam olim adgressum Imperium. In si diu
eua sit.

Sed cùm eum, secundum consuetudinem loci, ad spectaculum circi præstolaretur populus processu-

F

rum,

rum, parare ei cogitat pro parte Iustinianus insidias, qui tunc nepos Iustini habebatur, ille per loca sancta processit. Completaque oratione, vocato ad se urbis Papa cum Consulibus, atque praefectis, palatium est ingressus. Dehinc indutus purpura, diademate coronatus, throno Imperiali impositus, cum immensis laudibus Imperium confirmavit. Factionarii quoque, operientes ad circum, cum cognovissent, quae acta fuerant, pudore confusi, sine effectu regressi sunt, nihil homini, qui in Deo spem posuerat, adversari valentes. Transactis igitur paucis diebus, adueniens Iustinianus, pedibus se proiecit Imperatoris, quindecim ei centenaria auri deferens ob meritum gratiae. Quem ille secundum patientiae suae ritum colligens, in palatium iussit adstare. Sophia verò Augusta, immemor promissionis, quam quondam in Tyberium habuerat; insidias ei tentavit intendere. Procedente autem eo ad villam, ut iuxta ritum Imperialem, triginta diebus ad vindemiam iocundaretur; vocato clam Iustiniano, Sophia, voluit cum erigere in Imperium: Quo comperto, Tiberius cursu veloci, ad Constantinopolitanam civitatem regreditur, apprehensamque Augustam ab omnibus thesauris spoliauit, solum ei victus quotidiani alimentum relinquens. Segregatisque pueris eius ab ea, alios posuit de fidelibus suis, mandans prorsus, ut nullus de anterioribus ad eam haberet accessum. Iustinianum verò obiurgatum tanto in posterum amore dilexit, ut filio eius filiam suam promitteret: rursusque filio suo filiam eius expeteret: sed non est

Iterum.

res sortita effectum. Exercitus eius Persas debellauit, victorque regressus, tantam molem prædæ detulit, vt crederetur cupiditati humanæ sufficere. Viginii elephanti capti ad Imperatorem deducti sunt.

Dominus regit me, & nihil mihi deerit: in loco pascuæ Psal. 13.
ibi me collocatur. Super aquam refectionis educauit me: ani-
mam meam conuertit. Deduxit me super semitas iustitiæ,
propter nomen suum. Nam & si ambulauero in medio umbræ
mortis, non timebo mala: quoniam tu mecum es. Virga tua,
& baculus tuus, ipsa me consolata sunt.

Audiamus nunc Sanctum Gregorium disputantem Disputa-
tio Gre-
gorij cū
Euty-
chio.
 cū Eutychio, Patriarcha, de resurrectione carnis, vt
 intelligamus, Tiberium Imperatorem non pepercisse
 Eutychio erranti: quamvis ipsum Eutychium maximi
 faceret, eo potissimum nomine, quod sibi Imperium,
 prædixisset, vt Eustachius, *in eius vita*, testatur. Sic
 igitur loquitur Sanctus Gregorius, *in libro 14. Moralium*
cap. 29. Et rursus circumdabor pelle mea. Dum apertè pellis Io b. 19.
dicitur, omnis dubitatio veræ resurrectionis aufertur: neq̃,
sicut Eutychius, Constantinopolitanæ Urbis Episcopus, scri-
pfit, corpus nostrum in illa resurrectionis gloria erit impal-
pabile, ventis, aereq̃ subtilius. In illa enim resurrectionis
gloria, corpus nostrum subtile per effectum spiritualis poten-
tiæ, sed palpabile per veritatem naturæ. Vnde etiam Re-
demptor noster dubitantibus de sua resurrectione discipulis,
ostendit manus, & latus, palpada ossa, carnemq̃ præbuit,
dicens: Palpate, & videte, quia spiritus carnem, & ossa Luc. 24.
non habet, sicut me videtis habere. Qui, cum eodem

Eutychio in Constantinopolitana Urbe positus, hoc Evangelicæ veritatis testimonium protulisset, ait: Idcirco Dominus hoc fecit, ut dubitationem resurrectionis suæ de discipulorum cordibus amoueret. Cui ego. Mira, inquam, est res valdè, quam astruis, ut inde nobis dubietas surgat, unde discipulorum corda à dubietate sanata sunt. Quid enim deterius dici potest, quàm ut hoc nobis de eius vera carne dubium fiat, per quod discipuli eius ad fidem, ab omni sunt dubietate separati? Si enim non hoc habuisse astruitur, quod ostendit: unde fides discipulis eius confirmata est, in nostra destruitur. Et paulò infra; cum piæ memoriæ Tiberius Imperator secretò me, & Eutychium suscipiens, quid inter nos discordiæ versaretur, agnouit, & utriusque partis allegationes pensans, eundem librum, quem de resurrectione scripserat, suis quoq; allegationibus destruens deliberavit, ut flammis cremari debuisset. Hæc Sanctus Gregorius. Ex

Impera-
toris ze-
lus pro
fide Ca-
tholica.

qua historia perspicuè cernitur, quantus fuerit in eo Principe Catholicæ fidei zelus. Erat enim Eutychius non solum Imperatori gratissimus, sed etiam Episcopus Regiæ ciuitatis, & vir omninò doctus, qui libros iam scripserat, & quod maius est, opinione sanctitatis, & signis, atque miraculis editis clarissimus. Contra Gregorius, homo externus, ordine Diaconus, ætate iunior, nulla scriptione celebris, nullo miraculo edito illustris, nullo beneficio Imperatori adstrictus: & tamen ubi cognouit Imperator, opinionem Eutychij hærescos labe esse suspectam, non solum

solùm eam reiiciendam censuit , sed etiam librum ipsum continuo flammis voracibus cremandum existimavit. Itaque pius Imperator , ubi periculum Catholicæ fidei vidit , oblitus est amicitiae , & beneficiorum Eutychie , nec non dignitatis pontificalis , ætatis senilis , opinionis doctrinæ , vitæ sanctitatis , & famæ cælestium miraculorum : & cum Apostolo clamandum censuit , *Etiamsi Angelus de cælo euangelizet , præter id , quod hætenus euangelizatum est nobis , anathema sit.* Galat. 1.

Sicut prædiximus , & nunc iterum dico : Si quis vobis euangelizaverit præter id , quod accepistis , anathema sit. Modo enim hominibus suadeo , an Deo ? An quero hominibus placere ? Si adhuc hominibus placerem , Christi servus non essem.

Audiamus rursus Gregorium Turonicum (lib. 6. c. 30) de felici exitu & præsentī vita Imperatoris Tiberij. Hoc anno , Tiberius , Imperator , migravit à sæculo , magnum luctum relinquens populis de obitu suo. Erat enim summæ bonitatis , in eleemosynis promptus , in iudicijs iustus , in iudicando cautissimus , nullum despiciens ; sed omnes in bona voluntate completens , omnes diligens : ipse quoque diligebatur ab omnibus. Hic cum agrotare cœpisset , & se iam vivere desperaret , vocavit Sophiam , Augustam , dicens : *Ecce iam impletum sentio tempus vitæ meæ , nunc cum consilio tuo eligam , qui Reipublicæ præesse debeat.* At illa Mauritium quemdam elegit , dicens ,

Tiberius
Imp ad
mortem
sedispos-
uit.

Valdè strenuus , & sagax est vir iste : nam & sepius contra inimicos Reipublicæ dimicans , victorias obtinuit. Hæc enim dicebat , ut isto transeunte , huius coniugio neceretur. Sed Tiberius , postquam consensum agnovit Augustæ , de huius electione , iussit exornari filiam suam ornamentis Imperialibus , & vocato Mauritio , ait , Ecce cum consensu Sophiæ Augustæ ad Imperium eligeris : in quo ut firmior sis , filiam meam tradam tibi. Et accedente puella tradidit eam Pater Mauritio dicens , Sit tibi Imperium meum cum hac puella concessum. Vtere ea felix , memor semper , ut æquitate , & iustitia delecteris. At ille , accepta puella , duxit eam ad domum suam ; & transacta solemnitate nuptiarum , Tiberius obiit. Igitur celebrato Iustitio , Mauritius , indutus diademate , & purpura , ad circum processit : acclamatisque sibi laudibus , largitis populo muneribus , in Imperio confirmatur.

Psal. 88.

Quis est homo , qui vivet , non videbit mortem : eruet animam suam de manu inferi ?

Somniū eius,

Audiamus denique Nicephorum lib. 18. c. 16 de morte Tiberij hæc narrantem. Imperator , in lecto suo repositus , in somnis viri speciem ex forma , quæ neque verbo , neque scripto exprimi queat , & veste tam candida , ut cubiculum eius illustraret , vidit. Vir is manu protensa , talia verba ad eum præfatus : *Hæc tibi , Tiberi , ter sanctum numen renuntiat. Tyranni impij Imperij tui temporibus non existant.* Postquam autem eungilavit , somnium illud amicis exposuit , legibus deinde naturæ , quam.

quamvis Imperator esset, obsecutus, terrenam tunicam Moritur.
 deposuit, anima autem velut umbraculum quoddam
 ad sedes superas euolavit. Imperio Tiberius, cum Iustino,
 tribus annis, solus autem quatuor annis præfuit.
 Hæc Nicephorus. Porro visio illa mirabilis ad imperium
 temporale Tiberij referri non potuit, cum iam com-
 pletum esset; neque ad imperium successoris, cum con-
 stet, Mauritium à Phoca, Tyranno, crudeliter inter-
 fectum fuisse. Proinde necesse est, promissionem illam
 ad cœlestis Imperij securitatem esse referendam, ad
 cuius consortium Tiberius vocabatur: unus enim ex
 illis fuit, quibus in iudicio dicitur, *Venite, benedicti Pa-
 tris mei, percipite Regnum, quod vobis paratum est ab ori-
 gine mundi. Esuriini enim, & dedistis mihi manducare &c.*
 Obijt Tiberius Imperator Anno Domini 586. cum
 imperasset annos septem, tribus cum Iustino, quatuor
 solus.

Sed sicut scriptum est: Quod oculus non vidit, nec auris 1 Co. 2
Hæ, 64.
audiuit, nec in cor hominis ascendit, quæ præparavit Deus
ijs, qui diligunt illum: nobis autem revelavit Deus per
Spiritum suum.

V I T A



V I T A
S A N C T I
VENCESLAI,
R E G I S
B O H E M I Æ.

SANCTVS Venceslaus, Bohemiæ Rex, S. Venceslaus Bohemiæ Rex
 Patre Christianissimo, simul ac religiosissimo, Vratislao, matre verò, Drahomira,
 Lucensi, à Christiana religione alienissima,
 progenitus fuit. Siquidem longè seueriorem, immanio-
 remque in Christianos, quàm *Iezabel* in Prophetas ea 3. Regi 18.
 se exhibuit. Qua de causa, Ludmilla, Vratislai Ducis
 mater, per speciem visitandi, salutandique Drahomi-
 ram, matrem suam, Pragam adijt. Reuera vt alterum
 filiorum, (duos enim habebat, Venceslaum, & Bole-
 slaum) sibi dari nutriendum impetraret. Cui cum oblata
 esset, tam à patre, quam à matre, legendi, vtrum acci-
 pere vellet, potestas, Venceslaum, in quo melior in-
 doles meliorque spes elucebat, sibi adoptauit, aluitque
 deinceps pro suo: Præceptorem ei adiungens, Paulum,
 virum opinione sanctitatis celebrem. Hic domi ali-
 G quamdiu

Ab Avia
adoptatur.

quamdiu puerum docuit, post auctor fuit, vt Budecum, ad Nycenum presbyterum mitteretur, inquiens, maiores ibi cum in litteris & disciplinis Christianis profectus facturum, inter multos condiscipulos Christianos. Nam hæc præcipua cura erat Auix, vt nepos Christianam Religionem ante omnia disceret, coleretque. Ex D. Ioannis Dubranij, Olumucensis Episcopi, *historia Bohemica lib. 4. & 5. cap. 1.*

PROV. 1. *Audi, fili mi, disciplinam patris tui, & ne dimittas legem matris tue: vt addatur gratia capiti tuo, & torques collo tuo.*

Drahomira tyrannus.

Interim marito funerato (*cap. 2*) filijsque adhuc ætate imbecillioribus, Drahomira regionem inuadit, ac statim odium in Christianos malè diu dissimulatum detegit, edicto proposito, vt templa Christiani occluderent, cultu, cæremonijsque abstinerent, Sacerdotes populum ne docerent, nec ludimagistri discipulos. Scelus facientibus, carcer, exilium, mors denunciata. Pragæ magistratus immutati, & pro Christianis idololatæ crudelissimi substituti, quorum instinctu clam, palamque, ac semper impunè fidei cultores indignè tractabantur, occidebanturque. At si quis ex Christianis, vel se defendendo vnum illorum aliquem interfecisset, pro vno in decem capita animaduertebatur. Tùm verò, secundùm tam impia, tamque immania matris facinora, Venceslaus, qui hætenus, ne in Principatum succederet, ætatis, studiorumque excusatione utebatur, Auix maximè hortatu, pollicentis, se quoque curarum ne potis.

Venceslaus filius Rex Bohemæ,

nepotis fore participem, magno omnium assensu, regimen in Boemos suscepit.

Misericordia, & Veritas te non deserant, circumda eas Pron. 31
guttur tuo, & describe in tabulis cordis tui: & inuenies
gratiam & disciplinam bonam, coram Deo, & hominibus.

Ad tollendam igitur (*cap. 3.*) fraternam discordiam, Heredi-
tas inter
fratres
diuisa. quam plerumque inter fratres bona indiuidua suscitare solent, in ipso statim Principatus introitu decernitur, vt Boleslao, fratri Iuniori, pars aliqua hereditatis assignetur, finesque vtriusque ditionis constituentur. Boleslauia ei assignata est, cum territorio suo ultra Albim, ita vt Albis fluuius, citra, vltraque terras fineret. Mater Iuniorem filium, moribus suis congruentem, secuta est. Venceslaus Principis thronum solus Pragæ obtinuit, alius fortasse mutato honore, (id quod subinde usu venire videmus,) mores quoque, aucta dignitate, & potentia, immutaret; at Venceslaus, ab omni ambitione inuictus, demissius penè Princeps, quàm priuatus agebat, aliquantoque diligentius obseruabat, ne quid de instituto prioris vitæ, apud Auiam transactæ, intermitteret. Nam & noctibus impensius quàm prius, ad psallendos psalmos laudesque Deo dicendas, utebatur, & dies per plura pietatis officia transigebat, crebrius in funus prodeundo, languentes inuisendo, laceros, nudosque conuestiendo, pauperes alimento sustentando. Instituerat præterea sibi inædiæ ac vigiliæ quoddam quasi cum Auiâ certamen, experiri satagens, ipse, an illa sæpius ieiunaret, peruigilaretque.

Plal. 118 *Funes peccatorum circumplexi sunt me : & legem tuam non sub oblitus. Media nocte surgebam ad confitendum tibi, super iudicia iustificationis tue.*

Draho-
miræ iu-
uidia, Interim Drahomira (*cap. 4.*) dirumpi præ invidia, secumque nefaria aduersus socrum meditari, quod illa maiore gratia apud Venceslaum, quam ipsa mater poleret, Religionemque Christianam nimis prolixè prouheret. Nec longius nefaria meditata perficere distulit, quam inuenit cædis perficiendæ audaces sicarios. Instante exitij die, quem Ludmilla futurum diuinitus præuiderat, vocat ad se clientulos omnes, mercedemque cuique suam dissoluit. Et præterea quidquid in penu, in cella, in horreis, loculis redundaret, id sua manu in sinus vsusque pauperum transfudit. Post hæc remotis arbitris, ac solo adhibito Paulo Sacerdote, ante aram prouoluitur, factaque exomologesi, de manu eiusdem Sacerdotis Sacrosanctum vitæ accipit viaticum, mox inde fini suo propitium Deum exorat, cum ecce tibi eadem hora submissi à muro, Thomas & Gurno non tam genere, quam scelere nobiles, in sacrarium irrupunt, ac velo, quo sancta vidua caput velatum habuit, elisis faucibus, prostratam suffocant.

I. udmi-
la nece-
tur. **2sa. 10.** *In Domino confido : quomodo dicitis animæ meæ : Transigra in montem, sicut passer ? Quoniam ecce peccatores intenderunt arcum, parauerunt sagittas suas in pharetra, ut sagittent in obscuro rectos corde.*

Vence-
slaus vin- Non desuere (*cap. 5.*) qui Venceslaum, ex cæde Avie vehementer perturbatum, ad vlciscendum infla-
marcent.

marent. Alij, si ipse vlcisci vellet, sibi hanc dari prouinciam deposcebant. Virosque ille quàm potuit, grauissimis verbis corripuit, quòd aliena à pietate erga qualemcumque matrem, aliena deinde à modestia, & tolerantia Christiana suadere auderent, ignari, aut parum memores, quod ore suo dicat Dominus: *Mea ultio est, & ego retribuam illis in tempore.* Quemadmodum euenit anno nondum reuoluto, vt ambo sceleris ministri, non solum miserè, sed etiam notabiliter extinguerentur: notam videlicet vterque suam ad posteros transmittentes. Nam cum alter eorum, barba rutila insignis, alter malè pedatus esset, non aliter nati natorum, & qui hodiè nascuntur ab illis, vel rufescunt, vel à pedibus laborant: nam vtraque familia apud Boemos etiam nunc extat. Cæterum impiæ matri, ideò impunitas diuturnior videbatur, vt filij pietas, quò diutius illum mater insectaretur, hoc clarior euaderet. Tamen si alios quoque, præter ipsam matrem, molestos sibi infestosque habuit, quasi parum idoneus ad exequenda Principis munia, quæ exequi, non per sacra, & cæremonias, sed magis per arma, & acies oporteret.

Ego sum Dominus Deus tuus, fortis, zelotes, visitans iniquitatem patrum in filios in tertiam, & quartam generationem eorum, qui oderunt me.

Ante alios autem (cap. 6.) Radislaus, Gurimensis Princeps, Mistibogij filius, hac vana spe inflammabatur, quasi solo armorum terrore Venceslaus expugnari posset, agros eius incurfare, armatosque illi viros ostendere.

di & m
reprimiDeutr.
23.Vindicta
diuina.Exod.
20.Radisla-
us, tyran-
nus.

dere incipit, nec ullos legatos, de pace agentes, audire vult; imò quò magis Venceslaus paci studuit, cò maiorem etiam suspicionem pauoris aduersario faciebat, adeò vt superbissimè tandem Venceslao responderet: *senisi tradito sibi totius Boemia principatu, ab armis non discessurum.* Coactus igitur à suis Venceslaus, militem, atque aciem contra Radislaum instruit: vident'que omninò sibi dimicandum iam esse, classicum cani vetat, priusquam ipse Radislaum alloquatur. Data alloquendi potestate, *Si aliter, inquit, nisi praelio, res pacificari nequit, cur non potius sine magna aliorum clade, sine multo infantium sanguine ipsi inter nos singulari certamine decernimus? Victoriae permitturi, vter utri iustius imperare debeat.* Perinde quasi iam manibus victoriam Radislaus teneret, conditione proposita lartari, inflareque, & ad pugnam ineundam festinare. Lorica super cilicinam vestem indutus, parvoque ensiculo succinctus erat Venceslaus, cùm in arenam prodiret. At Radislaus cataphractus, hastatusque, cum longa insuper machera, contrà sese inferebat, erecta utrimque acie, velut ad nouæ rei spectaculum. Novum enim esse videbatur, vt ipse Venceslaus, pro imbelli habitus, componere se cum bellatore auderet. Vbi sub ictum ventum est, alter, signo crucis frontem pingit, alter hastam vibrare festinat, idemque subitò Angelos videt, atque hanc vocem velut ab homine promptam, pone se exaudit: *Ne feri.* At nemine conspecto, qui illam promiserit, vim numinis, fauore propitio

Ven-

Vincitur
à Ven-
eslao.

Vencellauum prosequenti, veritus, humi procumbit, veniam audaciæ exposcit, seque potestati victoris permittit. Alleuat prostratam Vencellauus, dataque venia, & dignitate, ei restituta, monet vt contumaciam in obsequium debitum vertat, ne post grauius ab irato sumine plectatur.

Dixit autem David ad Philistheum: Tu venis ad me cum gladio, & hasta, & clypeo: ego autem venio ad te in nomine Domini exercituum, Dei agminum Israel, quibus exprobasti hodiè, & dabit te Dominus in manu mea. 4 Reg. 19

Hæc in Germaniam (cap. 7.) celeriter nunciata, aulam Cæsaris apud alios admiratione, apud quosdam irrisione affecerunt. Ottho tunc regnabat, qui Germanorum primus coronam Cæsaream legitimè sibi traditam in Germaniam intulit, vir illo honore, ob celebrem pietatem, & raram in bellis felicitatem, non indignus, nec alienus à Vencellao, propter eximias eius virtutes: & qui vnà cum alijs Germaniæ Principibus, maiestatem Cæsaream officiosè, comiterque conseruabat. Is Ottho, deliberandi causa, diem ad conueniendum Principibus Vormatiam edixerat, quo vbi Vencellauus quoque vocatus, sine vlla dilatione venisset, dicitur postridie, dum solemne sacrificium cunctantiùs Sacerdos facit, ipse similiter cunctantiùs curiam introiisse; eamque moram, quasi ex ambitione nata fuisset, Principes adeo ægrè tulisse, vt conspirarent, ne quis ipsorum venienti assurgere, neu supra se locum considendi dare vellet. Persuasum denique Cæsari fuisse, vt sine vlllo honore

Vencellauus ab Angelis in Aulam ductus.

Boemum, velut arrogantem, transmitteret. At Cæsar ex conspectu duorum Angelorum, qui Venceslaum in Curiam deducebant, subitoque ibidem disparuerant, obstupefactus, throno exilit, aduersum vadit, ipsumque Venceslaum, tantum non adorat, ac manu mox sua ad subsellia perductum, assidere sibi proximum iubet, cæteris vehementer factum admirantibus, Cæsar facti causam aperit, vicissimque miratur, quod nemo præter se quispiam Angelos, tam clarum, manifestumque sui spectaculum exhibentes, oculis suis adspexerit. Hic Moguntinus Pontifex se quidem nihil planè vidisse inquit, cæterum horrore quodam se perfunctum fuisse confitetur; ac tum demum famæ quoque nuper invulgatæ, quemadmodum videlicet interuentu numinis, ab hostis impetu seruatus fuerit Venceslaus, fidem se habere, quando in præsens patria numina eundem à calumnia vindicauerint: quare inde simul vniuersi errati veniam deprecantur.

Matth.
13.

Videte, ne contemnatis vnum ex his pusillis: dico enim vobis, quia Angeli eorum in cælis semper vident faciem Patris mei, qui in cælis est.

Otonis
Imp. in
eum libe-
rauit.

Cæsar præterea (cap. 8.) huic tam liberalem hospiti habuit honorem, ut potestatem petendi ei concederet, quidquid petendum sibi à Cæsare putaret. Æstimabat autem Cæsar, gloriosa & ambitiosa petiturum. At is brachium Diui Viti, ex Gallia, sub Lodouico Pio, corbeiam in Saxoniam translatus, magnaque religione in Boemia culti: dein Sigismundi quoque, Burgundiæ Regis

Regis , propterea quod Vandalicæ nationis fuerit , reliquias sibi dari postulavit. Ad quæ postulata Cæsar subridens , *Feres tu* , inquit , *primo quoque à reditu nostro in Saxoniam tempore , quas habere cupis , reliquias : interim dona Cæsare digna à nobis accipe : Regium in primis decus , quo te ex dignitate tua meritò decoramus , deinde tributo absolvimus , quod Carolus quondam soluendum Cæsaribus instituerat.* Iussit postremò & insignia sua Venceslaum ferre , fuscam aquilam in clypeo candido. Facile hoc , & illud alterum de tributo amplexus est Venceslaus , sed idem caput suum diademate cingi , sequè Regem invngi , aut Regem à suis appellari nullo pacto sustinuit : quamquam à Cæsare & ab alijs Regibus , & Principibus Rex in *epistolis* salutaretur.

Iesus ergo , cum cognovisset , quia venturi essent , ut raperent eum , & facerent eum regem , fugit iterum in montem ipse solus. Ioan. 6.

Allatis ex Saxonia (cap. 9.) sanctorum corporum Pragam reliquijs , Venceslaus , omnia ædificia missa faciens , applicare architectum manus ad ædem Diuo Vito designandam construendamque imperat. Subiiciens dignissimum esse , ut profanis ædificijs sacra antequant. Cæterùm antequam illa inchoata erat , iam in templo Diui Georgij ; à Patre suo exstructo , Venceslaus locum sepulcro , in quo avia Ludmillia , trans-

B. Lúda
milla
translatæ

ferretur , delegerat , simulque absoluerat , ita ut nihil iam reliqui superesset , nisi ut translatio funeris ex arce

Miracu-
lis clara.

Then in Arcem Pragensem à Sacerdotibus perage-
retur. Auertere vnus aliquis ab instituto Venceslaum
cupiebat, inquit, *iam pridem corpus auiæ compu-
truisse: quandoquidem plus triennium esset, cum illud,
terra obrutum iaceret; proin nimis seram fore eius corporis
translationem.* Excipit Venceslaus, *Et si quidem iam in
puluerem sit redactum, vel ipsum puluisculum perferri ad
me cupio: sed contrà fortasse eueniet, actu, mi pater, au-
tumas: fac modò, ut desiderio modò vnà cum cæteris mo-
rem geras.* Pater ille, seque suis collegis addit comitem
vsque ad locum, vbi sepulta erat Ludmilla: sepulcro
recluso, nares statim omnium odor perfudit suauissi-
mus, adhucque suavior arcula reclusa, in qua cor-
pus tabe incorruptum, integrumque iacebat, nisi
quod parum quiddam ei de naso decerpserat arculæ ta-
bella confracta, quam incuriosè quidam tractauerat.
Igitur læti re præsentis Sacerdotes, feretrum lubeunt,
corpusque miraculis clarum, quo iubet Venceslaus, de-
portant, conduntque. Sed enim architecti quoque in
templo Diui Viti proximo operas vrgent, ut opus ce-
leriùs excrescat, festinante Venceslao ad noui templi
dedicationem, sanctarumque Reliquiarum consecra-
tionem.

Sap. 3. *Iustorum anime in manu Dei sunt, & non tanget illos
tormentum mortis. Visi sunt oculis insipientium mori: &
æstimata est afflictio exitus illorum, & quod à nobis est
iter, exterminium: illi autem sunt in pace.*

Venceslai
pater.

At tunc primum (cap. 10.) creandi Pontificis mentio
orta;

orta; siquidem nullus ad eam usque diem Pontifex in Boemia creatus erat, sed a principio Moravia Antistes, postea ex Bauaria, Ratisponensis, officio Pontificali apud Bohemos fungebatur. Idem Ratisponensis in Moravia quoque aliquamdiu faciebat, quamdiu videlicet vacua sedes ibidem suo Præsule fuerat, nempe annis quinque, & triginta. Quanquam igitur Venceslaus Ratisponam, pro Pontifice, (Diuus Wolfgangus tunc Pontifex ibi erat) qui templum, Diuo Vito destinatum, in arce Pragensi dedicaret, suos quosdam miserit, non ideo tamen curam remisit querendi viam, quo facillime ad inducendum Pragam Præsulem, ut instituerat, peruenire posset sed has eius pias curas, sicut pleraque alias, ad Religionem pertinentes, mater nimis impia interturbare non destitit. Pari modo, ut mater, Boleslaus, moratus, armatusque ad turbandam, & oppugnandam fratris pietatem fuit. Nam si aliàs vnquam, educatio ostendit, quantum momenti afferat, ad ingenerandos hominibus mores, tum certè in illis duobus alumnis, ex eisdem parentibus prognatis, mirifice demonstrauit. Nam Venceslaus, qui à Ludmilla, muliere religiosa, educatus à puero fuerat, omnibus pietatis, & cuiusvis præterea virtutis numeris vir absolutissimus euasit; sicut è diuerso Bodeslaus, tum impius, tum saevus, tum indomitus, & violentus; quia Drahomira, quæ Bodeslaum aluit, comparibus vitijs infectissima erat, paratissimaque per quamlibet occasionem incrementa bonæ religionis impedire; ac potissimum in

Boleslaus
us im-
pius,

Sacerdotes fauere ; quasi penes illos culpa resideret , quod disciplinæ (vt ipsa dicebat) grauissimæ deditus , Venceslaus , maiorem diei , noctisq̃ue partem , circum facella , & aras , aliasq̃ue cæremonias , quàm in negocijs ferijs , & ad Principem pertinentibus contereſſet ; quodq̃ue illorum ipsorum Sacerdotum instinctu , neque reuerentiam erga matrem , neque charitatem erga fratrem continuaret.

Gen 25. *Perrexit Isaac , vt consuleret Dominum. Qui respondens , ait : Due gentes sunt in utero tuo , & duo populi ex ventre tuo diuidentur , populusq̃ , populum superabit , & maior seruiet minori. Quibus adultis , factus est Esau vir gnarus venandi , & homo agricola : Iacob autem , vir simplex , habitabat in tabernaculis.*

Vences-
laus Sa-
cerdotes
colit.

Itaque custodes plagosi per vias appositi erant (cap. 11) qui ictu plagarum , Sacerdotes prohiberent , quò minùs Venceslaum per quotidiana officia adire possent. Quade re certior factus Wolfgangus , venire in Boemiam ad dedicandum templum superſedit , hac excusatione vsus , tanquam breui futurum esset , vt Antistes Pragæ inauguraretur. Cæterùm nec Venceslaus fauorem erga Sacerdotes , cultumq̃ue , nec vicissim illi officium solitum , qualicunq̃ue iniuria accepta , interrumpi sibi permiserunt. Furente in dies magis , ac magis , Drahomira , cùm quotidie fermè audiret , tanti esse Venceslaum in Sacerdotes obsequij , vt ipse suis manibus vinum inter sacra , libaq̃ue , & thura illis subministraret , vt identidem illos domi quemq̃ue suæ inuiseret , necessarijsq̃ue

ecbua

rebus ante tempus succurreret, utque à seruitute profana multos redimeret, & ad seruitia Dei illos conuerteret: ut denique noctu plerunque, vel in ipsa hyeme, nudis incederet pedibus ad templa, in quibus pervigilia celebrabant Sacerdotes. Ferunt, Podiuinum, qui intimus Venceslao assiduus comes fuerat, malè aliquando à frigore, & nivibus acceptum fuisse, quanquam ipse calceatus Ducem suum discalceatum subsequeretur; rursus tamen subito incaluisse, cum primum videlicet pedes suos, quemadmodum iussus erat, vestigijs Ducis impresserat.

In labore & erumna, in vigilijs multis, in fame & siti, in ieiunijs multis, in frigore & nuditate: præter illa, ^{i, Cott.} que extrinsecus sunt, instantia mea quotidiana, sollicitudo omnium Ecclesiarum. Quis infirmatur, & ego non infirmor? quis scandalizatur, & ego non oror?

Paulisper inter hæc (cap. 12.) suam rabiem Draho- ^{Vences-} ^{laus co-} ^{gitatū-} ^{dum de-} ^{serere.} mira remisisse videbatur, postquam certior facta erat, Venceslaum tædio vitæ aulicæ, & curarum publicarum, circumspicere locum sepositum, in quem cum sodalibus Diui Benedicti cucullatis, ipse quoque sodalis futurus diuerteret. Nam & Romam ad Pontificem suos iam misisse inaudierat, qui peterent, ut illius auctoritate, liceret in Boemia eiusmodi Sodalitium institui. Sed dum Romanus Pontifex Legatos diuitius, propter domesticas seditiones, retinet, dumque interim Venceslaus de consuetudine sua, deque sacris, & caremonijs nihil quidquam intermittit; non sustinens ulterio- ^{tionem}

tionem impatientissima mulier conceptum iam pridem de tollendo Venceslao parricidium properat. Natalis tunc dies infantuli, recens ex Boleslao editi, se obtulerat. Ad hunc simul concelebrandum mater, iuxta atque Boleslaus, frater, verbis suauissimis Venceslaum inuitant, gaudio ipsorum communi oblatum esse tempus dicentes, quo tota domus principalis meritò gaudere debeat, nato ex Boleslao Principe, qui spem successionis in Principatu Boemix continuaret. Siquidem Venceslaus, præter aliam rebus in alijs abstinentiam, & continentia, constantiaque in omne ævum suum virginitatis suæ clarus fuit: & Boleslaus tunc primum pater esse incepit, producto ad spem successionis filiolo.

Eccl. 1. *Vanitas Vanitatum, dixit Ecclesiastes: Vanitas Vanitatum & omnia Vanitas.*

Inuitatur
a matre,
& fratre. Hoc igitur modo inuitatus, Venceslaus (capite 13.) tametsi multo satis tempore à quovis matris fratrisque contubernio se remouisset, attamen ut antiquum servaret morem suum, nemini cuiquam, non solum natura coniunctissimis, officium suum denegandi, ad natalia se Boleslaviæ venturum ad diem recepit. Interimque in cubiculum secedens, quos fidelissimos habuit, secum ad fenestram seducit, iubetque eos in atrium Pauli presbyteri, frequentia Sacerdotum refectum despicere: ac mox altè suspiria ducens: *Quàm cuperem,* inquit, *vanus videri Augur, Utinamq; fiat, ut irritum venti secum auferant meum augurium: videre tamen*

iam mihi videor, eum locum, qui mea cura, tanto Sa- Variet-
cerdotum coetu, quantum cernitis, celebratur, paulò post nium
discessu hinc meo repentinè desertum iri: Cædem videlicet Vences-
 Sacerdotum futuram per ista diuinans, quæ illis ab in-
 teritu suo immineret. Cæterùm qui tunc præsentes
 aderant, non intelligebant, quorsum dicta hæc tenderent.
 Podiuinus tamen, scopum coniectura attingebat, cum Ducem suum reuocare à proposito Boleslauiam eundi tentaret, sed incassum. Olim namque pro religione, & pietate Venceslaus nullum periculum, nullum casum, nullum vitæ discrimen vitandum putauit; ideoque die lustrali appetente, nihil amplius moratus, quàm dum se apud Sacerdotem expiat, dum Aræ adstat, dum sacrosanctum delibat libum, extremum salutis viaticum, inde continuo Boleslauiam petit. Sed neque Boleslaus procrastinat fratri ire obuiam, eum complecti, gratulari aduentui, composita adulatione. Conuiuio dein mater adhibita, quantò magis ad omne facinus exercitata erat, tantò blandius hospitem filium habuit, traxitque in seram noctem conuiuium.

Meliora sunt vulnera diligentis, quàm fraudulenta oscula Pro. 1. 27
odientis.

At Venceslaus (cap. 14.) quamquam intelligeret, quò tenderent blanditiæ, & quam ob rem produceretur conuiuium, non tamen omisit, quin de media nocte surgens, iret in templum, vt orationes solitas Deo optimo commemoraret. In ea re occupatum inuadit Boleslaus, frater à matre ad scelus vigilantiorè excitatus,

Vences-
 laus à fratre occi-
 ditur.

ac primo ab ictu suo frustratur, ense sibi ob insperatum stuporem elapso : mox redeunte animo, & furore, quem sceleris participes clientuli extinguere non poterant, ictum repetit, ac faciliè inermem fratrem, patienterque plagam excipientem interficit : dissimulataque nece manè statim filium lustrat, nomenque ei inter lustrandum *Strabyquas*, à terrore conuiuij mutato vocabulo, quod ipse terribile parricidio effecerat, indit. Adcò *gloriarì in malitia* etiam sua gestiebat, *qui potens erat iniquitate*, nescius adesse Deum bonis omni tempore, tum in vita, tum in morte, quemadmodum illustrissimo tunc patuit exemplo. Eadem quippe nocte

Miracula Rex Daniae (vide quanto intervallo à Boemia semotus) per quietem se admonitum oraculo testatus est, ut Venceslai in Boemia à fratre obruncati memoriam sibi colendam susciperet : id quomodo ab ipso factum, caeremoniae, Sacerdotes, templum, in Dania Diuo Venceslao dedicatum declarant. Ut interim penè infinita miracula data opera transcamus, partim quia nota, & illustria ; partim quia decantata à nostratibus, diebus penè omnibus habentur.

Psalm. 51. *Quid gloriaris in malitia, qui potens es in iniquitate? Tota die iniustitiam cogitavit lingua tua : sicut nouacula acuta, fecisti dolum. Dilexisti iustitiam super benignitatem : iniquitatem magis, quam loqui aequitatem.*

Boleslaus Boleslaus, parvo audacia, & scelere principatu (*cap. 15.*)
us persequitur audacter etiam illum, & non sine scelere ab initio gessit,
amicos idque non obscure. Siquidem clara voce, omnibus,
Venceslai. qui

qui aliqua cum diuo Venceslao familiaritate coniuncti erant, ac præcipuè Sacerdotibus, quicumque sua sponte Boemia non discederent, carcerem, exilium, eadem denunciauit. Adiecit mater, ne cæsi terræ mandarentur, sed abiecti, vt in campis iacerent, esca dilanianda canibus, alitibusque. Intra breue igitur tempus vaticinium Divi Venceslai completum fuit, vaticinantibus, fore vt à discessu suo, atrium Pauli Presbyteri, Sacerdotibus vacuum redderetur. Corruptus inter præcipuos ad supplicium poduinus quoque, totum biennium in furca sub dio pendens, nulla tabe violari, ne dum corrumpi, conficique potuit, donec post haustam terræ hiatu Drahomiram sepeliretur. Nam quò manifestior, grauiorque pœna appareret, quæ meritò de crudelissima, atque impijssima muliere exigenda fuerat, eo loci, quo adhuc insepulta iacebant ossa occisorum Sacerdotum; terra sua sponte dehiscens viuam Drahomiram, vnà cum curru, & qui simul vehabantur absorbit, auriga solo incolumi, qui ad aram iuxta sitam (nunc haud extat) equo desiliens accurrit, cum fortè tintinnabulum tinnire audisset, vt corpus Domini adoraret, execrante illum Drahomira omnibus maledictis. Quare locum cum etiamnum, vt execratum, funestumque, declinant viatores, qui Arcem Pragensem ab Occidentali parte petunt. Quamquam terra eodem loci in statum pristinum cohæserit. Puniti & illi diuinitus, qui Boleslaum assèctati, gladios etiam suos aduersus D. Venceslaum strinxerunt: pars enim eorum mente alienata, in rabiemque versa, præcipites ex alto deorsum

Drahomira a terra absorpta

Occisores puniti

se dabant: quidam in eos gladios, quos nudauerant, incubuere. Ad hæc templi paries, quem prope occisus fuit Divus Venceslaus, velut cædis ipse quoque conscius, aut potius vt testis foret sceleris sempiterni, nulla vllius opera abstergi, eluique potuit à cruore, quo respersus ex corpore D. Venceslai fuerat.

Deo. 3. *Si acuero, vt fulgur, gladium meum, & arripuerit iudicium manus mea: reddam ultionem hostibus meis, & his, qui oderunt me, retribuam. Inebriabo sagittas meas sanguine, & gladius meus deuorabit carnes, de cruore occisorum, & de captiuitate nudati inimicorum capitis.*

Hæc tandem tot prodigia (cap. 16.) tanquam varia supplicia, Boleslaum exterruerunt, vt mitius deinceps cum Christianis agere, sæuitiamque suam aduersus illos, remittere inciperet. Accessit præterea novus ex Cæsare Otthone terror, minitante fratricidi, ultionem, cum primùm Hunnicum bellum confecisset. Quippe Hunni ex Pannonia vsque in Sueviam progressi, urbem Augustam obsidione premebant, tanta suorum multitudine, vt dubitauerit Ottho, prodire ne in aciem contra tantas copias, an castris se tenere securius fuerit: sed dubitantem Vldricus, Augustæ Præsul, in diuorum numerum postea relatus, indicto vnus diei ieiunio, ad ineundam pugnam impulit; certam ei victoriam (si pugnauerit) promittens. Nec fefellit: tantam enim inter Hunnos stragem Ottho edidit, vt Lycus Augustanus, fluuius, mutatis in cruorem aquis, aluicum suum foedauerit. Capti in eadem pugna duo Hunnorum Duces, suppli-

Ordo
Imp mī-
natur 80.
leslao.

Victoris
Imp con-
tra Hun-
nos.

supplicia crucibus luerunt. Ex Cæsarianis, maximè insignis Conrardus, Otthonis gener, cecidit. Atque hoc interim spatio, quod per moras huiusce prælij interiectum fuit, Boleslaus vicum, quem inhabitabat, fossis, vallis, mænibus cingendum, munendumque suscipit; & quò celerius susceptum opus perficiat, vicinæ nobilitati iniungit, vt certum quisque Paterfamilias colonorum suorum numerum operi continuando attribuat. Cœpit abnuere operam eiusmodi senex quidam nobilis, inquit: *Exemplum se à maioribus non accepisse, vt edificandis muris operam aliquam locaret, sed vt potius, pro salute Principis, in campo, & in ipsa acie, siue eques, siue pedes dimicaret.* Hic sævus Boleslaus (sic iam is passim cognominabatur) solita sæuitia incensus, *At ego, inquit, nunc statim exemplum in te statuam, quo cæteri admoniti, discant parere Principibus, non autem imperia illorum contemnere:* Istrictoque gladio miserandum senem confodit, ac denuò vicinis iniungit, vt iussu obedienter faciant.

Dum superbit impius, incenditur pauper: comprehenduntur in consilijs, quibus cogitant. Quoniam laudatur peccator in desiderijs animæ suæ: & iniquus benedicitur.

Operi absoluto (cap. 17.) cinctoque opido, nomen Boleslauia manet. Huic oppido cum Ottho appropinquaret, missis obuiam Legatis Boleslaus pacem magnis precibus cum ipsis oppidanis præcipit petere. Valdè præcitè Ottho eis respondit, aliter pacem coire non posse, nisi dedito tibi fratricida Boleslao. Porro

Boleslaus
(Zuiss)

Psal. 9

Boleslaus
uia obli-
detur.

Boleslaus, omnibus rebus ad sustentandam obsidionem, necessarijs, frumento, pecore, telis, armis, viris instructus in oppido erat. Non ita foris Cæsar comineatu abundabat, vacuis ubique ex vicino horreis, & pecoribus longius in sylvas abactis. Vnde paulò post factum, ut Cæsar ob rerum penuriam, mutata durior sententia, animum ad molliora deflecteret. Cum igitur denuò Boleslaus, quanquam satis, ut dixi, instructus, conscientia tamen scelerum timidus, gratiam Cæsaribus ambiret, pacemque oraret, eam his tandem legibus impetrauit. Prima erat, ut commissa scelera, & piacula, omnibus modis expiaret. Altera, ut exules Christianos reuocaret ab exilio. Tertia, ut tributum, nuper remissum, denuò exoluendum reciperet. Vltima, ut eadem conditione, atque cæteri Germaniæ Principes, in nomen Cæsaribus iuraret.

Pactum
iuratur.

Prou. 16 Misericordia, & Veritate redimitur iniquitas: & in timore Domini declinatur à malo.

Corpus
S. Ven-
ceslai
transla-
tum Pra-
gam.

Miracu-
la.

Obsidione soluta (cap. 18.) Boleslaus suis præcepit ut è conspectu suo sepulcrum, & corpus Sancti Venceslai remoueant, idque noctu per multas tenebras Pragam transferant, occultèque sine arbitris condant in æde Diui Viti, ab eodem Venceslao ædificata. Grauius nimirum ferebat signa, & prodigia, idemtidem ad corpus sanctum, nunc in cæcos, nunc in claudos, nunc in surdos edi, putabatque fore, ut illo ad Diui Viti ædem sepulto, Vito etiam potius, quàm Venceslao miracula edita attribuerentur. Sed vide, ut in se inno-

centia

centia, & sanctitas, ut denique ipsa veritas contra
 altum, & improbam calliditatem perfacile defendant.
 Plaustro corpus impositum fuit, iussusque auriga,
 quantum pollet, accellerare ut ante lucem à Boleſlaui
 Pragā perueniret. At aurigam magis equi, quàm
 ipse equos, regebant. Itaque cum primò ad amnem,
 cui *Rochetnicze* vocabulum, aquis tunc redundantem,
 deinde ad *Vultauiam* adhuc redundantiorē ventum
 esset, non ponte, ut ille volebat, sed pleno alueo,
 utrumque amnem equi transeunt, pedibus tantum non
 siccis, mox ultra *Vultauiam* ad carcerem, arcu Pra-
 genſi subiectum, immobiliter subsistunt; nec inde
 vlla vi se amoueri patiuntur, nisi die clarissimo, cum
 iam multorum aliorum spectatorum oculis res esset
 testatissima, corpus Diui Venceslai vectores vehere,
 id quod obstinate prius illi negabant, quàm victi,
 ad vnum omnes, e carcere illo dimissi fuissent. Cor-
 pus, praterquam quod à corruptione post triennium
 incolume repertum esset, insuper etiam ab omnibus
 vulneribus erat percuratum, vna tantum auricula ca-
 piti defuerat, eam Premislaua, Venceslai soror, ad
 linem templi, in quo occisus frater erat, inuentam,
 arcula clausam habuit. Caterum re, ut gesta fuit, co-
 gnita, ne quid de corpore sancto desideraretur, ean-
 dem statim Pragā misit, statimque illa capiti suo
 adhæsit.

Si patrem familias Beelzebub vocauerunt: quanto ma- ^{Matth. 10.}
 gis domesticos eius? Ne ergo timueritis eos. Nihil enim

*est opertum quod non reuelabitur : & occultum, quod non
scietur.*

Occisus fuit sanctus Venceslaus anno Domini
938. Vide Æneam Syluium, in *historia Boemica*,
capite 14. & Cardinalem Baronium, to. 10. *Annalium*,
& in *notis Martyrologij*, ad diem 28. Septembris.

Gen. 4. Dixit Cain ad Abel fratrem suum : Egrediamur
foras. Cumq; essent in agro, consurrexit
Cain aduersus fratrem suum Abel,
& interfecit eum.

V I T A

V I T A

E T

V I R T V T E S

S. HENRICI

IMPERATORIS.



ANNO ab Incarnatione Domini millesimo ¹⁰⁰⁰ primo, ab vrbe autem condita, millesimo, septingentesimo, quinquagesimo secundo, Otthone tertio defuncto Romæ, vacante Regni solio, cùm de Principe ageretur subrogando, ^{Henricus Rex} omnium vota, nutu diuino, ad eum inclinantur, qui tunc in Regno potissimus habebatur. Fuit namque eodem tempore quidam Dux Bauariorum, nomine Henricus, Henrici, eiusdem gentis Ducis, filius, (cuius temporibus Wolfgangus Ratisponensium præfuit Episcopus) tam bonitate, quam nobilitate regia, conspicuus, & vniuersa morum honestate præclarus. Hinc *initium sapientia, timorem Domini* pleniter est secutus; quia erat omni literarum studio principaliter imbutus, & totus sana fide, & actione Catholicus. Hic ergo ab omnibus pari voto, & communi consensu omnium ^{adsci-}

adsciscitur, diuina utique disponente clementia, ut per temporalis Regni fastigia, ad culmen Regni cœlestis pertingeret. Terrena enim bona omnia, sicut usu malo, à salute alios præpediunt, sic alios usu bono ad salutem perducunt.

Psal. 110. *Sanctum, & terribile nomen eius: initium sapientiæ, timor Domini. Intellectus bonus omnibus facientibus eum: laudatio eius manet in sæculum sæculi.*

Visio eius. Cùmque prædictus Rex, Henricus ne dum Cæsaris, vel Imperatoris obtineret dignitatem, apparuit ei Ratisponæ Beatus Wolfgangus, Episcopus, tali visione. Visum namque est, quod manens in Ecclesia Sancti Emmerammi, Episcopi, & Martyris, accederet orandi gratia ad B. Wolfgangi sepulcrum, in eadem basilica situm; cùmque ibidem Dominum, & S. Wolfgangum intimis precibus conaretur exorare, subito videbatur ei ipse Sanctus Wolfgangus astare, cumque huiusmodi verbis appellare, *Intuere diligenter litteras in muro, quæ sunt secus tumultum meum, scriptas.* Erat autem, sicut videbatur scriptum solummodo: **POST SEX.** Eui- gilans verò Rex, diuturna tractatione secum reuoluit, paucissima huius visionis scripta. In primis ergo arbitrat- us, quòd post sex dies esset moriturus, multa dispensat pauperibus; cùmque dierum sex numerus præterisset, & nihil in se Rex molestiæ corporalis sensisset, putauit prædictam visionem ad sex menses pertinere; & eadem cœpit timere. Transactis verò sex mensibus, cùm nihil infirmitatis in se patèretur; arbitrat- us est hunc numerum
ad sex

ad sex annos pertinere; ideoque quæ & supra cœpit timere. Cùmque sex annorum numerus integer præterisset, & septimi anni dies reuolutus venisset, ipso die per Apostolicam benedictionem suscepit Cæsaris dignitatem. Tunc tandem sentiens, qualis esset sua visio, gratias egit Deo, Sanctoque Wolfgango, qui sibi talem dignatus est reuelare sublimitatem.

Hæc est scriptura, quæ digesta est: Mane, Thecel, Dan. 5. Phares.

Vinctus ergo in Regem beatissimus Dei famulus, Pietas
Henrici
Regis. Henricus, temporalis Regni non contentus angustiis, pro adipiscenda immortalitatis corona, summo Regi, cui seruire, regnare est, militare disposuit. Summam etenim diligentiam in amplificando cultu Religionis adhibuit. Ecclesias Dei ditare possessionibus, & immensis ornatibus augere cœpit. Sedes quoque Episcopales, Hildinsheim videlicet, vbi à puero fuit enutritus, & literas edoctus, Magdeburge, & Argentinam, & Merseburg, quæ Barbarica immanitate adiacentium Sclauorum vastatæ fuerant, restaurauit; & tam ipsis, quam alijs Episcopatibus, per vniuersum Regnum, in possessionibus, & ornatibus, innumera dona distribuit. Hildinsheimensi verò Ecclesiæ Sanctum Gothardum, diuina edoctus reuelatione, præfecit Episcopum. Quid autem Merseburgensi Ecclesiæ præ alijs contulerit, futurorum ex parte volumus notificare. Hæc etenim Ecclesia, tempore magni Otthonis, illius, inquam, qui iuxta Lycum fluvium, sub S. Vdalrico, Pontifice, glo-

riose Vngaros prostravit, & Reges eorum, Leuicam, & Assur, Ratisponæ Principibus, hoc fieri adiudicantibus, in patibulis suspendit; assiduis incursionibus, & hostili vastatione Sclauorum, redacta est ad nihilum. Et quia violentijs vicinarum nationum non poterat resistere, in possessionibus, in religione, & in omnibus, quæ ad Pontificalem dignitatem pertinebant, penitus cœpit deficere.

Accidit autem eodem tempore, vt Magdeburgensis Ecclesiæ Archiepiscopus, vniuersæ carnis viam ingrederetur, & Merseburgensis Præsul, propter sapientiam sibi à Deo præstitam, & propter virtutes plurimas, quibus ornatus erat, ob quas & Otthoni Magno gratissimus erat; in cathedram Magdeburgensem, à prædicto Rege constitueretur. Factum autem vt Merseburgensis Episcopatus prorsus destrueretur, & quæ potiora erant illius Ecclesiæ, in prædijs, in ministerialibus, in ornamentis, in ditionem Magdeburgensis Ecclesiæ transferrentur, & de quibusdam reliquijs possessionem, quæ Merseburgensi Ecclesiæ remanserant, Abbatia inibi constitueretur. Quod factum vsque ad tempus pijsimi confessoris Christi, Henrici, sine mutatione permansit. Qui conuocatis Principibus Regni sui, apud Chuselingenburg curiam celebrauit, atque vniuersis in id ipsum consentientibus, Poloniam, & Boemiam, cæterasque Sclauorum adiacentes regiones, quæ fines Regni sui vastauerant, debellare disposuit. Congregato itaque exercitu contra prædictas nationes aciem direxit,

&

& transiens per locum, qui *VValbeuch* dicitur, gladium Sancti Hadriani, Martyris, qui pro reliquijs multo tempore ibidem seruabatur, accepit, quo accinctus, ex toto corde suo clamauit ad Dominum dicens: *Iudica Domine nocentes me, expugna impugnantes me*, Psal. 36.
Apprehende arma, & scutum, & exurge in adiutorium mihi. Inde progrediens, castra metatus est, in campo, in quo Merseburgensis Ecclesia sita est, & videns locum desolatum, ingemuit, & ait, *Beate Laurenti, Martyr Christi, si tuo interuentu has barbaras nationes, ad quas pergo, Romano Imperio, & Religioni Christianae subiugauero, locum istum desolatum, tuo nomini consecratum, diuina fauente gratia, in pristinae dignitatis statum reformabo.* Vt ergo Princeps Poloniæ, & Boemiæ, & cæterorum Sclauorum Primates, Romanum Imperatorem, cum exercitu suo, vt eos debellaret, aduenire cognouerunt; collecta innumerablem barbarorum multitudine, in bellum obuiam processerunt. Quod Regi pijssimo per speculatores suos citissimè innotuit, & sicut in omnibus angustijs suis solebat, ad orationis arma confugit. Et inuocato super se nomine Domini, B. Martyribus, Laurentio, Georgio, & S. Hadriano, semetipsum, suumq; exercitum protegendum cum summa deuotione commisit. Cumq; omnes communionē corporis, & sanguinis Dominici percepissent, ad locum certaminis peruenerunt. Vbi cum Rex beatissimus verbis exhortatorijs, quatenus viriliter agerent, animos singulorū confortasset, videns aduersariorū

innumerabilem multitudinem, clamauit ad Domi-
udit 9. num, dicens: *Domine Deus, qui conteris bella ab initio,*
eleua brachium tuum super gentes, quæ cogitant seruis tuis
Psal. 58 mala. Disperge illos in virtute tua, & destrue eos protector
Psal. 82. noster Domine: Deus meus pone illos ut rotam, & sicut sti-
pulam ante faciem venti.

Visio Hæc eo orante, aperti sunt oculi eius, & vidit glo-
eius. riosos Martyres, Sanctum Laurentium, Beatum Geor-
 gium, & Sanctum Hadrianum, cum Angelo percu-
 tiente, exercitum suum præcedentes, & hostium cuneos
4. Reg. ad fugam propellentes. Et sicut exercitus *Sennacherib* ab
19. *Angelo* percutiente contritus est, & disperijt, sic omnis
Victoria ista barbarorum immanis multitudo, per virtutem Dei
 contrita, proiectis armis, sine effusione sanguinis Chri-
 stianorum, fugæ præsidium quæsiuit. Quod videns
 Rex sanctissimus, eleuatis oculis, ac manibus in cælis,
Luc. 4. gratias egit Domino, dicens; *Benedico te, Rex cæli, &*
terre, qui superbis resistis, & humilibus das gratiam, qui
custodisti diligentes te, & glorificatus es in gentibus, propter
datam nobis de cælo victoriam. Victis itaque barbaris, &
 quæ ad futuram pacem prodesse poterant, pactione fir-
 missima stabilitis, Rex beatissimus cum suis reuersus est
 ad propria, vniuersis glorificantibus Deum, & laudan-
 tibus, qui præstat auxilium omnibus, in se sperantibus.
 Cumque Imperator Christianissimus Poloniam, Bohe-
 miam, & Morauiam, tributaria fecisset; ob reuerentiam
 Sancti Laurentij, Martyris, conculcationem, & destru-
 ctionem Merseburgensis Ecclesiæ, cœpit pro miseri-
 cordiæ,

cordiæ, & pietatis intuitu respicere, & ad nihilum redactam, in ædificijs, in ministerialibus, in sæcularibus possessionibus, in ornamentis ecclesiasticis in pristinum gradum Pontificalis dignitatis, sicut Deo, & S. Laurentio vouerat, studuit restaurare. Nec priùs ab operibus misericordiæ destitit, quoadusque præfatam Ecclesiam ad antiquæ statum dignitatis, & honorem pristinæ Religionis ex integro reduceret. Denique Rex gloriosus Episcopum Bambergensem ex integro in suo domate fundauit; terminis videlicet ab adiacentibus Episcopatibus concambio legitimo commutatis. Eundem vero Episcopatum, Apostolorum Principibus, Petro, & Paulo, & pretiosissimo Martyri, Georgio, attitulatum, speciali iure Sanctæ Romanæ Ecclesiæ contradidit, vt & primæ Sedi debitum diuinitus honorem impenderet, suamque plantationem tanto patrocinio firmiùs communiret.

Factum est igitur in nocte illa, Venit Angelus Domini, & percussit in castris Assyriorum centum octogintaquinque millia. Cumq; diluculo surrexisset, vidit omnia corpora mortuorum: & recedens abiit, & reuersus est Sennacherib. Rex Assyriorum, & mansit in Ninive. 4. Reg. 19.

Frater eius erat Bruno, Augustensis sedis Episcopus, qui felicibus eius actibus inuidens, multas ei aduersitatum iniurias, in quantum potuit, inferabat; & vbi per se non potuit, inferentibus se adiunxit, aliosque ad inferendas exhortando, stimulos suæ prauæ incitationis subiunxit. Cui Rex gloriosus non talionem reddebat,

verum etiam instructus fraterna dilectione, omnia dissimulando, & patienter sufferendo, illum bono vincere satagebat.

Rom. 13. *Noli vinci à malo, sed vince in bono malum.*

Hæres
eius.
Deus.

Quanta autem eius munificentia, quanta erga Deum eius benignitas, atque largitas extiterit, tam in illa Bambergensi Ecclesia, quam in alijs compluribus locis, manifestis operum declaratur indicijs: Solum quippe Deum sibi elegit hæredem, quatenus & ipse in consortium hæreditatis æternæ illum assumere dignaretur. Liberos enim nec secundum carnem habebat, nec expectabat, quia eam, quam pro coniuge habere videbatur, Chunigundem nomine, dicitur numquã cognouisse. Sed qualiter hoc innotuerit, ad communem edificationem, non est prætereundum, ut & castimonie exemplis erudiamur, & diuinorum secretorũ admiratione

Castitas
Chuni-
gun dis.

Rom. 8.

moneamur, considerantes quemadmodum *diligentibus Deum omnia cooperantur in bonum*; tantis namque ac talibus bonis tentatio deesse non potuit. Inuidus enim omnium bonorum diabolus, cum thorum immaculatum fauciare non potuisset, zelotypiæ liuore fœdare cogitauit, volens saltem famam eius lædere, cui non potuit corruptionis vulnus infligere: facta est igitur auctore diabolo, suspecta criminis, quæ non nouerat maculam corruptionis. Sed quia crudelis est, qui infamiam negligit, expurgationis gratia, sibi iudicium elegit, quod propter duritiam hominum institutum esse cognoscitur. Cumque Deo dilecta ad illud iudicium, ut ovis ad oc-
cisio-

cisionem duceretur, ingemuit, & ait, *Domine Deus, Creator cœli & terræ, qui probas renes & corda, iudica iudiciū meum, & redime me*, te enim testem inuoco hodiè, & iudicem, quia nec hunc præsentem Henricum, nec alterū quemquam virum carnali commixtione vnquam cognoui. Hoc dicens, stupentibus ac flentibus vniuersis, qui aderant, vomeres candentes nudo vestigio calcavit, & sine adustionis molestia transijt. Ita Deus omnipotēs vinculum castæ dilectionis seruauit, innocentiam comprobauit, integritati custodiam humilitatis adhibuit.

Ad te, Domine, faciem meam conuerto, ait Sara, *ad te oculos meos dirigo. Peto, Domine, vt de vinculo improperij huius absolvas me, aut certè desuper terrā eripias me. Tu scis, Domine, quia nunquā concupiui virū, & mundā seruauī animam meam ab omni concupiscentia. Nunquā cum ludentibus miscui me, neq; cum his, qui in leuitate ambulāt, participē me præbui.*

Inter hæc, beatissimi Principis Henrici gloria magis ac magis proficiebat & gratia Dei erat cum ipso. Non declinauit clypeus eius de bello, & hasta eius non auersa. Apuliam, à Græcis diu possessam, Romano Imperio recuperauit; & eidem Prouinciæ Ismahelem, Ducem, præfecit, qui postea in vrbe Bambergensi mortuus, & in capitolio maioris monasterij sepultus requiescit in Domino. Beneuentanum Monasterium condidit, & omni ornatus decore locupletauit. Cūmq; ciuitates Apuliæ pertransisset, & quæ ad vtilitatem Regni, & honorem pertinebant, prudenter in eis disposuisset, cœpit infirmitate

Acalcu-
lo cura-
tur.

mitate calculi laborare. Cuius morbi molestiam vir tantus tanta patientia sustinuit, ut passiones carnis, ad custodiam humilitatis, à Deo sibi collatas assereret, & flagellum correptionis certissimum signum dilectionis assumaret: fomenta tamen curationum sibi fecit adhiberi, sed nulla medicorum arte potuit liberari. Ingravescente autem dolore, ascendit in montem Cassinum petens Beati Benedicti, & Sanctæ Scholasticæ, sororis eius, auxilium; & cum oraret, cœpit cogitare, quod de translatione S. Benedicti, eiusque Sororis audierat, quia videlicet Reliquiæ eorum dicebantur furtim ablata, & in alium locum translata, ideoque cœpit de corporali eorum præsentia dubitare. Completa verò oratione, ad hospitium se contulit, & lassatus, ac debilitatus exitinere in lectulo se collocavit. Cumque obdormiuiisset, audit sibi Sanctum Benedictum assistere, & ferrum sectorium ad medicinales sectiones aptatum manu tenere, qui dixit ei, *Quia sperasti in Deo, & in Sanctis eius, ecce missus sum à Deo, ut per medicinam meam ab infirmitate tua libereris. Ecce ego cuius ossa furtim ablata esse putaveras, præsentiam meam tibi exhibeo, & in argumentum veritatis, passiones tuas curabo.* Hæc dicens, partem illam corporis, quæ calculum tenebat, ferro medicinali aperuit, & evulso molliter calculo hiatum vulneris sanatione subita redintegrait, & calculum, quem tulerat, in manu Regis dormientis reposuit. Quo facto, Christianissimus Imperator euigilans, pertractavit secum, quæ circa se gesta fuerant per Confessorē Christi, videntque

vidensque calculum, quem manu tenebat, vocavit satellites suos, qui more regio semper ei adhaerebant, & dixit ad eos: *Pontifices, & Principes Regni nostri ad nos vocare, ut cognoscant, & videant mirabilia Dei, quae ineffabilis, & inenarrabilis misericordia cum potentia eius fecerunt in me*; At illi mandata Regis cursu celeri proferentes ad Principes adduxerunt eos; & cum venissent ad eum, dixit eis, *Fratres & commilitones mei, magnificate Dominum meum, & exaltemus nomen eius in idipsum, quia ipse est magnus Dominus, & laudabilis nimis, & magnitudo eius non est finis, ipse percutit & medetur, flagellat peccatores, & poenitentibus misereatur, hunc humiliat, hunc exaltat, quia calix in manu Domini vini meri plenus mixto. Ego, qui heri morti proximus fui, per misericordiam Dei, hodie sumus vobis appere, & aculeum mortis, quem heri gestavi inclusum corpori meo, hodie oculis vestris triumphanter ostendo. His dictis ostendit eis calculum, quem manu tenebat, & ostendens eis vulneris cicatricem, omnia quae per Sanctum Benedictum circa se gesta fuerant, cunctis audientibus ex ordine referebat. At illi videntes & audientes & mirabilia Dei plus, quam possit credi, admirati sunt, & benedicentes Deum diuque in laudem eius acclamantes, de incolumitate Regis gauisi sunt. Rursumque Rex ad eos ait; *Quas gratiarum actiones, aut quae munera tantis beneficijs condigna merito nostro, Sancto Benedicto possumus rependere?**

Psal. 33.

Psal. 47.

Psal. 144.

Psal. 74.

At illi omnes iudicauerunt, cum regia munificentia esse dignum. Rex verò, consilio Principum suorum, ingentia munera in prædijs, in auro, in argento, in ornamentis plurimis, Ecclesiæ Sancti Benedicti contulit; & valescit is fratribus, eiusdem ecclesiæ ministris, à Cassino monte hilaris, & sanus recessit. Ab eo autem tempore, & deinceps, quadam speciali dilectione, & veneratione S. Benedicto, & omnibus Monasticæ religionis cultoribus studuit deservire, & in amplificandis, & rebus protegendis Ecclesiasticis, benignus, & deuotus Pater existere.

Mal. 90. Quoniam in me sperauit, liberabo eum: protegam eum, quoniam cognouit nomen meum. Clamabit ad me, & ego exaudiam eum: cum ipso sum in tribulatione, eripiam eum, & glorificabo eum.

Henri-
cus Ro-
man
ecndit.

Inde iter faciens Romam peruenit, vbi à Benedicto VIII. Papa benignè, & honorificè susceptus, quantas miserationes, & beneficia per Sanctum Benedictum ei Dominus contulerit, indicauit. Apostolicus verò gratias egit Deo pro omnibus beneficijs eius, & pro salute Regis, & totius populi Catholici obtulit sacrificium laudis. Eodem tempore Rex sanctissimus Bambergensem fundum, cum omnibus pertinentijs suis, Beato Petro, Apostolorum Principi, contradidit, & Apostolico Præfuli in perpetuum defendendum commendauit, & in memoriam huius pactionis, singulis annis album ambulatorem, cum faleris, Romano Præfuli dari constituit. Hoc quoque humilitate, & deuotione
apud

apud Dominum Apostolicum obtinuit, ut Alemaniam intraret, & Bambergensis Ecclesiæ nouam plantationem uisitaret; quod & ita factum est. Nam in proximo Apostolicus aduenit Alemaniam, & omnibus ciuitatibus Regionis illius peragratis, tempore, quo condixerat, urbem Bambergensem adire disposuit. Venit ergo feria quinta maioris hebdomadæ, hoc est, in cœna Domini, hora sexta, sacris Pontificalibus indumentis indurus, sicut iam ad peragenda diuina mysteria, & sollempne diei illius officium processurus erat, & suscipitur gloriosissimè ab Imperatore, & vniuersis, qui aderant, Principibus, omniq[ue] Clero, & populo inæstimabili exultationis tripudio. Ut autem in aduentu tam insoliti, tamque exoptati hospitii *Deo nostro iucunda, decoratiss[im]e* exhiberetur *laudatio*, Imperator prudentissimus in occursum eius quatuor choros psallentium decenter ordinauit; primum in vltiori ripa fluminis; secundum in ceteriori, tertium ante portam ciuitatis, quartum in atrio Ecclesiæ, vbi primus omnium ipse Rex, data manu Papæ, in domum Domini introduxit, atque diuinis hinc inde hymnis canora suauitate, resonantibus in Episcopali cathedra collocauit. Quid plura? debitum huius sacratissimæ diei cum duodenis Episcopis cooperantibus Apostolicus Pontifex, & aliorum sequentium dierum summa cum deuotione celebrauit. In sancta autem Dominica Paschæ, cum in matutinali officio Aquileiensis Patriarcha Lectionem primam, Archiepiscopus autem Rauennas secundam, ipse

In Ale-
maniam
venit Pa-
pa gene-
dictus
VIII.

Excipi-
tur cum
iudicio.
psal. 140

Apostolicus tertiam recitaret, cumque omni ornatu processio ageretur, sicut dignitatem Apostolicam condecuit, in sancta solemnitate solemnitatum, quis non iudicet tam religiosam celebritatem, nostrisque in regionibus inusitatam, merito in memoriam omnium Bambergensis Ecclesiæ filiorum perpetuò haberi?

Henricus Cluniacum pergit.

Vt autem ad superiora redeamus, unde paulisper digressi sumus, postquam vir sanctus, à S. Benedicto calculi molestia sanatus, Romam peruenit, ibique à venerabili Papa Benedicto, omnia quæ petierat, impetravit; munitus Apostolica benedictione, Alpes Apenninas transcendit; & dimisso exercitu in terram suam, Cluniacum, caula orationis, cum paucis familiaribus perrexit, eò quòd multa de religione, & statu loci eius audiret. Vbi cum multa Religionis, & sanctitatis signa vidisset, Sancti Spiritus igne succensus, coronam auream, pretiosissimis gemmis adornatam, ad Missam, quæ de Cathedra S. Petri celebratur, obtulit; & Monachorum fraternitatem suscipiens cum maxima humilitate, & cordis contritione orationibus eorum se commendavit, & in supplementum rerum necessariorum omnia prædia in Allatia eidem Congregationi contradidit.

1. R. B.
22.

Cum sancto sanctus eris, & cum robusto perfectus. Cum electo electus eris: & cum peruerso peruerteris.

Felicitas
Henrici.

Inde iter per Leodium & Treuerim transiit, & Congregationes, inibi Deo famulantes, plurimè largitionibus, & prædijs ditauit. Et mirum, quod homo
Dei,

Dei, qui circa vtilitates ecclesiasticas, & salutem animæ suæ, tanto studio flagrabat, in nullo prouectum sui Regni neglexit; quinimò sine effusione sanguinis, pietate & sapientia terminos Regni sui dilatauit, & Imperialem dignitatem gloria & honore ampliauit, & exornauit. Boemiam vicit, Burgundiam subiugauit, Pannoniam quoque fidei Catholicæ, & Romano Imperio coadynauit.

Dilutaberis ad Occidentem, & Orientem & Septentrio- Gen. 13.
nem, & Meridiem.

Victor ergo aliarum nationum, Apostolus fuit ^{Henri-} Hungaroru. Cum enim omnes adhuc infideles essent, ^{cus Apo-} ad fidei Catholicæ attraxit confessionem. Quod vt ^{stolus} ^{Hunga-} ^{rorum.} facilius fieret, sororem suam Gisilam, Stephano Regi, in matrimonium collocauit, secundum Apostolum dicentem, *Sanctificatur vir infidelis per mulierem fidelem,* 1. Cor. 7
& sanctificatur mulier infidelis per virum fidelem. Step- ^{Steph-} ^{anus Rex} ^{baptiza-} ^{tar.} phano itaque Rege baptizato, vniuersa Pannonia recepit verbum vitæ: & mira rerum nouitate, per Reges Apostolos Baptismi gratiam percepit. Quàm præclara tanti Apostolatus societas, quam veneranda vtriusque sanctitas, per quos tot sunt saluati & sanctificati? Præfatus autem Rex Hungarorum religiosus, Deoque deuotus, postea in executione bonorum operum permansit; quod diuina pietas post mortem eius euidentibus indicijs, ad sepulturam eius factis, signorum miraculis demonstrauit. Burgundionum quoque non humana, sed ^{Burgundionum} ^{victoria,} diuina fuit victoria. Nam cum armis, & omnibus belli

ant. 3. copijs essent instructi viri, *ad bella doctissimi*, armis depositis, non hominis metu, sed nutu Dei, *rogantes ea, que pacis sunt*, dexteras dederunt.

psal. 1. Et erit *tamquam lignum*, quod plantatum est secus decursus aquarum, quod fructum suum dabit in tempore suo: Et folium eius non defluet, & omnia, quaecumque faciet, prosperabuntur.

psal. 1. Sicut enim, ad declaranda Beati Martini merita, ad mortem, Dominus pacificum fecit exercitum; ita & nunc serui sui Henrici meritis, consimilem virtutem dignatus est ostendere. *Similem ergo fecit eum Dominus glorie Sanctorum*: & sicut Moyses, precibus magis quam armis, a. Cor. 6 triumphavit; ita gloriosus Princeps *per arma iustitie*, bella omnia consummavit, & sine funere, & absque cruore semper triumphavit. Denique consummatis huius vitæ laboribus, postquam bonæ opinionis odorem longè lateque olere fecerat, locumque sibi dilectum, & cætera monasteria ditando, & ornando, & excolendo, ad perfectum adduxerat, ad percipiendam immarcescibilem coronam à Domino vocatus est ab ergastulo carnis, qui cernens diem mortis sibi imminere, vocatis ad se Parentibus, & cognatis beatissimæ Imperatricis, Chunichundæ, nec non etiam quibusdam Regni Primoribus, manu eam apprehendit, & commendavit eam illis, huiusmodi verbis memoria dignissimis: *Hanc ecce*, inquit, *mibi à vobis immò à Christo consignatam*, ipsi Christo Domino nostro, & vobis resigno *virginem vestram*. *Discite ergo divites huius sæculi facere vobis*

*Vobis amicos de mammona iniquitatis, ut cum defeceritis, Luc. 16.
recipiant vos in aeterna tabernacula.*

Huius ergo gloriosissimi Principis præconia lingua Mortuus,
carnis tacere non convenit, in cuius transitu, confuta-
tis dæmonijs, triumphantibus Angelis, cælum exul-
tauit. Defuncto itaque beatissimo Dei famulo, Henri-
co, anno Regni sui vigesimoquarto, Imperij undeci-
mo, vitæ verò suæ quinquagesimo secundo, corpus
eius Bambergæ in Ecclesia Beatorum Apostolorum
Petri & Pauli honorificè sepelitur; ac postmodum
multis miraculorum virtutibus à Domino gloriatur.
Post huius Sanctissimi Principis excessum, Conradus, Episcopus
Bamber-
gensis.
vnus, ex Regni Primoribus Regali solio sublimatus,
consilio Brunonis, Augustensis Episcopi, fratris Sancti
Henrici Imperatoris, qui semper, vt superius dictum,
eius felicibus actibus inuidebat; Episcopatum Bamber-
gensensem destruere meditabatur, quia idem Bruno, Epi-
scopus, promisit Sorori, suæ Gisilæ, Reginae Hunga-
rorum, omnia prædia hæreditario iure ad se pertinentia,
filio eius, Henrico, contradere. Locus ergo, & tempus
conuentui statuitur, vbi hoc ad certum perducatur.
Nocte verò, quæ diem huius negotij præcellerat, Eber-
hardus, primus Bambergensis Episcopus, ad tentorium
prædicti Brunonis clam accessit; lecto quæ eius assidens,
multa super hac re monendo, obsecrando, memoriam
fratris inculcando, cum eodem sollicitus egit. Tran- Miraculo
seculum
1199,
sacta verò multa hora noctis Eberhardus, Episcopus,
recessit; & cum Bruno, Episcopus, obdormiisset,

visus

visus est ei frater suus, Imperator, lecto suo adstare, faciemque suam, barba ex vna parte depilata, deturpata obicetare. Cui super hac re suspensio & admiranti, quis tam temerarios usus in eum præsumeret, interroganti respondit, dicens, *Tu hæc fecisti, qui me, & Sanctos Dei, quos ego rebus à Deo concessis ditavi, despoliare disposuisti. Caue ergo ulterius super hac temeritate, ne incepta luas cum magna infelicitate.* Ad hæc ille expergefactus, de visione nimium est perterritus, omniumque membrorum horrore, ac tremore grauiter affectus. Mane autem facto, cum diu expectatus ad conuentum Procerum non veniret, Gisila Regina, pro filio sollicita, missis nuncijs, rogauit illum obnixè, vt adueniens omiſſa perficeret. Ille verò affirmauit, se tanta infirmitate grauari, vt nec de lecto surgere, nec pedem posset quoquam mouere. Cumque rogaretur, vt se in lecto ad Conuentum portari pateretur, quo vel sic promissio perficeretur, omninò abdicauit, seque in Deum & in Sanctos eius peccasse, libera tandem voce proclamauit. Sic itaque diuina pietas, per merita famuli sui, ne spe, quam in se posuit, fraudaretur, omnia prauæ illius conſpirationis machinamenta repressit; idque quod ab eo bene cœptum est, confirmando semper exindè ad meliora prouexit.

1. Tim. 4. *Bonum certamen certavi; cursum consummaui, fidem seruari. In reliquo reposita est mihi corona iustitiæ, quam reddet mihi Dominus in illa die iustus iudex.*

Miracula Sed iam nunc ad miracula, quæ post felicem transitum

fitum eius, ad declaranda eius meritorum insignia, ad post mortem.
sepulchrum illius operatus est Dominus, veniamus.

Mulier quædam contracta in ipsa manebat ciuitate, Contracta sanata
adeò incuruata, vt ad gradiendum nullatenus erigi pos-
siet: sed potius manibus reptaret, quàm pedibus ambu-
laret. Huic orationibus frequenter incumbenti, diuini-
tus inspiratum est, vt ad memoriam Beatissimi viri ac-
cederet, atque omnipotentis Dei misericordiam obni-
xiùs imploraret: quod dum faceret, in anniuersario die
ipsius, subito cernentibus cunctis adstantibus facta est,
quasi in extasi, ac postea nerui, qui diriguerant, sensim
dissolui, & omnia corporis membra crepitantia cœpe-
runt extendi, mulierque erecta, vltum ambulandi, &
reliqua membrorum officia cum sanitate recepit.

*Et ecce mulier, quæ habebat spiritum infirmitatis annis LUC. 13
decem, & octo. & erat inclinata, nec omninò poterat sur-
sum respicere. Quam cum videret Iesus, vocauit eam ad se,
& ait illi. Mulier dimissa es ab infirmitate tua. Et imposuit
illi manus, & confestim erecta est, & glorificabat Deum.*

Quidam ædituus, in ordine laico ad custodiam Ædituus correctus.
Ecclesiæ deputatus, furtis cœpit assuescere, & quæcun-
que poterat, in ipsa Ecclesia clanculò decrustabat; sed
cum iam inolita vitiorum consuetudine ipsam consue-
tudinem peccandi iam quasi legem sibi fecisset, miseri-
corditer à Domino corripitur. Quadam enim nocte,
dum in eadem Ecclesia somnum caperet, seruus Dei
aspectu terribilis ei apparuit, & asperè in eum inuectus,
dixit, *Species decepit te, & concupiscentia subuertit cor* DAN. 13.

M

tuum

tuum; quare hoc, & hoc fecisti? Scito, quia rem iniquam operatus es. His dictis, de strato eum protraxit & multis verberibus caesum, cruentatum, dereliquit. Hæc quidem somnians pertulit, sed expergefactus signa plagarum euidentia demonstrauit, & verba verberum argumentis comprobauit. Taliter ab immani præcipitio retractus, in monasterio suo vsque ad prouectiorem ætatem in eadem Ecclesia permansit; & in eius correctione multi alij correcti sunt, glorificantes Deum, qui per servum suum iam coronatum in cælis, talia adhuc operatur in terris.

Distorta
facies
sanata.

Quadam vice contigit, incerto casu cuidam, vt dissociatis naturalibus instrumentis ab inuicem, mandibula loco suo dimota, & oris officium impediret, & naturalem humani decoris compositionem deformatet. Talibus circumventus incommodis, clamauit ad Dominum, & diuinæ pietatis obnixiùs implorauit auxilium; vt ergo *Manifestarentur opera Dei in illo*, multis interuenientibus ad tumbam Beati Henrici accessit, & capite superimposito, tam diu precibus institit, quoadusque meritis ipsius sanitatem accepit.

Ioan. 9.

Paraly-
ticus sa-
natus.

Idem alio tempore contigisse in veritate audiuius, vt quidam paralyti adeò vexaretur, vt exinde vsum brachij iam perdidisset; nutu autem diuino admonitus est, vt ad sepulturam Sancti corporis accederet, & prostratus in oratione, Dei omnipotentis misericordiam, & beatissimi viri ibidem requiescentis merita inuocaret. Toto itaque corpore prostratus, orationibus incubuit, corde.

corde magis , quam ore , decantans cum Propheta ,
Adhæsit pavimento anima mea , uiuifica me secundum psal. 118
verbum tuum. Quid ergo ? Christus filius Dei , qui su-
 per terram gradicens , *Manum aridam* habentem sana- Luc. 6.
 uit , ibidem nunc , *Sedens , ad dexteram Patris* , eodem Mar. vlt.
 inuocato miraculo , per merita dilecti sui supplicem
 istum liberauit , Sanus equidem ab oratione surrexit ,
 & Deum propitiatorem in commemoratione Sancti
 sui glorificauit . Clamor ad cælum tollitur , & cum de-
 bita gratiarum actione hymnus gloriæ omnipotentis
 Dei ab vniuersis adstantibus decantatur .

Hoc quoque successoribus nostris indicare curavi- Cæcus
illumi-
natus,
 mus , quod in diebus Rogationum ad sepulchrum præ-
 dicti Confessoris contigisse veraciter cognoscimus .
 Quidam enim Sacerdos cum populo , suæ procurationi
 commissò , in diebus Rogationum , Crucem cum hym-
 nis , & canticis ad monasterium Sancti Petri , & Sancti
 Georgij deferbat , cum qua quidam cæcus alterius
 manu ductus veniebat . Is , cùm ad sepulcrum Confe-
 ssoris Christi venisset , ex toto corde suo rogauit San-
 ctum Henricum , vt per eius interuentum restitueretur
 ei lumen oculorum ; cumque diu precibus & lacrymis
 pulsaret ad ostium Confessoris , cunctis videntibus , &
 in laudem Dei acclamantibus , redditus est illi visus per
 gratiam omnipotentis : & mirum in modum , qui alte-
 rius manu ductus , Crucem Domini secutus fuerat cæcus ,
 modò proprijs manibus Crucē ferens , cum laudibus ipsi
 populo domum redeunti , ductum præbuit illuminatus .

verum etiam instructus fraterna dilectione, omnia dissimulando, & patienter sufferendo, illum bono vincere satagebat.

Rom. 12

Noli vinci à malo, sed vince in bono malum.

Hæres
eius,
Deus.

Quanta autem eius munificentia, quanta erga Deum eius benignitas, atque largitas extiterit, tam in illa Bambergensi Ecclesia, quam in alijs compluribus locis, manifestis operum declaratur indicijs: Solum quippe Deum sibi elegit hæredem, quatenus & ipse in consortium hæreditatis æternæ illum assumere dignaretur. Liberos enim nec secundum carnem habebat, nec expectabat, quia eam, quam pro coniuge habere videbatur, Chunigundem nomine, dicitur numquã cognouisse. Sed qualiter hoc innotuerit, ad communem edificationem, non est prætereundum, ut & castimonie exemplis erudiamur, & diuinorum secretorum admiratione

Castitas
Chunigundis.

Rom. 8.

moncamur, considerantes quemadmodum *diligentibus Deum omnia cooperantur in bonum*; tantis namque ac talibus bonis tentatio deesse non potuit. Inuidus enim omnium bonorum diabolus, cum thorum immaculatum fauciare non potuisset, zelotypiæ liuore scdare cogitauit, volens saltem famam eius lædere, cui non potuit corruptionis vulnus infligere: facta est igitur auctore diabolo, suspecta criminis, quæ non nouerat maculam corruptionis. Sed quia crudelis est, qui infamiam negligit, expurgationis gratia, sibi iudicium elegit, quod propter duritiam hominum institutum esse cognoscitur. Cumque Deo dilecta ad illud iudicium, ut ovis ad occiso-

cisionem duceretur, ingemuit, & ait, *Domine Deus, Creator cœli & terræ, qui probas renes & corda, iudica iudiciū meum, & redime me*, te enim testem inuoco hodiè, & iudicem, quia nec hunc præsentem Henricum, nec alterū quemquam virum carnali commixtione vnquam cognoui. Hoc dicens, stupentibus ac flentibus vniuersis, qui aderant, vomeres candentes nudo vestigio calcavit, & sine adustionis molestia transijt. Ita Deus omnipotēs vinculum castæ dilectionis seruauit, innocentiam comprobauit, integritati custodiam humilitatis adhibuit.

Ad te, Domine, faciem meam conuerto, ait Sara, *ad te oculos meos dirigo. Peto, Domine, vt de vinculo improprietatis huius absolvas me, aut certè desuper terrā eripias me. Tu scis, Domine, quia nunquā concupiui virū, & mundā seruauī animam meam ab omni concupiscentia. Nunquā cum ludentibus miscui me, neq; cum his, qui in leuitate ambulāt, participē me præbui.*

Inter hæc, beatissimi Principis Henrici gloria magis ac magis proficiebat & gratia Dei erat cum ipso. Non declinauit clypeus eius de bello, & hasta eius non auersa. Apuliam, à Græcis diu possessam, Romano Imperio recuperauit; & eidem Prouinciæ Ismahelem, Ducem, præfecit, qui postea in vrbe Bambergensi mortuus, & in capitolio maioris monasterij sepultus requiescit in Domino. Beneuentanum Monasterium condidit, & omni ornatus decore locupletauit. Cūq; ciuitates Apuliæ pertransisset, & quæ ad vtilitatem Regni, & honorem pertinebant, prudenter in eis disposuisset, cœpit infirmitate

mitate calculi laborare. Cuius morbi molestiam vir tantus tanta patientia sustinuit, ut passiones carnis, ad custodiam humilitatis, à Deo sibi collatas assereret, & flagellum correptionis certissimum signum dilectionis affirmaret: fomenta tamen curationum sibi fecit adhiberi, sed nulla medicorum arte potuit liberari. Ingrauescente autem dolore, ascendit in montem Cassinum petens Beati Benedicti, & Sanctæ Scholasticæ, sororis eius, auxilium; & cum oraret, cœpit cogitare, quod de translatione S. Benedicti, eiusque Sororis audierat, quia videlicet Reliquiæ eorum dicebantur furtim ablata, & in alium locum translata, ideoque cœpit de corporali eorum præsentia dubitare. Completa verò oratione, ad hospitium se contulit, & lassatus, ac debilitatus ex itinere in lectulo se collocavit. Cumque obdormiuisset, audit sibi Sanctum Benedictum assistere, & ferrum sectorium ad medicinales sectiones aptatum manu tenere, qui dixit ei, *Quia sperasti in Deo, & in Sanctis eius, ecce missus sum à Deo, ut per medicinam meam ab infirmitate tua libereris. Ecce ego cuius ossa furtim ablata esse putaveras, præsentiam meam tibi exhibeo, & in argumentum veritatis, passiones tuas curabo.* Hæc dicens, partem illam corporis, quæ calculum tenebat, ferro medicinali aperuit, & evulso molliter calculo hiatum vulneris sanatione subita redintegrauit, & calculum, quem tulerat, in manu Regis dormientis reposuit. Quo facto, Christianissimus Imperator euigilans, pertractavit secum, quæ circa se gesta fuerant per Confessorē Christi, vidensque

Acalculo curatur.

vidensque calculum, quem manu tenebat, vocavit satellites suos, qui mox regio semper ei adstebant, & dixit ad eos: *Pontifices, & Principes Regni nostri ad nos vocate, ut cognoscant, & videant mirabilia Dei, quae ineffabilis, & inenarrabilis misericordia cum potentia eius fecerunt in me*; At illi mandata Regis cursu celeri proferentes ad Principes, adduxerunt eos; & cum venissent ad eum, dixit eis, *Fratres & commilitones mei, magnificate Dominum meum, & exaltemus nomen eius in idipsum, quia ipse est magnus Dominus, & laudabilis nimis, & magnitudo eius non est finis, ipse percutit & medetur, flagellat peccatores, & poenitentibus miseretur, hunc humiliat, hunc exaltat, quia calix in manu Domini vini meri plenus mixto. En ego, qui heri morti proximus fui, per misericordiam Dei, hodie sanus vobis appareo, & aculeum mortis, quem heri gestavi inclusum corpori meo, hodie oculis vestris visibiliter ostendo*. His dictis ostendit eis calculum, quem manu tenebat, & ostendens eis vulneris cicatricem, omnia quae per Sanctum Benedictum circa se gesta fuerant, cunctis audientibus ex ordine referebat. At illi videntes & audientes & mirabilia Dei plus, quam possit credi, admirati sunt, & benedicentes Deum diuque in laudem eius acclamantes, de incolumitate Regis gaulsi sunt. Rursumque Rex ad eos ait; *Quas gratiarum actiones, aut quae munera tantis beneficijs condigna merito nostro, Sancto Benedicto possumus rependere?*

At illi omnes iudicauerunt, eum regia munificentia esse dignum. Rex verò, consilio Principum suorum, ingentia munera in prædijs, in auro, in argento, in ornamentis plurimis, Ecclesiæ Sancti Benedicti contulit; & valesfaciis fratribus, eiusdem ecclesiæ ministris, à Cassino monte hilaris, & sanus recessit. Ab eo autem tempore, & deinceps, quadam speciali dilectione, & veneratione S. Benedicto, & omnibus Monasticæ religionis cultoribus studuit deferuire, & in amplificandis, & rebus protegendis Ecclesiasticis, benignus, & deuotus Pater existere.

Psal. 90. Quoniam in me sperauit, liberabo eum: protegam eum, quoniam cognouit nomen meum. Clamabit ad me, & ego exaudiam eum: cum ipso sum in tribulatione, eripiam eum, & glorificabo eum.

Henri-
cus Ro-
man
scendit.

Inde iter faciens Romam peruenit, vbi à Benedicto VIII. Papa benignè, & honorificè susceptus, quantas miserationes, & beneficia per Sanctum Benedictum ei Dominus contulerit, indicauit. Apostolicus verò gratias egit Deo pro omnibus beneficijs eius, & pro salute Regis, & totius populi Catholici obtulit sacrificium laudis. Eodem tempore Rex sanctissimus Bambergensem fundum, cum omnibus pertinentijs suis, Beato Petro, Apostolorum Principi, contradidit, & Apostolico Præsuli in perpetuum defendendum commenda-uit, & in memoriam huius pactionis, singulis annis album ambulatorem, cum saleris, Romano Præsuli dari constituit. Hoc quoque humilitate, & deuotione
apud

apud Dominum Apostolicum obtinuit, ut Alemaniam intraret, & Bambergensis Ecclesiæ nouam plantationem visiteret; quod & ita factum est. Nam in proximo Apostolicus aduenit Alemaniam, & omnibus ciuitatibus Regionis illius peragratis, tempore, quo condixerat, urbem Bambergensem adire disposuit. Venit ergo feria quinta maioris hebdomadæ, hoc est, in cœna Domini, hora sexta, sacris Pontificalibus indumentis indutus, sicut iam ad peragenda diuina mysteria, & sollempne diei illius officium processurus erat, & suscipitur gloriosissimè ab Imperatore, & vniuersis, qui aderant, Principibus, omniq[ue] Clero, & populo inæstimabili exultationis tripudio. Ut autem in aduentu tam insoliti, tamque exoptati hospitit *Deo nostro iucunda, decorat[us]*, exhiberetur *laudatio*, Imperator prudentissimus in occursum eius quatuor choros psallentium decenter ordinauit; primum in vltiori ripa fluminis; secundum in ceteriori, tertium ante portam ciuitatis; quartum in atrio Ecclesiæ, vbi primus omnium ipse Rex, data manu Papæ, in domum Domini introduxit, atque diuinis hinc inde hymnis canora suauitate, resonantibus in Episcopali cathedra collocauit. Quid plura? debitum huius sacratissimæ diei cum duodenis Episcopis cooperantibus Apostolicus Pontifex, & aliorum sequentium dierum summa cum deuotione celebrauit. In sancta autem Dominica Paschæ, cum in matutinali officio Aquileiensis Patriarcha Lectionem primam, Archiepiscopus autem Rauennas secundam, ipse

In Ale-
maniam
venit Pa-
pa Rene-
d. Actus
VII 1.

Excipi-
tur cum
gudio.
psal. 140

Dei, qui circa vtilitates ecclesiasticas, & salutem animarum suarum, tanto studio flagrabat, in nullo prouectum sui Regni neglexit; quinimò sine effusione sanguinis, pietate & sapientia terminos Regni sui dilatauit, & Imperialem dignitatem gloria & honore ampliavit, & exornauit. Boemiam vicit, Burgundiam subiugauit, Pannoniam quoque fidei Catholicæ, & Romano Imperio coadunauit.

Dilataberis ad Occidentem, & Orientem & Septentrionem, & Meridiem. Gen. 13.

Victor ergo aliarum nationum, Apostolus fuit Hungarorum. Cum enim omnes adhuc infideles essent, ad fidei Catholicæ attraxit confessionem. Quod ut facilius fieret, sororem suam Gisilam, Stephano Regi, in matrimonium collocauit, secundum Apostolum dicentem, *Sanctificatur vir infidelis per mulierem fidem,* 1. Cor. 7 *& sanctificatur mulier infidelis per virum fidem.* Stephano itaque Rege baptizato, vniuersa Pannonia recepit verbum vitæ: & mira rerum nouitate, per Reges Apostolos Baptismi gratiam percepit. Quam præclara tanti Apostolatus societas, quam veneranda vtriusque sanctitas, per quos tot sunt saluati & sanctificati? Præfatus autem Rex Hungarorum religiosus, Deoque deuotus, postea in executione bonorum operum permansit; quod diuina pietas post mortem eius euidentibus indicijs, ad sepulturam eius factis, signorum miraculis demonstrauit. Burgundionum quoque non humana, sed diuina fuit victoria. Nam cum armis, & omnibus belli

Henricus Apostolus Hungarorum.

1. Cor. 7

Stephanus Rex baptizatus.

Burgundionum victoria.

cant. 3. copijs essent instructi viri, *ad bella doctissimi*, armis depositis, non hominis metu, sed nutu Dei, *rogantes ea, quæ pacis sunt*, dexteræ dederunt.

psal. 12. Et erit tamquam lignum, quod plantatum est secus decursus aquarum, quod fructum suum dabit in tempore suo: Et folium eius non defluet, & omnia, quæcumque faciet, prosperabuntur.

psal. 12. Sicut enim, ad declaranda Beati Martini merita, Dominus pacificum fecit exercitum; ita & nunc serui sui Henrici meritis, consimilem virtutem dignatus est ostendere. *Eccli. 45.* Similem ergo fecit eum Dominus gloriæ Sanctorum: & sicut Moyses, precibus magis quam armis, *4. Cor. 6.* triumphavit; ita gloriosus Princeps *per arma iustitiæ*, bella omnia consummavit, & sine funere, & absque cruore semper triumphavit. Denique consummatis huius vitæ laboribus, postquam bonæ opinionis odorem longè lateque olere fecerat, locumque sibi dilectum, & cætera monasteria ditando, & ornando, & excolendo, ad perfectum adduxerat, ad percipiendam immarcessibilem coronam à Domino vocatus est ab ergastulo carnis, qui cernens diem mortis sibi imminere, vocatis ad se Parentibus, & cognatis beatissimæ Imperatricis, Chunichundæ, nec non etiam quibusdam Regni Primoribus, manu eam apprehendit, & commendavit eam illis, huiusmodi verbis memoria dignissimis: *Hanc ecce*, inquit, *mibi à vobis immò à Christo consignatam*, ipsi Christo Domino nostro, & vobis resigno *virginem vestram*. *Discite ergo divites huius sæculi facere vobis*

*Vobis amicos de mammona iniquitatis, ut cum defeceritis, Luc. 16.
recipiant vos in aeterna tabernacula.*

Huius ergo gloriosissimi Principis præconia linguâ Mortuus,
carnis tacere non conuenit, in cuius transitu, confuta-
tis dæmonijs, triumphantibus Angelis, cælum exul-
tauit. Defuncto itaque beatissimo Dei famulo, Henri-
co, anno Regni sui vigesimoquarto, Imperij vndeci-
mo, vitæ verò suæ quinquagesimo secundo, corpus
eius Bambergæ in Ecclesia Beatorum Apostolorum
Petri & Pauli honorificè sepelitur; ac postmodum
multis miraculorum virtutibus à Domino glorificatur.
Post huius Sanctissimi Principis excessum, Conradus, Episcopus
tus B. m.
bergen-
sis..
vnus, ex Regni Primoribus Regali solio sublimatus,
consilio Brunonis, Augustensis Episcopi, fratris Sancti
Henrici Imperatoris, qui semper, vt superius dictum,
eius felicibus actibus inuidebat; Episcopatum Bamber-
gensis destruere meditabatur, quia idem Bruno, Epi-
scopus, promisit Sorori, suæ Gililæ, Reginæ Hunga-
rorum, omnia prædia hæreditario iure ad se pertinentia,
filio eius, Henrico, contradere. Locus ergo, & tempus
conuentui statuitur, vbi hoc ad certum perducatur.
Nocte verò, quæ diem huius negotij præciserat, Eber-
hardus, prius Bambergensis Episcopus, ad tentorium
prædicti Brunonis clam accessit; lectoquæ eius assidens,
multa super hac re monendo, obsecrando, memoriam
fratris inculcando, cum eodem sollicitus egit. Tran- Miraculi
lo ferua-
tus,
facta verò multa hora noctis Eberhardus, Episcopus,
recessit; & cum Bruno, Episcopus, obdormiisset,

visus

visus est ei frater suus, Imperator, lecto suo adstare, faciemque suam, barba ex vna parte depilata, deturpatam obicere. Cui super hac re suspensio & admiranti, quis tam temerarios usus in eum præsumeret, interroganti respondit, dicens, *Tu hæc fecisti, qui me, & Sanctos Dei, quos ego rebus à Deo concessis ditavi, despoliare disposuisti. Caue ergo ulterius super hac temeritate, ne incepta luas cum magna infelicitate.* Ad hæc ille expegefactus, de visione nimium est perterritus, omniumque membrorum horrore, ac tremore grauitèr affectus. Mane autè facto, cum diu expectatus ad conuentum Procerum non veniret, Gisla Regina, pro filio sollicita, missis nuncijs, rogauit illum obnixè, vt adueniens omnia perficeret. Ille verò affirmauit, se tanta infirmitate grauari, vt nec de lecto surgere, nec pedem posset quoquam mouere. Cumque rogaretur, vt se in lecto ad Conuentum portari pateretur, quo vel sic promissio perficeretur, omninò abdicauit, seque in Deum & in Sanctos eius peccasse, libera tandem voce proclamauit. Sic itaque diuina pietas, per merita famuli sui, ne spe, quam in se posuit, fraudaretur, omnia prauæ illius conspirationis machinamenta repressit, idque quod ab eo bene cceptum est, confirmando semper exindè ad meliora prouexit.

1. Tim. 4. *Bonum certamen certavi; cursum consummaui, fidem seruari. In reliquo reposita est mihi corona iustitiæ, quam reidet mihi Dominus in illa die iustus iudex.*

Miracula Sed iam nunc ad miracula, quæ post felicem transitum

fitum eius, ad declaranda eius meritorum insignia, ad ^{post mortem.} sepulchrum illius operatus est Dominus, veniamus.

Mulier quædam contracta in ipsa manebat ciuitate, ^{Contracta sanata} adeò incuruata, vt ad gradiendum nullatenus erigi posset: sed potiùs manibus reptaret, quàm pedibus ambularet. Huic orationibus frequenter incumbenti, diuinitus inspiratum est, vt ad memoriam Beatissimi viri accederet, atque omnipotentis Dei misericordiam obnixius imploraret: quod dum faceret, in anniuersario die ipsius, subito cernentibus cunctis adstantibus facta est, quasi in extasi, ac postea nerui, qui diriguerant, sensim dissolui, & omnia corporis membra crepitanter ceperrunt extendi, mulierque erecta, vltum ambulandi, & reliqua membrorum officia cum sanitate recepit.

Et ecce mulier, quæ habebat spiritum infirmitatis annis ^{Luc. 13} decem, & octo: & erat inclinata, nec omnino poterat sursum respicere. Quam cum videret Iesus, vocauit eam ad se, & ait illi. Mulier dimissa es ab infirmitate tua. Et imposuit illi manus, & confestim erecta est, & glorificabat Deum.

Quidam ædituus, in ordine laico ad custodiam ^{Ædituus correctus.} Ecclesiæ deputatus, furtis cœpit asluescere, & quæcunque poterat, in ipsa Ecclesia clanculò decrustabat; sed cum iam inolita vitiorum consuetudine ipsam consuetudinem peccandi iam quasi legem sibi fecisset, misericorditer à Domino corripitur. Quadam enim nocte, dum in eadem Ecclesia somnum caperet, seruus Dei aspectu terribilis ei apparuit, & asperè in eum inuectus, dixit, *Species decepit te, & concupiscentia subuertit cor* ^{Dan. 13.}

M

tuum

uum; quare hoc, & hoc fecisti? Scito, quia rem iniquam operatus es. His dictis, de strato eum protraxit & multis verberibus caelum, cruentatum, dereliquit. Hæc quidem somnians pertulit, sed expergefactus signa plagarum euidencia demonstrauit, & verba verberum argumentis comprobauit. Taliter ab immani præcipitio retractus, in monasterio suo vsque ad prouectiorem ætatem in eadem Ecclesia permansit; & in eius correctione multi alij correcti sunt, glorificantes Deum, qui per servum suum iam coronatum in cœlis, talia adhuc operatur in terris.

Distorta
facies
sanata.

Quadam vice contigit, incerto casu cuidam, vt dissociatis naturalibus instrumentis ab inuicem, mandibula loco suo dimota, & oris officium impediret, & naturalem humani decoris compositionem deformeret. Talibus circumventus incommodis, clamauit ad Dominum, & diuinæ pietatis obnixius implorauit auxilium; vt ergo *Manifestarentur opera Dei in illo*, multis interuenientibus ad tumbam Beati Henrici accessit, & capite superimposito, tam diu precibus institit, quoadulque meritis ipsius sanitatem accepit.

Ioan. 9.

Paraly-
ticus sa-
natus.

Idem alio tempore contigisse in veritate audiuius, vt quidam paralyti adeò vexaretur, vt exinde vsum brachij iam perdidisset; nutu autem diuino admonitus est, vt ad sepulturam Sancti corporis accederet, & prostratus in oratione, Dei omnipotentis misericordiam, & beatissimi viri ibidem requiescentis merita inuocaret. Toto itaque corpore prostratus, orationibus incubuit, corde

corde magis , quam ore , decantans cum Propheta ,
Adhæsit pavimento anima mea , Viuifica me secundum plal. 118
verbum tuum. Quid ergo ? Christus filius Dei , qui su-
 per terram gradiens , *Manum aridam* habentem sana- Luc. 6.
 uit , ibidem nunc , *Sedens , ad dexteram Patris* , eodem Mar. vi.
 inuocato miraculo , per merita dilecti sui supplicem
 istum liberauit , Sanus equidem ab oratione surrexit ,
 & Deum propitiatorem in commemoratione Sancti
 sui glorificauit . Clamor ad cælum tollitur , & cum de-
 bita gratiarum actione hymnus gloriæ omnipotentis
 Dei ab vniuersis adsistentibus decantatur .

Hoc quoque successoribus nostris indicare curavi- Cæcus
illumi-
natus,
 mus , quod in diebus Rogationum ad sepulchrum præ-
 dicti Confessoris contigisse veraciter cognoscimus .
 Quidam enim Sacerdos cum populo , suæ procurationi
 commissò , in diebus Rogationum , Crucem cum hym-
 nis , & canticis ad monasterium Sancti Petri , & Sancti
 Georgij deferbat , cum qua quidam cæcus alterius
 manu ductus veniebat . Is , cum ad sepulchrum Confe-
 ssoris Christi venisset , ex toto corde suo rogauit San-
 ctum Henricum , vt per eius interuentum restitueretur
 ei lumen oculorum ; cumque diu precibus & lacrymis
 pulsaret ad ostium Confessoris , cunctis videntibus , &
 in laudem Dei acclamantibus , redditus est illi visus per
 gratiam omnipotentis : & mirum in modum , qui alte-
 rius manu ductus , Crucem Domini secutus fuerat cæcus ,
 modò proprijs manibus Crucē ferens , cum laudibus ipsi
 populo domum redeunti , ductum præbuit illuminatus .

Marthæ *Euntes renunciate Ioanni , que audistis , & vidistis.
Cæci vident , claudi ambulant , leprosi mundantur , surdi
audiunt , mortui resurgunt , pauperes euangelizantur : &
beatus est , qui non fuerit scandalizatus in me.*

Langui-
dus cu-
ratus.

Aliud quoque diuinæ virtutis miraculum celebri commemoratione , & certa fide cognitum est ; Erat quidam languidus , ipsa in ciuitate omnibus cognitus , cuius inferiora omnia à lumbis & infra omnino præmortua fuerunt , adeò vt nec pedibus solo niti valeret , sed instrumento cuidam rotulis quatuor coaptato pendulus inhærebat , sui que corporis molem manibus proprijs pro possibilitate artificis volutabat. Idem loculum Sanctissimi corporis frequentius visitare solebat ; & per Dei misericordiam , ad declaranda serui sui merita , tantam gratiam consecutus est , vt membra præmortua viuificarentur , ac deinde baculis utrique humero suppositis , pedibus terram tangeret , & erectus incederet.

Contra-
ctus,

Modernis etiam temporibus , contractus quidam , qui adhuc in carne superest , in eodem loco sanatus est , & naturalem vsum recepit ambulandi.

Miracula
alia.

Præter hæc , multa alia sanctitatis argumenta , & experimenta frequenter loco in eodem visa sunt , debiles curati , cæci illuminati , dæmones ex obsessis corporibus visibiliter fugati , multi ex diuersis infirmitatibus ibidem frequentissimè liberati sunt , domino testificante , quanta Sanctorum gloria in cœlis sit , quos tantis miraculorum virtutibus in terris coruscare concedit ; ne

apud

apud homines loco humili teneantur, qui apud Deum meritis excelsi esse comprobantur. Cum etenim miraculorum attestationibus, sanctitatem Confessoris sui Dominus declararet, Bambergensis Ecclesiæ Prælati, crebescuntibus signis, cum mandatis, & litteris Conrardi, Regis, ac Principum, Romam abierunt, & quàm magna mirabilia Deus per Confessorem suum operaretur, Domino Papæ Eugenio, & Romanæ Curix nunciauerunt: at illi gaudentes pro tantæ famæ dulcedine, Deum glorificantes de Canonizatione Sancti Regis Henrici cœperunt sollicitè, & diligenter ad inuicem conferre, quatenus in catalogo scriberetur Sanctorum, qui virtutibus, & signis probaretur esse assumptus in Regnum cœlorum. Cui Canonizationi quidam De Canonizatione Henrici agitur, Cardinalis, Ioannes nomine, cœpit vehementer obfistere, & proiecto Dei timore in quibuscunque potuit, non verecundatus est prædicto Confessori Christi detrachere: sed diuina ultio detrahentem, cœlesti repente verberare coercuit, & dum famam Beati Viri laceraret, potestas Dei lumine oculorum eum priuauit: at ille adeò humiliatus, & percussus cæcitatæ molestia, reatus sui conscientia cœpit torqueri; & quoniam hanc plagam ex Confessore Christi peccando meruisset, publica voce confiteri. Et mirum in modum, quem prius dentibus detractionis lacerabat, hunc modò laudibus, & præconijs vsque ad sidera tollebat. Conuersus itaque ad pœnitentiam, celerem consequutus est indulgentiam, & per intercessionem Confessoris Christi, denuò est

Cardinalis puni-
tus.

illuminatus, ob cuius ultionem, iusto Dei iudicio fuerat excæcatus.

Presbyter
et quorū
que.

Simili modo, cū in loco Bambergensi, vbi prædictus Confessor tumultatus fuerat, de Canonizatione eius celebris fama haberetur, presbyter quidam, nomine Luipoldus, maioris Ecclesiæ Canonicus, de signis, quæ per eum fiebant, cœpit dubitare, & de permutatione exequiarum, quæ in anniuersario eius celebriter fiebant, intra semetipsum dolere; qui mox adeo oculorum caligine est plagatus, vt postea per Confessorem Christi sanatus, quantum sanctitas eius apud Deum posset, in curatione ipsius experiretur. Et mirandum est valde, quod de sanctitate tanti viri aliquis potuerit dubitare, cū conuersationis sanctitatem, castitatis integritatem, eleemosynarum largitionem, humilitatis custodiam, & omnia opera iustitiæ, vsque in finem vitæ suæ, cum deuotione summa seruauerit. Sed sicut

Luc 4. scriptum est, *Nemo Propheta acceptus est in patria sua.* Presbyter ergo prædictus, grauatus defectu luminis, confugit ad patrocinia Sanctorum, deprecans, vt persuffragia eorum sanitas sibi restitueretur oculorum. Et cū ex dolore, & labore, & assidua veniarum incuruatione fatigatus fuisset, lassatum corpus somno reparauit. Cui dormienti S. Wolfgangus, eo quod eum familiarem in orationibus suis habuerit, apparuit, & ait ei, *Ora Confessorem Christi, Henricum, & liberabit te, quia quod eius sanctitati derogasti, idcirco hæc plaga cecitatis venit super te.* Post hanc visionem, expegefactus ex
consci-

conscientia delicti sui intremuit, & ad tumbam Confessoris Christi concito gradu, & deuota mente properauit, & procumbens terræ, à Confessore Christi lacrymis & precibus, suis excessibus veniam postulauit; qui statim exauditus, & pristinae sanitati restitutus, gratiarum actiones Deo, & S. Henrico retulit, & iragnalia Dei, quæ circa ipsum Deus fecerat, religiosis viris, qui nobis retulerunt, ipse narrauit.

Laudate Dominum in sanctis eius: laudate eum in firmamento virtutis eius. Laudate eum in virtutibus eius: laudate eum secundum multitudinem magnitudinis eius. psal. 130

Vitam eius scripsit Adelbodus, Episcopus Ultraiectensis, teste Sigeberto, lib. de Viris illustr. cap. 139. Hæc autem desumpta est ex Henrico Canisio, in 6. Tomo antiquæ lectionis.

Additio ex *Annalibus* Card. Baronij Tomo XI.

Anno Domini 1014. ex Vita Sancti Popponis,

Abbatis, scripta ab Euerhelmo,

Abbate.

CONTIGIT etiam ludis histrionum Imperiales tunc fores occupari, atque eo spectaculi genere Regem (Henricum) cum suis oblectari. Vrsis enim quidam nudus, melle perunctus, exhibetur; illo plurimum pro periculo suo timente, ne fortè ab eisdem vrsis ad ossa sua, melle consumpto, perueniretur. Vnde super tam iniqua in Christianum illusione Regem Beatus

Poppo

Christi-
nus ab
vrsis li-
beratus

Poppo redarguit, eumque ab hoc spectaculo, suis cum optimatibus mox compescuit; tum etiam à periculo vrsorum virum liberauit: & ne id ultra fieret, arguendo, & obsecrando obtinuit. Henricus enim Imperator tam obsecrationi, quàm correptioni eius similiter paruit. At ne id fatis, sed magna sollicitudine idem Imperator curauit, vt idem Poppo, Abbas Stabulensis crearetur. Sic Imperator bene vti sciuit reprehensione, vt reprehensorem suum nouo beneficio sibi deuinciret.

Provl. 13

Qui diligit disciplinam, diligit scientiam: qui autem odit increpationes, inspiens est.

*Anno Domini 1020. ex Vita Sancti Heriberti,
Epis. Colonienfis.*

Timor
Dei Hé-
rica Imp.

HENRICI Imperatoris animam timor Domini possidebat, neque scienter disponere, aut iudicare in Regno cupiebat, per quod cœlestis offenderetur maiestas. Denique cùm aliquid de Regno disponere, aut iudicare intenderet, dispositiones omnes, siue iudicia sua precibus, & eleemosynis præueniebat, quatenus mens eius, & actus cœlesti regimine gubernaretur, ne quando exorbitaret agendo vel iudicando, quod diuinis legibus contraireret.

Provl. 3.

Habe fiduciam in Domino ex toto corde tuo, & ne intaris prudentie tue. In omnibus vijs tuis cogita illum, & ipse diriget gressus tuos.

Recon-

Inuidi quidam (ibidem) animum Imperatoris aduersus Archie-

Archiepiscopum Colonienſem vehementer concita-
 uerat, ſed poſtea diuinitus admoniti, quam magnus
 Dei ſervus eſſet Heribertus, ſic ad eum locutus eſt:
Ex quo ad Regni faſtigium, Deo donante, conſcendi, detra-
hentium linguis nimirum, fateor, credulus, te Venerande
Pater, exoſum habui, & hanc odij trabem in oculo gerens, &
ideo nihil videns, iniquum de te iudicium habui, tuamque iu-
ſtitiam, immò Dei gratiam in te fulgentem, videre non merui.
 Et infra. *Indulge ergo, precor te, quòd in te malignatus ſum,*
quia peccatum meum agnoſco, nec amplius addam aduerſari
ſanctitati tue. Hiſ dictis, ſemel, iterum, ac tertio ſan-
 ctum Pontificem deoſculatus eſt. Et paulò infra. Solli-
 citus Imperator, neque præteritâ reconciliatione con-
 tentus, nocte ſequentē, finitis matutinatorum ſolemnijſ,
 aſſumpto vno ex Clericis, cubiculum Sancti Pontificis
 adiit, ſed non ibi quieſcentem, verùm in proximo S.
 Ioannis oratorio vigilantem, vt ſolebat, & orationibus
 inſiſtentem, reperit; protinus abiecta chlamyde, ſolo
 ſtratus, ante pedes eius in ſpiritu humilitatis, & in animo
 contrito ſe ſuſcipi poſtulat; & ea poteſtate, quam Sa-
 cerdotibus ſuis Dominus contulit, veniam ſibi dari cun-
 ctorum, quæ in ipſum admiferat. Nec moratus Omni-
 potentis Dei ſamulus, Imperatorem proſtratum à terra
 ſubleuat, & Chriſto mediante, qui dixerat: *Quæcumque*
alligaueritis ſuper terram, erunt ligata & in cælo: & quæ-
cumque ſolueritis ſuper terram, erunt ſoluta & in cælo;
 abſolutio culpæ, ſecundùm fidem Regis, in cælo, &
 in terra peracta eſt. Hæc ibi. Quid egillet hic piſſimus
 N
 Impe-

ciliatur
 Epilco-
 po Colo-
 nienſi.

Luc. 6.

Matth.
 18.

Imperator, si Archiepiscopum re ipsa, & factis læsisset, quando ob solam cogitationem illi nocendi, & hanc à perditis hominibus animo illius, alioqui simplici & recto, inspiratam, tanta pœnitentiæ signa edidit?

1. Pet. 5. *Omnes autem inuicem humilitatem insinuate, quia Deus superbis resistit, humilibus autem dat gratiam.*

Anno Domini 1022. Ex Bonif. de rebus Hungaricis Decade 2. lib. 5.

pietas
Henrici
Imp.

HENRICVS in omnibus rebus specimen reddidit Christianissimi Imperatoris, quippe qui Sacratissima Eucharistia communire soleret exercitum, expiatione antea facta delictorum, cùm prælium cum hostibus initurus esset, adhiberetque Patronos Sanctos Martyres, Laurentium, Georgium, & Hadrianum, quos præuio Angelo præcedere consueuisse aliquando vidisset exercitum.

1. Tim. 4. *Exerce autem te ipsum ad pietatem. Nam corporalis exercitatio ad modicum utilis est: pietas autem ad omnia utilis est, promissionem habens vite, que nunc est, & futura.*

Obijt. Obijt Sanctus Imperator Henricus Anno Domini 1024. Cùm vixisset annos 52. Regnasset annos 24. & Imperasset annos decem.

3ap. 3. *Bonorum enim laborum gloriosus est fructus, & que non concidat, radix sapientiæ.*

VITA.

V I T A

S A N C T I

STEPHANI,

Primi Regis Hungarorum, Qui
eos ad Christi Religionem
traduxit.

M N E datum optimum, & omne donum Iac. 1.
perfectum desursum est, descendens à patre
luminum. Huius quidem patris datum opti-
mum, & donum perfectum, ad omnes lar-
giter dimanans (*Neminem enim spernit, sed vult omnes* 1. Tim. 2.
homines saluos fieri, & ad agnitionem Veritatis peruenire)
ad Hungaros vsque, quos olim Christianorum flagel-
lum fuisse constat, sese diffudit. Quod quemadmodum, Honori
Christi
anorum
flagellū!
& quando factum sit, styli officio ad posteriorum no-
titiā transmittere visum est. Ea quidem tempestate,
qua Hungarorum gens Dei Ecclesiam populabatur,
fuit in ea Princeps quidam, quartus ab eo, qui Hunga-
ris in Pannoniam ingressuris Ducem se præbuit. Is Geisa Geisa
Princeps
dicebatur, seuerus sanè, & crudelis homo in suos, po-
tenter eis imperans: erga alios verò, præsertim Christia-

nos, humanus, misericors & liberalis. Et si autem paganismi adhuc erroribus esset implicatus, attamen cœlestis gratiæ luce spiritali appropinquante, cum omnibus vicinis circumquaque Prouincijs de pace cœpit accuratè tractare vt iam in illo liceret animaduerti, cuius optaret esset filius, dicente in Euangelio Domino

Matth. 5 Saluatore : *Beati pacifici, quoniam filij Dei vocabuntur.* Edicto quoque proposito, iussit Christianis omnibus, in ipsius ditionem, siue Ducatum ingredi volentibus, hospitalitatis, & publicæ fidei studium, & curam impendi. Porro Clericis, & Monachis fecit potestatem in ipsius quoque conspectum veniendi, eosque propenso animo audiuit : atque ita factum est, vt orthodoxæ fidei semen, in pectoris eius horto satum, in fruges erumpere gestiret.

Christi-
nus effi-
atur.

Quid multa ? Adest tempus cœlitus dispositum : credit ipse cum familiaribus suis ; vndis salutaribus expiatus, omnes ditionis suæ homines pollicetur ad Christianissimum perducturum. Cùm autem multùm esset sollicitus de edomandis rebellibus, ritibus sacrilegis abolendis, ad Sanctæ Ecclesiæ profectum, pro sua æstimatione, statuendis Episcopatibus, mira quadam visione, nocte cum Dominus consolatus est. Misit enim ad eum Iuvenem speciosissimum, qui diceret ei :

Visto eius. *Pax tibi, Christi dilecte : facebat cura isthæc & sollicitudo, non fiet per te id, quod meditaris, habes enim manus humano sanguine pollutas. Nascetur autem tibi filius, qui diuinæ providentiæ consilio id efficiet, quod tu animo concepisti,*
Erit

Erit is Rex, & ex eorum Regum numero, quos Dominus elegit, coronam Regni temporarij æterna commutaturus. Tu verò hominem, spiritali legatione apud te functurum, honorificè excipito: exceptum reuerenter habeto, eius adhortationibus sincerum pij pectoris assensum adhibeto.

Experrectus Princeps, stupens ad visionem, prius secum, deinde cum Christianis, & suis hominibus pertractans, humi totus prostratus, expansis brachijs humiliter gratias egit Deo, seque, Principatumque suum, cum filio nascituro, curæ illius, qui *non dormit, neque dormitat*, lacrymabundus commendat. Psal 110

Nathan ad David: Numquid tu edificabis mihi domum ad habitandum? Cum completi fuerint dies tui, & dormieris cum patribus tuis, suscitabo semen tuum post te, quod egredietur de utero tuo, & firmabo regnum eius: ipse edificabit domum nomini meo. 1. Reg. 7

Admirante autem eo, de viro, diuinitus ei prædicto, nunciatur illi, Beatum Adalbertum, Boemensis Ecclesiæ Antistitem, ad ipsum venire, ad Christianam Religionem, fidemque non fictam cum traducere, & ob fidei profectum, Domino laudis hostiam immolare cupientem. Is nuncius nouis Christi tironibus ineffabilem attulit lætitiā. Dux procedit obuiam seruo Christi, cum fidelibus quibusque honorificè eum excipit, & ut in visione erat admonitus, modis omnibus se obedientiæ filium fore demonstrat. Deinde, iubente ipso, fit vbique congregatio indomitæ gentis; per sanctum Episcopum fiunt conciones, eius adhortationibus mox

B. Adalbertus
aduenit.

illi convertuntur, & baptizantur, multis quoque locis
 1. *Joan.* Ecclesiæ conduntur; *Lux* enim illa, *quæ illuminat*
omnem hominem, profligatis tenebris, cœpit in Hungaria
 enitere, & completum est in ea quod Propheta ait:
 9. *Isa.* *Populus, qui ambulabat in tenebris, vidit lucem magnam.*
Lux lucis inuisibilis, Christus est, quem tunc Gentiles
 videre meruerunt, quando è tenebris reuocati, illum
 esse, & verum Deum, & hominem verum perfectè
 credere.

Visio
 vtoris
 Geizx.

Non est autem silentio prætereundum, vt omnis
 ambiguitas tolleretur è medio, & ne parum fidei ha-
 bere videretur visio Duci oblata; etiam vxorem eius
 iam partui propinquam, eiusmodi diuinitus consolati-
 one affectam: apparuit illi Beatus Leuita, & Proto-
 martyr, Stephanus, Leuitici habitus insignibus ornatus,
 ita eam compellans: *Confide, mulier, in Domino, &*
certa esto, te filium parituram, cui primò huius gentis &
Regnum, & Corona debetur. Tu verò illi nomen impones
meum. Cùm autem femina, non sine admiratione, sci-
 ficaretur ex eo, quisnam aut esset aut vocaretur? sic re-
 spondit: *Ego sum Stephanus, Protomartyr, qui primus*
pro Christi nomine Martyrium obiit: ijs dictis, disparuit.

Stepha-
 nus na-
 scitur.

Nascitur itaque, vt prædictum erat, filius Principi,
 notus Domino, secundum Prophetam priusquam in vtero
 conciperetur, & per Stephanum, Protomartyrem, à
 Domino appellatus, antequam natus. Eum verò bea-
 tus, & Deo dilectus Episcopus, Adalbertus baptizauit,
 & nomen Stephani ei impositum est, non sine nutu &
 consilio

consilio Dei, ut nos quidem persuasum habemus. Stephanus enim latinè coronam significat. Et illum Deus voluit, tunc Regni temporarij, tum futuræ beatitudinis redimere corona, ut vita, & gloria perfruatur æterna. Oppido quidem Strigoniensi natus est, & illic quoque puer præceptis Grammatices ad plenum imbutus est.

Erit gaudium tibi, & exultatio, & multi in natiuitate eius gaudebunt. Luc. 1.

Interea creuit accuratè educatus: cumque iam excessisset pueritiæ metas; Pater eius conuocauit Hungariæ Procere, & reliquos Ordines, communicatoque cum eis consilio, illum post se regnaturum constituit. Utque ea res firmior esset, singulos ad iuramentum adigit. Deinde iam grandæuus, anno à Christo nato, nongentesimo, nonagesimo septimo, vitæ huius ærumnas, cum cœlestibus gaudijs commutauit. Eodem autem anno beatus Adalbertus, cum in Prussiam, Gentis eius convertendæ causa profectus esset, Martyrij palmam adeptus est.

Post obitum Patris, Stephanus adhuc adolescens, Principum, & Plebis fauore, patri subrogatus, ardentiori animo in veritatis propagationem incubuit. Nam tametsi etiamnum esset Adolescens, non tamen illi cor in ore, sed in corde os erat; *Scripturarum diuinarum*, quarum amore impensè flagrabat; non immemor, *iudicium, & iustitiam* semper ob oculos versabat, & pulchrè quadrabat in eum, illud Salomonis: *Audiens sapiens*.

Designatur Hungariæ Rex.

Eidem Christi propagandæ re studet.

psal. 118. prou. 1. 7.

sapiens sapientior erit, & intelligens gubernacula possidebit.

Rebellât
populi.

Cùmque omnia Dei præcepta sedulò obseruare conaretur, apud se pertractabat, quemadmodum populum suum ad vnius Dei cultû adducere posset. Animaduertens autem, sine vicinarum gentium confœderatione, id nequaquam fieri posse, cum exteris Prouincijs pacem fecit, fidemque inchoatam egregiè confirmauit, vt posset eò securius id, quod animo constituerat, in nouella plantatione efficere. Sed hostis totius boni, & aduersarius diabolus, malignitate, & inuidentia plenus, vt eius sanctum propositum disturbarer, intestina ei bella excitauit. Eius enim instinctu, populus gentilis Christianæ fidei iugo colla supponere noluit, & cum Principibus Domini sui imperio subducere se moliebatur. Itaque depopulabantur eius vrbes, prædia vastabant, possessiones diripiebant, ministros cædebant, & vt cætera taceam, etiam ipsi insultabant. Cùmque ab huiusmodi improbitate reuocare se nollent, nec suo furori, & amentix modum statuerent; Dux ipse, diuinæ virtuti confidens, ad edomandam illorum rabiem, cum sui exercitus copijs, sub signis Deo dilecti Pontificis, Martini, & clarissimi Martyris, Georgij, mouit in hostes, qui tum fortè urbem obsidebant, quam vulgò *Vesprinum* vocant. Quod quidem illi in eius fecere contumeliam, vt quem ad locum ille familiaris consueuisset accedere, ibi ipsi considerent; essetque ex eo loco facilior ipsis aditus, ad alia præsidia occupanda. At ille diuina fretus ope, & clementia, illos aggressus est: &
illis

Quod
armis
vincit.

illis quidem, suis armis confidentibus, ipso verò fide armato, vtrinque congressi sunt. Victis tandem hostibus, Dux victor abcessit: & sapienter quidem de illorum villis, & agris, siue possessionibus statuens; non quemadmodum olim *Saul*, qui superatis *Amalechitis*, contrà quam Dominus iusserat, ex eorum spolijs *optima* quæque servauerat: sed quia Pannonia Beatissimum Martinum, apud se, natum gloriatur, cuius etiam meritis vir Christo fidelis, ut iam dictum est, ex hostibus victoriam reportauit: nihil de rebus eorum in suos usus conuertit: sed ex Dei amantium consilio, iuxta eiusdem Sancti Præsulis, fundum eo loco, qui *Sacer mons* dicitur, vbi sanctus Martinus, cùm in Pannonia degeret, precari solitus erat; sub eius nomine Monasterium construxit, possessiones, & redditus sufficientes ei attribuens. Idem verò de Episcopis constituit, ex illorum captiuorum facultatibus decimas persolui volens, idque adeò exactè, ut si quis decem haberet proles, decimam prolem sancti Martini cœnobio daret.

Spolia
in pios
usus con
uersa.

1. Reg.
15.

Benedictus Dominus Deus meus, qui docet manus meas ad prælum, & digitos meos ad bellum. Misericordia mea, & refugium meum: susceptor meus, & liberator meus: Protector meus, & in ipso speravi: qui subdit populum meum sub me.

Psal. 143

Ita ergo hostibus sub iugum missis, Christi miles, gaudio spiritali perfusus, omnem ingenij sui vim contulit ad consecrandam doctrinam Euangelicam. Itaque dabat operam eleemosynis, vacabat precibus, crebrò

Pietas
Stephani
regis;

adhærens Ecclesiæ pavimento, cum lacrymis orabat Dominum, ut animi sui propositum ipse ad effectum perduceret: ut qui sine illo nihil posset efficere, eius opitulante providentia, bona, quæ facere decreuisset, cum virtutum incremento etiam re ipsa exequi valeret.

Consilia Cum autem faciliè intelligeret, ad hæc inchoanda, & consummanda fidelium Christianorum consilium sibi esse necessarium, per nuncios, & litteras, in partes omnes suum declaravit votum, & desiderium. Multi ergo Presbyteri, & Clerici, sancti Spiritus gratia compuncti, relictis fidelibus suis Christi causa peregrini esse voluere. Abbates, & Monachi, nihil proprii habere cupientes, sub tam Religioso Principe statuerunt ad sui instituti præscriptum vivere: in quibus fuit Astricus, Abbas, cum discipulis suis: è quibus Bonifacius, loco Patris, Abbas postea creatus, & à beato Rege, in inferiores Hungariæ partes, causâ prædicationis missus, in vertice gladio percussus, etsi superuixit, non est Martyrij palma frustratus. Venerunt etiam duo è Polonia, eremiticæ vitæ contemplationis causa studiosi. Ex ijs alter, Andreas dictus, Confessionis merito choris Angelicis est adiunctus, haud obscure id declarantibus miraculorum signis, quæ per eum Dominus effecit. Alter, Benedictus nomine, pro Christo sanguine fuso, insigniter est laureatus. Porro Astricus, Abbas, cum suis, honorificè acceptus, ad radices Montisferrei cœnobium, in Sancti Benedicti honorem, construxit, ubi hodieque Monachorum est congregatio, regulari disci-

disciplina pollens, temporalium rerum copijs, ex Ducis liberalitate, abundans, nullius indigens, nisi vt ad *Euangelij* præscriptum, suos aliorumque *pedes* quotidianis precibus, & lacrymis *lauet*. Cum his Dei seruis Princeps Christianissimus, modò communiter cum omnibus, modò separatim cum singulis colloquia miscens, vsque adeò diuinis conspectibus gratum se præbuit, vt per eum omnes Comites ad veri Dei cultum adducti sint. Quos autem alios deos colere animaduertit, eos & minis, & terroribus subiungauit & conuenienter doctrinæ Ecclesiasticæ illos instituens, in eorum ceruices disciplinæ iugum, & legem imposuit, omnesque dæmonum spurcitas prorsus eliminauit.

Ioan. 13.

pro fide
Christi-
ana.

Postcà verò Prouinciam in decem Episcopatus distribuit, quorum Metropolim, & Magistram esse voluit Ecclesiam Strigoniensem. Non ignorans autem vir prudens Astrici, Abbatis, religionem, Episcopum Colocensem constituit, canonica electione creatum.

Episco-
patus de-
cem in
prouin-
cia

Deinde quarto à patris obitu anno diuinitus promotus, eundem Astricum, Præfulem, qui etiam Anastasius dictus est, ad Sanctorum Apostolorum limina misit, à Petri Apostolorum Principis Successore petiturum, vt recens conuersæ Pannoniæ largam benedictionem impertiret, Strigoniensem Ecclesiam sua auctoritate metropolim constitueret, reliquos Episcopatus sua benedictione muniret, & ipsum Ducem regio diademate cohonestaret: vt eo fultus honore, quæ diuinæ gratiæ adiutorio cœpisset, ea magis magisque promouere, &

Legatio
ad pon-
tificem
Rom.

constabilire posset. Per idem tempus etiam Miesca
 Miesca, Polonorum Dux Christianam complexus fidem, Le-
 Dux gatos suos Romam miserat, ut Pontificis Benedictionem,
 Christus & Regium ipsi titulum impetrarent. Assenserat
 nus. quidem Pontifex, & iam coronam egregio opere confici curarat, quam ei, sua Benedictione adiuncta, mitteret. Sed quia *novit Dominus, qui sint eius*; qui etiam duobus ab Apostolis propositis, *Matthiam* locio suo
 2 Tim. 2. prætulit, & cum *Apostolis annumerandum* curavit; Illa
 Aa. 1. corona Stephanum ornari voluit, postea felicius gloria
 Visio sempiterna coronandum. Nocte enim eius diei, quo
 Papa. statuerat Pontifex coronam Polonorum Principi dare
 perferendam, apparuit ei Angelus Domini aitque ad eum:
Noneris cras, hora diei prima, ignota gentis nuncios ad te venturos, suo Duci coronam regiam, & Apostolica benedictionis munus abs te expetituros. Eam ergo coronam, quam parari iussisti, illis incunctanter tribue, ad ipsorum Ducem eam asportaturis; nec dubites illi eam cum Regni gloria pro vite eius meritis deberi. Itaque crastina luce, ea hora, qua prædictum erat, Præsul Astricus ad Pontificem venit, demandatumque sibi officium prudenter exequens, sanctique Ducis res gestas ordine referens, à Sede Apostolica Regni coronam petijt, ostendens dignum esse ducem eo honore, & dignitate, quippe qui diuina fretus ope, multos sibi populos subiungasset, multosque infideles sua potentia ad Christum conuertisset.

Ijs auditis, mirè exhilaratus Pontifex, precibus illis libenter

libenter annuit, Crucemque ante Regem, ceu Apostolatus insigne, gestandam adiunxit: Ego inquitens, *sum Apostolicus*: at ille merito Christi Apostolus dici potest, cuius opera tantum populum sibi Christus acquisiuit. Atque ea causa, quemadmodum diuina gratia ipsum docebit, Ecclesias Dei, vna cum populis, nostra vice ei ordinandas relinquimus.

Omnibus impetratis, quæ postularat Antistes Astricus ^{Stephanus Rex Hungariz.} lætus, ad suos reuertitur, illud secum ferens, cuius causa iter illud emensus erat. Allatis verò Apostolicæ Benedictionis litteris cum Corona, & Cruce, Præsules cum Clero, Comites cum populo in laudes Dei prorumpunt, & Deo dilectus, Stephanus, Princeps, vngitur in Regem, & Diademate Regio feliciter coronatur. Ea autem dignitate auctus, quam ille vitam egerit, qua prudentia, & moderatione fuerit, illud satis declarat *Edictum*, quod ab illo cum Episcopis, & Hungariæ Primoribus promulgatum est: quo singulorum vitijs, singula adhibuit remedia, & vt pacis, qua Christus orbem coadunauit, se filium ostenderet, inter cætera cauit, ne quis alium hostiliter inuaderet, ne quis vicinum suum absque iudicis sententia læderet, ne quis viduas, & pupillos opprimeret. Id verò decretum, perpetui fœderis subscriptione, ad posteros suos transmisit.

Dilectio sine simulatione. Odientes malum, adherentes Rom. 61 bono: Charitate fraternitatis inuicem diligentes: honore inuicem præuenientes: Sollicitudine non pigri: Spiritu feruentes: Dominos seruientes.

Porro consortem Regni, præcipuè sobolis propa- ^{Vxorē}
gandæ

ducit Gis-
selam

gandæ causâ, sibi adsciuit Henrici Imperatoris filiam,
Giselam; qui Imperator, ob morum comitatem, &
mansuetudinem, *Pius* est appellatus. Ea autem Gisela,
Chrismate vincta, & regia corona insignita, qualem se
præbuerit erga Dei cultum ornandum, quàm frequens,
& benigna, ac liberalis erga Christo seruientium con-
gregationes fuerit, multarum Ecclesiarum Cruces, vasa
sacra, & utensilia miro opere effecta, vel contexta, in
hunc vsque diem testantur: præcipuè tamen Ecclesia
Vesprimensis, quam illa à fundamentis constructam,
rebus omnibus, quæ ad Dei ministerium sufficiant,
in auro, argento, multigenisq; vestibus præclarè or-
navit. Ipse verò Rex nuper inchoatos Episcopatus, id
est, tam metropolitam, quam ceteras cathedrales Ec-
clesias, amplissima singulis assignata Diocesi, & idoneo
præfecto Antistite, Abbatis quoque prædijs, cohori-
tibus, familijs, & redditibus, regia planè munificentia
instruxit; Crucibus, vasis sacris, aliaque suppellectile
ad Dei ministerium spectante, pro cuiusque necessitate
vel indigentia satis exornauit; annisq; singulis, quoad
vixit, munera, & oblationes semper auxit, ne aliquid
extrinsecus conquirere cogerentur, qui rebus diuinis
peragendis prærant. Monachorum quoque vitam, &
conuersationem, modò per seipsum, modò per alios
accuratè inuestigans, desides arguebat, & vigiles charos
habebat. Canonorum ministerium, Episcoporum
moderationi & circumspeditioni sub Christi, & Eccle-
siæ testificatione commendabat, cum Apostolo,

omnibus

omnibus omnia factus, ut omnes lucrificeret.

1. Cor. 9

Ea tempestate in Monasterio S. Martini erat Monachus quidam, Sebastianus nomine, cuius vita probabilis, & in Dei cultu religiosa deuotio habebatur. Eum venerabilis Rex miro cœpit amore complecti: (quantò enim quisque esset religiosior, tantò quoque illi charior erat) atque ob vitæ eius merita, dignum eum censens, qui Episcopi dignitate polleret, Strigoniensis Ecclesiæ Archiepiscopum esse voluit. Sed quia *flagellat Deus omnem filium, quem recipit*, Sebastianum illum, ut eius patientia probaretur, ad tempus vtriusque luminis orbitate affixit. Ne verò nouellus grex, pastoris gubernatione destitutus, à recto itinere deflecteret & aberraret; Romano Pontifice assentiente, Astricum, Colocensem Episcopum, cuius iam crebrò habita est mentio, in eius locum Rex substituit. Triennio inde euoluto, Sebastianus, ex Dei benignitate, recuperauit visum, & Pontifice Romano approbante, Astricus cum pallio redijt ad suam Colocensem Ecclesiam, Sebastianus Strigoniensem gubernandam suscepit.

Sebastianus Monachus.

Hebr. 12

Prou. 3.

Erat sanè Rex ille fidelis, & integer in omnibus factis suis, Deo toto pectore deditus, & addictus: seipsum quoque, & regnum suum per votum, & oblationem in perpetuæ Virginis Mariæ tutelam assiduis precibus contulit. Cuius sacratissimæ Virginis honor, & gloria, tam est celebris apud Hungaros, ut festum Assumptionis eius, tacito proprio nomine, sua lingua *diem Domine* appellant. Atque, ut Rex pijsimus propensionem

Deuotio regis in B. Virgine.

tantæ

Præterea eius Ecclesiæ populum tanta libertate, & immunitate gaudere voluit, vt nulli omnino Episcopo decimas penderet: sed soli Præposito, & fratribus, prout ipse instituisset, seruitium exhiberet.

Ego mater pulchræ dilectionis, & timoris, & agnitionis, Eccli. 24 & sanctæ spei.

Quæcumque autem servus Dei, per id tempus, acquirere potuit, ea in Christum refundere studuit, à quo illa profecta non ignoraret; vt qui eum mundi huius gloria, & honore dignum fecerat, etiam cœlestis patriæ ciuibus clementer adscribere dignaretur. Et in Prophetis quidem de Apostolis scriptum legimus: *In omnem terram exiuisse sonum eorum, & in fines Orbis terræ verba eorum.* Non debet autem hoc de solis illis duodecim accipi, sed de omnibus à Deo ad euangelizandum missis, quorum fide, verbis, & moribus, Ecclesia suis auget incrementis. Ex eorum autem numero ille, de quo agimus, Christianissimus Rex non minimus fuisse putandus est, vt qui bonæ voluntatis, & piorum operum famam, quam Ecclesijs in propriæ ditionis amplitudine construendis sibi peperit; in longinquas regiones, & vrbes celeberrimas diffuderit, ac propagarit. Extruxit enim in ipsa Hierosolyma, vbi Dominus noster Iesus Christus in carne versatus est, Monachorum cœnobium, idemque prædijs, & vineis, vnde eis quotidiani victus copia suppetat, ditauit. Romæ quoque quæ est mundi caput, sub Protomartyris Stephani titulo, duodecim Canonicorum collegium condidit, rebus

P

necessarijs

Rex Hun-
gariz
Apostolus.

Psalm. 18.

necessarijs, & ad eiusmodi Collegium attinentibus domos quoque, & hospitia Hungarorum, qui orationis causa Romam ad Beati Petri Apostolorum Principis limina venirent, exædificauit, muro ea lapideo circumdans. Tum quoque urbem Regiam Constantinopolim noluit suæ liberalitatis esse expertem, mirifici operis in ea condene Ecclesiam, rebus omnibus necessarijs ei adiunctis. Itaque non immeritò suæ ditionis *Apostolus* appellatus est. Etsi verò ille sibi euangelizandi munus non assumpsit, attamen ceu quidam concionatorum dux, & magister, defensionis, & sustentationis solatia eis suppeditauit.

Miseri-
cordia
eius.

Inter omnia autem cælestis gratiæ munera, beato Regi diuinitus collata, illa vel præcipuè admiranda, & scriptis commendanda videntur, quæ etiam ad promerenda æternæ vitæ gaudia, primarium locum obtinent, puta *misericordia*, & *veritas*. In cunctis enim felici-
bus factis suis, hoc vel maximè sibi consecrandum existimabat, quod in *Euangelio* scriptum fidelibus, interioris hominis oculis contemplatus erat, ipsa veritate

Matth.
56.
Luc. 6.

ita dicente: *Beati misericordēs, quoniam ipsi misericordiam consequentur*. Et alio loco: *Date & dabitur vobis*. Tanta igitur misericordia, benignitate, & pietate, pauperes Christi, imò in pauperibus ipsum Christum complectebatur, vt nullum vnquam hospitem, & peregrinum absque aliquo solatio à se discedere pateretur: & ad recreandos egenos quotidianas expensas absque intermissione fieri iuberet. Iam verò, etiam nocturnis

horis,

horis, multa alacritate, & hilaritate, abluebat fidelium pedes, in sinu pauperum abscondebat eleemosynas, Christum inopem in membris eius consolari in hac vita cupiens, ut cum illo quandoque in illa cœlesti domo bonis omnibus refertissima, æternum exultare mereretur.

Conclude eleemosynam in corde pauperis, & hæc pro te Eccli. 19
exorabit ab omni malo. Super scutum potentis, & super lanceam, aduersus inimicum tuum pugnabit.

Qui iam nocte, diuino permotus instinctu, Barbailia pauperibus exulta.
nemine sciente, crumenam, nummis plenam, accipiens, pusillum Christi gregem suo more solus inuisit. Et ecce pauperes cœlestis thesauri, distribuendæ pecuniæ nimium inhiantes, beati viri barbam evulserunt, ea improbitate illius meritis testimonium perhibentes. At ille gaudio perfusus ingenti, ad beatissimam Creatoris omnium Matrem se confert, humi prostratus, gratias agens, exclamat; *Regina cœlestis, & mea, in quem tu Regem contulisti, eum sic bonorarunt milites tui. Quæ si mihi ab aliquo hoste illata esset iniuria, tuo fretus adiutorio, non sinerem eam inultam abire. At nunc sciens hinc mihi parari æternam felicitatem, impensè letor, gratias agens illis pijsimi Saluatoris consolatorijs verbis, quibus discipulos suos confirmauit: Capillus inquit de capite vestro non peribit.* Luc. 21
His dictis, cum se vir Dei cœlesti gratia, & spiritali charismate perfusum sentiret, statuit numquam pectoris sui ostia opem poscentibus claudere; atque deinceps per seipsum, & alios; præcipue tamen Christi

fervos, & familiares, nempe Clericos, & Monachos, cœlitus sibi datas facultates pauperibus impertijt, in æternis thesauris per illorum manus reponendas. Eius rei permulti sunt testes, atque in ijs B. Guntherus, ex seculari nobilitate conuersus, atque Eremita & Monachus effectus, cum illo nunc vitæ beatæ particeps. Is humanissimi Regis tanta liberalitate illectus, è Boemiæ regione crebrò ad illum venire solebat. Quoties autem sua præsentia eius aulam illustraret, curam regni ei demandabat Rex. Tum ille rebus, quas in aula inuenisset, in peregrinos, egenos, viduas, pupillos, cœnobîa, & Ecclesias erogatis, breui illam exinaniebat. Ad eius quoque nutum Rex, Deo deuotus, Monasterium, quod *Beel* vocant, inchoauit, bonis omnibus illud locupletans: in quo Gerardus, Monachus, qui Venetijs eò venerat, vitam duxit, contemplationi addictam: & postea diuina ordinatione creatus Episcopus, post obitum Sancti Regis, orta Christianorum persecutione, lapidibus oppressus, diuino numero, Martyrum contubernio dignus effectus est. Nec hic prætermittendum puto, quod diuina virtus in beati viri vita demonstrare voluit, cuius meriti esset. Nam quoties ad aures eius peruenisset, quempiam aduersa laborare valetudine, medicinæ loco, misit ei siue panis siue pomi, vel herbæ odoriferæ particulam, simul mandans, vt sanus surgeret. Mox verò diuinæ misericordiæ fauore eius sermonem prosequente, incolumis ille efficiebatur.

Math. 6

Nolite thesaurizare vobis thesauros in terra, vbi erugo, & tinea

*Et tinea demolitur : Et ubi fures effodiunt , Et furantur .
 Thesaurizate autem vobis thesauros in caelo : ubi neque
 erugo , neque tinea demolitur ; Et ubi fures non effodiunt ,
 nec furantur . Vbi enim est thesaurus tuus , ibi est Et cor
 tuum .*

Post gloriosam in cœlos ascensionem , & mirabilem
 in paterna dextera consessum , Saluator noster paucis
 corporaliter apparuisse legitur : per visionem autem
 multos consolans , de rebus futuris eos fecit certiores .
 Idem verò præstitit etiam huic S. Regi . Quadam enim
 nocte , ex reuelatione expectatus , veredarium quendam
 intra diem & noctem iussit properè ire ad Albam ,
 Transylvaniæ , & omnes ruricolos , vt ad vrbes munitas
 celerrimè se conferant , admonere , quòd superuenturi
 essent Christianorum hostes , Bessi , (qui tum Hungaris
 infensi & infesti erant) eorumque res deprædaturi . Vix
 nuntius compleuerat , quæ iussus erat ; & ecce Bessorum
 inopinata incursio , & impetus , incendijs & rapinis de-
 populatur omnia , corporibus hominum illæsis , quod
 ex beati Viri præmonitione in loca tutiora se rece-
 pissent .

Stephā-
 nus Rex
 Prophe-
 ta.

Defuncto autem Beati Regis amico , Romanorum
 Imperatore , Henrico , Conradus ei in Imperio succe-
 ssit . Is pacis tranquillitate interturbata , totius Germa-
 niæ viribus , & copijs contractis , Pannoniæ infesta signa
 inferre conatus est . Tum verò Rex Stephanus , Episco-
 porum , & Principum coacto conuentu , in patriæ de-
 fensionem , totius Hungariæ exercitum euocauit . At

Oratio-
 ne detem-
 dit re-
 gnū.

prius tamen secum perpendens, se nihil posse sine Christi adiutorio, manibus, & corde sursum erectis, Dominae suae, perpetuae Virgini, & Dei Gentrici, suas iniurias commendans; in eiusmodi prorupit voces: *Si placet tibi, Domina mundi, tue partem hereditatis ab inimicis deuastari, & nouellam Christianismi plantationem dissipari; ne, queso, finas, illud imputari diffidentiae meae, sed potius dispositioni voluntatis tuae. Si quid commertuit culpa Pastoris, ipse luat: oves, queso, insontes ne patiaris affligi.* His dictis, tanquam accepta consolatione ab ea, fidenter mouit in hostes. Altera die nuncius venit ad singulos quosque duces exercitus Germanorum, ab Imperatore *litteras* adferens, quibus iuebantur pedem retrò referre. Illis ergo discedentibus, sanctus Rex, diuina misericordia adiutum se sentiens, humi se abiecit, gratiasque agit Deo, & Sanctissimae Genitrici eius, cuius protectioni seque, regnumque suum assiduis precibus commendare solebat. At Imperator suorum tam repentina defectione perterritus, sciscitatur, quidnam rei ipsis accidisset? audienisque de nuncio, qui eos ipsius nomine redire iussisset, scienisque illum à se haud quamquam missum fuisse, non dubitauit, consilio, & voluntate Omnipotentis Dei rem gestam ob fidelissimi Regis corroborandam spem: seque deinceps ab eius inuadendo Regno, timore illius Iudicis æterni, cohibuit.

Rapitur
in exta-
su.

Porro Rex piissimus erga regni sui politicam gubernationem religiosa sollicitudine occupatus, diurnū
tempus

tempus colloquijs & consultationibus impendebat, nocturnis horis in vigilijs, preces, lacrymas, rerum diuinarum contemplationem incumbibat, orans sedulo iustum Iudicem, vt ipsa sua moderatione, quotidie discutiendis rebus, & ferendis sententijs, adesse dignaretur. Quod quidem cum ille magno spiritualis desiderij studio frequentaret, nocte quadam procul à templo Dei, (descenderat quippe cum illo suo magno & nobili comitatu) in loco campestri, fixis tentorijs, in cordis sui cubiculum se recepit: & flexis genibus, solo labiorum motu ad sempiternæ misericordiæ fores gemitibus & lacrymis pullabat. Cumque diutius precibus inharet, Domini sui, Regis æterni ministris, ad suscipiendas preces eius aduenientibus, papilio super eum extensus, à terra sublatus est: atque tamdiu in aere mansit suspensus, donec vir Dei ad se reuersus ab illa contemplatione, spiritum à precibus relaxauit. Quod licet inuisibiliter illi soli, qui res nouit antè, quam fiant, & secretorum eius conscijs Angelis esset cognitum: attamen etiam cuidam magnæ simplicitatis, & innocentia viro, qui tunc fortassis simili erat operi intentus, innotuit. Quem Rex, Dei spiritu id reuelante, arcani sui conscium sciens, ad se accersitum blandis primùm verbis appellat: rogat, *quidnam viderit*? Deindè serueriter interdicit, ne cui id, dum ipse sit in humanis, reuelet.

Ibi Benjamin adolescentulus in mentis excessu.

Fama nominis eius in multas gentes divulgata, & iudicijs oris eius cum multa laude vbiq; propalatis,

Sexaginta

psal. 67.
Iustus
z. lus in
Septuag.
n. orege,

Sexaginta Bessi, quorum supra meminimus, cum vniuerso apparatu suo, auri argentiq̃ue copia, & multi, varijs ornamentis curribus onustis, è finibus suis egressi ad Regem venire volebant. Cùmq̃ue ad Pannoniæ fines accessissent, multi è seruis, quorum animi instar cærae facillè flectuntur in vitium, malignitatis suæ facibus inflammati, ijs exiere obuiam: & quosdam gladijs cædentes, illorum res omnes abstulerunt, eosq̃ue vacuos & semineces reliquerunt. At illi ea, quæ passi erant, ad Regem relaturi, cœpto pergunt itinere. Cùmq̃ue in Regis conspectum venissent, ad eius genua prouoluuntur. Rex ijs visis, percontatur, quid mali perpassi sint? Tum illi; *Nos, inquiunt, serui tui, Domine Rex, nihil cuiquam mali machinantes, ad te properabamus, audituri iudiciorum tuorum disciplinam. Quidam autem in nos incurrentes, pecuniam omnem, quam apud nos habebamus, nulla culpa nostra abstulere: atque insuper quosdam apprehensos è nobis ceciderunt. Denique vix compotes vitæ, huc accessimus, ut eam rem tibi indicaremus,* Rex ijs auditis, ut erat prudens, neque vultu, neque verbis minatus est eis: sed conuenienter illi sententiæ

Prou. 15

Salomonis Totum spiritum suum profert stultus, sapiens differt, & reseruat in posterum: misit ocyus ad tribunal, sub quo militabant illi, & ad certum diem iussit coram se sisti omnes. Factum est ita, & ad eius conspectum adducti sunt, ab illo discutiendi. Eos ergo appellat Rex: Cur posthabita, & contempta lege diuina, non estis vñ misericordia, sed homines innoxios tam malè multastis?

Sicut

Sicut ergo fecistis, ita hodie vobis coram me faciet Deus. Legis enim transgressores feriri par est. Lata igitur in eos sententia, educti sunt, & ad omnes Regni aditus bini suspensi. Quod ille credendus zelo iustitiæ ita iussisse, ut exemplo suo perditis illi homines alijs terrorem adferrent. Cum enim Regnum tuum exteris omnibus in illud aduentantibus, ceu portum quemdam tutissimū, & asylum esse vellet, liberum quoque in illud omnibus voluit patere ingressum, ita ut nemo ausus esset quemquam ex eis lædere, aut molestiam exhibere. Quod etiam sua auctoritate consecutus est, quando illo viuentē nullus quemcumque hospitem in aliquo violare ausus fuit.

Respondens autem David Rechab, & Baana, fratri eius filijs Remmon Berothitæ, dixit ad eos: Viuit Dominus, qui eruit animam meam de omni angustia, quoniam eum, qui annunciauerat mihi, & dixerat: Mortuus est Saul, qui putabat se prospera nunciare tenui, & occidi eum in Siceleg, cui oportebat mercedem dare pro nuncio. Quanto magis nunc, cum homines impij interfecerunt virum innoxium, in domo sua, super lectum suum, non quæram sanguinem eius de manu vestra, & auferam vos de terra? 2. Reg. 9

Nec tamen beatus, & pius Rex immunis fuit ab eo, quod Apostolus dicit; Per multas tribulationes oportere nos introire in regnum Dei. Et quod habetur in prouerbijs Salomonis: Disciplinam Domini, fili mi, ne abijcias: nec deficias, cum ab eo corriperis: Quem enim diligit Dominus, corrigit, & quasi pater in filio complacet sibi. Aq. 17. Prov. 3.

Q

Multis

Steph-
nus rex
a Deo
proba-
tus.

Multis enim modis castigauit eum Dominus. Tribus annis perpetuò aduersa laborauit valetudine. Qua cùm tandem diuinæ misericordiæ medicina esset liberatus, in obitu filiorum suorum, quos a ihue infantes inors rapuit, æterni iudicis flagella persensit. Attamen dolorem, ex ea orbitate conceptum, amore filij superstitis, bonæ indolis pueri, Emerici temperauit: quem sanè ceu vnicum impensius amans, quotidianis precibus Christo, & eius genitrici Virgini perpetuò commendabat, eumque sibi superstitem, & regni hæredem votis omnibus expetebat. Et vt idoneus ille foret tanti regni tenendis gubernaculis, Catholicorum virorum doctrinis, quotidiano lectionis vsum, & vtrasque tam animi, quam corporis aures, eum voluit adhibere: atque insuper paterni amoris impulsus stimulis, *libellum* ei composuit, *de morum institutione*, in quo illum verbis spiritualis adhortationis fideliter, & accuratè compellat: docens eum, quemadmodum ante omnia debeat retinere fidem Catholicam, confirmare statum Ecclesiasticum, honorem habere Præsulum dignitati, Principes, & milites amare, iudicij tenax esse, in cunctis suis actibus studere patientiæ, hospites benignè recipere, benignius alere, & fouere, sine consilio nihil agere, maiores suos semper ob oculos exemplum sibi statuere, precibus crebrò vacare, pietatem & misericordiam, cæterasque virtutes colere, & consecrari. His, & id genus alijs disciplinis præclarus ille iuuenis imbutus, ex diuinæ voluntatis moderatione, cui omnia parere necesse est, Domi-

• Moritur
Emeri-
cus filius
regis.

nico

nicae incarnationis anno millesimo, trecentesimo, vitam hanc corruptibilem cum sempiterna commutavit, superiorum civium choris adiunctus. Eius animam, ea ipsa hora, qua decessit, cuidam Græcorum Episcopo, sanctæ conuersationis viro, revelatum est, Angelicis manibus in cœlos deportari. Cùm autem, pro sanctitatis suæ meritis, summè ab omnibus diligeretur, omnium exitit luctus ingens, inprimis verò Principū: inter quos pater, tanto accepto orbitatis vulnere, grauius suspirabat, & pietatis affectu ductus, dolebat se omni posteritatis spe destitutum. Atque tamen sciens scriptum esse: *Non est sapientia, non est prudentia, non est consilium contra Dominum:* & illud in Canonibus, *Neminem propter obitum charorum nimium debere contristari:* posito animi mœrore, totum se contulit ad largam Dei misericordiam promerendam. Cœnobiorum enim & Ecclesiarum ministris, Monachis, & Clericis, multa elargitus est, multamque ea beneficentia attulit consolationem, quidquid verò ei superfuit, peregrinis, viduis & orphanis erogavit. Exterarum quoque Provinciarum Monasterijs Regiæ munificentia dona innumera, per nuncios suos, crebrò misit. Eam, quam in iuventute susceperat, morum gravitatem ad supremum usque vitæ diem præseculit. Vix vnquam ridere visus est, sciens scriptum: *Risus dolore miscebitur, & extrema gaudij luctus occupat:* semper ita se comparans, ac si staret ad tribunal Christi, eius præsentiam oculis interioribus sereno vultu contemplans, Christum in ore,

Christum in corde, Christum in cunctis actibus suis circumferebat. Extremum vitæ diem semper ob oculos mentis habebat, & magno cordis desiderio ad illam supernorum civium frequentiam adspirabat, quemdam Angelicæ conversationis habitum præ se ferens. Denique cunctis ornatus virtutibus, *in sanctitate & iustitia coram Deo omnibus diebus vitæ* suæ vivere constituerat, ut in eo iam quædam futuræ gloriæ species elucere videretur.

Stepha-
nus rex
& grotar.

Nec diu post in morbum incidit, qui ei postea mortem attulit: diuturna quæ eius morbi molestia incrementum, pedibus insistere non potuit. Quod ubi aduerterunt ex Palatinis nobilissimi quatuor, scilicet Regem diu grauiusque laborantem, cum etiamnum cordis perfidia tenerentur, iniquum inter se consilium inierunt, ut eum è medio tollerent, iam die aduersperascente,

Parrici-
dæ puniti

antequam in domo Regis lucerna accenderetur, unus ex ijs audacior, cælo obscuro, ingressus est, nudum ensē sub chlamyde ferens, quo erat Regem piissimum iugulaturus. Sed cum eò inferret pedem, ubi Rex quiescebat, caelesti reuera impulsu, gladius ei excidit: quem Rex statim sentiens, quid sibi veller, perquisiuit, cum iam diuinitus id præsciret. Tum ille territus corruit, agnoscit consilium amentia plenum, dolet, accedit propius, procumbit in gēua, Regis pedes amplectitur, se peccasse confitetur, petit tanti parricidij veniam. Rex pius faciem ab eo non auertit, propenso animo ignoscit. At verò aubet inquiri illos immanes parricidas: in re-

pertos

pertos tanto secleri congruentem mortis profert sententiam.

Sex sunt, quæ odit Dominus, & septimum detestatur provi-
dus e
*animi crux: Oculos sublimes, linguam mendacem, manus
effundentes innoxium sanguinem, cor machinans cogitationes
pessimas, pedes veloces ad currendum in malum, proferen-
tem mendacia testem fallacem, & eum, qui seminat inter
fratres discordias.*

Dignus tandem, qui centuplex cœlestis regni bra- Disponi-
tur ad
mortem
uium consequeretur, febre correptus est; sentiensque
adesse migrationis tempus, accersitis Episcopis, &
Primoribus palatii, Christiano nomine gloriantibus,
primùm tractauit cum eis de substituendo sibi Rege.
Deindè paternè mouit eos seruare Catholicam fidem,
quam acceperant, amare iustitiam, fraternæ charita-
ti studere, humilitati dare operam, ante omnia verò
nouellæ Christianismi plantationi curam, & sollicita-
dinem adhibere. His dictis, manus, & oculos in
Cœlum erigens, *Regina Cœli*, inquit, *mundi inchoata
reparatrix*, tuo patrocinio *Sanctam Ecclesiam, cum Clero,
& Episcopis, regnum, cum Primatibus, & populo, tuis
precibus commendo*, quibus ego nunc *Vale* dicens:
animam quoque meam tuis manibus committo. Instabat
tunc præcipua solemnitas, celebris Angelis, & homi-
nibus, Assumptionis Beatissimæ Mariæ dies: in cuius
gaudijs, vt sui corporis fieret dissolutio, precibus à
Domino contendit, lacrymis, & gemitibus impetra-
uit, sperans cumulationis milericordiæ se spem habiturum.

Moritur. Aderat ergo felix ille dies, eius obitu, mox felicitatis aliquam accessionem habiturus, circumstabant cum Clero Episcopi, cum ministris Principes, & Comites. Rex, in medio iacens, sacram percepit unctionem, sanctamque animam corporis, & sanguinis Christi recreatam viatico, anno Dominico Incarnationis millesimo, tricesimo quarto, in manus perpetuæ Virginis, & Sanctorum Angelorum, æternæ quietis beatitudini inferendam tradidit..

2. Tim. 4 *Bonum certamen certavi, cursum consummaui, fidem seruaui. In reliquo reposita est mihi coroua iustitiæ, quam reddet mihi Dominus in illa die iustus iudex: non solum autem mihi, sed & ijs, qui diligunt aduentum eius.*

Sepelitur Extitit mox planctus Sanctorum haud vulgaris, Angelis latentibus, sed planctus ille postea mutatus in gaudium perenne, tam præsentium, quam futurorum populorum. Ad exequias eius ex omnibus Pannoniæ plagis concursus est, corpus ad urbem Regiam, puta, Albam, perductum: sed cum Ecclesia beatissimæ Virginis ab eo constructa, necdum consecrata esset, communicato inter se consilio, prius Episcopi statuunt sanctificandam basilicam, postea in ea corpus humanandum. Absoluta igitur dedicationis solemnitate, sacrum corpus in media æde, sarcophago, è candido marmore confecto, impositum est, ubi compluribus annis, ob eius merita, Dominus permultis malè habentibus, febribus vexatis, afflictionem, & miseriam suam fatentibus, innumera præstitit beneficia. Sæpè quoque illic noctibus

Miraculis claret

noctibus Angelicæ melodix auditæ sunt à multis, sæpè odoris suauissimæ fragrantia per templum sese diffudit.

Iusti autem in perpetuum uiuent, & apud Dominum est Sap. 9.
merces eorum, & cogitatio illorum apud Altissimum. Ideò accipient regnum decoris, & diadema speciei de manu Domini: quoniam dextera sua reget eos, & brachio sancto suo defendet illos.

Iacuit in eo loco sacrum corpus annis quadraginta post ar. nos. 45. quinque, occulta quadam Omnipotentis Dei dispositione, qui est *mirabilis in Sanctis suis*, marmoris pondere pressum, & in puluerem redactum, vt tempore præfinito dignius declaretur, & in resurrectionis die gloriosius renouetur. Id verò quid significet, quando sine diuina ordinatione factum minimè putamus, liber oculis interioribus speculari. Fortassis nonnihil terreni pulueris, diuino examinationis igne purgandum, in illo remanserat; sine quo Reges, magna potentia fulti, vitam præsentem vix quidem transigere possunt. Illis ergo euolutis annis quinque & quadraginta, cùm ad præstanda per eum mortalibus suæ misericordiæ beneficia, Sancti sui iam vellet Deus merita declarare, Romani Pontificis literis mandatum fuit, vt eorum corpora eleuarentur, qui in Pannonia Christianæ fidei semina iecissent, & sua, vel prædicatione, vel institutione ad Dominum eam conuertissent. Itaque Ladislaus Rex, qui tum ad Reipublicæ gubernacula sedebat, omnium morum honestate conspicuus, & virtutibus illustris, diuino cultui, & laudibus Dei totus addictus sancto corpus immortu. psal. 67. illum

illum Spiritu permouente, communicato cum Episcopis, & Proceribus, totiusque Regni sapientibus viris, consilio, triduanum cunctis ieiunium indixit: ut quod communi Catholicorum vtilitati, Spiritus sancti munieribus, animarum, & corporum salutem efficientibus, profuturum videretur, id communi omnium deprecatione, ieiunijs, & eleemosynis fulcita, per signorum manifestationem expeteretur. Sed ut ostenderet Dominus, quanta misericordia Rex, adhuc manens in corpore, præditus fuerit; quàm etiam iam cum Christo regnans, præ cæteris operibus, se approbare declaret, cum triduo totis viribus in id incumberent, ut eius sacrum corpus eleuarent, nulla id arte loco mouere potuerunt. Eo namque tempore, ob hominum culpas, inter eum, quem diximus, Ladislaum, Regem, & fratrem eius, Salomonem grauis fuit orta simultas, & seditio; cuius nomine captus Salomon, custodia tenebatur. Cum ergo in corpore eleuando frustra sudarent, quædam inclusa apud Ecclesiam Sancti Salvatoris (*Charitatis* ea dicebatur) cuius vitæ celebris tum erat opinio, ex diuina reuelatione mandauit Regi, conatus eorum omnes irritos, & inanes fore, nec posse transferri Sancti Regis corpus, donec Salomon venia impetrata, liber custodia dimitteretur. Illo igitur è carcere educto, & rursus triduo exacto ieiunio, cum ad sacras transferendas reliquias tertio die ventum est, grande saxum, sarcophago impositum, tanta facilitate sublatum est, ac si nihil ponderis haberet. Absoluto autem

eius

eius diei vespertino officio, cunctis diuinæ benignitatis beneficia per beati viri merita præstolantibus, subito Christo plebem suam visitante, per sanctæ ædis amplitudinem cælitus miracula coruscant. Quorum multitudo, quoniam ea nocte numerum excessit, libet hic illud ex *Euangelio* dicere, quod Salvator *Ioanni* per nuncios sciscitanti, an ipse esset, qui *venturus sit*, voluit responderi: *Cæci vident, claudi ambulant, surdi audiunt, leprosi mundantur*, mali corriguntur, paralytici curantur. Sed tamen quando omnia non possumus, quædam ex ijs annotabimus.

Matth. ii

Iuuenis quidam, membris omnibus dissolutus, duodecim annis mansit paralyticus, manuum & pedum officio destitutus. Is, parentum opera, eò perductus, totius corporis est incolumitate potitus, atque ad altare currens alacriter, omnium Christi laudes promentium gaudia cumulauit: fuit hoc eius noctis primum miraculum.

Paralyticus sanatus

Venit Iesus in ciuitatem suam. Et ecce offerebant ei paralyticum, iacentem in lecto. Et videns Iesus fidem illorum, dixit paralytico: Confide, fili, remittuntur tibi peccata tua. Mox: Ut autem sciatis, quia filius hominis habet potestatem in terra dimittendi peccata, tunc ait paralytico: Surge, tolle lectum tuum, & vade in domum tuam.

Matth. ix

Alius septennis puer, ab ipso ortu contractus, genibus, & manibus reptabat. Eum parentes plena fide ad B. Regis sepulchrum adducunt, illicque prostrati, eius suffragia implorant. Mox voto potiti suo, mirantur

Contractus

R

contractos

qui interim spiritum exhalarat, apud Sancti Regis sepulchrum deposuit, Dei, & Sancti eius opem imploratura. Mira quidem res, & nostris temporibus stupenda: non prius fœmina orare destitit, quam viuentem cerneret filium suum.

Mane diei, ab Assumptione Beatissimæ Virginis quinti, conuenientibus in Ecclesiam cum Rege Principibus, cum Clero Episcopis, primum Missa pro defunctis celebrata est; deinde sublata tabula marmorea, quæ erat pavimento eminentior. Postquam autem ad sarcophagum peruentum est, tanta inde suauissimi odoris fragrantia in omnium nares dimanauit, vt sibi in Paradisum deliciarum Dei rapti viderentur. Ipse verò sarcophagus plenus fuit aqua, aliquantum subrufa, & quasi oleo permixta, atque in ea perinde, atque balsami liquore, ossa pretiosa quievere. Quibus in mundissimū linteamen collectis, in ipso liquore diutissimè quæsierunt annulum Sancti Regis dextera insertum. Sed cum non inueniretur, iussu Regis, aqua illa in argentea vasa effusa est, vt posset annulus certius reperiri. Sed modo sanè admirabili factum est, vt quo plus exhauriretur aquæ, eò magis sarcophagus impleretur. Id vbi animaduersum est miraculi, aquam haustam suo restituere loco: nec tamen ea accedente sarcophagus magis abundare visus est. Tum verò cooperto sepulchro, laudes, & gratias egerunt diuinæ pietati. Porro interim dum ex invento thesauro reparant Beatissimæ Matris Dei, & perpetuæ Virginis altare, *Deus qui est mirabilis in sanctis*

Odor
suauis è
sepul-
chro Re-
gia

Aqua
rufa

Psal. 67.

suis, profusis benignitatis suæ muneribus, & evidentibus miraculorum signis se præsentem declarauit, in tantum; vt tempus illud, quo Saluator vixit inter homines, rediisse videretur, de quo Scriptura diuina ait: *Omnes qui habebant infirmos varijs languoribus, ducebant illos ad Iesum, & curabantur.* Hæc verò omnia virtus diuina non solum illo die, sed postea quoque longo tempore, ob merita serui sui, effecit, ita vt etiam ab exteris regionibus, cognita Beati viri fama, salutis recuperandæ causa permulti, varijs affecti morbis ad Sancti Regis imploranda suffragia cupidissimè aduolarent.

Mithildis Comitissa sanata,

Comitissa Mithildis eximie nobilitatis matrona, tribus annis perpetuo viscerum dolore laborans, iam morti proxima videbatur; A suis verò ad monumentum Regis beati allata, vbi illud attigit, paulatim cœpit habere melius: breuique recuperata valetudine, magnalia Dei, per famuli eius merita in se renouata, divulgauit.

psal. 102

Benedic anima mea Domino; & omnia, que intra me sunt, nomini sancto eius. Benedic anima mea Domino: & noli obliuisci omnes retributiones eius. Qui propitiatur omnibus iniquitatibus tuis: qui sanat omnes infirmitates tuas.

Miracula alia.

Alia miracula, cœlitus perpetrata, non idcirco prætermisi, quod ea fastidiam: sed cum non mihi vni pluat Dominus, qui solem suum oriri facit super bonos & ma-

Et malos ; tantam beneficiorum eius copiam, omnium utilitati consulere cupiens, innumeris sapientibus viris, quos Hungaria fouet, & complectitur, stylo prosequendam relinquo. Illud verò sub finem adijcere licet, Derretur
cum annulo S.
Stephani
seruata. miro diuinæ benignitatis munere, diu quæsitum, & minimè repertum annulum, cum ipsius Beati Regis dextera, post eius peractam translationem, inuentum esse.

Nam Monachus quidam, Mercurius nomine, (qui, cum esset Clericus, thesauri beatissimæ semperque Virginis Mariæ custos fuerat, & iam amore cœlestis patriæ sæculo valescebat) ea hora, qua Sancti Regis tumulus apertus fuit, ne quid sacrarum Reliquiarum ad se raperet, obiurgatione Regis procul inde remotus fuit. Sedenti igitur in Choro tristi vultu, iuuenis quidam, candido amictus habitu, pannum inuolutum tradidit, ita dicens : *Hunc pannum tibi seruandum commendo, opportuno tempore in lucem proferendum.* Sacro inde expleto ministerio, Monachus in quodam angulo domus explicat pannum, integramque pij Regis manum cum annulo mirifici operis cernens, expauescit, nulloque conscio ad Monasterium suum, cui præfectus erat, eam asportat, tempus à iuvene ipsi memoratum præstolaturus. Et diu sanè *thesauri* Math. 13 illius, *in agro absconditi*, solus ipse custos peruigil fuit. Deinde Monasterij eius fundatoribus rem aperuit. Postremò appropinquante iam tempore, quo erat arcanum illud in publicum offerendum, ad Regis

quoque notitiam perduxit. Is verò mox accitis Episcopis, & Hungariæ Primarijs viris, cùm multa interim Christus miraculorum beneficia exhiberet, celebrem præfixit diem Beati Regis dexteræ eleuandæ. Sed quid sibi vult, fratres mei, quòd cæteris membris resolutis, & carne in puluerem redacta, solam dexteram manum, cum eius cute, ossibus, & nervis, Deus integram conseruauit? Equidem sic sentio, diuini consilij altitudinem id hac re demonstrare voluisse, eleemosynæ studium omnes virtutum gradus transcendere. Quamobrem
 Matth. 5. etiam in Euangelio Dominus ait : *Beati misericordes, quoniam ipsi misericordiam consequentur.* Et alio loco
 Luc. 6. *Scripturæ diuinæ : Ignem ardentem extinguit aqua, & eleemosyna resistit peccatis.*

Meritò igitur Sancti Regis dextera, corruptionis mansit expers, quæ semper misericordiæ floribus reuiuiscens, ad alendos pauperes, numquam muneribus distribuendis vacua fuit. Namque pijsissimus Rex opem tulit calamitosis indigis, liberauit oppressos captiuitatis iugo, vestes, & hospitalitatis officia impendit peregrinis, viduarum, & pupillorum miseriam, & inopiam, suam putauit. *Mandatum Salvatoris de lauandis aliorum pedibus* quotidie impleuit, Pauperum *pedes* abluens : eleemosynas præstitit, non ex rapinis, aut aliorum damnis, sed de suis facultatibus. Vt domos Dei locupletaret pro dignitate, prodesse cupiens, *carnem suam cum vitijs, & concupiscentijs crucifixit.* Inde est ergo perfecta corporis, & dexteræ manus eius admiranda, & iucunda

incunda veneratio : inde optatissima Supernorum ciuiū
cohabitatio : vbi cunctos illustrat semper lucens, nec
vnquam deficiens, splendor vnius, summæque diui-
nitatis, Patris & Filij & Spiritus sancti, per infinita
sæcula sæculorum. Amen.

*Bona est oratio cum ieiunio, & eleemosyna, magis quàm Tol. 124.
thesauros auri recondere : quoniam eleemosyna à morte libe-
rat, & ipsa est, quæ purgat peccata, & facit inuenire mis-
ericordiam, & vitam æternam.*

ANNOTATIO:

QVOD in hac historia dicitur, Gisela, coniugem
Sancti Stephani, fuisse filiam Sancti Henrici, & ab eo
ductam, cum iam esset Christianus: corrigendum est ex
historia Othonis Frisingensis; Gisela enim non fuit filia,
sed soror Sancti Henrici, & in coniugem data Regi
Stephano, cum ille nondum Christianus esset. Hæc
enim sunt verba Othonis Frisingensis, Historici nobi-
lissimi, in libro sexto Chronici capite 27. Henricus
Imperator, Sorore sua, Gisela, Stephano, Hungaro-
rum Regi, in uxorem data, tam ipsum, quam totum
regnum eius ad fidem vocauit. Hinc Stephanum
Hungari, hætenus fidem Christianam seruantes, velut
principium fidei suæ, inter Sanctos colendum, di-
gnum ducunt. At Henricus Imperator, piissimus vi-
cesimo quarto regni sui, Imperij autem vndecimo
anno, rebus humanis exemptus in Ecclesia Bambergensi
humatur.

humatur. Et vt illa testatur Ecclesia, sepulchrum eius vsque hodiè crebris miraculis celebre habetur.

Obijt Sanctus Stephanus anno Domini millesimo, tricesimo quarto, & in Sanctorum numerum relatus fuit à Benedicto IX. Anno Domini millesimo, tricesimo sexto. Est *hæc vita* ab Episcopo Chartuitio conscripta, sed stylo mutato per F. Laurentium Surium.

Eccli. 44 *Laudemus viros gloriosos, & parentes nostros in generatione sua. Multam gloriam fecit Dominus magnificencia sua à saculo. Dominantes in potestatibus suis, homines magni virtute, & prudentia sua præditi, nunciantes in prophetis dignitatem prophetarum & imperantes in presenti populo, & virtute prudentis populis sanctissima*
verba.

VITA

V I T A
S A N C T I
EDVARDI,
R E G I S.

GLORIOSI, ac Deo dilecti Regis, Eduardi S. Eduar-
dus Rex
Angliz.
vitam literis tradituri, ex verbis Beatissimi
Petri Apostolorum Principis sumamus ex-
ordium, qui *Centurionis* vocationem admi- Act. 16.
rans, ait: *In veritate comperi, quia non est personarum* 2. Tit. 2.
acceptor Deus, sed in omni gente, qui timet Deum, & ope- Rom. 19
ratur iustitiam acceptus est illi. In omni enim gente, or- 2. Tim. 2
dine, gradu, & dignitate cognovit Dominus, qui sunt eius, Rom. 9
& miseretur, cui voluerit, & misericordiam præstat, in Exod. 33
quem sibi placuerit. Neque enim ex sui ipsius natura, vel
paupertas præstat, vel adimunt diuitiæ sanctitatem; nec
perfectum obscuritas, nec reprobum claritas facit; nec
claudit libertas, nec reseruat seruitus Paradisum. Primus
Patriarcha, *Abraham*, & diues scribitur, & perfectus, Gen. 15.
cuius *fides* admirabilis, & obedientia inimitabilis in re-
rum omnium copia prædicatur. *Ioseph*, Dominus Gen. 41.
Ægypti constitutus à Rege, vniuerso orbi castitatis Gen. 39.
præbuit

10b. 1 præbuit exemplum. Sanctus *Iob*, qualis in diuitijs fuerit, earum probauit adeptio, quam morbus corporis, tentatio vxoris, amicorum exprobratio, spectabili patientia reddidit clariorem. Rex, *Dauid*, quo nemo di-
 & 2. tior, sed nemo & sanctior, quo nullus sublimior, sed
 2. Reg. 7 humilior nullus; & inter thesauros innumeros sepeli-
 3. Reg. 2 tur, & inter Dei amicos gratior computatur. Nemo proinde miretur; si noster Eduardus, & Rex dicatur, & sanctus, quem cernimus, & in diuitijs egenum, & in delicijs sobrium, in purpura humilem, & sub corona aurea, mundi contemptorem.

Cum enim Rex, Ethelredus, ex filia Comitis Thoreti, filium suscepisset Edmundum, cognomento *Ferreum latus*: ex Regina autem, Emma, Alfredum, beatus Eduardus, inter viscera materna conclusus, præ-
 Bp. h. 1 fertur verique, agente eo, *qui operatur omnia, secundum*
 Dan. 4. *consilium voluntatis sue*, qui *dominatur in regno hominum*, & *cumcunque voluerit, dat illud*. Fit enim coram Rege magnus Procerum, & Episcoporum conuentus, & quia iam futura cladis indicia sana processerant, agitur inter eos de Regis statu tractatus. Alij verò Edmundum, ob inuictissimum robur corporis, æstimant præferendum; alij ob virtutem Nortamanorum, Alfredum promouendum, tutius arbitrantur. Sed futurorum omnium præscijs, prioris breuissimam vitam, alterius mortem immaturam prospiciens, in puerum, necdum natum, vniuersorum vota conuertit. Vtremo adhuc clauditur, & in Regem puer eligitur: non
 Non. iū
 natus est
 puer
 Rex.
 natus

natus natis præfertur, & quem necdum terra susceperat, terræ Dominus designatur: & læti Proceres sacramentum fidelitatis illi iurant, qui vtrum nasceretur, ignorant. Paulo itaque post natiuitatem S. Eduardi, irruentibus in Angliam Barbaris, & maximam Insulæ portionem cæde, incendioque vastantibus; Regina cum filijs, in Normanniam transposita est. Viuebat in auita domo inter pueros puer, immunis tamen à vitijs, quibus ætas illa solet implicari. Castus erat corpore, sermone rarus, simplex actu, & purus affectu. Frequentare Ecclesiam dulce habuit, crebrius orationibus incumbere, sacris Mislarum interesse solemnij, visitandis Monasterijs operam dare, & quos sanctiores sciebat, sibi monachos in amicitiam copulare.

*Pueritia
cuius.*

Tobias, cum esset iunior omnibus in tribu Nepthali, nihil tamen puerile gessit in opere. Denique, cum irent omnes ad vitulos aureos, quos Ieroboam fecerat rex Israel, hic solus fugiebat consortia omnium, sed pergebat in Ierusalem ad templum Domini.

Tob. 1.

Scæniebat interum gladius hostilis, in Anglia, cædibus & rapinis omnia replebantur, vbique luctus, clamor, & desolatio. Incenduntur Ecclesiæ, Monasteria deuastantur, Sacerdotes à suis sedibus fugati, in locis desertis communem miseriam deplorantes delitescabant. Inter quos vir venerabilis Brithuualdus, Wintoniensis Episcopus, cænobium Glastoniense mœrens, ac tristis ingressus, orationibus vacabat & psalmis. Qui cum aliquando pro Regni, plebisque liberatione

*Persecutio in
Anglia.*

*Brithu-
ualdi
Episc.
oratio.*

preces, lacrymasque profunderet, quasi in hæc verba
 Pſal. 43. prorumpens, ait: *Et tu, Domine, usquequo auertis faciem*
 3. Reg. 19. *tuâ? obliuisceris inopia nostrâ? Sanctos tuos occiderunt, alta-*
 Thren. 5. *ria tua destruxerunt, & nō est qui redimat, neque qui saluum*
 Pſal. 7. *faciat. Scio, Domine, scio, quia omnia que fecisti nobis, in vero*
 Dan. 3. *iudicio fecisti. Sed numquid in æternum projiciet Deus, & non*
 Pſal. 76. *apponet ut complacitior sit adhuc? Eritne, Domine Deus*
 2. Reg. 2. *meus, eritne finis horum mirabilium? aut in æternum tuus*
in nos mucro descuiet, & percuties usque ad internecionem?
 Inter preces tandem, & lacrymas fatigatum, sopor sua-
 V. fio
 cius. uis excepit, videtque per somnum Beatum Petrum,
 in eminentiori loco constitutum, & ante eum, præclari
 vultus in forma decenti, regalibus insignijs amictum,
 Eduardum. Quem cum proprijs manibus Apostolus
 consecrasset, & vixisset in Regem, monita salutis
 adiecit, præcipueque cælibem vitam commendans,
 quot esset annis regnaturus, aperuit. Obstupefactus
 Præsul tanti miraculi nouitate, petit sibi à sancto huius
 visionis mysterium reuelari: de statu insuper Regni, &
 de instantis periculi fine Apostolicum exegit oracu-
 Pſal. 23. lum. Tunc placido vultu intuenti se, ait: *Domini,*
ò Præsul, est regnum, & ipse dominabitur in filiis hominum,
 Eccli. 10. *Ipse transfert regna, & mutat Imperia, & regnare facit*
 Job. 34. *hypocritam propter peccata populi, Peccatum peccauit po-*
 Thren. 1. *polus tuus Domino, & tradidit eos in manibus gentium, &*
 pſal. 76. *dominati sunt eorum qui oderunt eos. Sed non obliuiscetur*
misereri Deus, nec continebit in ira sua misericordias suas.
Erit enim cum dormieris cum patribus tuis, visitabit
Dominus

Dominus populum suum, & faciet Dominus redemptionem Luc. 1.
plebis sue. Elegit enim sibi virum secundum cor suum, qui
faciat omnes voluntates suas, qui me opitulante regnum
adeptus Anglorum, Danico furori finem imponet. Erit
enim acceptus Deo, gratus hominibus, terribilis hostibus,
amabilis ciuibus, utilis Ecclesie, laudabilemque vitam
sancto sine concludet. Quæ omnia in Beato Eduardo
completa, rei exitus comprobauit. Cum autem Epi-
scopus de posteritate Eduardi quæreret, respondit San-
ctus Petrus; Regnum Anglorum, regnum Dei est. Post
ipsum providebit Regem ad placitum suum.

Stabat adhuc spiritus procelle, & exaltati sunt flu- Plal. 106
ctus eius, exterisque malis accessit civilis discordia, Discon-
adeo vt quis, cui mentis suæ secreta committeret, ne- dia ciui-
sciretur. Plena erat proditoribus insula: nusquam tuta lis InAo
fides, nusquam sine suspicione amor, sermo sine si- glia.
mulatione. Tandem eousque proditio civilis, & astu-
tia processit hostilis, vt defuncto Rege, Ethelredo,
magna pars insulæ, legitimis hæredibus abdicatis,
Canuto, qui regnum inuaserat, manus darent, perem-
ptoque inuictissimo Rege, Edmundo, etiam filios
eius, adhuc in cunis agentes, Barbaris mitterent oc-
cidendos. Alfredus demum, Eduardi frater, in An-
gliam transvectus, inaudita crudelitate ab hostibus,
ciuibisque perimitur. Tum Eduardus, omni humano Eduardi
destitutus auxilio, exul patriæ, regni, honoris, vivebat: im- oratio.
piorum insidias timebat, & ne à suis proderetur, vel ab
hostibus ad mortem emeretur, plurimum formidabat.

106. 6. Inuento autem consilio salutari, Deo prosternitur, talia
 psal. 3. prosequendo : *Ecce Domine , non est mihi auxilium in
 me, & necessarij mei recesserunt à me , amici mei, & proximi
 mei aduersum me appropinquauerunt & steterunt , Pater
 meus , post multos labores , rebus humanis excessit , fratres
 meos crudelitas proditorum absorbuit , nepotes in exilium
 3. Reg. 19 acti sunt , mater emuli nostri nuptijs tradita est. Ita solus
 psal. 9. relictus sum , & querunt animam meam. Sed tibi , Domine
 derelictus sum pauper : pupillo tu eris adiutor. Tu quondam
 Edmondum , morti expositum , mirabili modo , & vitæ re-
 seruasti , & regno. Tu illud Angliæ decus , Sanctum Osual-
 dum , ex exule Regem factum per signum Crucis reddidisti
 Gen. 28. cunctis hostibus fortiozem. Si igitur fueris mecum , & custo-
 dieris me , & reduxeris me , in regnum patris mei , eris tu
 mihi semper in Deum , & beatus Petrus Apostolus in patro-
 num , cuius sacratissimas reliquias in Vrbe Roma , te an-
 nuente , te regente , te comitante , visitaturum me promitto.
 Exhinc autem factus fide robustior , spe alacrior ,
 psal. 39 expectans expectauit Dominum.*

Eduardi
 regis mo-
 destia.

Canuto autem , Rege , rebus humanis exempto, filijs
 eius immatura morte præreptis , Angli Danico iugo li-
 berati , Eduardum , in Regem elegerunt , & cum ma-
 ximo honore consecrari , & inungi fecerunt. Tunc sa-
 cerdotes sapientia , & sanctitate fulgebant , Monasteria
 omni religione pollebant: Agebat Clerus in officio suo,
 populus stabat in gradu suo. Videbatur etiam terra
 fecundior , aer salubrior , maris vnda pacatior. Reges
 enim , & Principes , pro tanta rerum mutatione , admi-
 ratione

ratione percussî cum tanto Rege fœdus inire, amicitias iungere, pacem componere gauisi sunt. Sola tamen Dania, adhuc spirans, & anhelans cædes, Anglorum interitum minabatur. In his omnibus, vir beatus in gloriam non est elatus humanam, sed hanc sibi vniuersi formam proponens, suis se domesticis præbebat æqualem, Sacerdotibus humilem, plebi gratum, compati-
 cientem miseris, & largum egenis. Nulla apud eum personarum acceptio, *sed indicabat in iustitia pauperes, Isa. 11.*
& arguebat in equitate pro mansuetis terræ. Eratque pater orphanorum, & iudex viduarum. Si quidquam petebatur, præbebat: si accipiebatur, tacebat. Nullus unquam eum vidit aut inflatum superbia, aut ira effertum, aut gula dehonestatum. Supra humanum enim modum pecuniæ contemptor, nec in earum amissione tristior, nec in adeptione videbatur hilarior.

Recumbente aliquando gratia quiescendi Rege in lectulo, Camerarius accessit ad thecam, in qua æs regium seruabatur, & reposito intus quod volebat, & illam claudere oblitus, foras egressus est. Animaduertit hoc quidam, & accedens ad thecam, pecuniam non modicam in sinum recondit, & abscedit. Reuersus de-
 nuò, Rege inspectante, facinus iterauit. Quod cum tertio attentasset; cernens Rex in spiritu thesaurorum adesse custodem, ait: *Importunè agis, ò homo, si mihi credis, tolle quod habes, & fuge; quoniam si venerit Hugolinus* (hoc enim cubicularij nomen erat) *nec unum tibi nummum relinquet.* Fugit ille, & vix pedem extulerat, & ecce.

& ecce minister Regis rediens, & thesaurum ablatum reperiens timore, & tremore concutitur; vnde non solum angustiam cordis, verumetiam & furorem mentis clamor, & suspiria prodiderunt. Surrexit, & quasi nesciens, quid acciderit, perturbationis huius causam inquit. Quam cum didicisset, ait: *Tace, fortè ille; qui cepit, plus nobis indiguit. Habeat sibi, nobis sufficit, quod remansit.*

philip. 2 *Veruntamen existimo omnia detrimentum esse, propter eminentem scientiam Iesu Christi, Domini mei: propter quem omnia detrimentum feci, & arbitror, ut stercora ut Christum lucrificiam.*

Castitas eius. Proceres autem terre, de successionem solliciti, Regem de vxore ducenda conveniunt. Stupet Rex, thesauro mentuens suo, qui fictili vase reconditus, facile poterat calore dissolui. Sed quid ageret? si obstinatus resisteret, timebat, ne propositi sui proderetur dulce secretum: si suadentibus præberet assensum, naufragium pudicitie formidabat. Tandem importunè insistentibus cedere tutius ratus, huiusmodi verbis pudicitiam suam Domino commendabat: *IESU bone, tua quondam mi-*

Daniel 3 *sericordia tres pueros inter flammam Chaldaicam illesos servavit. Per te Ioseph, relicto pallio in manibus meretricis,*

Daniel. 13. *cum titulo castitatis evasit. Admirabilis Susannæ constantia, tua virtute, de impudicis presbyteris triumphavit. Sancte*

Iudith. *Iudith castitas ab Holoferne nec ledi potuit, nec tentari.*

psal. 115 *Ecce ego servus tuus, & filius ancillæ tuæ; succurre mihi, Domine, quatenus sic materiale suscipiam sacramentum,*

ut pudicitie periculum non incurram. Rege igitur procerum voluntati consensum præbente; Goduini ^{Egdidā,} filiam duxit in vxorem. ^{ducit} Erat autem Goduinus, ^{vxorem.} vir magnarum opum, sed astutiæ singularis, Regum, regnique proditor, qui doctus fallere, qualibet dissimulare consuetus, facile populum ad cuiuslibet factionis inclinabat assensum. Sed sicut spina rosam, genuit Goduinus Egdidam. Hanc dilecto suo præparauit Christus, Eduardo, inspirans ei ab ipsa infantia castitatis amorem, odium vitiorum, virtutis affectum. Legere, aut operari manibus, otium fugiendo, consuevit lasciuiam vitare, & colloquia iuuenum declinare. Conuenientibus igitur in vnum, Rex & Regina, de castitate ^{Castitatem seruant.} seruanda paciscuntur, nec huic fidei alium, quam Deum testem, æstimant adhibendum. Fit illa coniux mente, non carne; ille maritus mente, non opere. Perseuerat inter eos sine actu coniugali coniugalis affectus, & sine defloratione virginitatis, castæ dilectionis amplexus. Diligitur, sed non corrumpitur: diligitur illa, nec tangitur, & quasi noua quædam *Abisag*, ^{Regem.} Regem calefacit amore, sed non dissoluit libidine, mulcet obsequijs, sed desiderijs non emollit.

O quàm pulchra est casta generatio cum claritate! ^{Im-} mortalis est enim memoria illius: quoniam & apud Deum ^{Sap.} nota est, & apud homines.

Quadam verò die Pentecostes, cum Rex diuinis ^{Spiritus} interesset mysterijs, hora eleuationis corporis Christi, ^{Prophetia.} subito Rex vultu hilarior, & erectior oculis, in risum T modicum,

modicum, seruata tamen regia grauitate, dissoluitur. Mirari, qui aderant, coeperunt, nec sine causa, cum præter consuetudinem id ei accidisse sciebant. Peractis autem Missarum solemnibus, causam risus instanter adstantes sibi exponi petunt. Ille, ut erat miræ simplicitatis, simpliciter querentibus, simpliciter omnia confitetur, dicens: *Conuenit Danis cum Rege suo, antiquum facinus iterare, & quam nobis propitia diuinitas largita est, infestare quietem. In percussione quidem nostra, qua castigans castigauit nos Dominus, ignorantes Dei iustitiam, & suam extollentes virtutem, dixerunt: Manus nostra excelsa, & non Dominus fecit hæc omnia. Quia verò Deus, Patribus nostris iratus, Danorum nos tradidit potestati, suis id viribus tribuentes, facili hoc ipsum & nunc fieri posse arbitrantur, nescientes, quia qui percutit, ipse & sanat; & qui mortificat, ipse & viuificat, & qui ducit ad inferos, ipse reducit. Igitur Rex Danie, coacto in unum exercitu, hodierna die ventis pro voto flantibus, naues, parari precepit. Iam naues velis, & vela ventis fuerant committenda, & Rex iniquus, ob nimiam superbiam, quasi semetipsum non sustinens, dum de scapha in nauem conscendere vellet, pedelapso, inter utramque in mare corruit, & statim abissus vallauit eum, & pelagus cooperuit caput eius, sicq; morte sua utrumque populum Danorum scilicet, & Anglorum, à peccato pariter, & periculis liberauit. Et spero in Domino Deo meo, & in dulcissima Matre eius, quod temporibus meis nullum habebit conatus eorum effectum. Hæc sunt, quæ Christo reuelante cognoui, & vidi, &*

Psal. 117

Deuter. 32.

Ibid.
1. Reg. 2.
Rex Da-
niz sub-
marginitur

rifi, &

risi, & gaudisus sum. Risum enim fecit mihi Dominus, & quicumque audierit, corridebit mihi. Notantur tempus, & hora, mittuntur nuncij in Daniam, & omnia, quæ beatissimo Regi cælitus nunciata fuerant, vera, & eadem hora accidisse reperta sunt.

Cantemus Domino : gloriôsè enim magnificatus est, equum, & ascensorem deiecit in mare. Fortitudo mea, & laus mea Dominus, & factus est mihi in salutem.

Succedentibus itaque prosperis, Rex voti sui nequam oblitus, recogitans, quanta sibi fecerit Dominus qui ditavit egenum, sublimavit humilem, inglorium coronavit; parat reddere vota sua, parat sumptus, parat donaria. Vocatis autem regni proceribus, habuit cum eis de statu regni vel de sua peregrinatione sermonem, dicens: *Non excidi, quomodo irruentibus in hereditatem nostram barbaris, facti sumus opprobrium vicinis nostris, subsannatio & illusio his, qui in circuitu nostro sunt. Alijs namque interfectis, alijs fugatis, alijs iugo ignominiosæ servitutis oppressis, nihil ferè honoris, nihil gloriæ nostro generi reliquerunt. Tandem defuncto patre meo, peremptis fratribus, actis in exilium nepotibus, & cum hostibus nostris in omnibus fortuna faueret, mihi profectò nihil spei superesse videbatur. Ego verò contra spem in spem credens, & Domini misericordiæ me totum dedens, peregrinationem meam ad Sanctorum Apostolorum limina voui; & deinceps diuinæ me protectioni, dispositioniq; commisi. Ille autem respexit in orationem meam, & abstulit opprobrium meum, & restituit me in regnum patris mei. Insuper cumulatam diuitijs*

Eduar-
dus co-
gitat vo-
ti solu-
tionem.

Psal. 78.

Rom. 4.

Psal. 101.

auxit gloria, donis cœlestibus illustrauit. ipse sine sanguine rebelles subegit, hostes subuertit, omnia nostra amabili quidem pace composuit. Absit, ut tot, & tantis eius bene-

Luc. 1. ficijs inueniamur ingrati, quin potius de manu inimicorum nostrorum liberati; seruiamus illi in iustitia & veritate, faciamusq; quod ait Propheta: *Vouete & reddite Domino*

Psal. 73. Deo vestro. Decernite ergo mecum quomodo me peregrinante, regnum subsistat Anglorum, qua lege, qua pace, qua iustitia, quo iudice omnia disponantur; quis castra, vrbes, priuata & publica negotia procuret. Erit autem vnus omnium custos, & protector, Deus, & pacem, quam dedit, ipse seruabit, nobiscum proficiscens, & remanens, qui & vos custodiat, & me reducat.

Anglia
gemit.

Tunc omnes in communi vociferantes ad Regem, se non deferendos, se non exponendos gladijs, patriam hostibus non prodendam, nec pro vno, vt putabatur, bono, tot admittenda pericula allegabant. Tunc Rex eorum vocibus, & precibus se vrgeri sentiens, diu in animo fluctuabat; quia & voto superfedere periculosum, & tantorum precibus, & fletibus non cedere, inhumanum arbitrabatur. Tandem peregrinationem differens, expectabat, donec Apostolico fultus con-

Leo 12.
ps ad
eum.

silio, aut votum redimeret, aut impleret. Demum Pontifex summus, consideratis præmissis, & diligenter discussis, Regi epistolam, subscripta continentem, transmissit. Leo, Episcopus seruus seruorum Dei, dilecto filio suo Eduardo, Anglorum Regi, salutem, & Apostolicam benedictionem. Quoniam voluntatem tuam laudabilem, &

Deo

Deo gratam cognouimus, agimus gratias ei, per quem Reges regnant, & Principes iusta decernunt. Sed quia prope est Dominus, in omni loco omnibus inuocantibus eum in veritate, & S. Apostoli cum suo capite coniuncti, unus Spiritus sunt, & pius pater equaliter audiunt, & quia constat, periclitari Anglicam Regionem ex tua discessione, qui freno iustitie seditiosos eius motus cohibes, ex auctoritate Dei, & Sanctorum Apostolorum absoluumus te à peccato illius voti, pro quo offensam Dei times, & ab omnibus negligentijs & iniquitatibus tuis, ea potestate vsi, quam Dominus in beato Petro concessit nobis, dicens: Quaecumque solueris super terram, erunt soluta & in Coelis. Deinde precipimus tibi, sub nomine Sanctae Obedientiae, & penitentiae, ut expensas, quas ad iter istud paraueras, pauperibus eroges, & Cœnobium Monachorum in honorem S. Petri Apostolorum Principis, aut nouum constituas, aut vetustum emendes, & augeas, & sufficientiam victualium fratribus de tuis redditibus constituas: quatenus dum illi assidue inibi Deum laudauerint, & sanctis augeatur gloria, & tibi indulgentia. Cui loco quidquid contuleris, vel collatum est, vel conferetur, ut ratum sit, Apostolica auctoritate precipimus, & ut semper habitatio Monachorum sit, & nulli laice persone, nisi Regi, subdatur, & quaecumque priuilegia ibi constituere volueris, ad honorem Dei pertinentia, concedimus, & robustissima auctoritate confirmamus, & in fine fractores eorum, eterna maledictione damnamus.

Mith.
16.

Responsalibus autem Regis, & literis Pontificis oraculum caeleste concurrat. Erat enim vir quidam in Anglia, Deo dilectus & hominibus, qui in specu subterraneo

Oraculi
caeleste.

Eccli. 45

multis annis inclusus, suorum erat meritorum stipendijs iam vicinus. Huic Petrus, Apostolus, in visione noctis assistens, ait: Rex Eduardus pro voto, quo se, cum adhuc exularet, adstrinxerat, pro regni etiam pace, pauperumque necessitate; precesque sollicitus, Romanam Ecclesiam de omnibus credidit consulendam. Nouerit ergo, se, mea auctoritate, ab hac obligatione absolutum, & de Cænobio, ad mei nominis honorem construendo, à Summo Pontifice suscepisse mandatum. Incunctanter itaque literis Apostolicis fidem habeat, præceptis obediat, consilijs acquiescat. A me enim egressus est sermo, quem sibi quondam patronum elegit, viæ comitem, gratiæ largitorem. Est autem mihi locus, in occidentali parte, à me Londoniæ electus, mihi dilectus, quem quondam mihi proprijs manibus consecraui, mea nobilitaui præsentia, diuinis etiam miraculis illustraui. Thorneia nomen est loci, qui quondam, ob peccata populi, Barbarorum traditus potestati, pauperrimus ex diuite, humilis ex sublimi, ex nobili factus est contemptibilis. Hunc me Rex præcipiente, in habitaculum Monachorum suscipiat reparandum, sublimandum ædificijs, possessionibus ampliandum.

Gen. 28. Non erit ibi aliud, nisi domus Dei, & porta cæli: ibi erigenda est scala, per quam descendentes, & ascendentes Angeli, preces, & vota hominum perferant, & deferant gratiam. Inde ascendentibus referabo ianuas Paradisi, ut ex officio, quod meus mihi Dominus ac Saluator iniunxit, ut ligatos absoluam, & absolutos suscipiam, & quam eis delictum occluserat, iustificatis portam patriæ cælestis aperiam. Tu autem omnia, quæ audisti à me, & didicisti,

literis

*literis tradens, Regi mitte, ut munere Dei duplicato, & de
absolutione securior, & præcepti excussione deuotior, in mei
autem dilectione, & obsequio reperiatur propensior.* His di-
ctis lux cum loquente disparuit. Scripsit itaque Senex
omnia audita, & Regi direxit. Eadem autem hora, lecto
Papæ scripto beati Ienis apices recitantur. Tunc Rex
lætus, & alacris, pecuniam quam ad peregrinationem
parauerat, pauperibus distribuit, & Monasterium ædi-
ficauit.

Tempore quo Rex Ethelbertus, qui regnauit in
Cantua, prædicante Augustino, fidei sacramenta susce-
perat; nepos eius Sebertus, qui Orientalibus Anglis
præfuit, fidem, eodem Episcopo euangelizante, susce-
pit. Hic Londonijs, quæ regni sui caput habebatur, in-
tra muros, Ecclesiam beati Pauli fabricauit, & Episco-
pali honore mellitum, Episcopum instituens, honora-
uit. Extra muros verò, in Occidentali parte, in hono-
rem beati Petri, Monasterium insigne fundauit, & mul-
tis possessionibus ditauit. Nocte autem dedicationem
eiusdem Ecclesiæ præcedente, piscatori cuidam Thame-
sis fluvij, qui idem monasterium præterfluit, vltiori
ripa, in habitu peregrino, beatus Petrus apparens, pro-
missa mercede, transponi se ab eodem & petijt, & pro-
meruit. Egressus autem de nauicula, Ecclesiam, pesca-
tore cernente, ingreditur. Et ecce subito lux cœlestis
emicuit, miroque splendore illustrans omnia, noctem
conuertit in diem. Adfuit cum Apostolo multitudo
civium supernorum ingredientium, & egredientium,
melodia

Ecclesia
à sancto
Petro
dedicata

melodiaque cœlestis insonuit, indicibilis odoris fragrantia naues perfudebat. Peractis autem omnibus, quæ ad Ecclesiæ dedicationem spectant, solemnibus, redit ad
 Luc. 5. piscatorem piscium *piscator egregius hominum*. Quem, dum diuini luminis fulgore perterritum, & alienatum penè sensibus reperisset, blanda consolatione reddidit hominem sibi, animum rationi: ingredientem lembum
 Ioan. vi. simul vterque piscator, ait Petrus: *Nunquid pulmentarium non habes?* & ille, *Inconsultè*, inquit, *lucis perfusione stupidus*, & *expectatione tui detentus*, *nihil cepi, sed promissam à te mercedem expectaui*. Ad hæc Apostolus ait: *Laxa nunc retia, in capturam*. Paruit impetanti piscator, & mox impleuit rete maxima piscium multitudo. Omnes erant eiusdem generis pisces, præter vnum miræ enormitatis esocium. Quibus ad ripam extractis, dixit Apostolus: *Hunc, qui præ ceteris pretio, & magnitudine excellit*, Mellito, *ex mea parte defer piscem Episcopo*. Pro nautica verò mercede, cetera tibi tolle.

Huius generis copia abundabis in vita tua, & longo tempore post te progenies tua, tantum ne ultra piscari audeatis
 Ioan. 4. in celebritate Dominica. Ego sum Petrus, qui loquor tecum, qui cum meis conciuibus constructam in nomine meo basilicam dedicaui, Episcopalemq; benedictionem meæ sanctificationis
 Matth. ii. auctoritate præueni. Dic ergo Pontifici, quæ vidisti, & audisti, tuosq; sermoni signa parietibus impressa testimonium perhibebunt. Superseदेat ergo dedicatione, suppleat, quod omisimus, Dominici corporis, & sanguinis sacrosancta mysteria, populumq; sermone erudiens, notificet omnibus,
 hunc

hunc locum me crebrò visitaturum, hic me fidelium votis, & precibus adfuturum, sobriè verò, piè, & iustè in hoc seculo viuentibus, celi ianuam referaturum. His dictis confestim ab oculis eius disparuit. Mane autem facto, Episcopo Mellito, ad dedicandum Ecclesiam procedenti cum pisce piscator occurrit: & omnia quæ sibi mandata fuerant, pandit. Stupet Antistes, referatisque Ecclesiæ valuis, videt pauimentum, vtriusque Alphabeti inscriptione signatum, parietem bis senis in locis sanctificationis oleo linitum, totidem cereorum reliquias duodenis crucibus inhærere, & quasi recenti resperione cuncta adhuc madescere. Quod videns Episcopus, vna cum populo, Deum benedicebat, & illi gratias deferrebat. Dat fidem miraculo piscatoris illius tota successio, quæ sicut à patre acceperat, totius emolumentij, quod ars illa deinceps ei conferret, Beato Petro, ei que seruiantibus decimas offerebat. Vnus tamen semel fraudem ausus inferre, mox tam diu artis caruit beneficio, donec confessus reatum, & ablatum restitueret; & promitteret correctionem.

Hæc cum Sanctus Eduardus relatione ac scriptis veterum didicisset, ad monasterium illud ædificijs, possessionibus, & dignitatibus altiùs extollendum, exarsit animus eius, & pro priuilegijs illius loci, cæterisque causis nuncios Romam transmisit, talem *epistolam*,
 „ Papæ deferentes: Summo vniuersalis Ecclesiæ Patri,
 „ Nicolao, Eduardus, gratia Dei, Anglorum Rex,
 „ debitam & subiectionem, & obedientiam. Glorifi-

, canus Deum, quia curam habet suæ electæ Ecclesiæ,
 , quoniam in loco boni prædecessoris, vos, optimum
 , successorem constituit. Quapropter iustum iudica-
 , mus, apud vos, velut ad solidam petram, acuire, &
 , probare omnes bonas actiones nostras, & vestram
 , notitiam, atque societatem in bono habere, quate-
 , nus eas donationes, & priuilegia, quæ obtinuimus
 , apud prædecessorem vestrum, renouetis, & augeatis
 , nobis, videlicet vt quòd ille iniunxerat nobis sub
 , nomine obedientiæ, & pœnitentiæ, propter votum,
 , quod voueram ire Romam, & in remissionem
 , omnium peccatorum meorum, construere cœno-
 , bium Monachorum, in honorem Apostoli Petri,
 , ratum faciatis, & priuilegia possessionum, & digni-
 , tatum eiusdem loci confirmetis, renouetis, & de-
 , cernatis. Ego quoque pro modulo meo augeo, &
 , confirmo donationes, & consuetudines pecunia-
 , rum, quas habet S. Petrus in Anglia, & ipsas pecu-
 , nias collectas, cum regalibus donis, mitto vobis, vt
 , oretis pro me, & pro pace regni mei, & continuam,
 , ac solemnem memoriam instituatis totius gentis
 , Angliæ coram corporibus Sanctorum Apostolo-
 , rum.

Respon-
 sit Papæ
 Nicolai,

Rescripsit autem ei Papa in hunc modum.
 , Nicolaus, Episcopus servus Seruorum Dei, Glorio-
 , sissimo, ac pijsimo, omniq̃ue honore dignissimo,
 , speciali quoque filio nostro, Eduardo, Anglorum
 , Regi, visitationem omnimodam, salutem melli-
 fluam,

„ fluam, & benedictionem Apostolicam. Omnipoten-
 „ tenti Deo referimus grates, qui vestram prudentissi-
 „ mam Excellentiam in omnibus ornauit, & decora-
 „ uit erga B. Petrum, Apostolorum Principem, nobi-
 „ scum habere dilectionem, & in omnibus Apostoli-
 „ cis consentire censuris. Literas igitur vestrae nobilitati
 „ transmittimus, & per eas Sanctorum Apostolorum
 „ societatem, & nostram vobis damus, orantes misere-
 „ ricordiam illius, qui est Dominus omnium, & Rex
 „ super omnia solus, vt participem faciat ex omnibus,
 „ si quae sunt coram Deo, bonis operibus nostris, &
 „ fratres nos, ac socios in sua dilectione constituat in
 „ omni tempore amplius, ac non minorem partem
 „ obsequij nostri, vobis in suo regno reassignet,
 „ quam nobismetipsis prouenire optamus. Erimus
 „ etiam deinceps pro vobis sine dubio orantes assidue,
 „ vt ipse Deus subijciat hostes, ac inimicos, qui con-
 „ tra vos voluerint insurgere, & confirmet vos in pa-
 „ terno solio & propria hereditate, ac beatus Petrus sit
 „ vobis custos, & adiutor in omni tribulatione. Re-
 „ nouamus ergo, & confirmamus, ac augemus vobis
 „ privilegia vestra, scilicet, vt absoluti sitis ab illo voto,
 „ quod timebatis, & ab omnibus alijs peccatis, & ini-
 „ quitatibus vestris, auctoritate illius, qui me, licet
 „ indignum, suae Sanctae praesse voluit Ecclesiae. Prae-
 „ terea illi loco, quem sub nomine sanctae obedientiae
 „ construendum, & meliorandum suscepistis, quo-
 „ niam, vt fertur, primam antiquitus Consecrationem

,, à beato Petro accepit, cuius licet indigni Vicarij su-
,, mus, & regia antiquitus sedes est, ex auctoritate Dei,
,, & Sanctorum Apostolorum, atque huius Romanæ
,, sedis, & nostra concedimus, permittimus, & solidi-
,, ssimè confirmamus, vt amplius in perpetuum Regie
,, constitutionis locus sit, atque repositorium regalium
,, insignium, & habitatio perpetua Monachorum, qui
,, nulli omainò personæ, nisi Regi, subdantur, ha-
,, beantque potestatem secundum regulam Sancti Be-
,, nediicti, per successiones eligere ex se idoneos Ab-
,, bates, neque introducat per violentiam extranea
,, persona, nisi quam concors congregatio ex se præ-
,, elegerit. Absoluimus etiam eum locum ab omni
,, seruitio, & dominatione Episcopali, vt nullus Epi-
,, scopus illuc introcat ordinaturus, aut præcepturus
,, aliquid, nisi ex petitione, & consensu Abbatis, &
,, Monachorum. Et habeat idem locus liberum pro-
,, cinctum, id est, ambitum, & cæmeterum mortuo-
,, rum circa se, absque Episcopali, vel cuiuslibet respe-
,, ctu, vel exactione, & omnia, quæ ad libertatem, &
,, exaltationem illius loci, ad honorem Dei pertinen-
,, tia, per nostram auctoritatem accedere possunt, hi-
,, lari, & promptissima voluntate concedimus. Posse-
,, siones autem, quas antiqui Reges, seu quicumque
,, alij homines, vos quoque, & vestri Barones, ad
,, eundem locum contulistis, & chartas, quæ ex eis
,, factæ sunt, diuina, & nostra auctoritate roboramus,
,, & ratas, ac stabiles esse decernimus; & infractores
earum,

„ earum , inuasores , aut diminutores , aut disperfores ,
 „ venditores etiam , aterna maledictione cum Iuda , Ioan. 8. 12.
 „ proditore , damnamus , vt in beata non habeant par-
 „ tem resurrectione , sed à Beato Petro , Apostolo , se
 „ iudicandos sciant , quando sedebit cum suis Coapo-
 „ stolis , iudicans duodecim tribus Israel. Vobis verò , Marth. 19.
 „ & posteris vestris , Regibus committimus aduocatio-
 „ nem , & tuitionem eiusdem loci , & omnium totius
 „ Angliæ Ecclesiarum , vt vice nostra , cum consilio
 „ Episcoporum , & Abbatum , constituatis vbique ,
 „ quæ iusta sunt , scientes pro hoc vos recepturos di-
 „ gnam ab eo mercedem , cuius Regnum , & imperium
 „ non desinet , nec minuetur in sæculum .

Sanctus autem Eduardus tributum illud grauissi- Eduar-
dus ri-
butum
remittit.
 mum , quod tempore Patris sui , classi Danicæ pende-
 batur , & postmodum Fisco Regio inferebatur , regia
 liberalitate remisit , & ab hoc onere importabili in per-
 petuum Angliam absoluit. Cùm enim collecta illa pe-
 cunia ante illum delata esset , diabolus super cumulum
 sedentem , & ludentem vidit , & ne ampliùs exigeretur
 præcepit. Cùm in palatio , iuxta Ecclesiam Sancti Petri ,
 Rex aliquando moraretur , superuenit quidam vir mira- Dist or-
tus mem-
bris sa-
natus.
 bilis , Hybernicus genere , pedis vtriusque priuatus offi-
 cio , nerui eum , in poplite contracti , ad posteriores
 corporis partes crura retorserant , tali natibus inherant ,
 immersione carnibus pedum articuli , à lumbis eius , &
 deorsum corpus omne peruerterant. Porrectis ad ter-
 ram manibus , & scaminis suppositis repebat , & factus

sibi metipſi grauis, trahebat ſe poſt ſe. Hic videns Regis
 cubicularium, ait ad eum : *Hugoline, non me reſpicias, nec
 miſereberis, nec mouebit te mea tanta calamitas? & ille :
 Quid me vis facere?* Cui pauper, *Sexies*, inquit, *Apo-*
ſtolorum limina repens, (ut cernis) viſitauit, & ſanctatem
necdum promerui. Quam tamen Apoſtolorum Princeps non
negauit, ſed diſtulit, ſocium in hoc miraculo habere volens
Eduardum, quem ſibi nouit eſſe deuotum. Ab ipſo enim
Apoſtolo in mandatis accepi, Regem adire, ut me, ſuo ſacro
ſubuectum dorſo, ad eccleſiam eius, quæ palatio vicina eſt,
perferat, recepturum, ſi id faciat, membrorum meorum in-
tegram ſanctatem. Hæc ubi nuntiata ſunt Regi, gratias
 agit Deo, & citatus mox æger, acceſſit. Rex verò, ut
 ſpiritualis ille *aſinus fortis, accubans in terminis, ſuppoſuit*
 humeros ſuos ad portandum. Pendet de humero tanti
 Principis, plenus ſordibus pauper, ſqualidis manibus,
 brachijsque ſquamoſis regium illud pectus, collumque
 complectitur. Interea ex aſſiſtentibus ridebant non-
 nulli, alij à paupere Regem deluſum iocabantur, alij
 ſimplicitatem, iuſti fatuitatem iudicabant. Cùm itaque
 Rex paullulum proceſſiſſet, ſubitò nerui extenduntur,
 rigantur oſſa, carnes marcidæ recaleſcunt, emergunt à
 carne articuli, pedes à natibus ſoluuntur. Diſtendit
 homo crura, poplite iam flexibili, & ſanie cum ſanguine
 profluente veſtis regia ornatur potiùs, quàm frædatur.
 Iam nunc ſatis eſſe clamant omnes, ſanatum langu-
 idum, onus, obſordes vlcerum, deponendum. Ille
 verò, memor præcepti, quod ſuſceperat, ſirenum can-
 tus

tus obturata aure pertransiit, ingressusque Ecclesiam, ante sanctum altare holocaustum, quod detulerat, Deo, ac Beato Petro resignauit, incolumemque dimisit. Suscepto autem à Rege itineris viatico, acturus gratias Deo, & Sancto Petro, Romam profectus est.

Quomodo obscuratum est aurum, mutatus est color optimus, dispersi sunt lapides Sanctuarij in capite omnium platearum? filij Sion inclyti, & amicti auro primo: quomodo reputati sunt in vasa testea, opus manuum figuli. Thren. 4

In monasterio autem Beati Petri, ante altare Sanctissimæ Trinitatis, Missarum solemnij Sanctus Rex, vice quadam, cum Comite Leofrico, assistebat: Et ecce speciosus ille forma præ filijs hominum Christus IESVS, in ara consistens, oculis vtriusque visibiliter corporalis apparuit, sacraque dextera super Regem extensa, signo sanctæ Crucis eum benedicendo depinxit. At Rex, dimisso capite, diuinæ maiestatis adorauit præsentiam. Comes verò, quid in animo Regis ageretur, ignorans, volensque Regem tantæ visionis esse participem, cœpit velle ad ipsum usque procedere. Verùm Rex, quid in mente Conaitis voluebatur, intelligens, *Sta*, inquit, *Leofrice, sta: quod vides, video & ego.* Post missam verò dixit Rex ad Comitem: *Per eius, quem vidimus, maiestatem, mi Leofrice, te obtestor, ne quoadusque vixerimus, sermo iste proferatur in publicum, ne vel nos in perniciem nostram, ob fauorem vulgi, pulset elatio, & fidem de-roget dictis infidelium emulatio.* Christus in Massa visus, Psal. 99

Et de.

Matth. *Et descendentibus illis de monte, præcepit ei Iesus, dicens:*
 17. *Nemini dixeritis visionem, donec filius hominis à mortuò resurgat.*

VI us
mulieris
cautum Sub faucibus autem quasi glandes mulieri cuidam succreuerant, quæ totam faciem deformi tumore scœdantes, putrefactis sub cûte humoribus, sanguinem in faciem verterant, inde nati vermes, odorem teterri-
 mum exhalabant. Iubetur tandem in somnis adire palatium, & ex Regis manibus sperare remedium, quibus si lota, si tacta, ac signata foret, meritis eius reciperet sanitatem. Cùm autem venisset ad Regem, & oraculum exposuisset: ille nec sordes cauit, nec scœtorem exhorruit; sed loca tumentia manibus contrectans, & aqua lauans, signum Sanctæ Crucis impressit: & subitò rupta cute, cum sanie vermes ebulliunt, recedit tumor, & dolor omnis abscessit.

Gal. 6. *Mihi autem absit gloriari, nisi in cruce Domini nostri, Iesu Christi; per quem mihi mundus crucifixus est, & ego mundo.*

Cæcus il-
luminatus, Cæcus quidam docetur oraculo, lumen amissum, Sancti Regis meritis, se adepturum, si lympa, qua manus ablueret, ipse faciem perfudisset. Cùmque id cubiculario, & ille Regi retulisset, obstupuit ille, plurimum indignatus illud phantasmatibus hominem, nihil tale de peccatore sperandum, Apostolicæ id esse virtutis, nec fidem somnijs adhibendam asseruit. Aqua manus lauit, & ad Ecclesiam processit, cubicularius autem cægo receptam in pelui aquam tradit: cum quâ ocu-

quà oculos, & faciem lauans, visum confestim percipere meruit.

Tunc sumens Tobias de felle piscis, liniuit oculos patris Tob. 11.
sui. Et sustinuit quasi dimidiam ferè horam, & cepit
allugo ex oculis eius, quasi membrana oui, egredi. Quam
apprehendens Tobias, traxit ab oculis eius, statimq; visum
recepit.

Cuius quidam Licolnienfis, cæcitate percussus, ad Aliu
 palatium Regis veniens, aqua lotionis manuum eius, faciem,
 & oculos lauat, mox tenebris diuturnis optata
 lux succedit.

Cæci vident, claudi ambulant, leprosi mundantur, surdi Matth.
audiunt, mortui resurgunt, pauperes euangelizantur. 11.

Quidam cæcus Regem adire, & visum ab eo percipere
 monitus, cubiculario, & ille rem Regi pandit. Aliu
 Cui Rex: *Veniat, inquit, quis ego sum, qui contrisler,*
& non potius exultem, si meis manibus, licet indignis, pro-
missum beneficium homini illi pietas diuina contulerit?
 vocatus est autem vir, & à Rege tactus, & signatur, &
 inter manus eius ab oculis vtrisque vbertim sanguis
 effluxit, pupillas serenauit, & tumorem palpebrarum
 deposuit. Et dixit homo ille; *Video te, Domine, mi* Act. 6;
Rex, & facies tua, tanquam facies Angeli, stantis ante me.
 Alia autem vice, duo cæci, cum vno monoculo, aqua Cæci
 lotionis manuum Sancti perfusi, visum percipere me-
 ruerunt. alij.

Sedebat aliquando Rex ad mensam, & à latere eius Co- Rex Pro-
 mes, Godoyinus; huius duo filij adhuc pueri, Haraldus, pheta.

& Tostius, ludebant coram eis; cumque vnus ex illis amariùs, quàm expetebat ludi suauitas, insurrexisset in alterum, ludum vertunt in pugnam. Et ecce Haraldus vehementiùs in fratrem irruens, capillis eius vtramque manum inserit; prostratumque, nisi citiùs eriperetur, virtute superior suffocasset. Tunc Rex versus ad Ducem, ait: *Nihil aliud, ò Goduine, nisi simplicem in his vel ludum puerorum, vel pugnam contemplaris. Nihil aliud, ille, Domine mei.* Tunc Rex dixit. *longè aliud mea mihi mens loquitur: & his quid futurum sit pueris, per hoc mihi bellum reuelatur. Emensis quippe puerilibus annis, cum in virum vterque profecerit, tandem aduersus inuicem liuor vtrumque aduret. Et primum circumuentione, insidijsq; priuatis, quasi ludere videbuntur; ad vltimum fortior inferiorem proscribet, rebellantem prosternet, & prioris mortem post modicum sequens alterius calamitas expiabit.* Quæ omnia sic completa, tota Anglia teste, probantur. Nam Tostius, ab Haraldo fugatus, cum paulò post in regnum successisset Eduardo Haraldus, vnà cum Rege Noruegiæ Tostius prosternitur, & totus serè exercitus deletur. Eodem anno Haraldus ipse, regno spoliatus Anglorum, aut miserè occubuit, aut, vt quidam putant, pœnitentiæ tandem seruatus, euasit.

Gen. 25. Deprecatus est Isaac Dominum pro vxore sua, eò quod esset sterilis: qui exaudiuit eum, & dedit conceptum Rebeccæ. Perrexitq; vt consuleret Dominum. Qui respondens ait: *Duæ gentes sunt in vtero tuo, & duo populi ex ventre tuo diuidentur, populusq; populum superabit, & maior seruiet minori.*

Goduvinus,

Goduvinus, cū in mensa Regi assideret, vnus mi- ^{Prophe-}
 nistrorum in obicem aliquem vno pede immoderatiū ^{tia alia,}
 impingens, penè lapsus incurrit: quem tamen pes
 alius, recto pede procedens, iterum in statum suum,
 nil iniuriæ passum, erexit. De hoc euentu pluribus inter
 se loquentibus, & quod pes pedi subuenerit gratulanti-
 bus, Comes quasi ludendo intulit; *Sic est frater fratrem* ^{Pron. 12}
adiuuans, & alter alteri in necessitate subueniens. Et ait
 Rex ad Ducem: *Hoc meus mihi fecisset, si Goduvinus hoc*
permisset. Ad hanc vocem Goduvinus expauit, & tri-
 stem præferens vultum, ait: *Scio ego, Rex, scio, adhuc*
de morte fratris tui, tuus me accusat animus, nec eis æstimas
discredendum, qui me, vel eius, vel tuum vocant prodito-
rem; sed secretorum omnium conscius Deus iudicet, & sic
buccellam hanc, quam manu teneo, guttur meum faciat per-
transire, & me seruet illesum, sicut nec tue prodicionis reus,
nec de fratris tui nece mihi conscius existo. Cūq; vir
 beatus buccellam manu benedicens signasset, miser ille
 eam ori inferens vsque in medium gutturis pertraxit.
 Tentat interiùs trahere, nec valet; tentat emittere, sed
 firmiùs hæsit. Mox meatus, quibus ducebatur spiritus,
 occluditur, vertuntur oculi, brachia rigescunt. Intuetur
 infelicitè morientem Rex, & vltionem in eum sentiens
 processisse diuinam, adstantes alloquitur, dicens:
Extrahite canem iustum; & factum est ita. Hic Goduvi-
 nus, simplicitate Regis abutens, multa in regno contra
 iustitiam, & Deum faciebat. Cunctos ferè Regis cogna-
 tos, & amicos, quos de Normannia adduxerat, fraude
 sua, dolo,

sua, dolo, & circumuentione de patria exturbabat; credens sibi cuncta processura pro voto, si Rex amicis nudatus, suis tantum consilijs vteretur. At Rex, cuncta dissimulans, diuinis vacabat obsequijs, vltionemque Dei sibi futuram multis prædixit. Aliquando etiam ipsi Goduino idiplum non tacuit.

PROV. II *Simplicitas iustorum dirigit eos: & supplantatio peruersorum vastabit illos.*

Deuotio Regis in S. Ioannis-nemBua-gelista Sanctus Eduardus nulli petenti in nomine S. Ioannis Euangelistæ, aliquid denegabat. Hunc enim, post Apostolorum Principem, arctius diligebat. Vnde contigit, quod quidam peregrinus, absente Camerario, in nomine S. Ioannis Euangelistæ, importunè à Rege eleemosynam postularet. Cui Rex pretiosum annulū, cum nihil aliud in promptu haberet, dedit. Accidit post hæc, duos Anglicos ad adorandum Salvatoris sepulchrum Hierosolymam proficisci. Qui die quadam à publica strata declinantes, deuia quæque sectati sunt, & sole ruente, nox obscura adducta est.

Et cum nescirent, quid agerent, quo se verterent, apparuit eis senex quidam venerandus, qui eos ad ciuitatē reducit. Susceptis autem hospitio, mensa paratur lautissimèq, refectione, dant membra quieti. Mane autem facto, egressis illis de ciuitate, ait senex: *Viri fratres, cum summa prosperitate vos repatriaturos non dubitatis, quoniam prosperum iter faciet vobis Deus, & ego, ob amorem Regis vestri, in omni via firmabo super vos oculos meos. Ego enim sum Apostolus Christi, Ioannes, qui Regem vestrum, ob meritum castitatis*

castitatis, summa dilectione complector. Hunc ergo annulum, quem mihi in habitu peregrino apparenti tribuit, reportate, denunciante obitus sui instare diem: quem infra sex menses visitans visitabo, ut mecum sequatur agnum, quocumq; ierit. Apoc. 14
His dictis disparuit, & illi ad patriam prosperè redeuntes, quæ viderant, & audiverant, Regi seriatim retulerunt. Matth. 13

Hi sunt, qui cum mulieribus non sunt coinquinati: Virgines enim sunt. Hi sequuntur agnum, quocumque ierit. Hi empti sunt ex hominibus, primitiæ Deo, & Agno: & in ore eorum non est inuentum mendacium: sine macula enim sunt ante thronum Dei.

Cum autem Rex infirmitate graui detineretur, in mentis raptus excessum, biduo ferè iacebat exanimis. Tandem quasi de graui somno euigilans, aperuit oculos, & sedit, & assumpta parabola, ait: Cum Adolefcens in Normannia exularem, gratis semper mihi extitit bonorum amicitia, & quicumque sacra religionis meliores videbantur, hi mihi ceteris erant familiariores. Inter quos duos Monachos, speciali quadam deuinxerant charitate, conuersationis honestas, vitæ sanctitas, suauitas morum, verborum affabilitas. Hos frequentius visitabam, quia dulcia fauibus meis eloquia eorum. Hos, ante plurimos annos, translato ad Cælum, Exstasie Regis. Gen. 45. Psal. 118
vidi mihi paulò ante in somnis assistere, quid genti meæ post obitum meum sit futurum, ex Dei mandato mihi deferentes.

Impletam dicunt Anglorum nequitiam, & iniquitas consummata iram prouocat, accelerat vindictam. Sacerdotes præuicati sunt pactum Domini, polluto pectore, &

- Ioan. 10 manibus inquinatis sancta contrectant. Et non pastores, sed
 mercenarij exponunt lupis oves, non protegunt, lac, & lanam
 querunt, non oves, ut detrusos ad inferos mors, & pastores
 Isai. 1. depascat, & oves: sed & Principes terræ infideles, socij fu-
 rum, prædones patriæ, quibus nec Deus timori est, nec lex
 honori, quibus Veritas oneri, ius contemptui, crudelitas
 delectationi. Itaque nec prælati iustitiam, nec seruant subditi
 psal. 7 disciplinam. Et ecce Dominus gladium suum vibrauit, arcum
 psal. 77. suum tetendit, & parauit illum. Ostendit deinceps populo
 huic iram, & indignationem, immisiones insuper per angelos
 malos, quibus traditi sunt, anno uno, & die uno simul &
 gladio puniendi. Ego verò, ob intentatam genti meæ calami-
 Ioel. 1. ratem dolens, atque suspirans, dixi: O cœlestium secretorum
 conscij, si conuersi egerint pœnitentiam, nunquid non ignoscet
 Ioan. 3. Deus, & relinquet post se benedictionem? Pœnitentia certè
 prolatam Dei ore in Niniuitas suspendit sententiam, que
 etiam imminentem impijssimo Achab debitam distulit ultio-
 3. Reg. 21. nem. Suadebo igitur genti meæ, ut pœniteant de præteritis,
 & caueant de futuris, & fortè miserebitur Deus, ut non
 inducat super eos malum hoc grande. sed qui punire præpara-
 uit auersos, recipiat in gratiam solita pietate conuersos.
 Act. 28. Nequaquam inquiunt, hoc erit, quoniam induratum
 Isa. 6. est cor populi huius, & excæcati oculi, & aures aggrauatæ,
 ut nec audiant corripientem, nec intelligant commonentem,
 nec terreantur minis, nec beneficijs prouocentur. His eorum
 verbis cum mihi maior accresceret sollicitudo dixi:
 psal. 76. Num ita in perpetuum irascetur Deus, & non apponet ut
 complacitior sit adhuc: Quando ergo tristibus lata succedent,

aut tot aduersa, qualis consolatio temperabit? Quale sperandum est in his malis remedium, ut sicut illinc terret & contristat, futura correptio; ita hinc aliquantulum mulceat diuine miserationis promissio? Adhæc Sancti tale mihi problema proponunt. Arbor, quælibet viridis à suo ^{Prob. 67} trunco decisa, ad trium iugerum spatium à radice propria ^{ma,} separetur. Quæ cum nulla hominis manu degente, nulla urgente necessitate, ad suum reuersa truncum, in antiquam radicem sese receperit, resumpto, succo rursum floruerit, & fructum fecerit, tunc sperandum est aliquod in hac tribulatione solatium, & de ea, quam prædiximus, aduersitate remedium. Hæc cum dixissent, ipsi cælo, vobis ego redditus sum. Assidebant narranti visionem Regina, Robertus, sacri palatii custos, Dux, Haraldus, Stigandus, & qui ascendit cubile patris sui, & maculauit stratum eius, viuente adhuc Roberto, Archiepiscopo, Cathedram Cantuariensem inuadens; ob hoc à Summo Pontifice suspensus, paulò post crepuit, & effusa sunt ^{Gen. 47} viscera eius. Hic ad vocem narrantis obduruir, nec terretur oraculo, nec fidem habuit prophetanti, sed potius Regem, senio confectum, delirare submurmurans, ridere maluit, quàm lugere. Cateri verò, quibus mens sanior erat, flebant vbertim, & suspirabant, qui nihil secùs quàm ipse dixerat, aut à sacerdotibus, aut à principibus fieri non ignorabant. Quidam enim præmissam similitudinem dicunt Regem pro impossibili statuissè, illi maximè, qui totam Anglorum nobilitatem sic deperissè lugebant, ut ex ea gente, nec Rex, nec

Episcopus,

Exposi-
tio pro-
blematis

Episcopus, nec Abbas, nec Princeps quilibet, vix in Anglia cerneretur. Mihi sanè alia mens est, consideranti sanctissimum virum, Dunstanum & ipsam calamitatem prædixisse. Potest proinde sic non inconuenienter exponi. Arbor hæc, regnum Anglorum significat, decorum gloria, delicijs diuitijsque fœcundum, excellentia regie dignitatis sublime. Radix, ex qua totus honor iste processit, regium semen fuit, quod ab Alfredi, qui primus Anglorum à Summo Pontifice vnctus, & consecratus fuerat in Regem, recta successionis linea vsque ad Sanctum Eduardum descendit. Abscissa est arbor de trunco, quando regnum à genere regali diuisum, ad aliud semen translatum est. Ad spatium trium iugerum *hæc facta est separatio*, quia in trium temporibus Regum, nulla fuit nouis cum antiquo semine regali coniunctio. Haraldus enim successit Eduardo, Wilhelmus Haraldo, Wilhelmus iunior priori Wilhelmo. Accessit ad radicem, quando Rex Henricus, in quem totum regium decus transfusum est, nulla necessitate cogente, nulla spe lucri vrgente, sed ex infuso ei amoris affectu, abneptem Eduardi, Mathildam, duxit vxorem, semen regium Nortmannorum, & Anglorum coniungens, & interueniente opere coniugali, de duobus vnum faciens. Floruit sanè arbor, quando de vtroque semine Imperatrix, Mathilda processit. Tunc verò fructum fecit, quando de ipsa Henricus exoricens, quasi lapis angularis vtrumque populum copulauit. Habet nunc certè de genere Anglorum Anglia

Anglia Regem, habet de eadem gente Episcopos, & Abbates, Principes, & milites, ex vtriusque seminis coniunctione procreatos. Si autem alicui hæc displicuerit expositio, aut ipse aliter exponat, aut aliud tempus, quo hæc expleantur, expectet.

Sciens itaque Rex, quia appropinquauit hora eius, Ioân. 13
ut transiret de hoc mundo, suum transitum mox in circuitu propalari iussit, ne mortis suæ agnitione dilata, Eduardus rex moritur
 orationum quoque suffragia differrentur. Sicque senex, & plenus dierum, ac bonorum operum, migrauit ad Dominum. Obijt autem anno Domini millesimo, sexagesimo sexto, cum regnasset viginti tribus annis, mensibus sex, & diebus viginti septem, pridie nonas Ianuarij, cum quo tota pariter Anglorum felicitas ruit, periijt libertas, vigor omnis interiijt.

Cecidit, cecidit corona capitis nostri: Vae nobis, quia Thren. 9
peccauimus.

Contractus quidam, ad sepulchrum eius veniens, Contractus restitutus.
 membrorum sanitatem deuotis lacrymis, & precibus postulabat. Et ecce, vis quædam occulta subito neruos extendit, in naturalem statum, crura, pedesque retorfit, evulsisque à carne articulis sanguis profluit, paulatimque succo resumpto, arida prius ossa pristinum robur recipiunt.

Exaltare, Domine, in virtute tua: cantabimus, & Psalm. 20
psallemus virtutes tuas.

Sex quoque cæci, vnum monoculum secuti, ad sepulchrum Regis properantes, cum alter ab altero, trahe-

Cæci sex illuminati.

Y

retur,

retur, & vnus præcedens oculus viris septem ducatum præberet, Sancto cum lacrymis miseriam exponunt, opem flant, contra diutissimæ caliginis tædium, Sanctissimi Regis deposcunt auxilium. Nec mora, beati meritis, & precibus, visum oculorumque claritatem percipere meruerunt.

Tob. 5. *Ingressus itaque (Angelus) salutauit eum, & dixit: Gaudium tibi fit semper. Et ait Tobias: Quale gaudium mihi erit, qui in tenebris sedeo, & lumen celi non video?*

Haraldus regnans. Interea Haraldus, filius Goduini, regnum, nec iure, nec natura sibi debitum, vsurpans, malum, quod Anglis, secundum Regis oraculum, Dominus præparauerat, transgressione pacti cum Duce, Wilhelmo, & fidei læsione accelerauit. Vt autem attenuatis viribus facilius ab his, quos iniuste prouocauerat, hostibus vinceretur; suscitauit ei Deus à parte Aquilonis inimicos, scilicet Haraldum, Regem Norwegiæ, & Tostium, fratrem suum, quem de Anglia expulerat; ipse quippe tempore Regis Eduardi exulabat in Flandria. Hi cum magna classe per Humbriam, Eboracum properantes, cum exercitum Northumbrensiū prælio exceperunt, potiti victoria, magnam de obstantibus stragem dederunt. His Haraldo nunciatis, exercitum copiosum ex omnibus finibus Angliæ collegit.

S. Eduardus ap-
paret. Apparuit autem tunc S. Eduardus, cuidam Alexi, Abbati Ramesiæ, viro religioso, dicens, *Vade, & dic Haraldo, ut homines, qui contra ius, & fas, regni huius fines inuadunt, aggrediatur securè. Ego enim ero Dux, & Protector*

Protektor exercitus, quoniam iustitia gentis huius deesse non possum. Per me enim reportabit vice hac de hoste triumphum. Et ne verbis tuis fidem deroget, secretum ei sui cordis ostende, ut cum ei, que nullo conscio, mente voluebat, edixeris, non hac tue adinventioni, sed mee promissioni adscribat.

Nocte quidem præterita, cum dolore femoris torreretur, licet cum non parum vrgeret imminens molestia, siluit tamen, reputans apud se, si publicaret languorem, quod suis esset contemptui, & hostibus irrationi. Verum quia nunc ab illa peste conualuit, de meo præsumens auxilio, contra Barbaros iustum bellum suscipiat, & ab imminente periculo suos eripiat. Quod cum Abbas Haraldo referasset, ex cœlesti promissione factus audacior, in valida manu progrediens, apud Stamfordbrig hostibus occurrit; confertoque prælio, Dux uterque prosternitur, scilicet Rex Norvegiæ, & frater Haraldi, Tostius, & pænè totus eorum exercitus deletus est.

Anno tricesimo sexto post Sancti Eduardi obitum, Translatio S. Eduardi. cum corpus eius de terra eleuaretur, integrum incorruptumque, & flexibile cum vestibus recentibus repperitum est. Quod videns Episcopus Rossensis, pilum vnum, devotionis desiderio accensus, extrahere, sibi que seruare conatur. Sed ille firmitus hærens, affectum mentis Episcopi, & voluntatem defraudauit. Mulier quædam, in festo Sancti Eduardi, operibus vacans, paralytis morbo correpta, ad corpus Sancti deducitur,

& sanitatem pristinam se recepisse lætatur. Tres viri febre quātana vexati, visitato Sancti sarcophago, quasi in momento curati sunt.

Canonizatur.

Obijt S. Eduardus anno Domini 1066. qui Beatissimus Rex post annos circiter centum in Sanctorum numerum relatus fuit ab Alexandro III. Pont. anno Pontificatus quarto, & Christi 1163. vt Card. Baronius in *notis ad Martyrologium*, die 5. Ianuarij, & alij testantur.

2. Machab. 15

Erat autem huiuscemodi visus : Oniam, qui fuerat summus sacerdos, virum bonum, & benignum, verendum visu, modestum moribus, & eloquio decorum, & qui à puero in virtutibus exercitatus sit, manus pro-tendentem, orare pro omni populo Iudæorum. Post hoc apparuisse & alium virum, etate, & gloria mirabilem, & magni decoris habitudine circa illum : Respondentem verò Oniam dixisse:

Hic est fratrum amator, & populi
Israel : Hic est, qui multum orat
pro populo, & vniuersa sancta
ciuitate, Ieremias, Pro-
pheta Dei.

SANCTI

S A N C T I

LEOPOLDI,

A V S T R I Æ

P R I N C I P I S.

C A N O N I Z A T I O,

Et inter Sanctos Confessores ad-
scriptio. Cum suæ festiuitatis in-
stitutione, pro *die 15. mensis Nouemb.*

Innocentius, Episcopus, servus servorum
Dei, ad perpetuam rei mêmoriam.



ACRO SANCTAM Ecclesiam Matrem
astitisse à dexteris Dei Reginam, in vestitu de-
aurato, circumdatam Varietate; non ab re
per Prophetam traditur. Regina equidem,
quæ illi Regi Domino, per quem Reges regnant, &
Principes iustitiam faciunt, desponsata sit. Unica eius
columba, Luna perfecta in æternum. Arcturus, per gyrum
nocturna spatia perenni lumine illustrans: Lucifer qui

Canonizatio S.
Leopoldi Au-
striæ Prin-
cis.
Proc. 9.
Cant. 3
psal. 88
Iob. 9

nos esse Deo proximos, per quam beatitudo æternæ vitæ
 à nobis comparatur. *Circumdata* Ecclesia dicitur *varie* Plal. 44
tate gratiarum, administrationum, & officiorum, iuxta
 verbum Apostoli, *diuisiones gratiarum sunt, idem autem*
spiritus eas conferens: diuisiones administrationum sunt, 1. Cor. 12
idem autem Dominus; & diuisiones operationum sunt, idem
verò Deus, qui operatur omnia in omnibus. *Circumdata*
varietate potestatis, ordinis, status, & variarum Eccle-
 siarum decore, quæ veluti *Alolescentule*, hanc de qua
 sermo est, Catholicam Ecclesiam, quasi matrem,
 conseruant, non vetustè per culpam, sed nouellè per
 gratiam, non senio steriles, sed ad spiritualem congruæ
 fecunditatem, & noua semper sobole pullulantes.
 Nam à *iusto Abel*, vnde Ecclesiæ exordia trahimus, in Matth.
 hanc vsque diem, quot Sanctos Orbis terrarum habuit; 23.
 tot quasi *palmities* protulit, ex quibus indies varij sur-
 gunt surculi in hac *vineâ* nostra *Sabaoth*, quam licet Ira. 6.
 immeriti, præstante Domino, sortiti sumus excolen-
 dam, feruntur. *Circumdata varietate*, quod alia trium-
 phantis, alia militantis Ecclesiæ species existat. De trium-
 phanti, Domini sponsione repromittitur: Ego ero eis;
 quidquid ab hominibus iustè desiderari potest, ero illis
 honor, gloria, salus, vita, virtus, & copia, pax; &
 omne bonum. Militans autem Ecclesia, *funda* non 1. Reg. 17
 ineptè assimilatur: nam sicut è *funda*, in gyrum versata,
lapides exeunt, quibus aduersarij feriuntur, & *Goliath*
 prosternitur; ita ex Sancta Ecclesia, dum per varias pro-
 cellas, & tempestates fluctuantes huius sæculi, per tri-
 bulatio-

bulationum circuitum rotatur, fortes viri prodeunt, quibus quasi *lapidibus*, in quorum corda traduntur, & de hoste humani generis nequissimo à Christi Tyronibus triumphatur.

§. 2. Hanc ipsam Ecclesiam Deus omnipotens mira quadam dispositione, & potestate fundavit, pretioso vni-
geniti filij sui Domini nostri IESU Christi sanguine dotatam esse voluit, multiplici spiritus sancti gratia ornavit. Apostolorum simplicitate, & fide roboravit, quos ignaros delegit, ut populos non tam sermone illorum, quam causa ad credendum adduceret. Martyrum tormentis, cruciatibus, constantia, & trophæis stabilivit, repressâ paulisper, quinimò confusa infidelitatis
 Match. 13. scuitia, & *inimico homine superseminante zizania*, crescente, multiplicataque hæreticorum prauitate, Doctorem cœlesti doctrina illuminavit, & demum Confessorum, Virginum, aliorumque Sanctorum intrepida confessione, solerti cura, exemplisque, imitatione dignissimis, aduersus Sathanæ insidias *circumdedit*.

§. 3. Inter alia autem saluberrima sanctitatis exempla, diuina misericordia, sidus quoddam mundo fulgere dedit, Beatum Leopoldum, Austriæ Principem, *pium Marchionem* cognomento appellatum; innocentiae, sapientiae, & iustitiae vestimentis, quibus vestiri Ecclesiam prædiximus, decorum; bonitate, mansuetudine, atque clementia conspicuum; simplicitate, continentia, & munificentia præclarum; cuius integritas, vitæ sanctimonia, humilitas, pietas, fides adeo apud Christi fideles

fideles inualuerunt, vt vna omnium Germanorum voce, pro Sancto haëtenus celebratus fuerit. Christianæ religionis cultum, & eius liberalitatem, nonnulla Monasteria, & quidem celeberrima, ab eo cum amplissimis censibus constructa, alia etiam magno sumptu illustrata, abundè testantur. Hic Princeps optimus, Sacerdotes, & viros religiosos admodum coluit, summosque Pontifices tanta veneratione profecutus fuit, vt ab Innocentio II. Romano Pontifice, prædecessore nostro, *peculiaris Sancti Petri filius* appellaretur: & Apostolica commendatione, atque ea *plenaria*, quam vulgò dicunt, *absolutione* dignus ab eodem Innocentio, etiam mortuus, iudicatus fuerit. Hic vir Dei, in summis opibus educatus, in magna peccandi licentia constitutus, coniuugalibus curis implicitus, Principatus regimine impeditus; sedulò tamen pietatis, & misericordiæ munera subibat, lassos roborans, vacillantes confirman, oppressos subleuans, inopes fouens. Inter curas domus, inter coniugales anxietates, inter affectus pignorum, inter multiplices Principatus sollicitudines, inter studia tot laborum, *immaculatum sese ab hoc sæculo custodiuit*, & temporalia tractando, æterna disposuit. Iac. 12.

Quadraginta annis Principatum Austriæ regens, & S. 4.
quod maius est, illis præcipuè temporibus, quibus propter Henricorum, patris, & filij, mutuas concertationes, & postea propter Henrici IV. cum Lothario acerrimas contentiones, in Germania bellis, incendijs, & agrorum vastationibus, tumultuatum est, summa cum

iustitia, humilitate, & tranquillitate cuncta administrauit: & alijs cæde, & sanguine madentibus, creditam sibi Austriæ Prouinciã in diuturna pace continuit. Quibus ex meritis, æternæ retributionis, & pacis præmia, à Deo Opt. Maximoque, qui centuplicato fœnore munera hominum pensat, est consecutus.

§. 5. Prædant nunc huius sæculi amatores, ad peccata excusanda, coniugales, familiares, ciuiles seu regales solij molestias, sæculi illecebras, aut tentationes. Leopoldi exemplo, diuina prouidentia eos circumscripsit, excusationes omnes circumuenit, aditum humanæ tergiuersationis conclusit, & quasi araneorum telas, commenta humanæ fragilitatis dirupit. A Deo creati, & redempti, Deum debitis honoribus non colimus; & quod dolentes ex intimis referimus, illum non tantum negligimus, sed blasphemamus sæpenumero. Adhibita sunt præcepta diuinæ, & humanæ legis; præceptis obtemperare tergiuersamur. Addita sunt cœlestis gloriæ præmia, indicta pœnarum diuersa genera, censura correctionis inuenta; ab illis faciem, quasi rebelles, auertimus. Sanctorum varia exempla ante oculos nostros proposita, ipsa quoque imitari contumaciter recusamus, imbecillitatem nostram, sæculi sollicitudines, cum de salute nostra agitur, causamus. Leopoldi, nobilis Principis, coniugati, ac multorum filiorum, ac subditorum cura irretiti, clarissimo exemplo admonemur, vt omni excusatione semota, per hæc temporalia ita cautè ambulemus, ita sanctè nos exerceamus, vt æterna non amitta-

amittamus; allec̃ti spe momentaneę huius prosperitatis, perpetuitate glorię cœlestis non fraudemur, sed mundi molestias, illecebras, aut dignitates contemnendo, ad cœlestem patriam totis viribus contendamus.

Huius Beati Leopoldi sanctimoniam Deus Omnis. 6.
 potens innumerabilibus miraculis, ad eius inuocationem editis, comprobauit. Miraculis profectò, quę tum in facti substantia, tum ex ordine vim, & potestatem totius naturę excesserunt. Quis enim non miretur, cùm audiant, per Dei æterni misericordiam, implorato Leopoldi auxilio, paralyticos, artheticos, febricantem, podagra laborantem, pristinę valetudini restitutos? Quis non magnalia Dei in hoc Sancto agnoscat, cùm videat intercessionibus eius claudos ambulasse, apostematibus mortiferis infectos liberatos, in carceribus constitutum pedicis, manicisq̃ue vinctum, per foramen, vnde homini impossibilis exitus erat, eductum euasisse? in varijs vitę periculis positos, illętos seruatos esse? quis non tanta mente obstupescat, & Deo Optimo, Maximoq̃ue præconia manifesta dicat, cùm liquidò deprehendat, meritis ac precibus huius Sancti Viri, mortuos suscitatos? mutos loquendi facultatem adeptos? Cæcos illuminatos? surdis auditum restitutum esse? Maxima sunt hæc sanctitatis, & diuinę approbationis signa, humanam expectationem, ac spem excedentia; & tamen clarissimus documentis comprobata sunt.

Quinimò ab anno Christi millesimo, centesimo 8. 7.
 Z z tricesimo

tricesimo sexto, quo Leopoldus vita functus, ex terris ad cœlestem Hierusalem transiit; in nostra usque tempora, & præsentem diem, magis atque magis manifestata de illo ex mentibus hominum in Austria præcipuè, & per omnem Danubij ripam, deuotio cœlitus infunditur, incredibile dictu, quanta cum veneratione eius corpus, quod in Monasterio semper Virginis, & Matris Dei, Mariæ, ab eo condito, in loco quod *nouum Claustrsburgum* appellatur, Pataviensis Diœcesis, sepultum est, à Christi fidelibus visitetur; quibus votis celebretur, pia eius memoria. Memoratu difficile esset, quot, & quanta tabellis, & imaginibus, illi dicatis exornetur; quanta luminarium copia perlustretur; procumbit supplex ante tumulum languentium, & rogantium turba opem Leopoldi implorans, nec expectatione irrita discedit.

- §. 8. Huius veneratione, & permultorum hominum salute Rodolphus, Austriæ Dux, impulsus est, vt Innocentio VI. huic sanctæ sedi ea tempestate præsidenti, supplicaret, quatenus Leopoldum Sanctorum Catalogo adscribere dignaretur.
- §. 9. Qui re perspecta quàm sapientissimè de vita, ac miraculis, & fama eiusdem Leopoldi, ex more, institutorumque maiorum, cum consilio sacri Senatus, inquisitionem tunc Archiepiscopo Pragensi, & alijs collegis delegauit.
- §. 10. Verum cùm ea de re agi cœptum esset morte Innocentij, surgentibusque bellorum inter Australes, & Pannonios

Pannonios diuersis turbidinitibus, imensisque procel-
lis, in Ecclesia Dei exortis, vsque ad tempora Pauli
secundi, prædecessoris nostri, inquisitio intermissa est.

Carissimo autem in Christo filio, Friderico Roma- §. 11.
norum Imperatore Augusto, Prælatis, & Principibus
Germaniæ, apud eundem Paulum multis precibus, tam
Sancti Viri Canonizationem absolui petentibus; tribus
S. R. E. Cardinalibus, de fratrum suorum consilio, de-
mandatum est à Pontifice præfato, vt solemnem in-
quisitionem ea de re adhiberent, & processus consuetos,
tum per se, tum per subdelegatos facerent; quod ma-
gna ex parte confectum erat, cum euocato ad Dominum
Paulo, sanctæ memoriæ, Sixtus quartus, prædecessor
noster, in hac sancta sede diuina prouidentia constitu-
tus est.

Iterandas ergo preces, & vehementius agendum apud §. 12.
Sixtum Imperator, Prælati, ac Principes prædicti duxe-
runt, vt tam sanctum opus Canonizationis cœper
perficeret.

Is, vt certiori fide quæ de miraculis, & vita Leopoldi §. 13.
afferebatur, perciperet, venerabili fratri nostro, Marco,
Episcopo Cardinali, & in Germania Legato, vt præmissa
percunctaretur, iniunxit: qui locupletissimam de illis
omnibus relationem, per publica acta, & legitimos
processus, eidem intulit.

Dehinc processibus, & actis publicis, magna cum §. 14.
diligentia, per venerabiles, Episcopum Portuensem,
Marcum prædictum, Prænestiensem illo tempore

Episcopum assumptum, ac F. S. Eustachij, diaconum Cardinalem, Commissarios, discussis, priuata primò relatione eidem Sixto facta, postmodum in Sacro Senatu referente prædicto Venerabili fratre, Episcopo Portuensi, dilucidè re examinata, & ex illorum sententia Canonizatione conclusa, sicut Domino placuit.

- f. 15. Sixto vita functo, nobis, qui eidem onere, & honore, per diuinam misericordiam, licet indigni, successimus, reservatum est, vt supremam manum tam sanctę approbationi apponeremus. Consilio itaque habito, rursus Venerabilum fratrum nostrorum S. R. E. Cardinalum, publica concione, omnia, prout ex ordine gesta erant, Leopoldique vitam, miracula, & reliqua merita, per Aduocatum Consistorialem proponi curauimus. Demum vocatis omnibus, qui in Romana Curia degunt, Prælati, in frequenti eorum confessu, assistentibus nobis eisdem Venerabilibus fratribus nostris, S. R. E. Cardinalibus, singulorum vota Prælatorum scrutati sumus. Quibus, Spiritus Sancti gratia cooperante manibus, pedibusque, vt aiunt, in eam sententiam deuenientibus, quod Leopoldus meritò sanctus à nobis canonizandus esset, hunc in locum, & publicum suggestum, hac ipsa die, conscendere decreuimus, vt opitulante Domino, votis precibusque fidelium adiuuantibus, ipsum Leopoldum, Sanctum definiremus, & pro Sancto venerari debere ab vniuersis, & singulis Christianis mandaremus. Sicque hodiè, sermone per nos habito, re diuina peracta, & reliquis solemnitatibus adhibitis,

adhibitis , ad hanc sacratissimam Canonizationem procedendum duximus. Cùm autem verbo *sapientiæ* Dominus affirmet homini , qui eum *laudauerit* , & *dilexerit Deum* , qui *fecit illum* , quod *in medio populi sui exaltabitur* , *in plenitudine sancta admirabitur* , *in multitudine electorũ habebit laudem* , & *inter benedictos benedicetur* ; mirumque in modum Leopoldus *in medio populorum exaltatus sit* , *plenitudine cœlestis gratiæ admirabilis refulgeat* : restat , vt nostra approbatione , inter *electos* , & Sanctos Dei laudetur , *inter benedictos benedicatur* , quæ illi abundè partiemur , si eum inter Sanctos Ecclesię adnumerandum , pro Sancto venerandum , atque publicis , & solemnibus supplicationibus , votisque , in Missarum celebrationibus , alijsue diuinis officijs , inuocandum , Apostolica auctoritate iudicauerimus. Ad laudem igitur æterni Dei , indiuiduæ Trinitatis , Patris , & Filij , & Spiritus Sancti , ad fidei Catholicæ cultum augendum , auctoritate Domini nostri Iesu Christi , ac Beatorum Petri , & Pauli , Apostolorum , & nostra , de venerabilium fratrum nostrorum consilio , statuimus , diffinimus , & pronunciamus *Sanctum Leopoldum* , Austriæ Marchionem , Sanctorum Catalogo adscribendum , & publica veneratione pro Sancto obseruandum , sicut & nos illum in præsentiarum manifesta voce , Sanctorum Catalogo annectimus , ac minorum Confessorum numero adiungimus , publicè Sanctum designamus , profitemur , & veneramur.

Statuentes , festum eiusdem , die 17. Kalend. Decemb. *s. s. s.*
debere

debere celebrari, & ipso festo eius sepulcrum, quod in prædicto Monasterio existit, visitantibus, & pro matutentione dicti Monasterij manus porrigentibus adiutrices, septem annos, & totidem quadragenas indulgentiæ, in forma Ecclesiæ, misericorditer perpetuis temporibus concedimus. Nulli ergo &c. Si quis autem &c.

Datum Romæ apud S. Petrum, anno Incarnationis Dominicæ 1485. Octauo Idus Ianuarij, Pontificatus nostri anno primo. Hic Sanctus Leopoldus obiit anno Domino 1136.

Ecclesi. 44. Laudemus viros gloriosos, & parentes nostros in generatione sua. Multam gloriam fecit Dominus magnificentia sua à seculo dominantes in potestatibus suis, homines magni virtute, & prudentia sui prædite.

V I T A

V I T A

S A N C T I

L V D O V I C I,

F R A N C O R V M

R E G I S.

*Excerpta ex illa , quam conscribit
Gausfridus de Bello loco , ipsius Regis
Confessarius.*



BEATVS Ludouicus, Francorum pijssimus Rex, patrem habuit Ludouicum Christianissimum Regem, qui in Albigesio, & Comitatu Tholosano, hæreticos oppugnauit. In reditu autem, lethali correptus morbo, die decimo, ad montem Penferium, excessit è viuis, mense Octobri, anno ab orbe redempto millesimo, ducentesimo, vigesimo septimo, vir utique benè Catholicus, & sanctus. Nunquam corporis sui vllam admisit pollutionem, vnica vxore legitima contentus. Corpus eius exanime, ad B. Dionysij Ecclesiam apportatum, iuxta

B. Ludouici Francorum Regis, parentis.

Aa

patrem

Ludovicus I.
Rex Cal-
liz coro-
natur.

patrem honorificè conditum est. In eius locum successit filius primogenitus, Ludouicus, Rhemis, ab Episcopo Sueffionensi, quod Ecclesia Rheimensis tum pastore orbata esset, Regia corona insignitus, & consecratus, annos natus duodecim, aut circiter. Eius coronationi complures è præcipuis nobilibus, licet vocati essent, interesse noluerunt: quòd propter dolorem defuncti Regis, & regni desolati, lacrymis, & luctui illic potius, quàm lætitiæ, & iucunditati se darent.

Pueritia
eius.

At puer sanctæ indolis, strenuissimo patre orbatus, sub tutela, & moderatione matris, Blanchæ, Regis Castellæ filix, permansit: quæ illum tenerrimè diligens, ex consilio Religiosorum hominum, præsertim Dominicanorum, & Franciscanorum, singulari cuidam magistro tradidit moribus, ac literis instituendum. Ille *¶* ap. 8. verò pius Puer, & velut alter *Salomon*, ingeniosus, & *bonam sortitus animam*, præ suis coætaneis mirè profecit in vtrisque. A primis enim ætatis initijs, deditus fuit pietatis, & sanctitatis studijs, ferturque vitam omnem absque mortiferi peccati perpetratione exegisse. Eius verò sanctitati gratulans Blancha mater: *Mallem*, inquit, *fili, te mortuum cernere quam Creatorem tuum mortali crimine offendentem*. Quæ verba vsque ad eò eius menti hæserè, vt diuina ipsi gratia protegente, numquam in se eiusmodi crimen admiserit.

Vxor
eius.

Agente autem matre, & Proceribus regni, anno salutis millesimo, ducentesimo, tricesimo quarto, duxit vxorem, Margaretam, Comitissæ Prouinciæ filiam, quæ

Lutetiam

Lutetiam venit, intra octauas Ascensionis Christi, cum prius esset coronata apud Senones. Anno proximo ^{Fames in Gallia} dira fames afflixit Gallias, præsertim in Aquitania, ita ut homines instar iumentorum, herbis agrestibus vescerentur. Nam frumenti sextarius apud Pictauos centum solidis væniebat. Sequenti anno, Arsacidæ, senior As- ^{Infidie in Ludouicum.} sinorum, misit nuncios in Franciam, quibus id mandati dederat, ut Regem Ludouicum interficerent. Sed Deo animum eius ad pacem, & humanitatem inclinante crudelis mandati pœnitentia ductus, misit alios celeres nuncios, qui Ludouicum Regem admonerent, ut à primis Legatis sibi caueat. Cum autem priores nuncij diligenter inquirerentur, inuenti, ad Regem Ludouicum adducti sunt. Ijs conspectis, Rex letatur, utrosque nuncios muneribus afficit, Regi, Arsacidæ non pauci magni pretij munera, quibus pacis, & amicitie studio- sum se declarat ipse illos transmittit. Sed ab eo tempore, plures suo corpori tuendo custodes adhibuit, qui perpetuò clauas æreas ferrent.

Anno millesimoⁱ, ducentesimo, quadragesimo se- ^{Vincit Hugonē Comitē Marchiæ} cundo, Ludouicus Rex, duxit exercitum in Hugonem, Marchiæ Comitem, quod is aduersus Regem rebellasset, Henrici, Angliæ Regis, & Richardi, fratris eius, auxilijs fultus: qui ambo habebant vxores, filias Comitis Prouinciæ, sorores Reginæ Franciæ: cum Hugo Comes vxorem haberet ipsius Angliæ Regis matrem. Anno quidem superiori, Ludouicus multam regni sui militiam ad Salinum conuocans, Alphonsum, A a 2 fratrem,

fratrem, illic militem creauerat, cui antea Ioannam, filiam Tolosani Comitis, vxorem dederat, cum Auer-
nia, Pietauorum, & Albigenſium terris quibuſdam.
Voluit autem Rex, vt Hugo, Marchiæ Comes, Alphon-
ſo ſe ſacramento deuinciret: quod cum ille detrectaret,
ab vxore perſuaſus, Regis in ſe animos concitauit adeò,
vt is anno altero, cum numeroſiſſimo exercitu, in eius
ditionem ingreſſus, aliquot oppida expugnaret, & no-
biles amplius quadraginta captos, cum multis alijs, par-
tim Pariſios, partim aliò mitteret, in cuſtodia aſſeruan-
dos. Interea verò Comitis Marchiæ vxor quosdam è
ſuis muneribus, & promiſſis illeſtos, ad Regis Ludouici
aulam miſit, qui Regem, & fratres eius, tollerent è me-
dio. Sed illi à Rege comprehenſi, in carcerem abducti
ſunt. Commiſſum tandem eſt prælium non ſine multa
ſtrage Anglorum, qui Hugoni Comiti ſuppetias fere-
bant. Nocte autem, Angliæ Rex, cum Hugone, Co-
mite, relictis Senioribus, qui ex fuga ſe receperant,
aufugit; ciueſque eius vrbiſ manè claues Ludouico
Regi obtulerunt. Eodem die, Hugo, filius Comitis
Marchiæ primogenitus, ad Ludouicum Rege venit, cum
eo de pace tractaturus. Poſtera luce, Comes Marchiæ
cum vxore aduenit, cum lacrymis, & ſuſpirijs à Rege
veniam petit, & impetrat.

Liberi
Ludoui-
ci Regis.

Anno Chriſti milleſimo, ducentefimo, quadageſi-
mo tertio, natus eſt Ludouicus, primogenitus Ludouici,
Regis, atque altero inde anno in lucem editus eſt Phi-
lippus, ſecundus filius. Inde circa Idus Decembris,

Ludoui-

Ludouicus, Rex, apud Pontisfaram ex morbo decumbens, adeò extra se raptus est, vt multi putarent, eum iam planè obijssè. Sed ad se reuersus, mox transmarinæ militiæ Crucem petijt, & accepit. Operam sanè dedit Rex ille pijsissimus, vt proles suas & verbis, & exemplis ad amorem Dei, ad mundi contemptum, ad sui cognitionem instrueret. Cùm enim per otium liceret vacare sibi, inuisebat liberos suos, & instar *Tobie, monita* Instruere eos. *salutis dabat eis: docebat ante omnia timere Deum, & ab omni semper peccato abstinere.* Serta, è rosis aut floribus confecta, aut alia id genus, non sinebat eos sexta feria in capitibus ferre, quod eo die Salvator noster in suo capite tulerit è *spinis* contextam *coronam*. Cùmque non ignoraret, à delitijs castitati, à diuitijs pietati, ab honoribus humilitati magna impendere pericula; sobrietati, humilitati, misericordiæ dedit animum, à mundi, carnis, & Sathanæ insidijs sollicitè sibi cauens; atque cum Apostolo, *corpus suum castigans, & inseruitutem redigens*, multo tempore intima veste cilicina utebatur: qua si non esset vltus, dehortante eum Confessario, propter nimiam imbecillitatem, volebat, vt idem Confessarius, pro quadam compensatione, diebus singulis, quadraginta solidos Parisienses clanculum in pauperes erogaret: Semper ieiunauit sextis feriis; nec ijs diebus, præsertim in Aduentu & Quadragesima, piscibus, aut fructibus vefei voluit, vigilijs, orationibus, & clandestinis abstinentijs perpetim se assigens.

Ibid.

Ego igitur sic curro, non quasi in incertum: sic pugno, non quasi aerem verberans: sed castigo corpus meum & in servitutem redigo: ne fortè, cum alijs predicauerim, ipse reprobus efficiar.

Eccli. 3.
Humili-
tas Regis
2. Reg. 6

Quanto autem maior erat, tanto humiliùs, & summiùs, instar Davidis, Regis, se gerebat, & coram Deo, propria existimatione vilior sibi videbatur. Quolibet Sabbatho, in loco secretissimo, aliquot pauperum suis manibus abluebat pedes, lotos tergebat, terços exosculabatur. Deinde lauabat etiam illorum manus, & singulis certam pecuniæ portionem largiebatur. Crebro etiam centum viginti pauperibus, qui in eius aula quotidie abundè reficiebantur, atque certis quibusdam diebus, & solemnibus vigilijs, ducentis pauperibus, priusquam ipse cibum sumeret, suis manibus cibos apponebat. Semper & in prandio, & cœna, prope se tres habebat senes inopes, ijsque de apposis sibi ferculis humanissimè trans mittebat: Interdum scutellas, & cibos, quos illi Christi pauperes manibus contrectauerant, offas præsertim, quibus libenter vesceretur, ut inde aliquid ederet, ad se reportari iubebat; Christum pauperem in eius pauperibus venerans; dum non abhorret à cibis, qui ipsis superfuerant. Vidit quandoque vnum ex tribus illis pauperrimis, non benè edentem. Iussit igitur pius, & humilis Rex scutellam, sibi propositam, cum cibo ad illum senem deferri: eamque, cum satis ille inde comedisset, ad se referri. Ita nimirum ut interior animi eius humilitas, cunctis mortalibus poterat essig

rat esse virtutis incitamentum. Purpurea, aut viridi, aut alioqui pretiosa veste, vel pellibus varijs, & magni pretij, nolebat uti, maximè postquam primùm è locis transmarinis redijt. Fidei propagationem summopere sitiebat. Itaque si quid ab inquisitoribus, quod ad fidem pertineret, ad eum esset telatum, id, alijs negocijs posthabitis, audiebat, & instar *Phinees*, magno zelo in Christianæ fidei violatores animaduvertebat. Cuius quidam Pariensis, blasphemix reus, illo iubente, cauterio in labijs iniustus fuit. Ea enim pœna decreta erat ab ipso in eos, qui sceleratè iurarent, & blasphemarent. Eam rem cum plerique carperent, & Regem tyrannidis insimularent, ille ait: *Equidem in meis labijs libens eiusmodi iniustionem perpetuò feram, tantùm ut impia iuramenta è regno meo profligentur.*

Fidei
propaga-
tor.

1. Ma-
chab. 2.
Num. 25

Decreuit quandoque pius Rex septennio peregrinari & loca sancta inuisere, venit igitur Perusium ad sanctum Ægidium, Franciscanum, instar pauperis peregrini, & ignoti, vnà cum socijs suis. Ostiario autem Monasterij indicante Ægidio, peregrinum quendam ipsius expectere colloquium: ille, spiritu docente, agnoscens, quis esset, properè accurrit, pariterque flexis genibus, in mutuos ruunt amplexus, & oscula, sed nihil loquuntur, cum utriusque alterius cor pateret.

Inuisit
B. Ægi-
dium,
Francis-
canum.

Anno salutis millesimo, ducentesimo, quadragesimo octauo, Crux predicabatur in Diœcesis Colonien-
sis pago, quem vulgò *Bedonfrisum* vocant. Ibi tum mense
Maio, feria sexta, ante Pentecosten, tres cruce-
bantur

Cruces
apparent

bantur in aere; vna candida versùs Aquilonem, altera eiusdem coloris ad Austrum; tertia colore medio, in qua cernebatur suspensi hominis effigies extensis brachijs, & capite inclinato, atque in manus, & pedes eius adaecti clauī. Eaque medium tenebat inter alias locum, in quibus nulla cernebatur hominis figura. Alio tempore in *Enchusen*, Phrisiæ oppido, cū illic prædicaretur Crux, alia Crucis forma iuxta solem apparuit colore cæruleo, quam multi viderunt. In Traiectensi quoque Diœcesi in Doccum, vbi S. Bonifacius, Martyr, trucidatus fuit, visa est in eiusdem Martyris festo die, ingens sanè & albi coloris, perinde ac si trabi altera trabs transfuersim artificiosè impaeta esset. Creduntur autem bis apparuisse Cruces, ne quis ambigeret de prima apparitione, atque ita factum est, vt Colonienſis Prouincia ad trecentas ferè naues appararet.

Gal. 6. *Mibi autem absit gloriari, nisi in cruce Domini nostri Iesu Christi: per quē mihi mundus crucifixus est, & ego mundo.*

Ludou-
cus Rex
transma-
rium iter
suscepit.

Anno Christi millesimo, ducentesimo, quadregesimo septimo, petente Ludouico, Christianissimo Rege, magna Dominicæ Crucis portio Constantino-
poli Parisios translata est. Proximo inde anno, Rex, Ludouicus, sexta feria à Pentecolte, iter transmarinum suscepit, multis eum è Lutetia cum processionibus vsq; ad S. Antonium deducantibus.

Comites
eius.

Iuerunt cum eo, Odo, Tusculanus Episcopus, Apostolicę Sedis Legatus, & fratres Regis, Robertus, Comes Atrebatensis, & Carolus, Andegauenſis Comes, cum
uxoribus

uxoribus suis, & multis Franciæ Episcopis, & Nobilibus. Erat quidem etiam Alphonsus, Comes Pictaue-
 sis, Regis frater, Cruce signatus, sed eo anno, cum
 Blancha, Regina matre, ob regni tuitionem, mansit
 domi. Die quinta, & vicesima Augusti, Rex cum suis
 in nauim ingressus, biduo sustinuit ventos secundos.
 Vicesimo octauo Augusti die, à portu soluens, Christo
 duce, prosperè nauigans, paulò ante Beati Matthæi fe- Cyprum
appulit,
 rias, nocte, ad Cyprum appulit. Comitis Atrebatensis
 coniux, quòd esset prægnans, ab Aquis mortuis in
 Franciam reuersa fuit. Rex verò, consilio nobilium suo-
 rum, & regni Cypri, quòd naues, & triremes, cum ba-
 listis necdum aduenissent, tum etiam propter impen-
 dentem hyemen, & quasdam alias causas, vsque in
 Paschales ferias distulit, profectionem suam. Interim
 Rex Cypri, & omnes regni sui ferè nobiles & Ecclesia-
 rum Præfecti, siue Prælati, Crucis signum accipiunt, &
 se cum Franciæ Rege, quocumque ipsos ducere velit,
 aduersùm Saracenos profecturos, iureiurando confir-
 mant.

Per id tempus, Sulthanus Ægypti, qui per ditiones
 Christianorum Damascum petere decreuerat, Regis
 Francorum cognito aduentu, consilium illud mutauit.
 Intercesserant enim illi inimiciæ cum Damasci, &
 Alapiæ Sulthanis. Iisdem temporibus, obiit Robertus,
 Bellouacensis Episcopus, & Comes Montisfortis, cum
 multis alijs eius expeditionis socijs. Porro extremo ferè
 Decembri mense, venerunt ad Ludouicum, Regem,

Legatio
Prin-
cipis Tar-
tarorum

Rex eos
cum mu-
neribus
remittit.

Litteræ
Odonis,
Legati
Apostoli-
ci.

nuncijs à quodam Tartarorum Principe, qui ipsius no-
mine multa cum salute impertirent. Is ipso die Natiui-
tatis Christi, fuere cum Rege, Ludouico, sub sacrificio
in Ecclesia, & ad prandium in aula eius, itidemque in
festo Epiphaniæ: nec poterat in eis animaduerti, quod à
Christianorum more discreparent. *Litteræ* autem iussu
Regis, in sermonem Latinum conversæ sunt. Cùmque
Rex diligenter de ipsorum Principe, & rebus Tartaro-
rum ex ijs percontatus esset; tandem dimisit eos, adiun-
ctis nuncijs cum *litteris*, & muneribus, quæ ad Tarta-
rorum Regem, & ipsorum Principem perferrentur.
Misit etiam per eisdem nuncios suos Regi Tartarorum,
quem *Cham* vocant, tentorium, è purpura eleganti-
ssimè confectum, in quo res gestæ Saluatoris nostri
graphicè expressæ visebantur. Addidit etiam particulas
Crucis Dominicæ, *litteris* humanissimè, & Regem, &
Principem adhortans, vt qui per gratiam suam eos vo-
casset ad cognitionem nominis sui, illum accuratè co-
lerent, & in eius amore semper permanerent. Misit ynà
litteras suas Odo, Legatus Pontificis, ad Regem Tar-
tarorum, & Principem supradictum, eorumque Præ-
latos, ostendens eis, sacrosanctam Romanam Eccle-
siam cupidissimè eos, seu filios charissimos, comple-
xuram, modò fidem orthodoxam constanter retinere,
& Christi Vicario morigeros se præbere velint. Eius
Legationis primarij à Rege Francorum missi, fuere
F. Andreas, Dominicanus, cum duobus alijs eiusdem
instituti fratribus, itemque duo Clerici, & totidem
ministri

ministri Regis , profectique sunt octauo Kalend. Februarij cum ijs , quos diximus , nuncijs Tartarorum. Porro frater Andreas , quem Rex illis præfecerat , non multò post , ad Regem *litteras* misit , quarum exemplum vnà cum Principis Tartarorum *litteris* Rex matri suæ , Blanchæ , in Gallias perferendum curauit.

Interea Ægypti Sulthanus , quem Babyloniam vocant, Sulthanus, Ægypti Damascum petit, vbi comperit , Regem Ludouicum in Cyprio hybernaturum , rursus Damascum ite contendit , per Hierosolymam proficiscens , in eam curam intentus , vt posset Alapiæ Sulthanum , & ei fœderatos , ad se adiungere : sed ille Ægyptij Sulthani malitiam nou ignorans , non fuit ausus ei fidem adhibere. Scripserunt autem magister militum templi , & Marestallus hospitalis , Ludouico , Regi , Sulthanum Babylonicum , cum magno exercitu , venisse in loca , Gazæ propinqua , eo animo , vt sibi conciliaret Damasci , & Alapiæ Sulthanos , metumque esse , ne Ioppen , & Cæsaream obsidione premat. Scripsit postea iterum magister ille Regi , quemdam Sulthani Babylonicum Admiraldum ad se venisse præcontatum de voluntate Regis Francorum , quod Dominus ipsius cuperet cum eò pacem componere. Ea verò res & Regi , & nobilibus eius valdè molesta fuit , maximè quod magister diceretur à Sulthano petijisse , vt Admiraldum ad ipsum mitteret. Mandauit ergo Rex per *litteras* magistro , ne deinceps eiusmodi nuncios iniussu suo admitteret , vel cum eis colloqui ausus esset. Affirmabant enim omnes , eo ingenio

Syros esse, ut quantumcumque oppressi, numquam primi velint induciarum mentionem facere; sed consueque id differre, donec multa instantia, ut eas faciant, inuitentur.

Armen-
rix Re-
gule, a
no.

Cypro
solut
Rex Da-
miatam.

Eodem tempore, quo Rex, cum Regina Margareta, coniuge sua, in Cypro morabatur, Armeniarum Rex, eius aduentu comperto, ad eum spectabiles nuncios misit, Archiepiscopum Armeniorum, & alios Aulicos, per litteras eius se offerens voluntati: quos ille honorificè excepit. Cum autem didicisset, inter eum, & Antiochiæ Principem, discordiam extitisse, misit ad utrumque Legatos suos. Illis verò suos quoque Legatos ad eum mittentibus, duorum annorum pactæ sunt induciæ. Per id fere tempus, capti sunt quidam, qui se dicerent à Sulthano Babylonico missos esse, ut Regem, Ludouicum, & primarios eius exercitus viros, veneno enecarent. Tandem permultæ venere naues, cum magna militum manu, qui in insulis hyemauerant. Inde Sabbatho post Domini Ascensionem, mandatum est, ut omnes ad Damiatam contenderent. Eodem die Rex soluit à Cypro, sed vi tempestatis bis in Cyprum reiectus est: ubi tum se iunxit illi Princeps Achaïæ, cum magnis subsidijs, itemque Burgundiarum Dux. Tum verò dant vela ventis, & sexto die veniunt in Ægypti conspectum, ac paulò post etiam Damiatæ, in cuius portu naues anchoris fixere. Sed cum viderent, in eo portu magna esse Turcorum præsidia

præsidia, Rex communicato cum Proceribus consilio, iussit, die ut altero summo mane exirent in terram, eamque eo loco occuparent, ubi inter ipsos, & urbem fluvius interesset. Eo ergo die, omnibus in triremes & alias naues sese recipientibus, Rex, cum Legato Pontificis, sacrosanctam gestans Crucem nudam, & apertam in cymba vehabatur; iuxta eum præcedentibus in alia cymba, Beati Dionysij vexillo, fratribus quoque illius & alijs nobilibus, & sagittarijs comitantibus: atque ita in terram egressi sunt, multis in hostes contortis telis, qui eos arcerere magna vi nitebantur. In ea concertatione pene nulli ex Christianis vulnerati sunt: permulti autem Saraceni, & eorum equi interfecti, & in ijs tres proceres.

Eodem die, profligatis Saracenorum^{*} triremibus, Christianorum triremes fluvij ostia occuparunt. Hi-^{Saraceni fugiunt,} sce tam prosperis initijs feliciores etiam successus. Dominus adiecit: Perterritis enim, qui intra urbem erant, Saracenis, virtute diuina, omnes in fugam versi, ex vrbe excesserunt, instructis prius ignibus, quibus vrbs conflagraret.

Multi itaque è castris Regis per pontem naualem, quem satis integrum reliquerant Saraceni, in oppidum ingrediuntur: Rex, quoque certior factus, nonnullos è suis intromittit, fixis tentorijs suis ad pontem, ut si ita res posceret, suis suppetijs ferret,^{Rex occupat Damiam.}

Multus ibi commicatus repertus est, ita ut multi affirmarent, eam ciuitatem vi capi minimè potuisse. Prospexerant enim sibi in longum tempus Saraceni, ita ut diuino potiùs miraculo ea victoria tribuenda sit. Deinde verò ea ciuitate, à mortuorum cadaueribus repurgata, igneque extincto, Legatus Pontificis, cum Patriarcha Hierosolymitano, cum Archiepiscopis, Episcopis, & magna parte eorum, qui conuenerant, itemque Ludouicus, Rex, cum multis alijs, nudis pedibus, præfente Rege Cypri, cum non paucis nobilibus, in urbem ingressi sunt: cumque Legatus ædem quandam prophanatam reconciliasset, & gratias egissent Deo, in honorem Sanctissimæ Matris Dei, ab eodem Legato Sacrificium oblatum est. Rex autem constituit, Deo benè volente, illic Canonorum instituere Collegium, qui Domino seruirent. Capta est Damia, quam alij

1249. *Eliopolim* vocant, anno ab orbe redempto millesimo, ducentesimo, quadagesimo nono: mansitque illic Rex tota æstate, cum exercitu Christiano, donec fluuius detumesceret, qui exercitui periculum allaturus videbatur.

Alphon-
sus frater
Regis au-
xilium
fert.

Saraceni
visti.

Eodem anno, sub finem mensis Iulij, Alphonfus, Pictauorum Comes, & Regis Ludouici frater, matre Blancha ad regni defensionem relicta, iter ingressus est cum copioso milite, & sub finem Octobris ad Damiam applicuit. Inde die Nouembris vicesimo, Rex, Ludouicus, tam nauali, quam terrestri exercitu instructo, relicta Damia, contra Saracenos nouit, qui tum
apud

apud Masseram, quam quidam *Pharannam* vocant, frequentes conuenerant. In eo itinere non parum detrimenti illatum est Saracenis. Deinde cum ventum est ad pugnam, paulò ante Christi natalem, multi ex eis cæsi sunt, complures Nil aquis extincti. Postea transmissio flumine non sine ingenti periculo, rursus cum eis Christiani confligentes, multos trucidarunt, neque sexui, neque ætati parcentes. At ubi Saraceni didicerunt, nostros temerè progredi, resumunt animos, & in Christianos impetu factò, magnam etiam nobilium edunt stragem, in quibus Robertus, Atrebatensis Comes, frater Ludouici Regis. Tandem tamen nostris, eodìe, victoria cessit. Proxima luce, iubente Rege, plures è Christianis flumen transgressi, Saracenorum euertunt machinas, & pontes nauales instituerunt, ut possent nostri facìle fluuium transire. Non diu pòst, Saraceni, collectis viribus, omni ex parte in Christianos summa vi, & contentione irruunt, sed magno numero prosternuntur. Post dies aliquot in castra eorum venit Sulthani Ægypti filius, (iam enim pater eius obierat) quæ res auxit animos Saracenorum. At Christianorum res, occulto Dei Omnipotentis iudicio, deteriores reddebantur, multis eorum morbo assumptis, ita ut ex triginta duobus millibus, vix millia sex superessent. Magna enim commeatus penuria laborabant, nec praci fame, & inedia periire, Saracenis itinera obsidentibus, ne posset à Damiatà commeatus aduehi in castra Regis. Ea res coegit eos Damiatam repetere. Dic quinto

Aprilia

Christi
noris res
deteriores
res.

Rex ca-
pitur cū
fratribus Aprilis, illis iam proficiscentibus, Saraceni cum ma-
ximis copijs in eos incurrunt, ipsum Ludouicum, San-
ctissimum Regem, & duos fratres eius, Alphonsum,
& Carolum, capiunt, cum multis alijs, eosque in
carceres conijciunt, multo fuso Christianorum san-
guine, Deo id fortassis propter quorundam peccata
permittente, vel etiam vt pijsimi Regis virtus, & pa-
tientia illustrior appareret.

Sarace-
norum
contu-
mēcia.

Inducia
pactæ.

Porro autem sceleratissimi illi, & impuri Saraceni,
præter contumelias in Saluatorem nostrum iactatas,
Christianis inspectantibus, Crucifixi effigiem flagellis
verberarunt, & per summam ignominiam impiè eam
conspuentes, in Christianæ Religionis dedecus, pedi-
bus conculcarunt. Poterat sanè elabi facilè sanctus Rex,
cū illi ad manum esset naus, sed sponte illis se ca-
piendum obtulit, vt posset captiuos Christianos, quo-
rum erat ingens numerus, redimere. Egit postea apud
Regem Sulthanus, minacibus verbis de pacificendis
inducijs, de restituenda Damiatæ, de præstandis dam-
nis, sarcindisq̃ue sumptibus, quos fecisset ipse à capta
Damiatæ. Tandem initæ sunt induciæ decennales his
conditionibus, vt Sulthanus Regem Ludouicum, &
captiuos Christianos omnes è suis ditionibus liberos à
se dimittat: vt Christiani retineant loca aliquot terræ
sanctæ: porro Rex, Ludouicus restituat Damiatam,
& pro factis in illud bellum expensis, octo millia
Byzantium, reddatq̃ue captiuos Saracenos omnes.
His confectis inducijs, Sulthanus, dum cum exercitu
Damia-

Damiatam proficiscitur, à quibusdam è suis frustatim gladijs conciditur: moxque grandi numero properant Saraceni ad Regis Ludouici tentorium, illum, & Christianos omnes iugulaturi: Sed immensa Salvatoris virtus eorum animos fregit, mutataque scelerata voluntate, postulant à Rege, vt stet pactis conuentis. Rex cum iam nulla esset seruanda Damiata spes, maluit pacisci cum illis inducias, quàm & se & Christianos omnes perdere. Itaque ad certum diem Damiata illis redditur, Rex, & fratres eius, & nobiles Franciæ, ditionis Hierosolymitanæ, & Cypri, è carcere dimittuntur. Sperabat iam pius Rex fore, vt etiam reliqui captiui, vti conuentum erat, à Saracenis dimitterentur: sed cum diu expectasset, ex duodecim millibus, ægrè quadringentos recepit: impijs illis Saracenis fidem iureiurando firmatam violentibus: qui etiam de cæteris rebus nihil voluere remittere, & (quod est longè immanius) egregios quosdam iuvenes Christianos è captiuis illis coegerunt impurissimi Mahometis profiteri sectam, Christiana religione abiurata. Imposuerant enim nudos enses ceruicibus eorum, & si qui nollent eis consentire, illos iugulabant. Ex ijs quidam imbecilliores à Christo ad Mahometem defecerunt. Alij coronas Martyrij, contempta morte, reportarunt.

Cernens autem Ludouicus Rex Saracenos venire contra induciarum fidem, consuluit nobiles suos, & milites religiosos, quid agendum sibi ipsis videretur. Illis magna ex parte asserentibus, si quidem nunc recedant, terras illas, & captiuos, in summum discrimen venturos:

C c

sui autem

Frates
in Galliā
remitte.

Miracu-
lum.

Rex ma-
net in
Syria.

Reuer-
tur in
Galliā.

ſua autem mancant ad tempus aliquod, poſſe inde vi-
litate nonnihil accidere Chriſtianis, præſertim quod
inter Ægyptium, & Alapianum Sulthanos, acerba
extaret ſimultas; Rex pius maluit hæſere in Syria, quàm
res Chriſtianorum, & ipſius Chriſti in ea deſperatione,
tantoque diſcrimine relinquere. Alphoſum verò, &
Carolum, fratres ſuos ad Reginam matrem conſolan-
dam remiſit in Galliās. Acta ſunt hæc anno Chriſti
milleſimo, ducenteſimo, quinquageſimo. Quis verò
hic non agnoſcat ſtupendum præpotentis Dei miracu-
lum, gentem illam ferociſſimam parere tanto Regi?
gentem cupidiſſimam Regem opulentiſſiſimum ſoluere
captiuitate pro longè minori pretio, quàm obtinere
potuiſſent? Rex autem quinque deinceps annis manſit
in Syria, nec ocioſus fanè, ſed multos Saracenos ad
Chriſti religionem traducens, multos captiuos redi-
mens, & vrbes aliquot, & caſtra egregiè comuniens.
Offendit tum apud Sidonem permulta cæſorum Chri-
ſtianorum corpora, iam putentia, non pauca à feris
belluis lacerata. Ea proprijs manibus ſepeliuit humili-
ter, & deuotè, uſus opera quorundam è ſuis, qui illo-
rum factorem vix ferre potuerunt. Quotidie autem
manè flexis genibus *Dauidicum Pſalterium* recitabat.
Poſtquam autem reſcuiſit de obitu matris, Blanchæ;
nobilibus ipſius id conſulentibus, in Galliās reuerſus
eſt. Cùm ergo nauigarent, tertia nocte, nauis, quæ
Regem habebat, bis tanta vi appulſa eſt ad rupem, vel
teræ linguam, vt nauæ, & alij illicò ſubmerſum iui-
putarent.

putarent. Ea concussione excitati Sacerdotes, Clerici, sanctum Regem inuenetunt coram Sacrosancto Christi corpore orantem, quàm deuotissimè: omnesque in ea fuere sententia, mortis tam præsens discrimen, eius meritis & precibus se euasisse.

Nam, & si ambulauero in medio umbræ mortis, non timebo mala: quoniam tu mecum es. Virga tua, & baculus tuus, ipsa me consolata sunt. Psal. 137

Inde in Franciam reuersus, Rex, summa omnium gratulatione excipitur, atque ab eo tempore, magis magisque de virtute in virtutem proficiens, ad omnimodam vitæ perfectionem peruenit. Et si verò *ab infantia cum eo creuerat miseratio*, deinceps tamen euidentiùs eam declarauit in afflictos, & inopes, quibus omnibus, pro viribus, opitulabatur: Iussit enim exstrui domos hospitales, monasteria religiosorum, & in diuersis regni sui locis multas quotannis distribui pecunias ijs, qui maiori oppressi inopia videbantur. Multa Dominicanorum, & Franciscanorum condidit cœnobìa à fundamentis, multisque alijs pauperibus religiosis Ecclesias, & ædificia opportuna construxit, largis additis eleemosynis. Cæcis, in qualibet ferè ciuitate, & castello regni sui, domos ipsis congruas benignissimè attribuit, certos illis prouentus assignans. Non pauca diuersorum ordinum Monasticorum cœnobìa ex integro extruxit, & magnis ea redditibus instruxit: in quibus etiam non rarò miræ humilitatis, & charitatis officia exhibuit, suis manibus humiliter, ac deuotè

seruiens ægrotis. Cùm veniret Parisios, aut ad alias vrbes, domos hospitales, in quibus magna erat malè habentium copia, humanissimè inuisens, nulliusque morbidì deformitatem, aut sordes refugiens, infirmis omnibus, flexis genibus fercula offerebat. In Abbatia Regij Montis Cisterciensis ordinis, quam ille magnificè in primis & condidit, & ditauit, vt res ipsa testatur, crebrò id genus officia prastitisse fertur. Erat ibi Monachus quidam leprosus, quem fædus ille morbus horridum, & abominabilem reddiderat, naso eius, & oculis planè corrosis, & exesis. Ei sanctissimus Rex prandenti in os cibum, & potum interebat, absque vlla abominatione officiosissimè illi miseruens genibus flexis, ita vt Abbas, qui tunc aderat, & vix id intueri sustinebat, in gemitus, & lachrymas prorumperet.

Ibid. Si negavi, quod volebant, pauperibus, & oculos ride expectare feci. Si comedi buccellam meam solus, & non comedit pupillus ex ea.

Quamuis autem nulli indigenti sua benignitate non ferret opem, at illis tamen, qui diuino cultui, & salutì animarum vacarent, liberalius, & crebrius elemosynas prastabat; solebatque dicere nonnunquam familiaribus suis, de magnis illis elemosynis, quas conferebat quotannis Parisijs in fratres Dominicanos, & Franciscanos: O Deus, quàm benè collocatæ sunt hæc elemosynæ in rot tantossq; fratres, ex toto orbe terrarum Lutetiam aduentantes: Vt quod hic è diuinis scripturis hauriunt, in totum mundum effundunt, in honorem Dei, & salutē animarum!

Alias

Alias eius tum annuas, tum quotidianas eleemosynas quis vel enumerare queat?

Præcipua verò deuotione Sanctas venerabatur reliquias, cultumque Dei, & honorem Sanctorum semper amplificare nitebatur. Cultus reliquiarum. Parisijs, in palatio Regali, sacellum elegantissimum extruxit, in quo sacrosanctam Domini I E S V coronam spineam, magnam sanctæ Crucis portionem, ferrumque *Lanceæ*, quæ Salvatoris Iohn 19. *latus* fodit, admodum reuerenter reposuit, cum multis alijs reliquijs, quas à Constantinopolitano Imperatore, immenso labore, & magnis impendijs acceperat. Cum in Ecclesia diuina officia persoluerentur, nullius admittebat colloquium, nisi aut necessitas cogeret, aut euidentis utilitas id poscere videretur: sed neque sic tamen, nisi breuiter, & succinctè, ne ipsius lacrymæ, & pietas siue deuotio interturbarentur. Nam, instar Hieremiæ, in precibus suis, & exercitijs pietatis, lacrymarum pietatem sitiens, suo confessorio quandoque in familiari colloquio fatebatur, nonnumquam sibi oranti diuinitus datas fuisse lacrymas, quæ per genas in os influentes, non solum cor, sed etiam os ipsius gustu suauissimo affecissent.

Tanta reuerentia S. Crucis signum prosequebatur, ut si illud humi expressum vidisset, calcate pedibus ausus non esset: exegitque à multis cœnobijs, ne deinceps in suis monasterijs permitterent illud in pavimento ctingi, & sicubi iam humi effectum esset, id penitus aboleret. Quam verò reuerenter, annis singulis in Paralceue, ad adorandum Sanctæ Crucis lignum, solutis capillis,

flexis, atque etiam nudis genibus accesserit, testantur eorum oculi, qui tunc eum sine lacrymis conspiciere non potuerunt. Illum diem, in quo, ut paulò antè diximus, Sacras reliquias à Constantinopolitano Imperatore acceptas, in palatij sacello collocauit, annua voluit solemnitate celebrari, idque triduo, ita ut primo die diuina officia peragerent Dominicani, secundo Minores, tertio alij Monachi, atque ad eam rem magnas à Sede Apostolica condonationes, siue Indulgentias impetrarat. Cùm Saraceni ab eo exigèrent, ut quæ cum ipsis pactus erat, de numeranda pecunia pro sui. & Christianorum liberatione, ea conditione firmaret, ut testaretur se velle Christi fidem abiurasse videri si non staret promissis; prorsus abhorruit, dicens: *Etiamsi corpus occidatis, animam occidere non potestis.* Sed cùm quidam è suis dicerent, sine peccato ita cum iurare posse: placidè respondit: *Ego verò usque adeò hæc verba deneganda fide exhorreo, ut ea ore exprimere non possim.* Orabant eum quidam, cùm esset in locis transmarinis, ut nobilem quendam Saracenum, qui recens Sulthanum interfecerat, militem crearet: at ille respondit: *Abstine à me, ut vel pro seruanda vita, vel morte declinanda, quemcumque à Christiana Religione alienum, balthæo militari donare velim.*

Religio
Regis.

tauth,
o,

Iustitia
cils.

In regni administratione eam prudentiam, & auctoritatem adhibebat, ut sine acceptione personarum, controuersijs quorumcumque diligenter excussis, iustam ferret sententiam. Consiliarij eius, & regni Proceres,

cernen-

cernentes eum sapientia Dei præditum, & sincerè, atque ex animo diligebant eum, & non mediocriter verebantur. Cùm autem formidaret pius Rex, causas pauperum non magnæ illis curæ esse, ut minimum bis, hebdomadibus singulis, in loco publico residens, audiebat eorum querelas: & tum iustitia, tum misericordia eas expendens, celeriter eos expediebat. Duella, ut quæ iure essent vetita, ad nullius preces admittere voluit: sed alia ratione, quæ iuri consentanea esset, etiam magnatum maleficia castigabat. Et ut usurarum immanis vorago obstrueretur, statuit, ut eos qui per *litteras*, Iudæis, aut alijs, publicè usuras exercentibus, se obligassent, non cogerent ad solutionem iudices. Et quia <sup>Pacis
amens.
Esa. 32.</sup> verissimè dixit Esaias: *Erit opus iustitiæ, pax*, Deus iusto & pio Regi pacem, & regno tranquillitatem præstitit.

Habebat hoc peculiare à Deo munus, ut qui inter se discordia laborarent, eos ut plurimum conciliaret. Quùm fuerit autem Deo grata tantæ Regis summa humilitas, Rex regum omnium, CHRISTVS, Deus, eidenti miraculo declaravit. Comes Gelix nuncium cum literis miserat Parisios illicò rediturum: Ex eo reuerſo sciscitabatur Comes, num Regem Franciæ, Ludouicum vidisset? Tum ille, subsannans, collumque retorquens; *Vidi*, inquit, *vidi illum miserum papillarum Regem, ad scapulas caput gestantem*. Vix verba finierat, & facies eius retrorsum acta, ita contorta permansit. Tandem post multorum annorum curricula, quibus se <sup>Navige
rerum</sup>
omni

in terra
sanctam.

1. Ma-
chab. 2.

Adhor-
tatur fi-
lios.

omni virtute exercuit Sanctus Rex, certa ad eum fama allata, de vastatione, & periculis terræ Sanctæ instat *Mathathia*, cum filiis suis, mala gentis Christianæ, & Sanctorum ferre non sustinens, Deo ipsum permouente, alteram suscepit nauigationem, cum tribus filiis comitibus, itemque cum regni Proceribus, & nobilibus, multaque populi frequentia. Cumque iam naues concensuri crant, filios suos blando vultu aspiciens, & primogenitum speciatim appellans, ait: *Vide, fili, ut ego iam grandæuis secundò hoc iter capebam, quando iam etiam Regina mater tua prouecta etate est, & nos regnum nostrum, fauente Deo, absque ulla perturbatione obtinemus, diuitijs, delitijs, & honoribus, quantum fas est, affluentes. Vide, inquam, ut Christi, & Ecclesie eius causa, non parcam senectuti mee, nec me flectat desolatio matris tue, delitias, & honores contemnam, opesque meas pro Christo impendam. Vide, ut te, & fratres tuos, & sororem primogenitam, mecum ducam, simul etiam quartum filium ducturus, si aliquanto maturiori esset etate. Hæc verò idcirco te audire volui, ut cum post obitum meum ad regnum pertigeris, pro Christo, & Ecclesia, atque fide Catholica tuenda, nulli rei parcas, non uxori, non liberis, non regno. Volui enim & tibi, & fratribus tuis, de meipso præbere exemplum, ut si res postulet; vos similiter faciatis.*

Itaque anno Domini millesimo, ducentesimo, septuagesimo, Kalendis Martijs, Ludouicus, Rex Christianissimus, nihil fractus superiorum temporum laboribus, & expensis, quas in priori expeditione fecerat, cum tri-

cum tribus liberis, Philippo, Ioanne, Petro, è Massilię portu soluit, adiuncto et am tibi Nauarrę Rege, & per multis Ecclesiarum præfectis, & nobilibus. Vt autem facilius terram sanctam recuperare possent, consultissimum eis visum est, vt regnum Tunetanum, quod magna in Syriam nauigantibus obijceret impedimenta, ante omnia in suam redigerent potestatem. Iam ceperant portum Carthaginis, qui Tuncto haud procul abest, & ecce morbus, qui illo anno ijs in locis mirè grassabatur, Christianorum exercitum inuadit, ex Regis filijs, tollit Ioannem, tollit ipsum quoq; sanctissimum Regem, cum multis è nobilitate, & plebe. Quam sanctè autem, & piè à vita migrarit Christianissimus Rex, gener eius, Nauarrę Rex, Tusculano Episcopo perscripsit. Nam correptus morbo, non cessauit laudare Deum, sæpè illam orationem interserens: *Fac nos Domine prospera mundi despicere, & nulla eius aduersa formidare.* Et pro illis, quos secum adduxerat, ita orans: *Esse Domine plebi tue sanctificator, & custos.* Morti propinquus, voluit se corporis Christi Sacramento muniri. Cùmq; Sacerdos id ei ostenderet, perquireretq; num crederet, ibi esse filium Dei, respondit, minus apud se habere dubij, quàm si videret Christum in ea forma, qua ascendit in cœlos, Iam supremum trahens spiritum, suspiciens in cœlum, ait: *Introibo in domum tuam, Domine, adorabo ad templum sanctum tuum, & confitebor nomini tuo.* Quibus dictis, felicissimè obdormiuit in Domino.

Morbus
exercitū
inuadit.

Rex piè
moriuit.

psal. 4.

Pax
inter,

Eius morte non mediocriter consternato Christianorum

D d

Christi-
nos &
Sarace-
nos,

norum exercitu, & Saracenis latantibus, Carolus, Siciliae Rex, in bellis strenuus, cum multo milite aduenit, animosque Christianorum confirmavit. Et si autem longè plures essent Barbarorum, quàm Christianorum copiae, non tamen ausi fuere cum nostris instructa vtrinque acie committere, sed leuibz praelijs, & crebris excursionibus non mediocriter vexarunt Christianos. Tandem obsidione pressi à nostris, coacti sunt pacem petere, quæ his potissimum conditionibus confecta est, ut omnes Christiani, qui in eo regno captivi tenebantur, abirent liberi: & ut Dominicanis, & Franciscanis, atque alijs libera esset facultas toto illo regno Christum prædicandi, credentesque baptizandi, utque Rex Tunetanus Regi Siciliae annum tributum quadraginta millium aureorum persolveret.

Ludon-
icus Rex
canoni-
zatus.

Obijt autem piissimus Rex Ludouicus vicesima quinta Augusti, & tum in vita, tum post obitum, multis claruit miraculis. A Bonifacio Pontifice, eius nominis octauo, in Sanctos relatus est. Robertus Gaguinus, *libro septimo de gestis Francorum*, testis est, in archiujs Caroli, Quinti Regis Gallorum, repertam esse chartulam præceptorum, quæ hic Sanctus Rex filio suo primogenito, dum Tunetum obsideret, dictauit, & scripsit: eamque ex Caroli Thesauro receptam, Girardum de Montaguto, regium scribam, Carolo exhibuisse anno salutis millesimo, trecentesimo, sexagesimo quarto. Ea præcepta, & institutiones habentur etiam in *manuscriptis codicibus*, unde nos ea stylo mutato descripsimus.

Institu-

Institutiones sanctissimæ, Philippo.
 primogenito filio à Sancto
 Ludouico Rege, sub mor-
 tem propositæ.

FILI mi, ante omnia diligenter in eam curam in-
 cumbe, vt diligas Deum: nemo enim potest esse Monito
 nes erga
 filium.
 saluus, nisi Deum amet.

Caue ne vniquam admittas peccatum mortiferum:
 sed omnia potius ferre velis genera tormentorum,
 quàm aliquam talem perpetrare culpam.

Cùm aduersa accidunt, feras æquo animo, & cogita,
 te commeruisse: atque ita lucrum tibi inde accedet.

Cùm rebus prosperis frueris, humiliter agas gratias
 Deo, ne inde animo elatus efficiaris deterior, vnde te
 oportuit fieri meliorem.

Crebrò confitearis peccata tua, deligasque tibi sa-
 pientes Confessarios, qui te possint instituere, & docere,
 quid agere, quid vitare oporteat: coram illis ita te com-
 pares, vt audeant sincerè te reprehendere, & vitia tua
 indicare tibi.

*Omnibus diebus vitæ tuæ in mente habeto Deum: & Tob. 4.
 caue, ne aliquando peccato consentias, & prætermittas præ-
 cepta Domini Dei nostri.*

Officium diuinum deuotè auscultes; facessant tibi
 fabulæ, & nugæ, nec oculi huc atque illuc circumse-

Crebrò gratias agas Deo pro bonis omnibus, tibi ab illo collatis, vt dignus fias potioribus eius beneficijs affici, & iugeri.

In administranda iustitia sis rectus, & seuerus, & ita vt leges præscribunt, eam exerceas erga subditos, neque ad dexteram, neque ad sinistram deflectens, pauperumque querimonias non reiicias, donec veritas innotescat.

Diligite iustitiam, qui iudicatis terram. Sentite de Do- Sap. 1.
mino in bonitate, & in simplicitate cordis querite illum:
quoniam inuenitur ab his, qui non tentant illum: apparet
autem eis, qui fidem habent in illum

Si quis habeat aduersùm te querelam aut controuersiam, semper ab illo stes contra te ipsum, donec rem certam comperias. Ita enim fiet, vt consiliarij tui fidentius iustam ferant sententiam.

Si quid possideas rei alienæ, etiamsi id acceperis à maioribus tuis, incunctanter restituas iusto possessori, vbi certò id constiterit. Sin autem dubia res est, cura, vt viri sapientes accuratè, & sine mōra inquirant. Id enim vel maximè studere debes, vt qui sunt in ditione tua, pace & iustitia fruantur, in primis homines religiosi, & qui in Clero sunt.

Misericordia, & veritas obuiauerunt sibi: iustitia, Psal. 83.
& pax osculate sunt. Veritas de terra orta est: & ius-
titia de celo profluxit.

Parentibus tuis debes amorem, reuerentiam, & obedientiam. Beneficia ecclesiastica non conferas, nisi benè

dignis, & qui nulla eiusmodi beneficia habeant, idque ex consilio bonorum virorum.

Bellum, præsertim aduersus quemlibet Christianum, sine multo consilio vide ne suscipias. Si necessitas cogat suscipere; Ecclesias, & infantes nullo patiaris damno affici.

Luc. 14. Quis rex, iturus committere bellum aduersus alium regem, non sedens prius cogitat, si possit cum decem milibus occurrere ei, qui cum viginti milibus venit ad se? Alioquin adhuc illo longè agente, legationem mittens, rogat ea, quæ pacis sunt.

Si qua existat vel tibi, vel subditis tuis contentio, vel bellum, quoad poteris, componere & sedare coneris.

Vide, vt bonos habeas Prætores, & Magistratus, & de illis solerter inquiras, vti se gerant.

Semper sis addictus, & deuotus Romanæ Ecclesiæ, eius Pontifici haud secus, atque spiritali patri te morigerum præbeas.

Matth. 16. Et ego dico tibi, quia tu es Petrus, & super hanc petram edificabo Ecclesiam meam: & portæ inferi non præualebunt aduersus eam.

Da operam, vt impensæ tuæ moderatæ sint, & rationi consentaneæ.

Sub finem hortor, & adiuro te, fili mi, si me contigerit ante te migrare ex hac vita, vt toto regno Franciæ pro anima mea cures offerri Deo preces, & missæ Sacrificia.

Sancta

Sancta ergo, & salubris est cogitatio pro defunctis exorare, ut à peccatis solvantur. 2. M^o-
chab. 12

Ad extremum, fili charissime, quidquid boni potest bonus, & pius parens precari filio suo, id ego precor tibi. Sacrosancta Trinitas, & Sancti omnes seruent te ab omni malo, præstetque tibi Deus, gratiam rectè semper agendi, & ipsius faciendi voluntatem; ita ut ille per te honoretur; & nos possimus post hanc vitam pariter esse cum illo, eumque contemplari, laudare per infinita secula seculorum. Am. 11.

Benedixit Iacob filiis Ioseph, & ait: Deus, in cuius Cen 48.
conspectu ambulauerunt patres mei, Abraham, & Isaac, Deus qui pascit me ab adolescentia mea usque in presentem diem: Angelus, qui eruit me de cunctis malis, benedicat pueris istis.

Sanctus Ludouicus natus est anno Domini 1214. Obijt anno 1270. Régnauit annis 44. In Sanctos relatus anno 1296.

Iustorum autem semita, quasi lux splendens, procedit, & crescit usque ad perfectam diem. Prou. 4.

V I T A

The first of these is the *History of the County of York*, which was written by *John Gough*, Esq. in the year 1791. It is a very valuable work, and contains a great deal of interesting information. The second is the *History of the County of York*, written by *John Gough*, Esq. in the year 1791. It is a very valuable work, and contains a great deal of interesting information. The third is the *History of the County of York*, written by *John Gough*, Esq. in the year 1791. It is a very valuable work, and contains a great deal of interesting information.

V I T A
B E A T I
A M A D E I,
T E R T I I
D V C I S
S A B A V D I Æ.



MADEVS, Sabaudia Dux tertius, natus ^{B. Anna-}
est ex Ludouico, Duce Sabaudie secundo, & ^{dei}
Anna, filia Iani, Regis Cypri, anno à partu ^{trinitas.}
Virginis millesimo, quadringentesimo, 1435.
trigesimo quinto. Hic nondum infantiam egressus,
sponsus designatus fuit Iolandæ, filia primogenita
Caroli, septimi Christianissimi Galliarum Regis. Adole-
lescens, ac penè puer, initium operum suorum semper ^{Adole-}
ab oratione ducebat: neque antea cum hominibus ^{scntia.}
agere solebat, quàm diuinæ Mislæ sacrificio audiendo,
& conciliando sibi Numini operam dedisset. Et quo-
niam in itinere spiritualis vitæ multa occurrunt pericu-
la, partim à naturæ fragilitate; partim ab inuidentiâ, &

Ec

astutia

astutia demonum, ducem elegit non minus sanctum, quam doctum, cumque perpetuo sibi adesse voluit, ut eius consilio, & admonitione regeretur. Is fuit magister Ioannes Fuzonius, ordinis Sancti Francisci, ex Monte regali, viræque doctus, ac sanctus. Hunc virum, ut parentem coluit, ut magistro fidem habuit, & cum eo negocia animæ suæ omnia liberrimè communicabat.

Dotes
naturales

Quod verò attinet ad naturalia, siue Dei dona, siue naturæ vitia: cum venustate corporis coniunctam habebat incredibilem facilitatem, & comitatem; sed cum his bonis admiscuit diuina providentia morbum incurabilem, & scædum, qui dicitur *epilepsis*, siue *morbis comitialis*; quod flagellum vir Dei, non ut flagellum, sed ut frænum ad peccata multa vitanda sibi à Deo patre amantissimo datum existimabat, & fatebatur. Cum enim subirent animum, quæ illum extollere potuissent, opes, honores, potestas, imperium; mox aderat medicina, à Deo parata, morbus epilepticus, qui tumorem animi comprimebat, & ipsum totum hominem abijciebat. Itaque non rarò famulos suos, ipsi compatiētes, dulcissimè consolabatur, dicens; Deum magis homini propinquare, cum eum flagellat, quam cum consolatur. Id quod est consentaneum *diuinis literis*,

Tob. 12 in quibus legimus dictum fuisse Tobie ab Angelo sancto;
Quia acceptus eras Deo, necesse fuit, ut tentatio probaret te.

Psal. 90. Et in psalmo legimus: *Cum ipso sum in tribulatione.* Et

Heb. 12. Apostolus dicit: *Quem diligit Dominus, castigat: flagellat autem filium, quem recipit.* Et alius Apostolus addit:

Omne

Omne gaudium exilimate, fratres, cum in tentationes Iacob. 1.
varias incideritis. Sed his omillis, ad historiam reuer-
tamur.

Cum ad annum ætatis octavum decimum perveni-
 sset Amadeus, hortante patre, Iolandam, sibi olim de-
 sponsatam, accepit vxorem: sed ad sacramentum
 coniugij non sine multis precibus se præparauit, vt eius
 soliti pietas, & patris spiritualis admonitio, & doctrina
 requirebant. Vixit autem cum vxore tam pacificè, &
 concorditer, toto vitæ suæ tempore, vt planè intelligi
 posset, auctorem huius coniugij non alium fuisse, quam
 Deum. Interim accidit, permissione diuina, vt virtus
 optimi Principis magis elucesceret; vt fratres eius, vi-
 dentes eum à patre plus omnibus diligi, inuidiæ
 morbo adurerentur. Et res in apertum bellum erupisset,
 nisi Ludouicus, Dux, & pater, cum Rege Galliarum egi-
 sset, vt Philippus, vnus ex fratribus, & cæteris arden-
 tior, carceri manciparetur. Sed sicut fratres Amadei
 imitatus sunt *fratres Iosephi*, Patriarchæ, in ipso *Iosepho*
 sine vlla causâ iniusto odio prosequendo: sic & pius
 Amadeus imitatus est incredibilem charitatem sancti-
 ssimi *Iosephi*, in reddendo bona pro malis, & *Vincendo*
in bono malum, vt Apostolus iubet. Rom. 12.
 Vix enim Ludoui-
 cus, pater, obierat, & Amadeus in ducatu successerat;
 tam Philippum fratrem è carceribus liberari curauit;
 nec per Legatos id effecit, sed ipse in Gallias profectus,
 cum Rege non solum egit, vt Philippus è carcere edu-
 ceretur; sed etiam curauit, vt Margareta, filia Ducis
 Ec 2 Borbonij,

Borbonij, fratri suo, Philippo, in matrimonium coniungeretur; & ipse partem Imperij sui eidem donauit. Heroica planè charitas, & Christianissima virtus, sic *Muth. 5, diligere inimicos*; hoc est esse verissimum Christi discipulum, & imitatore. Nam ne ipse quidem Patriarcha *Iosephus* ad hunc apicem charitatis peruenit, ut fratres suos, à quibus *venditus*, ac penè necatus fuerat, ad partem sui Principatus admitteret:

Sed ea, quæ dicta sunt de charitate Sanctissimi Ducis, Amadei, erga fratres ingratos, & malos, ab ijs, quæ dicenda restant, superantur. Philippus, Ducis Amadei Germanus, non contentus honore, quo cum Dux affecerat, iterum in hostem ex fratre mutatus, coacta militum armatorum multitudine, Arcem, in quam se Dux contulerat, circumdare, eamque vi capere aggreditur. Sed Amadeus, verissimè Deum amans, & propter *Philippi fratris in gratia-*
do. Deum *inimicos* etiam *diligens*, & alluetus bona pro malis reddere, atque in adiutorio Dei confidens; aperiri iussit portas Arcis, & ad se fratrem armatum, & minacem vocans, sic piè, sic amanter, sic diuinè locus est, ut fratrem ab odio, & furore hostili ad pacem, & charitatem verè Christianam, & verè fraternam conuerterit. Sic triumphauit triumpho nobilissimo de hoste generis humani, cuius proprium est ferere inimicitias, etiam inter amicos, & fratres.

Muth. 5, Diligite inimicos vestros, benefacite his, qui oderunt vos: & orate pro persequentibus, & calumniantibus vos: Ut sitis filij patris vestri, qui in caelis est: qui solent

solem suum oriri facit super bonos , & malos : & pluit super iustos , & iniustos.

Extincta inimicitia cum fratre , exorta est sinistra ^{Calumnia in Amadeo} quædam opinio inter magnates de imperitia Ducis, ad regendos populos : propterea quod nimium sollicitus videretur de spiritualibus exercitijs, & de pauperibus subleuandis. Sed hanc sinistram opinionem prudenti- ^{Consilio eius.} ssimo consilio facile superavit , & extinxit. Instituit enim iter in Gallias, ut cognatum Regem viseret : atque ad hoc iter inuitavit maiorem partem Principum suorum. In eo itinere ; multis in locis , honorificentissime exceptus fuit , ut cognatus Regis ; & cum ad Regem peruenisset , incredibile est , quantis honoribus affectus fuit , tum ab ipso Rege , tum etiam ab omnibus Principibus nobilissimi illius regni. Ex ea re didicerunt aulici Ducis , quàm magni facere deberent Ducem suum , quem tanti fieri ab vniuerso Galliarum regno ipsi vidissent. Itaque ab eo tempore nemo ausus fuit reprehendere pietatem Principis sui , quam admirari , & de qua gloriari , si quid saperent , omninò deberent.

Pietas ad omnia utilis est , promissionem habens vite , 1. Tim. 4
que nunc est ; & futuræ.

Quod autem Amadeus non abhorreret ab armis , ^{Virtus bellica,} quando iusta causa bellandi se offerret : docuit infelix exitus Constantini , vltimi Imperatoris Græcorum : fecerunt enim , tunc Amadeum , Ducem magno zelo misisse in Peloponesum exercitum satis copiosum , ut ea regio à Turcarum furore defenderetur. Et cum paulò

post Pius secundus, Pontifex maximus, in Concilio Mantuano præsiciens, vocaret Principes Christianos ad bellum sacrum contra Mahometanos, ipse in primis adfuit, promptus ad opes, & vitam, si opus esset, pro Christi religione profundendas. Quod etiam facile cognosci potuit, quando Iacobus, Nothus, Nicosiæ Episcopus dimissa dignitate Episcopali, adhæsit Soldano Ægypti, & Ludouico, à Sabaudia Rege legitimo expulso, regnum Cypri inuasit. Tunc enim magno ardore animi Anniadeus coegit exercitum, ut regnum, si posset, recuperaret: præsertim cum Carlotta, regni hæres, ad eum venisset. Sic enim decebat, ut piissimus Princeps proprias offensiones ex fraterna charitate facile condonaret: sed offensiones Dei, & Reipublicæ Christianæ, pro viribus vlcisceretur.

Miseri-
cordia
in pau-
peres.
Matthæ
25.

Prou. 19

Tob. 12.

1-Tim 6

Sed vna in re videtur hic sanctissimus Princeps excel-
luisse, ea est misericordia erga pauperes. Non enim iusta
aure audiuit Dominum dicentem: *Venite, benedicti pa-*
tris mei. Esuriui enim, & dedistis mihi manducare. Et quæ
sequuntur: & Salomonem qui ait: *Feneratur Domi-*
no, qui miseretur pauperis. Et Angelum dicentem ad
Tobiam: Eleemosyna à morte liberat, & ipsa est, quæ pur-
gat peccata, & facit inuenire misericordiam, & vitam eter-
nam. Et denique Beatum Apostolum, admonentem
diuites, ut faciliè tribuant, & communicent opes suas, &
thesaurizent sibi fundamentum bonum in futurum, ut appre-
hendant veram vitam. His, & alijs id genus Sancti
Spiritus oraculis eruditus, optimus Princeps in pauperes
alendos

alendos liberalissimus erat ; neque contentus erat solo ministerio famulorum in pauperibus reficiendis , sed ipse proprijs manibus ad mensam illis ministrabat ; certus se Christo in pauperibus ministrare , cum Dominus dixerit ; *Quod uni ex minimis fratribus meis fecistis , mihi fecistis.*

Math. 25.

Accidit aliquando , vt Legatus quidam , à nescio quo magno Principe missus , cum Duce Amadeo , colloquens , peteret , an non aleret magnam copiam canum venaticorum , de more aliorum Principum ; respondit Amadeus , ingentem omninò numerum canum optimorum à se nutrirì , quos si placuerit videre , sequenti die tali hora adesset. Adfuit ille ad horam indicatam. & Dux introduxit Legatum in proximum triclinium , vnde in subiectam aulae planitiem prospectus erat. Ibi mensam illi admirabundo oblongam , stratam , & cibus omnis generis refertam , accumbentesque ad eam mendicos quamplurimos ostendit , atque hinc hominem verbis affatur , *Isti , vir amice , canes sunt , quibus in vita hac , cuius brevis , incertaq; , periodus est , calum ego venor , alimenta q; mibi comparo , quae manna omni praestantiora , famem mibi in perpetuum sustinent.* Ac dicenti inter alia Legato , inueniri saepius homines improbos , inertesque , qui paupertatem simulent , & mendicando , quam manibus laborando , quae ad victum necessaria sunt , comparare sibi velint , Respondit Dux , *Nolim , inquit , tam anxie ista inquirere : nam , si in actiones nostras ita inquireret Deus , malè omninò nobiscum ageretur ; sed ille*

Quales canes auctore
Hoc idem refert
verum in ap
fribus m. On
Non. cap. in
pau. libera
f. Amadeus
Audia Dux
pag 471.

pius , &

Matth. 5 *pius & clemens, solem suum oriri facit super bonos & malos, & pluit super iustos & iniustos. Sic & nobis melius est, in tanta multitudine bonorum, eleemosynam diuidere in aliquos indignos, quàm, dum paucos indignos repellere à nostra liberalitate curamus, plurimis verè pauperibus iniuriam faciamus.*

Amadei
liberali-
tas.

Neque verò solum in pauperes singulos liberalissimus erat pius Princeps, sed etiam in publicis ædificandis hospitalibus, & monasterijs, & in ornandis, & pretiosa supellectile ditandis Ecclesijs, magnificentiam suam, & pietatem ostendit. Vsq̃ue ad hanc diem conseruari dicuntur Vercellis pretiosissima sacerdotalia indumenta, quæ pijssimus Dux Amadeus Ecclesiæ Sancti Eusebij dono dedit. Suscepit etiam aliquando peregrinationem ad urbem, vt viseret loca sancta, quibus Romana ciuitas abundat. Profectus est autem, non vt magnus Princeps, sed vt homo incognitus, & cum vestibus, peregrinantibus accomodatis, & incredibilem humilitate, & religione Ecclesias, & Sanctuaria urbis obiuit. In eleemosynis solùm largiendis, tum pauperibus singulis, tum Xenodochijs, & Ecclesijs; non se pauperem peregrinum, sed opulentum Principem demonstrauit. Siquidem magnam argenti, & auri copiam in eiusmodi sancta loca effudit, ac potissimum ad memoriam Principis Apostolorum, non aurum solùm, & argentum, sed etiam gemmas pretiosissimas dimisit. Obiuit postea & aliam peregrinationem, cum vxore, Iolanda, ad sacrosanctum linteum, in quo Passionis

Peregrinatur
Romam.

Dominicę

Dominicæ vestigia non sine insigni miraculo impressa cernuntur. Obiit autem eam peregrinationem, non sine magno labore, & fatione semper pedes, ut passionis Dominicæ cum ipsa sua coniuge particeps fieret.

*O vos omnes, qui transitis per viam, attendite, & Thren. 1
videte, f. est dolor, sicut dolor meus, quoniam vindemiauit me,
sicut locutus est Dominus in die iræ furoris sui.*

Porro ad eleemosynas, & peregrinationes adiungebat etiam frequentes orationes, & iciunia: neque desunt, qui existiment, frequentia iciunia in causa fuisse, ut rarius morbo illo suo familiari vexaretur. Neque verò religiosæ, & piæ exercitationes impediabant eum, quo minus conseruaret Majestatem Principis, qualis eum decebat, tum in alenda numerosa familia, tum in stipendijs militibus numerandis. Nouerat enim, Patriarcham *Iosephum*, moderatorem *Ægypti*, & *Dauidem*, Gen. 42.
2. Reg. 5. Hæbreorum *Regem*, & nostros, Henricum, Imperatorem Romanum, & Ludouicum, Regem Francorum, sine detrimento pietatis potuisse regna, & Imperia debita cum auctoritate gubernare. Illud tamen pij Principes, & in eis noster Amadeus, diligenter curabant, ut ab aula exularent mini, parasiti, gnatores, inutilia terræ pondera, & multò magis blasphemij, & periurij addicti; neque ij soli, sed etiam mendaces, detractores, rixosi, & alij id genus improbi. Illud autem admirabile est, & proprium eleemosynarum emolumentum; quod cum tam liberalis, & quasi prodigus videretur

Dux Amadeus in eleemosynis largiendis : tamen fratribus plurima largitus est, & sororibus dotes statui ipsarum congruentes dedit; & nulla noua populis vectigalia, vel tributa imposuit. Sic tamen ærarium, quod inane repererat, cùm regnare inciperet, repleuit, vt iurisdictiones varias redemerit, quas Principes superiores coacti alienauerant. Itaque verum est, non solum in vita futura, sed etiam in præsentì, quod sapiens scriptum reliquit, *Qui miseretur pauperum, fœneratur Deo.*

Prou. 19

Iudices
optimos
consti-
tuit.Patientia
in aduer-
sis.

Iacob. 1.

Liberi
eius.Infirma-
tus.

Ad has virtutes sancti Ducis accessit diligentissima cura præponendi in omnibus ciuitatibus optimos iudices, quos videlicet ipse nosset simul valde peritos, & valde probos. Nam & probitas, sine scientia, parum prodest: & scientia, sine probitate, multum obest. Denique accessit eximia patientia in aduersis. Quæ virtus virtutes omnes perficit. Quod Sanctus Iacobus docet, cum ait : *Patientia opus perfectum habet* : cuius rei rationem reddit Sanctus Cyprianus, cùm demonstrat sine patientia nullam virtutem, ac ne ipsam quidem charitatem, diutius posse subsistere. Donauit Deus seruo suo, Amadeo filios sex, & filias tres : quæ felix proles dici potuisset, nisi Carolus, primogenitus, qui solus idoneus per ætatem erat ad regimen populorum, & in cuius virtute pater non parum acquiescebat: paucis mensibus ante obitum Ducis, raptus fuisset. Flagellum hoc Dei non potuit non sentire Dux pater, sed ita sensit, vt continuò diuinæ voluntati acquiesceret.

Agebat iam Princeps optimus annum tricesimum septimum

septimum ætatis, cùm Vercellis in morbum incidit: & quamvis stella crinita, quæ paulò ante in cœlo apparuerat, significare crederetur mortem magni alicuius Principis; ipse tamen, ab alio diuiniore lumine illustratus, constanter prædixit finem vitæ suæ iam propinquare: quin etiam, vt ferunt, diem ipsum signauit, in quo de hoc mundo migraturus esset. Itaque tanquam certò breui moriturus sepulchrum sibi delegit, non excelsum, neque pretiosum; sed congruens vitæ suæ, quam semper duxerat, humile, & vulgare, infra gradus videlicet aræ maioris sacræ ædis Sancti Eusebij, quæ est Vercellis, vt non possent Sacerdotes ad aram sacram ascendere, quin sepulchrum Principis pedibus calcarent. Quod ego de industria factum reor, non solùm ob amorem humilitatis, sed etiam vt Sacerdotes faciliùs meminissent animæ ipsius, cùm in ipsa ara pretium nostrum Domino Deo offerrent. Itaque propinquante die, ab ipso prædicta, susceptis, de more fidelium, Sanctissimis Sacramentis, nominauit vxorem, Iolandam, tutricem filiorum, qui tres tantùm supererant, & natu maximus septennis erat. Deinde vocatis ad se vxore, & filijs, & præcipuis Magistratibus, commendauit illis, quæ ipsi præcipuè semper cordi fuerunt, his verbis. *Facite iudicium & iustitiam, & diligite pauperes: & Dominus dabit pacem in finibus vestris.*

Prædixit mortem

Ad mortem se parat.

Hæc locutus, paulò post sanctæ fiduciæ plenus, migravit ad Dominum, die tricesimo Martij, anni M. CCCC. LXXII. Mortem eius gloriosam indicauerunt

cauerunt Vercellis, vbi mortuus est, lumina visa, supra arcem accensa diuinitus, & cantus Angelici supra eandem arcem auditi. Apud Taurinos, vbi fiebant publicę supplicationes ad Deum, pro vita Ducis, grauiter ægrotantis, visa est in aëre, coram multis millibus hominum, sedes sublimissima, ac ipsi soli æqualis, in qua sedere conspiciebatur Dux, Amadeus, luce candidissima circumdatus.

Matth. 13 *Tunc iusti fulgebunt, sicut sol, in regno patris eorum.*

Miraculis claret
Secuta sunt postea miracula plurima, & maxima, quę gloriam Beati Ducis testificabantur. Sed & dum viueret hic Beatus Princeps, miraculis claruisse dicitur, præsertim cùm in ciuitate Parisiensi, pridie natiuitatis Sancti Ioannis Baptistę, solemni ritu ad honorem Sanctissimi Præcursoris, facem adinouisset rogo lignorum, vnde magnus ignis excitabatur. Quam quidem ceremoniam Rex ipse peragere solebat, sed eo anno, cùm adesset Dux Amadeus, Rex illi pium hoc officium celsisse dicitur: ac paulò post à Duce, aliquos ægrotos præsentēs, solo tactu sanatos ferunt. Quia verò


Requiritur
c. 115.

Episcopi, qui ad funus Ducis defuncti celebrandum conuenerant, neque audebant sine beneplacito Apostolico optimum Principem sacris cerimonijs honorare: & tamen iniuriam sibi videbantur facere animæ illi sanctæ, si pro ea Domino supplicarent; elegerunt mediam quandam viam. Hęc fuit, vt prima die, & nona, Episcopus Vercellensis caneret solemnem Missam de Spiritu sancto. Pontif. Taurinensis Missam de Beatissima

Virgine

Virgine Maria. Archiepiscopus Tarantaticensis Missam pro defunctis generatim. Si quis miracula singula cognoscere cupiat, consulat *Librum*, Italica lingua scriptum, de *vita Beati Amadei, Ducis tertij Sabaudie*, à Reuerendo Patre, Domino Petro Francisco Maletto, Canonico Regulari Lateranensi, anno Domini millesimo, sexcentesimo, decimo tertio. Obijt Beatus Princeps, anno Domini millesimo, quadringentesimo, septuagesimo secundo, cùm vixisset annos triginta septem.

Iusti autem in perpetuum viuunt, & apud Dominum est merces eorum, & cogitatio illorum apud altissimum. Ideò accipient regnum decoris, & diadema speciei de manu Domini: quoniam dextera sua teget eos, & brachio sancto suo defendet illos. Sap. 4



V I T A
S A N C T I
C A S I M I R I
R E G I S
P O L O N I Æ
F I L I I.

IMMENSA atque inexplicabilis Dei *sapien-* *Sapientia
Dei.
P. ou. 8.*
tia, quæ *habitat in consilio*, eruditissq; *inter-*
est cogitationibus, cuius *est æquitas*, prudentia
 & fortitudo, per quam Reges regnant, Principes
 imperant, & legum conditores iusta decernunt: sic mundum
 nostris subiectum oculis gubernat, rebusq; consulit
 humanis, ut pro temporum necessitate, viros, Ecclesiæ
 suæ idoneos, sanctimonix nota insignes, ac omni vir-
 tutum genere conspicuos, diuersis sæculis assignet. Ita
 mundi nascentis exordio, ante legem exaratam, Pa-
 triarchas: progressu temporis, ante gratiæ statum,
 Prophetas: demum post filij sui salutarem in terras ad- *Ephes. 4.*
 uentum, fidei antesignanos, & primos Sancti *Euangelij*
Præcones

Præcones, *Apostolos*; eiusdemque acerrimos propugnatores, inuictos Martyres; item optimos Republicæ, diuinis à Christo formatae legibus, præfides, & rectores; tum singulari sapientia præstantissimos Episcopos, & *Doctores*; denique ex alijs hominibus multitudinem prope innumerabilem sufficit, qui posteris, & recte vitam instituendi norma, & duces æternæ felicitatis

B. Casimirus.

capessendæ existerent. Ex hoc postremo numero, vnus est immortalitate dignus, inclytæ potentissimorum Regum stirpis Iagelloniæ, Divus Casimirus, quem summa rerum omnium effectoris bonitas tutelare, ac Patronum Poloniæ, Lithuanicæque, veluti quoddam specimen, totiusque probitatis pulcherrimam effigiem,

Natiuitas.

1458.

contemplandum, imitandumque proposuit. Natus est Cracouiæ, nobili in primis, ac primaria regni Poloniæ vrbe, anno partæ salutis millesimo, quadringentesimo, quinquagesimo octauo, tertio Nonas Octobris, ipso diluculo: qui dies tum victoriæ, quam pater eius, Casimirus in Prussia, de Crucigeris insignem reportauit, Arcemque Papouiam vi oppugnando cepit; tum Georgij Podiebradij, Bohemorum Regis, legatione, iure amicitie efflagitantis, regnique Bohemici insignia eidem Casimiro, Regi Poloniæ, vtrò deferentis, fuit illustris.

Genus.

Agebatur iam tunc annus sexagesimus quartus, ex qua Iagello, Dux Lithuanicæ bellicosissimus, Olgerdi filius, Gedimini Nepos, ab Vitenne, Romano viro Principe genus ducentium, Urbano sexto Pontifice, Ecclesiæ

Ecclesiæ Romanæ clavum tenente, Christi fidem amplexus, & sacro Baptismatis fonte initiatus *Wladislai* nomen sortitus est. Hic in Regem Poloniæ electus, ex Scenza, (post *Maria* dicta) Kitouiensis Ducis filia, stirpem, ac spem familiæ, Wladislaum videlicet, post felicem progenitoris sui obitum, simul Hungariæ, ac Poloniæ Regem; & Casimirum, divi Casimiri (de quo nobis sermo est) patrem, suscepit: penes quem, dum post immaturum Wladislai, fratris, decessum regni Poloniæ administratio esset, nupta ei Elisabetha, Alberti Austriaci, Romanorum, Hungariæ, & Bohemiæ Serenissimi Regis filia, sex ei liberos, nimirum Wladislaum, qui Bohemiæ, & Hungariæ Rex fuit; deinde divum Casimirum, post Ioannem Albertum, Alexandrum, & Sigismundum, Reges Poloniæ, & Fredericum, tituli S. Lucie Cardinalem, Archiepiscopum Gnesnensem, partu edidit secundo. Inter omnes, divus Casimirus, velut inter clarissimas gemmas speciosissimus Carbunculus enituit. Ab incunabulis enim, summa cura, diligentiaque educatus, vnà cum lacte, ea semina virtutis imbibit, quæ deinceps per reliquam ætatem adhæserunt. Sexennis adhuc puer, præclaris moribus, bonisque litteris erudiendus, optimis Præceptoribus à parentibus traditus, tantùm profecit, vt in omnibus, progressum eius quâ oculis, quâ auribus accipientibus, non mediocrem admirationem excitaret. Erat in eo rara indoles animi, egregia corporis *Indoles* forma, mores candidi, suaves, sine fastu, quibus asse-

quebatur, vt quibus vteretur, carus, acceptusque esset.
 Certè molliter, & in delitijs educatus, diues, ac opulen-
 tus Princeps, in maxima rerum affluentia iuuentaque
 licentia, præclara specie, habituque corporis adole-
 scens, sui potens fuit, & cum *transgredi potuerit, non*
est transgressus, nec gessit in vita sua, mala. Labentis
 huius sæculi gloria contempta, *post aurum non abiit, &*
in thesauris pecunie non sperauit; dum hic *non habere se*
ciuitatem permanentem contemplans, diuini amoris fa-
 cibz inflammatus, omne studium ad *futuram inqui-*
rendam, non manufactam in cælo conuertit, vbi thesauros
nec arugo, neque tinea demelitur, nec fures effodiunt.
 Perpetuò autem memoriæ eius inerat diuinum illud
 oraculum, quod Regius vates cæleste domicilium adire
 cupienti inculcat: nimirum *in montem Domini ne-*
miuem ascensurum, nec quemquam *in loco sancto eius*
fixurum pedem, nisi qui fuerit *innocens manibus, &*
mundo corde, qui non acceperit in vanum animam suam,
nec iurauerit in dolo proximo suo. Quamobrem vechementi ille gloriæ perennis æstuans desiderio, vt iucundissimam Beatorum patriam consequeretur, ad eam regulam, omnes actiones suas conformauit, quam præfato oraculo vniuersis vitæ Christianæ sectatoribus præscribi animaduertebat. Nec est dubium, vitam eius, omnium virtutum ornamenti conspicuam, regni Proceribus, alijsque cuiusvis ordinis hominibus, vitæ benè ac laudabiliter instituendæ, fuisse exemplar. Vitiis omnium fnga talis ac tanta in eo fuit, vt etiam quamuis eorum speciem

speciem diligentissimè caueret. Proinde luxum vestium, & lecti molliem, tamquam peccandi fomitem, declinans, vti nuda humo pro cubili, & ex horridis equorum fetis comparato cilicio, alijsque verberum asperitatibus, velut cupiditatum moderatricibus, teneram carnem non minùs sapè, quam auidè Christi cruciatuum, salutis nostræ causâ susceptorum memor, affligere solebat. Divis omnibus, ac præcipuè B. Mariæ, Beatorum
amator, Dei parenti, benignissimæque hominum patronæ, maximè addictus erat, quam à se metris, singulari artificio elaboratis, & pulchro schemate, penè omnia Incarnationis Dominicæ mysteria cludentibus, quotidie in terram fufis genibus, pio affectu salutabat. Cæteris Et reli-
gio orû, porrò religiosis officijs, pijsque ritibus, cum in eâ sacra peragerentur, adeò frequens intererat, vt eum sæpiùs in templo, quàm in palatio, sæpiùs in patrum linteatorum, piorumque Sacerdotum choro, quàm amicorum, regiorumque aulicorum cœtu videres. Quo tempore, Deuotio-
ni addi-
tus. sæpenumerò à sensibus abalienatus, atque extra se positus, eo animi ardore, precibus vacabat, vt cibi, atque potus immemor, nisi sæpiùs sub prandij, aut cœnæ horam à parentibus missis nuncijs, domum corporis reficiendi causâ reuocaretur, totos dies sine epulis esset transacturus. Sed neque tamen diuina hac orandi assiduitate contentus erat; nisi etiam intempesta nocte è strato persæpe consurgeret, è cubili se clam efferret, & pedes discalceatus, nullo teste, precandi causâ, eâdem lacram aditaret. Et quoniâ plerumq; (id quod moris est)

obferatis ostijs ab ingressu prohibebatur, satis religioni, satis Deo, sibi que factum putabat, si nimirum sacras valuas salutasset, lacrymis religiosa limina rigasset, atque hoc pacto in precibus pernox ad fores templi perdu-
rasset.

Psal. 113 Media nocte surgebam ad confitendum tibi, super iudicia iustificationis tue.

Quo loco sepius sub auroram à nocturnis custodibus, atque vigilibus humi, toto corpore prostratus, precibusque intentus est repertus. Verumenimvero parui hanc corporis molestiam aestimans, verè egregius, ac sanctus iuuenis, adeò in sese ipse sæuiebat, adeò multis in rebus innocentem, ac delicatam carnem

Carnem domat. suam vexabat; ut cum non *carnem spiritui* subiugare, quod ab Apostolo traditum esse *diuina litteræ* perhibent; sed penitus in carne sine carne viuere voluisse putares, equidem in respuendo, & contemnendo blandissimas dominas cupiditates constantissimus; in refræ-
Gal. 5. nando omnes illicitæ voluptatis illecebras vigilantissimus; in abstinentia à cibo, & potu religiosissimus, in somno, cæterisque rebus eiusmodi, atque carnis commoditatibus parcissimus fuit. Adeò in aula regia non aulicum, aut stirpem regiam degere, verùm in Claustro, religiosæ disciplinæ assuetum Christi athletam,
Infirmus etiam vitam instituire arbitrare. Ac de hoc rigore vitæ, etiam dum morbi vis eum lecto aliquando affixisset, nihil omninò remittebat. Quadam vice, dum à Medicis iuberetur diebus interdictis ab Ecclesia, lacte, & similibus vesci,

vesci ; adduci nullo pacto potuit , vt obsequeretur eorum consilio , & recuperandæ sanitatis gratia , vel latum vnguem à sanctissimæ Matris Ecclesiæ placitis descisceret. Quam tam raram nobilissimi iuvenis, atque singularem erga sanctissimam Christi sponsam observantiam , ea est ratione diuina bonitas remunerata , vt nihil neque abstinentiæ rigor inualetudinem corporis promoueret ; neque huius imbecillitas , animi alacritatem , atque perfectæ vitæ studium retardaret. Quippe qui , numine reuelante , iam didicerat , neque infirmitatem istam menti nocituram , & humana remedia , si quæ essent , nequiquam profutura. Ad hæc eximias eius virtutes , summa, quoque agnitudo tempore , patientia , & dolorum omnium contemptus accedebat. Et verò si loquendum quidpiam erat , id nequaquam faciebat , nisi vel de rebus pijs , ac cœlestibus , vel de ijs, Modè.
sua ser-
monis. quæ documento , aut emolumento cæteris essent , loquendi copiam haberet. Hinc nihil vnquam ipse , quod alios offenderet in colloquium adducebat ; & si in aliquem in eiusmodi termocinationibus occupatum incideret , amicè corripiebat , pertinaciter peccantes, etiam seuerioribus verbis castigabat: ac si non à proposito desisterent , vt quamprimùm eiusmodi mortales aula regia prohiberentur, apud optimū parentē nullo negotio efficiebat. Huic igitur tantæ nobilissimi, ac sanctissimi Prin- Religio. cipis virtuti par in Deum religio, in assertorem, ac vindicem salutis nostræ, Christum fides, in Sanctam Ecclesiā Catholicā, ac Romanam, orbis magistrā, extitit reuerētia.

Quarum rerum habemus etiam hodiè in cathedrali Ecclesia Vilnæ luculentum testimonium, *diploma*, inquam, illud ipsum habemus, quo, huius impulsu, Rex tenerissimè cauerat, ne qui è gente rustica, ab unione Catholicæ, & Romanæ religionis desciverunt, templa, vel noua erigere, vel vetustate collapsa restaurare possent. Longum est dicere, quod alijs in rebus, quamque sollicitè diuus Casimirus integritati religionis, ac Ecclesiasticarum legum obseruantia se totum impenderit. Cuius tam singulari industria effectum est, vt nullæ eo tempore diuersarum opinionum, atque errorum lernæ capita erigerent, quin confestim vigilantissimi Principis acinace demeterentur. Huic porro in Deum tantæ religioni, & charitati, non inferior parte altera in proximum amor, & commiseratio respondebat. Quanta enim hic diligentia quosuis inopes subleuabat, iacentes erigebat, afflictos recreabat, oppressos liberabat, omnes denique quibuscumque aduersè fortunæ telis expositos iuuabat. Hunc enim viduæ tutorem, pupilli parentem, egeni, & afflictî consolatorem vocitabant. Namque ea erat humanitate in singulos, beneuolentia in miseros, clementia in subditos, facilitate in viueros, vt vtrò, si quid à se præstitum vellent, obuios quosuis interrogaret, causas susceperet, ageret, atque perageret. Qua tam incredibili atque inusitata charitate, atque prudentia, singularem ab omnibus gratiam inibat; & cum has, aliasque ob res, ad regnum administrandum iudicaretur aptissimus, id non modò non ambiebat, sed etiam

Charitas
proximi

sed etiam à parente, alijsque regni Proceribus oblatum, constantissimè respuebāt. Cæterùm ea semper integri-^{Castitas.} tate, & animi, & corporis fuit, vt complures viri grauiissimi, qui nobilissimo Principi vel à secretis, vel à cubili fuerunt, (vt interim medicorum spiritualium, quibus ille animæ suæ salutem concredidit, & testimonium taceam) constanter asseuerare minimè dubitarent, eum & toto, quo vixit, tempore, castum vixisse, & castum virginem mortem obiisse. Quod illorum testimoniū ipsa mors videtur admirabili quadam diuinæ providentiæ dispensatione comprobasse; constat enim. cum potius vitam, quàm hunc inuiolatæ castimonix nitidum florem amittere voluisse. Qua vna in re, non solum à medicorum præceptis, verùm etiam parentum suorum monitis, quorum imperio cæteri parebant omnes, vni sibi discedere licitum esse existimabat. Et cum illi in hoc negotio pertinaciter sese gererent, cum instantissimè ab eo efflagitarent, vt vitæ tutandæ causâ, tori virginis consortium admitteret, (id enim vni cum medicorum consilio morbi remedium supererat) illos hic castissimus iuuenis piè increpabat, seque asserens. aliam vitam nescire quam cum iactura eiusdem, vitam mortalem prorogare malebat. Quocirca in dies ingra-^{Mortis præcursus.} uescente morbo, postquam diem obitus sui præsensisset, cumque coram altantibus prædixisset, sanctissimus, ac verè Regius, adolescens armis spiritualibus sese ritè communijs, sacramenta, inquam quæ morituris administrari solent, religiosè percepit; ac demum

Christi

Moritur
pic.

Christi crucifixi effigiem manu tenens, intentisque oculis intuens, dum solemnia illa Regij Vatis sæpius iteraret verba, *In manus tuas Domine, commendo spiritum*

Pfal. 30.

meum, dum in extrema illa vitæ, & mortis lucta, precibus lacrymas misceret, voce pariter, ac vita deficiente, in Vilnensi arce, anno à virgineo, & salutifero partu,

1484.

millesimo, quadringentesimo, octogesimo quarto, die Martij quarta, illucescente aurora (qui etiam annus Xysti quarti Pont. Max. vitæ, simul & Pontificatus ultimus fuit) æquissimo animo obdormiuit in Domino. Cuius, eodem tempore, ab omni immunem peccati labe animam complures fide dignissimi homines, à beatis mentibus in cælum clarissima circumdatam luce, deportari conspexerunt. Vixit annos viginti quatuor menses quinque. Sepultus est, quàm decuit Regis natorum honorificentissimè, in æde Pontificia, Vilnæ, Sancto Stanislao Martyri sacra, in sacrario Beatæ Mariæ Virginis, quem ipse sibi vivus sepulturæ locum designarat.

Sepultura.

Forma
corporis

Erat sanctissimus iuuenis, & nobilissimus Princeps, Casimirus statura mediocris, cæsariem gestabat *sub-nigri coloris*, naso æquali, temperati ruboris, facie venusta, & eleganti, incessu graui, & ad omnem modestiam composito ac moribus cum primis affabilis, comisque, vt non obscurè interiorem animi statum, exterior oris, vultus, totiusque corporis habitus, & figura videatur prodidisse. Hic iam, beneuole lector, eius gloriam, & celsitudinem, qua ipsum supremus omnium conditor

Gloria
cælestis.

conditor cumulatissimè decorauit, libeat animo voluere, suspicere, admirari. Qua enim, putas, iuuenem hunc, natalium splendore clarissimum, diuitiarum, potentiaque magnitudine pollentem, virentis adolescentia decore floridum, venustate corporis, & mentis sublimitate insignem, eruditione conspicuum, sapientia, probitate, aliisque omnibus virtutibus ornatissimum, qua inquam, putas iuuenem hunc diuina bonitas gloriæ amplitudine est remunerata? Quia breuem hanc, caducam, & incertam vitam flocci pendit, vitam illi nullis circumscriptam mortalitatis limitibus tribuit; quia inanem mundi fastum contempsit, veram illi in cœlo gloriam donauit, ab exilio eum in patriam reuocauit, è naufragio in portum subduxit, labores eius salutis adipiscendæ gratia susceptos, perenni & dulcissima quiete; & moestitiam, qua Christo, in Cruce pendenti, condolens, sæpè sapius tenebatur, indeficienti gaudio compensauit. Faxit ergo ille animorū parens, vt huiusce felicitatis optatissimæ, huius incedis, qua nec vnquam haberi, nec cogitari amplior potest, capti desiderio, totos nos ad eius imitationem conuertamus: qui & vitæ laudatissimæ exemplo, & ineffabilis præmij magnitudine, coronæ immarcescibilis spe certa, ad sui nos imitationem inuitat.

Consummatus in breui, expleuit tempora multa: placita enim erat Deo anima illius: propter hoc properauit educere eum de medio iniquitatum. Sap. 4.

De Miraculis per eum post mortem editis.

S^{Sanctitas eius.} **E**t si quidem nemo fuit, eo etiam tempore, quo huius lucis vsura fruebatur, qui de eius vitæ integritate, innocentia, de sanctitate dubitaret; eo defuncto tamen, incredibile dictu est, quantis eius virtus est, & vitæ sanctimonia ab ipsorum piorum omnium fidelissimo Agonothete, & remuneratore Deo illustrata prodigijs. Adeò vt difficulter admodum eorum numerus iniri possit, qui rerum admirandarum fama exciti, se ad ipsius sacratissimum tumulum, recuperandæ sanitatis gratia, contulerint, ac quæ voluerant, recuperarunt.

Miraculis claret. Videre enim hic sæpenumerò fuit, non solum cæcis oculorum vsu, surdis auditum, mutis linguæ, claudis pedum; sed quod mirabilius est, nonnullis, quos malorum extremum, mors vita, & sensu priuauerat, & vitæ & sensus bonum, quasi postliminio, diui Casimiri ope fuisse restitutum.

Vrsula mortuis resuscitata. Nam erat puella Vlnæ, Vrsula nomine, quæ superstitibus adhuc parentibus, diem obiit supremum. His mors filię adeò molesta accidit, & gravis, vt à sensibus ipsi penè alienati, præter mortalium communem consuetudinem, magis de vita filię restituenda, quàm de iustis mortuæ soluendis, cogitarent. Quo in negotio, quid agerent? quo se verterent? eum ad hanc rem nulla humana vis, aut industria sufficeret, ad diuinam se conuerte-

conuerterunt; atque vbi primùm divi Casimiri memoria mentem subiit, visi sunt ambo nonnihil respirare; quid multa? votum faciunt, sacrosancta adyta, vbi quiescebat Casimirus adeunt, luctu, & lacrymis omnia complent; clamore, ac precibus sidera feriunt, Casimiri numen & nomen ingeminant, opem implorant, spiritum defunctæ filiæ restitui flagitant. Audiit Casimirus precantes, lacrymas piorum parentum, ac fidem respexit, puellamque mortuam vitæ simul ac mœstis parentibus diuinitus restituit.

Euntes renunciate Ioanni, que audistis, & vidistis. Matth.
Cæci vident, claudi ambulant, leprosi mundantur, surdi 1^a
audiunt, mortui resurgunt, pauperes euangelizantur; &
beatus est, qui non fuerit scandalizatus in me.

Addo hoc loco & alterum, quod & si isto inferius admiratione, ad Casimiri sanctitatem demonstrandam, nihilo tamen minus. Etenim anno millesimo, quinquagesimo, decimo octauo, Moschorum Dux, nostris nihil cogitantibus, atque ex improviso arcem Polocensem non paruis copijs oppugnare aggreditur. Quo tempore, Sigismundo primo, inelyto Poloniae Regi, alijs multis, grauibûsque rebus intento, miles in promptu exiguus admodum erat. Rex igitur optimus bina solum millia ductoribus Gastoldo, & Ioanne Boracynski, aduersus hostes, manum tumultuariam potius quam exercitum, expedit. Abeunt illi, diuinis magis, quam humanis nixi viribus, præcipuè divo Casimiro (quem miraculorum fama celeberrimum effecerat) sua

vota, postulationesque dicando, & certaminis dubium euentum committendo. Post multis fufis ad eum precibus auxilium illius benignum experientur. Quippe in illa expeditione confecto multorum dierum itinere, ad Dunam fluvium perueniunt, vadoque irreperito, vniuersi in littore subsistunt; dumque nimium de transitu sunt solliciti, ecce tibi iuuenis quispiam, albis amictus, forma decorus, & spectabilis, candido vectus equo, ijs se spectandum obijcit, bonoque omnes animo esse iubet, seque Ducem sequantur, imperat. Quæ vbi dixisset, confestim subditis equo, cui insidebat, calcaribus primus in flumen insilijt, vadumque demonstrans, superatoque nullo negotio amne, ad ripam alteram saluus, cæteris inspectantibus, peruenit. Quo viso Poloni milites, rei nouitate attoniti, ijsdem in vestigijs diu hæserunt, neque quousque ille iteratò, vt se ducem intrepidi sequerentur, commonefaceret, loco mouerunt. Tandemque rem diuinitus agi animaduertentes, pleni fide, & fiducia, se cateruatim rapidissimi fluminis, qua parte ille monstrabat, discrimini committunt, atque incolumpes transeunt. Quod cum Duces, Regiusque equitatus conspexisset, iuuenisque interea eorum oculis sese subduxisset, *Casimirum*, *Casimirum* omnes clamitant; eundemque, quem itineris ducem etiam prælij imminentis, supplicibus pro se quisque votis, promotorem, & fautorem exoptant. Neque in vanum militum piorum cecidere preces: nam cum primo signo dato, in hostes, tanto viribus superiores impetum fecissent,

cissent, illos terga vertere, & obsidionem etiam inuitos solvere coegerunt, multosque internecioni dederunt, neque pauciores in seruitutem Moschos abduxerunt. Victoria parta, Poloni diuinam opem agnoscere, solemnem hymnum, *Te Deum laudamus*, canere, *Casimiri* virtutem extollere, remque Regi, simul cum captiuis Moschis, diuinitus gestam, conscriptamque transmittere. Quæ adeò Regem commouit, vt non solum ad ædem factam, agendarum Deo, & Casimiro gratiarum causa, se subito conferret; verum etiam leriam se de Casimiro, in diuorum numerum referendo, cogitationem suscepturum promitteret. Verum quid. cuenit? isthæc minus sedulò fortasse agentes.

Ea sibi, anno sequenti, Moschus, superiori clade immanior, ferociorque effectus, ingentem in ipsam Lithuaniam exercitum, inducit, omniaque, nullo ante indicto bello, flammis, & ferro latè vastat. Quo tam periculoso turbine, ac insperata tempestate perculsis Lithuanis, neque auxilium suppetebat: cum alios hostilis gladius è medio tolleret; alios vorax flamma anima & spiritu priuaret: alios denique in miserrimam seruitutem crudelis hostium barbaries, & barbara crudelitas, malè prius mulctatos, adduceret. Hisce rebus animaduersis, è Lithuanica nobilitate nonnulli patriæ cladem miserati, quoscumque eo tempore tam difficili poterant, conueniunt, seque ad arma sumenda, patriosque lares, & focos, etiam cum vitæ discrimine tutandos, inuicem incitant. Atque paucitas quidem suorum, &

*Victoria
altera in
Lithua-
nia de
Moschiis*

hostium multitudo nonnihil initio est remorata. At ubi memoria repeterent, quod anno superiori, divo Casimiro, Duce, subsidium diuinitus sub Polocia experti fuerant, eiusdem patrocinio freti eius opem omnes implorare; quòd segnius honorem ipsius curassent, agnoscere, culpam deprecari: se, si eis hoc tempore auxilio futurus esset, eius cultum, cœlestemque honorem, apud Sedem Apostolicam diligenter procuraturos spondere. Nec irrita cecidere vota; nam tantus subito animos omnium ad pugnas incessit ardor, ut nemo esset, qui temerarium putaret, duo millia (tot enim ex Lithuanis nobilibus conuenerant) aduersus sexaginta millia hostium objicere. Itaque signum certamini editur, Lithuani, Dei, divique Casimiri nomine, sæpius ingeminato, pugnam ineunt. Nec mora ut primum in hostes nostri irruunt, adest Casimirus, suisque Dux factus, & Archistrategus, in aere, eodem, quo anno superiore, & oris, & corporis habitu, sublimis conspicitur. Lati tali Duce, Lithuani, acriterque cædendo hostes, vigent, instantque. Neque diu aduersa pars diuinam Indigetis Lithuani vim, & numen sustinuit: sed cum ingens aduersarios pavor inuasisset, in fugam conuersi, victoribus Lithuanis terga dedere, ex suis amissis pluribus millibus, ex nostris, Dei beneficio, desiderato nullo. Quæ cum Rex pientissimus intellexisset, eamque tam prodigiola victoriam, vni post Deum Casimiro, ab omnibus, qui rei intererant, adscribi vidisset, ceteras etiam, quas alijs diuersis in locis, eodem tempore, exiguo
vbique

vbique milite, victorias reportasset, fauori & patrocini-
 o eiusdem Sancti Casimiri acceptus referre minimè
 dubitauit. Quare in gratiarum actionem, re diuina in
 templo, solemnè ritu procurata, Rex optimus nulla
 interiecta mora, ad Romanum Pontificem Legationem
 destinauit, curam vt de Casimiro in diuorum numerum
 asciscendo subeat, omnibus modis contendit. Pontifex
 æquissimis Regis Catholicissimi postulatis non inuitus
 annuit, remque Nuncio Apostolico, in Poloniam
 misso, ipsique Archiepiscopo Guesnensi, Ioanni, &
 Petro, Posnaniensi Antistiti, regni Procancellario, de-
 mandauit, qui mira omnia opera, diu Casimiri nutu
 patrata, diligenter, inquisiuerunt, inquisita fide dignis
 testibus stabiliuerunt, atque sic stabilita Pontifici ma-
 ximo Leoni X. Anno millesimo, quingentesimo, vice-
 simo, transmiserunt. Quibus Pontifex sequenti anno,
 in augustissimo purpuratorum patrum consensu, dili-
 genter reuisis, examinatis, tandemque approbatis, di-
 uum Casimirum in numerum Sanctorum adscripsit;
 quem postea Clemens Papa Octavus, per totum Polo-
 niæ regnum, & magnum Lithuanie Ducatum, aliasque
 omnes Provincias, ipsorum ditione subiectas, duplicis
 officij ritu, ab omnibus publicè, priuatimque coli, &
 celebrari, anno millesimo, sexcentesimo secundo con-
 cessit, vt latius in *Breui Apostolico*, de hac re authenticè
 profecto, licet videre. Hæc de *vita S. Casimiri*, hoc
 loco referenda esse censuimus. Cætera, quæ ad sola
 miracula pertinent, libenter omisimus: quæ tamen ab
 alijs,

S. Cafi-
 mirus à
 Sede Ro-
 manæ
 canoniz-
 atus.

15202

1602.

alijs, qui ea cognoscere cupiunt, ab auctore suo facile peti poterunt. *Vita*, à Venerab. viro, Gregorio *Suue-*
ciski, Ecclesiæ Cathedralis Vilnensis Canonico, ex
bonis auctoribus, cum fide descripta.

Ecli. 44 *Laudemus viros gloriosos, & parentes nostros in ge-*
neratione sua. Multam gloriam fecit Dominus magnificentia
sua à seculo. Dominantes in potestatibus suis, homines magni
virtute, & prudentia sua præditi, nunciantes in
prophetis dignitatem prophetarum, & impe-
rantes in præsentì populo, & virtute
prudentiæ populis sanctissima verba.

F I N I S.





